





Aus Berg und Thal.

Bilder und Geschichten

aus dem

Schweizerischen Volksleben

von

Josef Joachim.


Drittes Bändchen.

Enthaltend:

1. Uf em Hübeli.
 2. Verfunet und doch die Rehti.
 3. Des Stück Schuelmeisterlebe.
-

Olten,

Druck und Verlag des „Oltnen Tagblatt“
1885.



1.

Me het em 's Juheehübeli gseit.
's Juheehübeli — wül's so schön höch glege
isch, mit em Rücken a Frieniswald, gegen Oben a Channe-
büel, nidfig a Schwendichrache. Sunnigts aber isch die
prächtigsiti Aussicht gsi — und isch sie au hütt no — i 's Dorf
abe, i d' Ebeni: uf die schönen Obsegärte, wo die großen
und chlyne Buurehüüser mit ihre rothen und bruune
Fenster druus nje luege und dr mächtig Chilchsthurn, mit
sym glitzerige Blechmänteli uf dr Achse; uf die wyte
Zelg- und Gemeinsmatte, so ebe wie ne Tisch; uf die
fruchtbare Felder, die Bäch und Heeg, Steg und Weg
bis überen a Berg: uf die Höf und Dörfer Land uf
und ab.

S' Juheehübeli — wül früher, zue olte Zyte, dr
Geißhirt sy Heerd druf ghüetet het, und d' Buebe g'johlet
und g'juuzget hei vo Morge bis Nacht.

S' Juheehübeli — wül später dr Heimischuehmacher
nes Hüüsli druuf bouet het und wüll — doch das wei
mr mit Verlaub es Bizieli gnauer erzelle.

Also het dr Heimischuehmacher es Hüüsli druuf bouet.
Und das het si au so zutreit, wie no Mängs uf dr Welt.

Es isch nämlich e Zyt cho, wo me gfunde het i dr Gmein inne, es syg nümme schicklig, aß die achzg nünzg Schuelchinder länger i 's Schuellehrers Strouhütten ine schlüüffe, scho wege dr enge nidere Stube und au wege 'm vile Rueß, dr Feisteri. Drum het me beschlosse, nes schöns lustigs, neus Schuelhuus z' boue, nooch bi dr Chilche, z'mitts im Dorf. — Nooch bi dr Chilche, z'mitts im Dorf — do isch fei anderi Glegeheit gsi und feis schöners Plätzli, as em Heini'schuehmacher sy's Heimetli, es Hüüsli olt und gwaggelig, eberecht zum Abryße. — Was witt drfür? het's gheisse. Dr Heini, gar nit fuul, seit: Mins Heimetli, das verchauft i nit! Doch vrtuunsche thuen i's: Dir gät mr s' Gmein hübeli drfür, s' Zuheshübeli, und Holz zum boue und so und so viel Geld. — —

So und so viel Geld — dorum het se si ebe zlegt no ghandlet. Doch endligen isch mr enig worde bi Wy und Wurst, wie's brüüchlig isch bi settige Händle. Und dr Heini het i s' Füllstli glachet und denkt: S' isch fei ible Schick, my See! — — —

Ne fröhligeri Huut het's feini gä, wyt und breit, as dr Heini uf em Hübeli, im neue Hüüsli!

Wien 'r do im heitere saubere Stübli gessen isch und s' Feder klopfet und d' Vöcher gstoche und d' Dröht pechet und use gluegt. het i 's wyte Thal, uf die grüene Matte und Baumgärte, und d' Vögeli fört het pfsye im nooche Buechwald äne, uf de Bäume, i de Stunde, zantume, do het au er aso singen und pfsye, eis Gsäzli um 's ander, aß mr 's wyt fört het unden im Thal. Und isch d' Frau cho säge: „Aber, Heini, schäm di au, so z'haseliere, du, ne bstandne Ma!“ — so het 'r druuf g'antwortet:

„Los, Bäbi, los! Sett i öppe fenne und muunge?
Gieng's de bas? Jöre nei, viel schlimmer!

Gjang und Klang git früsche Mueth
De schafft me ring und rueihet guet.
Und d' Sorge, wenn si ine wei,
Verschlücht me mit keim Jerehei!
Do brucht's nen andri Medizin,
Die chaust me i keim Chloster in;
Das isch dr Fhß Johr us und y —

und e Fuchzer obenuus — Zuhei! — Oder sott i, wenn
i brav schaffe, nit au lustig dörfe sy, do obe, uf em
Hübeli? My Großmuetter selig, nes gebornigs Gulde-
thalerchind, isch nüünzg Johr ost worde, jo nüünzgi uf
e Tups! Und wenn me si gfrogt het, wie si 's au agstellt
heb, für so ost z'werde, het si grad 's Rezättli agä: J
ha dr Chummer nie über 's Strumpfbändli ufe gloh.“

Dr Heini aber isch nit Nüünzgi worde, nit emol
recht Bierzgi.

Do het nämlig sy Schwester Künigunde 's Nerve-
fieber übercho. Sie het bi ihrem Schwoger gwohnt im
Nied. „Bäbi“, het dr Heini gseit, „wettisch nit au
einißch go luege, was d' Gundi macht? D' Schwögeri
isch im ene Zuestand, wo mr nit Alls ma vrlhyde, die
Alti a Chindesstatt — 's isch Christepflicht, aß mr do
unshilft. Z'Nacht de gohn ig!“

's Bäbi isch go unshelfe. Und überchummt dr Gruuse
und bringt 's Fieber hei. — — —

Au dr Heini leit 's i 's Bett.

Und i siebe Wuche, won 'r wieder zum Brstand
cho isch, und luter fröndi Lüüt gseh het umen ume,

het 'r groözi Auge gmacht und gfrogt: „Wo isch my Frau, 's Bäbi?“ Do hei d' Lüüt enand verlegen agluegt; und 's Lunzi's Grit het gseit: „Si isch zum Chrämer gange — — Bisch du nume rüeihig, Heini, und schlof, das thuet dr am beste!“

Aber dr Heini het nit welle schlofe, „Bäbi! Bäbi, wo Bisch?“ So het 'r gruefe und fei Rueih meh gha, nümm im Bett welle blybe. Endlige, z'Obe, het em 's dr Pfarer gseit, so hübscheli hinte dure: „'s Bäbi isch im Himmel — — Schick di dry, Heini, und denk 's isch Gottswill gsi!“

Und dr Heini het si dry gschickt. Das heist, er het feis Wort me gseit, nume so furios dry gluegt. Z'Macht het 'r wieder aso fiebere, stärker as nie und „Bäbi!“ nüt as „Bäbi!“ gruefe. „Bäbi, je wart mr doch, i chumme jo au!“ — Und am nüünzte Tag het au 'r d' Auge zuetho, für eister.

Und d' Lüüt hei gseit: „Bi aller Fröhligkeit, — ne brävere Ma het's keine gä, wyt und breit! So friedlig, gschaffrig und huuslig! Geb em Gott die eebig Rueih!“

Druuf isch 's Inventari zoge worde über Guet und Schulde. Do het si vorgfunde: Das Hüüsli mit sant drüü Maad Fuheehübeli — Werth dreituufig Franke, viellicht au vieri. Nes Chüehli und nes Geißli und Schiff und Gschirr und Huusroth und Grümpel aller Art — macht wieder tuufig Franke. Drvo ab d'Schulde: zwöituufig Franke, blyht so und so viel, hei die Here grechnet.

Ferner zwöi unerzogeni Chinder, 's Buebli vieri, 's Meiteli drü Jahr alt. „Was si die werth?“ frogt dr Amme.

„Nüüt!“ seit dr täubbelig Seckelmeister. „Die cha mr zue de Schulde rechne; de sie werde müesse vrchoft-geldet sy. Und wenn einisch 's Vermögeli nümme längt, goht's uf d' Armekasse los. Wie wett au d' Gmein chönne huuse däweg?“

Em Heini sy Schwester, 's Gundi, het si drwyle wieder ordli ebchymt gha vo ihrer schwere Chranket. Grad isch sie 's erst Mol wieder a d' Sonnen use gange, i 's Gärtli vor em Huus — herrje, wie mager und bleich! Do chumt dr Amme 's Fueswegli ab und dr Gemein-schryber mit 'm Brodikol und göih vrby. „Wo sy sie ächt gsi?“ frogt 's Gundi.

„Uf em Hübeli obe, i 's Heinis Huus“, seit 's Noochbuuren Anni. „Die Sache werden am Donnstig vrsteigeret, 's isch vrlese worde. Und wer d' Chinder a d' Chost well näh, sell si bim Seckelmeister melde — — 's isch au grüski, so jung und fei Vater und Muetter meh!“

„Was du nit seisch!“ seit 's Gundi und thuet d' Auge wyt uuf.

3'Nacht het 's gar fei Schlof chönne finde, het gstuumet ohni End, au mörnderisch no, dr ganz Tag. I dr Chiltnacht chumt d' Schwögeri i 's Chämmerli ine und meldet: „Dr Josef isch do — — Was sell em jäge?“

„Säg, i sig go schlofe. Er sell morn de cho — i löih en grüesse! Dä guet Josef!“ süüfzet 's. „Sit nüün Johre isch 'r zue mr cho i Lieb und Tren — — Het ghuuset und graggeret Johr us und y, für öppis z'säme z'bringe, und geduldig gwartet, bis d' Schwestere gmanet hebe, aß 'r my chönn ine näh, i 's Huus. Jetzt hei sie gmanet, sogar d' Susanne mit ihrem giftige

Muul het no Einen übercho — erbarm Gott dä Tschumpel-
hans — — — Jo, müin Johr het 'r gwartet, dä
guet Josef, und mr d' Händ unter d' Füß gleit und
si schier hinterfinnet währed myr Chranket! Jetz, won i
wieder e Chli hergstellt bi, wird 'r welle cho froge um
's Wort — — grad jetz, wo das grüüsig Unglück
ytreten isch bim Heini! Wege mir isch d' Frau, wege
dr Frau isch dr Heini chrank worde und ligge beedi teuf
im Grab. Und die zwöi arme Hübeli si Weisli, setten
bi frönde Lüüten umegstoße werde — nei, nei, das chan
i nit zue gä, um Yh und Sterbe nit — — — Aber
was sell i em Josef säge? Sell ig de uf alli Viebi, uf
's ehlig Glück vrzichte, für alli Zyte? — Z'erscht dr
Läubizimmerma — mr sy scho vrsproche gsi, ig nes
jungs fröhligs Bluet, er ne Burscht wie ne Flueh, hübsch
und gflingg wie selten eine. Do fällt 'r abe, vom huus-
höhe Giebel — muustod! Du lieber Gott, wenn i dra
denke, goht mr jetz no ne Stich i 's Herz. So lieb,
wie dä, isch mr halt doch keine meh worde — — —
Achtetdrißgi, scho achtetdrißgi — und jetz, wo dr Weg
endlich g'ebnet und Alls zweg isch, chunnt das! Uf einer
Zyte die Chinder, wo kei Muetter me hei, uf dr andere
dä guet Josef mit sym Hurothsantrag — o du heiligi
Muettergottes, roth mr doch!“

Und am Morge druf isch 's Gundi zum Amme
gange, trotz aller Müedi und Schwächi.

„Dr wellest i 's Heinis Chindere ihri Sach vrchaufe,
Her Amme?“

„Jo, grad morn. So isch 's agsetzt.“

„Thüeit das nit, Her Amme, i bitten ech!“

„Jä, i Gottsname, was cha mir anders mache?“
D' Chind si chlei, und niemer do, wo zue ne luegt, und
zue dr Sach!“

„I g wüll zue ne luegen, ig!“

„Wo denksch au hh? Du wotsch jo hürothe, han
i g'hört, i churzer Zyt“ —

„I thue 's nit, thue 's nit, de Chinde z'lieb!
Wüll ne Vater und Muetter sy!“

„I sch 's müglig?“ seit dr Amme und luegt das
Meitli mit großen Augen a. „Wotsch uf alli Freud ver-
zichte, ganz und gar? Bsinn di wohl, Gundi! Es
bruncht es chächs Herz und e große starke Mueth —
Bsinn di wohl!“

„I ha mi bsunne, Her Amme, die ganzi Nacht
— — Und wo 's Früehglöggli glüütet het, hüt morge,
und i betet gha ha zue dr heilige Jungfrau, do isch mi
Entschluß gfaßt gsi: Ih go i 's Hüüsli use, uf 's Hübeli,
zue dene zwöi Chindere! Sht so guet, Her Amme, und
vertrauet mir si a, Alls, was dr Heini selig hinterloh
het. I wüll drzue luege, Tag und Nacht, und my Chraft
und my guet Wille dra seze — — — Gstöiht mer 's
zue, Her Amme, i bitten ech!“

„Du bisch nes haudentisch bravs Meitli!“ seit dr
Amme grüehrt. „Es sell di, was do thuesch, nit greue,
es sell dr Sege bringe!“

2

So isch de 's Gundi uf 's Zuheehübeli zoge, mit
sym Bett, mit syr Sach. —

Am Brünneli vor em Huus wäscht's Chindsstrümpfli

und Himmeli, und denkt drby Allerhand, wie's öppe chunt: A die Chinder, wo nebezue im Gras umerülze und d' „Tante-Gotte“ scho ordli gwohnet sy — — a ihre Brüeder Heini selig, wo das Heimetli gründet het mit Flyß und Sparsamkeit. „Wenn 'r si gsääch, 's Gundi und die Chinder binand, gwüß thät 'r si rechtschaffe freue; und ere danke — — — 's denkt au a Jokeb und süßzget schwer: „Was macht 'r ächt, was denkt 'r ächt? 's Herz het's em schier versprengt, won em abgjeit ha, oheye —“.

Do stoht dr Jokeb neben anem, wie zum Boden nus gwachse.

„Jesis! wie hesch mi au erschreckt!“ seit 's Gundi. Au het's würklig recht rothi Bäckli übercho. — „Wo chunsch her? Wo wotsch hy?“

„Won i her chumme? Grad vo Heimet dur e Wald. Won i hy well? Halt zue dir!“ seit dr Jokeb. — „Gundi! i cha nit von dr sy! Mr wei hüürothe — — Und ig chume do ufe, uf 's Hübeli. Die Chinder sellen au mini Chinder sy!“

's Gundi schüttelt traurig dr Chopf. — „Weg Jokeb, 's cha nit sy! Schick di drh — — — Mit de Chinde — da 'sch gly gseit, aber schwer zholte, bsunders, wenn zwöierlei umelaufe thäte — — Nei, nei, Jokeb, 's cha nit sy! Au han i 's em Amme versproche, versprochen em Liebeherget, im stille Gebet — — Du duuresch mi, aber 's Schicksal het so welle ha, aß ig sell lidig blybe. Du aber, thue du nume wybe! Chunst sauft en Anderi über, ne bravi, hübschi, granschierti, so ne dölle hüßlige Burscht, wie d' eine bisch!“

„Nei, nei!“ seit dä olt Schnab unwillig. „Wotscht Du lidig blybe, so blyb ig's au — do hesch d' Hand druuf! I tuusche nit um d' Schätz, wie d'Bueben um ihri Chappe. Dofür bin i z'olt worde — — — I goh hei und huuse mit myr Muetter furt, wien i cha und ma. Und hesch du Hilf nöthig, Gundi, sig's was 's well, im Holzen und Mäihen und Säye — mach mir Bricht! Für dy spring i dur 's Föür dure zue jeder Stund!“

So isch 's denn au gange furta.

Uf em Zuhüheli, dr früechere Geißeweid, wachst jetz Gras, gar schöns und chräftigs. Us dem Gras, wo dr Jokeb und 's Gundi zsäme mäihe, git's gar duftigs Heu, nes ordligs Stöckli, grad gnue für's Chüchli und 's Geißli.

Scho dr Heini selig het die Hasel- und Reckholderstunde ausgrüüet und jungi Obsbäum hipflanzet, uf em Hüheli ume, und Spöhuherd drzue tho und feißi Gülle. Die Bäum si gwachse zum Brstuune und trybe scho Bluest.

Aber ebe so schnell wie d' Bäum, si au die zwöi Chinder gwachse, und hei grülzt und g'juzget und glachet und sy gsprungen und gumpet schier dr ganz läng Tag, aß 's e Freud gfi isch zuege. Und die größti Freud het 's Gundi gha. „Gott bhüets!“ het's gseit, zum tuusigste Mol, de si sin em bereits so lieb gfi, wie wenn 's sini eigene gfi wäre.

Dr Heireli gar, da 'sch nes bsunderbar hübsches, aufgeweckts Buebli gfi, wie nit bold eis; es fröglet ohni End, Tanti das, Tanti dieses, und isch so gwunderig

und wüll Alls wüßse, wie's ne Bschaffeheit heb, aß die gueti Tante mänggisch nit weiß z'antworte.

„Dört dr Mon,“ frogt 's Buebli — „was luegt dä ein eister a, so gspässig? Und ei Backen isch em gschwulle — er wird denck au Zahnweh ha, wie du, Tanti, die letzchti Wuche? — — Und dr Ma drin — isch 's wohr, het 'r Holz gfreuget, nom Betzhtliüte, und cha jetz numm vom Fleck, sit viele hundert Johre nit — isch 's wohr, Tanti? Und die Sternli alli, groß und chly, was thüei die dort obe, Tanti? Worum glitzeren und zwitzere sie so häl?“

„Das si“, seit d' Tante, „die viele taufig Engeli, won is mahnen und winke, aß mr selle zue ne cho, i 's Himmelrych. Au dy Vater und Muetter si dört und luegen obenabe, öb dr witzig siget und brav und fromm, du und 's Anneli. —“

„Köre si 's au, Tanti, wenn mr wuest thüei und händle?“

„Allweg jo! De briegge sie und chlage 's em liebe Gott; und dä seit zum Schutzengeli: Paß mr auf und jäg mr's gschwind, wenn sie em Tanti nit folge! De chöne sie am Christkindlistag feis Chröömli über.“

Do seit 's Anneli lyfeli: „Gel Heireli, mr wei ömel schön folge!“

Dä aber het si Gwunderfig schier nit chönne stelle. „Dört änen uf em Berg,“ frogt 'r, „z'oberist obe — isch's wohr, Tanti, si dais Soldate? s'Michels Gregori het's brichtet.“

D'Tante lachet und seit: „Nei wägerli nit, dr Gregorli het leß. Das si grossi längi Tanne, wo übere

Berg uus luege. Soldate — was meinsch au, Heireli, die möchte's jo nit vrlhyde, dört obe zstoh, zuer Winterszht, im teufe Schnee, oder wenn dr Byswind goht!"

"Und selb dört, uf däär graue Fluh — isch 's wohr, isch däs es Schloß?"

"Jo 's isch wohr."

"Do bruucht's ne große Schlüssel dzue!"

"Du Marli," seit d' Tante und lachet überlaut, „das isch keis Schloß für Thüren und Thor! Nes Huus isch's, nes großmächtigs Huus, mit Mauere so dick wie eusers Heustöckli, mit enge Fensterere und teufe gruusige Chellere. D' Stei dzue hei d' Buuren uf ihre Büggle müesse zueträge und desgluche die schwere Träm. Und für's Pflaster azmache het me dr Schweiß vo denen arme Lүүfle gno, drum isch's au so hert worde wie Stei — — — Und drinn hei d' Grose gwohnt."

"D' Grose? Was isch das?"

"Weiß selber nit, wien i 's säge sell — — —

Also die Grose si Adeligi gsi. Und die Adelige hei gemeint und meine's z'Plägewys jetz no, dr Herrgott heb zwo Klasse Lүүt erschaffe, expreß, eini as chönn befehle und gnieße, die anderi wo müeß folgen und schaffe und faste. D' Buure hei si würklig nume für Beh gholte und si plogt und uusgjugget bis uf 's Bluet."

"Si sie denn au gstorbe, Tante? Und hei sie dört obe dr gluch Himmel, wie mir? Oder öppe ne bsundere, fürnemmere?"

"Im Himmel", meint d' Tante, „wird's wohl kei großen Unterscheid sy. Die einzige Frog isch's nume, wer ine chunnt oder wer müeß duße stoh. De dr Herr-

gott könnt sicher nume zwöierlei Rüt, die Gueten und die Böse; und wohl müglic, aß die, wo do unte höch obe gseße si, uf em Aefte vo den arme Buure, dört z'unterisch abe chöme, recht teuf abe — —“

„E großi Noth isch gfi mit em Wald, wo nordsyten a das Hübeli grenzt. „Loset, Ghinder, göiht mr nit dört ine!“ So het dr Tanten ihres Vrbot gluutet und drzue het si no dr Zinger uf gha.

De, wenn dr Heireli de Geiße glaubet het em Waldrand noh und ine gseh het dur die dicke Hasel- und Wyßdornstuude i das stille Heiligthum ine, die viele Bäume mit de höche Stämme und em schattige Laubdach, wo d' Sunnestrahle nume ganz vrstohle hei chönne dure dringe und uszgseh hei wie glitzerigi silberigi Streipfe; und am Bode dä grünen Miesch, wo 's gwüß so schön und lind druff z'rülze gfi wär — do het's en schier bi alle Hoore zoge.

„Heireli, was gsech?“ het einisch 's Anneli gfrogt.

„Chumm lueg au!“ antwortet dr Heireli. Und au s' Anneli chneuet a Bode, und Beedi stecke 's Chöpfli dur die Stuude dure und luege schier d'Augen us.

„Ach Gott, wie schön!“ seit 's Anneli. „Wenn me numen au ine dörft!“

„Jo, wenn me dörft!“ süßzget 's Buebli. Doch schlüüft 's eister wie wyter ine, dur das Gstüüd, ganz fätteli — — — und 's Meiteli uf und noche. Jek si sie dinn — ach wie chlopfet ne 's Herzli — worum? 's isch bald errothe: d'Tante! —

„Sie gseht 's ja nit“, meint dr Heireli, „sie isch jo im Bohnepätz, und au d' Sternli schyne nit — —“

Sie hocken unter dr erst best Baum, ne mächtig dicki Sich, i 's linde Miesch; und luege linggs und rechts, schier d' Augen uus. Am Bode, chunm paar Schritt wyt, stöih 's Blüemli, wyß und zagget, ohni Zahl, Waldmeisterli im schönste Bluest.

„Wem si sie ächt?“ froget 's Anneli glustig, „denk em Amme — — — O, es si so viel, er merkt 's jo nit, lueg dört und dört, so wyt me gseht!“ — Und 's streckt 's Händli uus und gwünnt nes ganzes Hämpfeli und setzt si nieder zum Brüederli, wo dr Amsle zuelost, wie schön si singt dört oben uf em Baum im grüene Zwyg, und em Specht, wien 'r chlopset, e Büchjeschutz wyt, am Eichenstamm. „Wunderlig“, denkt 'r, „wie wunderlig!“

Druuf gschaue si die Meieli und schmöcke dra und flechte Ehränzli — doch, was isch das? Dört dur die Waldbäum dure, 's mieschig Wegli ab, chunnt es gäls Thier cho z'laufe, nei cho z'gümperle, so groß, so wohl so groß wie d' Katz drheim, der olst Maudi! Mit länge breiten Ohre und eme Muttschwänzli, wo 's vrwegen i d' Hööchi stellt — — Jetzt steht 's still, macht 's Männli strüüßt d' Ohre und luegt die zwöi Chinder mit syne Bolaugen so böhmisch a — —.

„Jesis!“ rüeft 's Anneli und nimmt sye Brüederli erschrocken um e Hals ume. Aa em Heireli wird's uf ei mol süttig heiß vor Angst und Schrecken: Oben an em ruuschet öppis, und wien 'r i d' Hööchi luegt, gseht 'r am Eichenstamm obe nes bruuns Thierli hange, mit em e spitze Schnörkli, spitzen Dehrlene, nem große ghoorige Schwanz; und 's luegt mit syne bruunen Auge so vrwegen obenabe — —.

„Jesis!“ schreit jetz au dr Heireli, ganz erbärmig, und springt uuf und drvo, was gisch was hesch, 's Anneli ruf und noch, dure Stundehaag dure; sie achte weder Zwng no Dorn — wenn si i Gottsname nume duße sy, us dem grüslige Wald, wo so schröckligi Thier huuse. Und Laubsack hy, Laubsack her — sie springe mit leere Hände hei zue, und erst wo si hinterem Dse hoche, im sicheren Eggeli inn, dörfe sie wieder herzhast schnuusen.

Wo d' Tante mit dr Haue hei chunnt, frogt sie: „Was isch gange, Ghinder? Dr gseht jo so ergelsteret und vrzuust uus, wie d' Hühner, wenn dr Tübevogel unter sie gfahren isch! Und du, Anneli, bisch ganz verchrixt a Gsicht und Händlene — use mit dr Sproch, was isch gange?“

Do hei sie bychtet! „Gseht dr“, seit d' Tante und het 's Lache schier nit chönne vrwehre, „gseht dr, wie 's goht, wenn me nit folget!“

3

Dr Spotherbst chunnt, de Martistag, und dr Heireli sett i d' Schuel. D' Tante goht selber mit, denn er fürchtet si fast vor dene frönde wilde Buebe. Sie bringt em Schuelmeister nö früschi süesse Nieslewaähe, aß 'r ömel süüßerli umgöih mit dem zarte Buebli.

Im Heigoh goht sie bi dr Schester vrby. Dört vrnimmt si allerlei: Wie chrank dr Olttschuelmeister sig; aß 's Metzger Toni's nes Ghind übercho hebe; und d' Verlobig vo 's Becke Marelli. Au 's Bammerts Maribäb sig druf und dra, z'hüürothe mit em Wagner-

dursli. Sogar vom Wegmattursi werd gredt, 's werd
abfahre, das Advent no, mit sym Niederämterchnab.

„Als hüürothet!“ jüüfzget 's Gundi vor anem ane.
„Mir ellei — mir ellei isch 's verseit — i Gottsname!“

Es macht em doch no Müeih, so dann und wann!
Und deheim, wo 's am Spinnrad hocket, und 's
Anneli mit em Dotti gfätterlet, chunnt em das Lied i
Sinn, wo 's albe gsunge het mit 's Hechler's Martha:

Es Meitli goht i Stuudeschlag,
So muetterseeleslei;
Es sinnt und stumt ne ganze Tag
Und hocket uf em Stei.

Am Rain do blüeihe d' Blüemeli
Do gseht me häl und wyt,
Do wachje süezi Beerele —
Das Meitli gseht si nit.

Jetz us em Busch ne Jäger chunnt,
Mit Pjhl und Hirzegweih,
Vuegt aben i dä sunnig Grund,
Gseht 's Meitli uf em Stei.

Er lüpfst sy Huet vor luter Freud
Und juuzget lunt drby:
Grüezi Gott, du allerschönsti Maid!
Wotsch du mys Schätzli sy?

I führe di i 's schönste Schloß,
I kleide di mit Pracht,
Muesch ryten uf em schönste Roß,
Chanich Freud ha Tag und Nacht!

Das Meitli seit: Ne dunkli Zell
 Ich künſtig jo mys Schloß,
 Ne Chutte runch, nes hölzigs Gſtell
 Mys Prachtkleid und mys Roß.

Mh Vater het um Geld und Guet
 Ne ſchwere Meineid tho.
 Jetz, won en 's böje Gwüſſe quält,
 Sett ig i 's Chloſter goh.

Das iſch ne ſchweri, herti Bueß,
 Drum thuet mr 's Herz ſo weh,
 Daß ig vo allem ſcheide mueß,
 Mh Schatz ſell nümme gſch — —

„Zwar,“ denkt d' Tante, „grad ſo ſtreng chlöſterlig
 gſeht's hie obe nit aus. Aber myde mueß i doch mängs,
 myde grad was mr 's herzliebſte wär — — — Furt
 mit däm Gedanke, 'r macht mr nime 's Lebe ſchwer.
 Wüll's vergeſſe, vgrabe i teuſſt Herzensgrund. Und einiſch
 de, wenn 's ausglitten und usgſtritten iſch, wird i im
 Himmelrych au nes Bruntchränzli übercho, vom liebe
 Hergott ſelber.“ —

Dr Heireli goht ſlyßig i d' Schuel.

Und z'Obe, wenn 'r i dr Bibel lieſt: „A—A—
 Krei—de, M—M—Mei—Meiſe, H—H—Hu—hu“, do
 luegt en de 's Anneli andächtig a und denkt: „Ach, wie
 glehrt!“

Sogar dr Schuelmeiſter ſeit, es ſyg 's wiſigigſch
 Büebli i dr ganze Klaſſe, em Anime ſys natürlig ausgnoh
 vo Amtswege.

Au i dr Chindelehr weiß das Büebli gar guete

Bischof und het vom Vikar scho nes Bildli übercho, dr Sant Heinerich mit der Kaiserkron — er gäb 's nit um tauusig Gulde!

Wie 's aber zum bychte jett goh, soht 'r grüüslig afo briegge: „I darf 's nit säge, i darf 's nit säge!“

„Was de, Chind?“ frogt d' Tante mitlydig.

Do seit 'r endlige: „He wege Traß und Böllerei — — wege 'm Opfelwegge, färr am Santiflaustag, wo mr so Bunchweh gmacht het! Gwüß thuet 'r mi nüt absolviere — —“

D' Tante tröstet: „Säg's du nume herzhast, Buebli! Und denk, es sigge scho viel grüüsligere Sache bychtet worde, aß das mit dem Wegge —“

„Und ha nüt gmördet —“

„'s macht nüt, 's macht nüt!“ seit d' Tante! „'s isch nit abjeslut nöthig, aß mr alli Gebot übertrete selle, im Gegetheil! Wo de halbe jettisch du nume gar nüt wüsse, dyr Lebzig nit!“

Au 's Anneli het müessen i d' Schuel goh. Ach, 's isch so schüüch gsi, so grüüslig schüüch! Und mit em lehre het's Müeih gha, gar viel Müeih.

„Am End isch 's ömel nume nes Meitschi!“ het d' Tante denkt, „Wenn 's nume brav schaffe lehrt, spinnen und naihe, pflanzen und choche — da 'sch doch d' Hauptsach! Ig selber ha 's i der Schuel au nit viel wyter as zum Lese brocht und dr Name z'chrybe, und stoh doch i alle Stücke, was d' Huusholtig atriift, keineren us Weg, nit emol dr Frau Ammene!“

Und wo dr Huustage cho isch mit sym guldige Sunneschyn und dr Schnee vtribe het ab em Hübeli,

us em Wald; und d' Merzeblüemli füregschlosse si i windstille sunnige Gründe — o, do het's die zwee Buuze nümme länger glitten i dr enge Stuben inne; do si sie use gsprungen uf d' Weid, i Busch, i Wald. Jetz hei se si nimme gförchtet vor em Hääsli, vor em Eichhörnli und au nit vor em Guger.

„Körsch, Anneli, wie d' Vögel pfsye?“ rüeft dr Heireli. „Und dr Fink dört uf 'm Buechezwyg — weisch, was 'r singt? Im Büecli stoht's, vo 's Wirths Väbeli, und e schöni Wjs drzue:

Filifi, fifi!

Jetz isch 'r vrbv

Dr Winter mit sym Nsch und Schnee,

Sy graufig Sturm, dä wäiht nümme meh,

Er isch vrbv —

Filifi, fifi!

Filifi, fifi!

Uf 'm Hübeli

Stoht scho dr Früehlig im Bluemechleid

Und winkt vo wytem, 's isch e Freud,

Eus alli herbv —

Filifi fifi!

Filifi, fifi!

Rueg, wie 's Bүүßeli

Uf em Haselzwyg sy's Chöpfli streckt,

Und d' Sunne lys us 'm Schlof erweckt

Blüemli groß und chly —

Filifi, fifi!

Zilisi, fifi!

Ach wie schön si sie

Die Matte z'ringsum, dr Berg und 's Thal!

Ade, du Winter voll Chummer und Dual,

All Sorge orby!

Zilisi, fifi! —

D' Tanten aber seit: „Jez, Chinder, hört's nuf mit dem „Zilisiere“, mit dem tänderlen und pfänderle! 's Schaffe goht a — jä lueget mi numen a — au dir müesht schaffe, lehret's nümme jünger! Müesht nämlich au wüsse, wo 's Brot herchunnt, es dunkt ech de viel besser! Hütt göih mr uf d' Rütli use, uf e Channebüel, go Herdöppfel setze. Du, Heireli, nimmisch däi liechti Haue dört, du, Anneli, dr Chratte! Und ig 's Charli mit de Setzlige —“

„Uih!“ juuzge die Chinder, „da 'sch lustig, go Herdöppfel setze!“

Uf dr Rütli ligge Furen a Fure; dr Winter het si murb gmacht und zahm. Do werde Löcher dry grabe, dr Schnuer noh, schön grad i dr Reihe. 's Anneli leit Herdöppfel n und Aesche.

„Chehr d' Neugli schön obenau!“ mahnet d' Tante, „aß si guet chönne cheiste — — I vier Wuche, wenn's schön warm isch, si sie füre zum Hacke, i wytere drei Wuche cha mr si hüüfle, druuf thüei sie blüeiehe, und z' Fokebstag, no dr Ern, si sie scho ryf, bsunders die Blauäugler. Freuet ech, Chinder!“

Wo dr Rütli uus gseht me wyt überen i's äner Thal.

„Aber nei,“ rüest 's Anneli, „wie schön! Dört die Chiltchthürn, die Hüüfer und Dörfer, zäntume vrsirent‘

Und die breiti wyßi Strooß, wo i de Ränken ume goht, dur Wölder und Matten und Gheid — wie heißt seibi Strooß, Tanti?“

„Da ðch d' Nare, Ghind, ne Bach, mehr as hundert Schritt breit und teuf, es weiß kei Mönch! Dä chumt us de Schneebergen use — gschsch d' Schneeberge, Anneli, dört inne, dört obe, ein hintere'm andere, dell spit, wie ne Zuckerhuet, dell rund wie ne Türggebund, i alle Gistalte? Gschsch's, wie sie glitzere i dr Sunne?“

„Si 's an Vüüt druf, Tanti? Und Thierli? Und änedra — ðsch's änedra au no Welt?“

„Vüüt und Thierli chönne wägerli nit lebe uf dem gsfornen eebige Schnee“, antwortet d' Tante; „sie müeszte jo vrhungere, vrfrüüre — — — Änedra wird wohl au no öppis sh, aber was, chan i gwüß nit säge. Bi halt no gar weni wyt ume cho: ð d' Stadt go firme; Mit dr Gotte ð Grebt i 's Niederamt abe; nes paar mol ð Märet go Langebach übere; einisch i d' Ein go Falleried, mit eufem Nuni selig; bim Dokter im Flie- löchli; uf e Born abe go wolfsarte und einisch i Horn- grave — das si ungfähr alli myni Reife gsi, myr Lebzig! Wie jett i au wyt hi cho si, ig, nes ärmers eifältigs Wybervöschli — hack, Heireli, hack! — Aber nen Ueber- nächter hei mr albe gha, nen olte Soldat. Dä ðsch gar wyt i dr Welt ume cho, glaub no mängi Stund füruse. Und het de i dene länge Chiltmächte Gschichten erzellt und Meerri, me het schier 's Schnunse vrgesse, oder au ðsch 's ein ganz chrunselig worde drby. Wenn de no dr Christchüeser drzte cho ðsch, de hei die Zwee ð jäme brichtet, 's ðsch ein schier trümmelig worden im Chopf

und mängs mol het 's ein dunkt, es chönn nit sy. Denn au dr Chüeser isch schyns ordli wyt ume cho i syne junge Johre, bis inen i 's Entlibuech, abe bis Mumpf am Rhyu, wo die süesse Wybeeri und die dicke Hälts machse felle, hiehar em Badiſche; und ufe bis uf Rütſchele, wo sy's Fraueli her isch. Und si Brüeder isch ebefals Soldat ggi z' Holand im Prüzische und bi de Frankrychere z' Paris — — wenn 's so chlyni Seklig sie, Anneli, je mueſch zwee in es Poch thue — so! — Und vo dene Burſchte z'rede — do hei ſt denn albe brichtet vo de füürſpenige Berge, w z' Nacht lüüchte, stundwyt, wie ne Chienſachele; vo dene Waſerfälle, wo hööch über d' Bergen abe gheye; vo de Bäume, wo 's ganz Johr uns und y grüene, blüeihe und Frucht träge; vo de wilde Thiere und Schlange, wo ein no'm Lebe trachte; vo de Rülte, wo brandſchwarzi Hunt hebe zäntume; vo de Schiffe, wo uf em Meer ume ſchwümmen, so groß wie nes Buurehus; vo dr Hitz i dene warme Ländere, wo me chönn Gier fiede und Säurüppeli brote a dr Sonnen uf; vo dem vielen Angſüüſer, wo ein d' Hunt vrſtüpfe, aß sie gly usgſeht wie ne Schuümchelle; vo dem chrumme Thurn und dem z' Strosbrg unte, wo innwendig, wie me ſäg, noch zeh Schuh hööcher ſig as uswendig; vo de Rünige, wo Tag und Nacht e guldige Kron ufhebe, so groß wie nes Schäfferchörbli; vo de Wilde, wo im Chyb enand uffreſſe mit Hunt und Hoor; vo den Aſſe, wo's ganz Johr nüt thüei as turne, und au uf enen Art Rüt syge, frilt ganz apartigi — — — O, i chönn ech ne ganzi Buchen erzelle, wenn i nit ſcho 's Halbe vgeſſe hätt! Denn es ſi wol über zwänzg Johr vrby, ſitdem dr Scheeriſchlyſer gſtorben isch."

Dr Heireli het gar gsthf zueglost, und seit druo d'Händ i dr Chitteltäsche: „Au ig wüll furt i d'Fröndi, wenn i einisch groß bi! De wüll dr au brichte, Tanti!“

Do isch d' Tante grüüslü erschrocke und seit: „Du chezers Bueb, was dir nit i Sinn chunnt! Nei, nei, ne Napelitaner muesch du nit werde, kei Fahrmen und Mütnuz, bhüet is Gott! Au der Chüeserchrifte isch nit dr besser gsi, hät Alls usgshänzelet, die fromme Brüüch, d' Unghüür, d' Hexen und 's banne, het weni glaubt — o d' Großmuetter selig het doch mänge Vrdruß gha drwege — aber, Chinder, so schaffet doch au! Süst hör ig uuf brichte, und dr überhömet erst nüt Zimmis!“

4.

Am Brenntag, wo d' Tante vo dr Meß hei goht, stoht dr Stattholter vor dr Schüür und handtiert am ene Pflueg ume. „Gundi“, seit 'r, „chunnt los doch e chly! — Was wüll i säge: Die nööchste Täg, wenn's Wetter hübsch blybt, thät i gärn 's Beh ussloh uf d' Matte. Der Kareli isch chränklig, dr Peterli no z'jung, 's Meitschi aber isch halt doch nume nes Meitschi, fürchtet si vor de Chüehne, vor de Schofe sogar. Do isch mir grad nächti dr Sinn a eue Heireli cho, mi Götteri. Da 'sch nes donners heiters gflinggs Bürschtle, ha 's scho mängisch gseh, wenn 'r i d' Schuel cho isch, 's Hübeli ab. Also han i denkt, das Bürschtle chönn dr 's Beh hüete ganz prächtig, uf dene große, wyte Matten uße. Do git's jo gar nüt z'thue, aß e chly uszpassse, aß si feis bläiht oder vrlauft. Bös muesß 'r nit ha, i thät's nit und d' Muetter no viel weniger. Er überchunnt recht

z'esse und au ne Bage Lohn äzetera — 'r mueß z'friede si, und du au, Gundi! Was seisch drzue?"

Gern hätt d' Tante Nei gseit; de 's Büebli het sie rechtschaffe duuret wege dene viele Strapazen und Gföhre. Aber gege 'm Stattholter het si 's nit wellen üßere, gege sy Wunsch nit dörfen openiere. De 's isch im Ganze en agsehne guete Ma gsi und het em Heireli all Neujohr nes schöns Göttigschenk gä, druckti Naselümpe, Büüg für nes Paar Hösli, ne mullige Tschoope, und ne Ring drzue und ne silberige Feufbätzler drin — — Drum seit sie: „Mira wol, wüll's Euch isch, Her Stattholter! 's Büebli isch zwar no gar jung, blöseli Delsi — nu, dr chönn't 's ja probiere, öb 's dr Dienst chönn brseh!"

Aber dä Heireli! Demitts i dr Stuben isch 'r uf e Chopf gstande und hät häluuf gjuuzget vor lunter Freud! „Uih! da 'sch lustig, z'Weid fahre!" seit 'r. „Z'Weid fahre mit dene viele Chüehnen und Rindere, wo Gloggen ahei, eini schöner as die anderi! Und ig de hintedry mit dr länge Geisle und chlöpfe — o du wirdsch luegen und lose, Tanti, wie das goht!"

Schön isch dr Mai, wenn die ganzi Natur us 'm Schloß erwachet, sogar die olte todte Hoffnigen im Mönsherze neu auflebe; d' Matte, d' Bäum und 's Gstrüüch — — Schön isch dr Summer, d' Fruchtfelder i ihrer Pracht.

Schöner aber, as beidi, isch dr Herbst.

Das het sogar euße Heireli empfunde. Wenn 'r rüggligs do glegen isch uf dr grüene linde Grasdecki, im heimelige warme Sunneschyn und über die Matten

ewegg gluegt het wo tuusig und tuusig dünni wyßi Fäden
ausgespannet gfi si und gschimmeret hei wie ne sydige
Zettel; oder a d' Obsbäum ufe gugget het, wo zwüsche 'm
brunne Laub guldgäli Döpfel und Bire oder blani Zwetschge
ghanget si; oder gar a klarblau Himmel ufe, wo zarti
wyßi Wülchli wie chlyni Schiffli jätteli drher gfare si
uf ihrer große Rundreis um d' Welt; und de das har-
monische Glüüt vo wyt und nooch, vo dene Chüchne uf
dr Weid — do het 'r mängisch d' Auge zuetho vor
luter Andacht und traunt und traunt — — — Bis 's
ein plözlig wieder i Sinn cho isch, wege was 'r eigetlig
au do sig, nämlig zum Beh z'luege, aß 's nit öppe z'wyt
goht i syr uvernünftige Fressluft.

De si 's Stattholders Chind cho mit eme Chrättli
voll süß Döpfel und teig Bire und Anfebrod oder gar
nes Stückli Wähe, zum Zimmi, nes Füllli het scho
brömt, perseh — da 'sch jo 's Hirte Bruch. Do het
me d' Döpfel i die heißi Aesche gestoße, desglyche d'
Deckelschnege oder neu Herdöpfel. O, feir Prinzessi
gshmöckst ihres Zuckerbrod, wie dene Bueben und Weit-
schene das bähte und ruckige Züüg!

Vo nooch und wyt tönt dr Gsang und 's Gjohl
vo de Hirtebuebe, so übermüethig lustig! Me rüest
enander zue, vo Matte zue Matte, vo Hubel zue Hubel,
und antwortet mit em e häle Juuzger, aß 's im Wald
äne lunt aschloht — me juuzget ohni End, uf eines
Doze mehr oder minder chunnt's gar nit a, 's host jo
nüt, aß 's Muul ufzthue und ne gueten Dthe — — Me
springt und gumpet und macht allerhand Spieli: Stigeli-
Stägeli ab 'm Sädeli, 's Wolfsjage, dr Hexesprung, 's

Wespifoh — — oder me thuet uf 'm Schoßbock rhte
— — und goht ne gfräßigi Chueh oder nes übermüthigs
(Chutschi*) über 's March use, so müesse selbstverständlig
die chlyne Buntze go umewehre, die si jo au für öppis
do. Bis si d' Sonnen em Berg zueloht, ume langsam
und hübscheli, as thät 's ere weh, so fröch z'scheide us
dem schöne Thal, und ihri Strahle ganz schräg schyne
und d' Bäum längi, längi Schatte werfe; de heißt's
z'äntume uf dene Matte: „Heigoh! Heigoh!“ Und z'
Allerlegt wird no nes Peutschefunzert usgeföhrt und
gjohtet drzue: „Hoio, hodeldudo — —!“

Und z' Nacht no, im Schloß, traunt 's em Heireli
vo all dem lustige Trybe und 'r sporet as 's Bettichget-
brett chrachet und rüest überlunt: „Hüft, Rothi! Hottume,
Blösch! Holiho — hoho!“

Fryli, das schöne Lebe duuret chuum nes paar churzi
Wücheli. Bald no Michelstag soht's notisnoh aso un-
gmüethlig werde, cholti Nyffe, füechti Nebel, scharpfi Wind
und frösteligi Negetäg stelle si y. Heißt 's jo i dr Buure-
regel: „Gall stellt vor e Stall, Simon und Judi stellt
ganz y!“ Und die Buure, dene 's Beh lieb isch und d'
Hirtebueben au e chly, stelle wirklich y.

So het 's au dr Stattholter gmacht. Em Heireli
aber het 'r nes halblynigs Chleidli gschenkt und ne schöne
Baze drzue und gseit: „Heßch die Sach guet gmacht,
Götti! 's nöächst Johr channsch de wieder cho — gel?
Grüß mir 's Gumd — d' Tante wüß i säge! Sie het
jo grüüßli Chummer gha wege dr, du chönnsch öppe vr-

*) Chutschi = Rind.

früüre oder jüschet Schade nä — 's het dr doch nüt gmacht, gel Götti?"

„D nei," seit dr Heireli, „da. 'sch recht lustig ggi — dank recht schön, Herr Götti! — „Und 'r springt mit syne Sache heizue 's Hübeli uf und juuzget vor Freud und rüeft scho vo wytem: „Tanti, lueg, was mir dr Götti gä het! Gel?" —

Und spöter, wo dr Winter ne ganzi Hutte voll Schnee usgleert het über d' Matte, Felder und Wälder, do het me dr Schlitte füre gnoh ab 'm Estrig abe — dä Gätterlischlitte, wo scho dr Metti selig bruucht het i syne Buebejohre — und ne Geisrolle dra bunde und en Hälfig zum führe. Dr Heireli gutschiert, 's Anneli sitzt hinenuf — hui! wie isch das gange, grad wie ne Pfyl 's Hübeli ab, aß ne frei gsunset het i den Ohre! Und het men au paar Mol usgleert dört am schräge Bördli, unte i dä chneusteuß Schnee, und het 's au rothi Näslg gä und blaiu Händli und gstyf Finger und nassu Strümpf — lüstigers git's jo doch nüt as das Schlittesfahre, fei Chilbi nit, nei wahrli!

I dr Ern het d' Tante gseit: „Uf den Acheren uß, im Feld, ligge 's Mehri z' Hüüffewys; so hahlig isch 's Chorn! Lueget dört im Weg unte: z' Schaarewys zieh sie uus, die arme Lüüt, chly und groß, go Mehri uuslese. Göiht au dir! Dr heit ech nüt z' schäme, de was rüt Gottswille gwachsen isch, jell mir nit z' Schande lo goh. Göiht und syt flyßig!"

Das fryli isch fei Chilbi ggi! So am Bode ume z' buggele, vo Morge bis Nacht und no den Mehrene z' sueche bi dr großen erstuunlige Hitz und de böse Muggen

und Bräme! Viel vo dene Chindere hei no baarfis müesse i dene herte Stuessen ume laufe und nüt z' esse gha, as herts Brot. Guji Zwöi aber hei nes Chriuegli gueti Milch bin e gha und nes Hämpfeli dürri Zwetfchge für e Durst.

Und wo, no dr Ern, die Aehri künrt und putzt gfi si, siebe Mäs prächtings Chorn, und 's Chorn gmahlen und bachet gfi isch, zeh schöni Leibli Brot und no zwo groß herrlig Waihe, seit d' Tante: „Gseht dr jek, was dir zwöi Höckli vrdienet heit die paar Tag uus? Gelet, das Brot isch viel besser?“

Und bi Zyten im Herbst het dr Heireli wieder sy Hirtepeutsche zweg gemacht. — „Das Mol“, meint 'r, „wüll i dr böse Rämichueh scho zeige, wer Meister isch, und em Schägghalbeli au! Sie selle wieder cho gäbele gege mr ine, wie färn — wol, dene wüll ne's verleide: Bi ebe keis so erschrocknigs Büebli meh!“

Hüür isch 's Stattholters Mina mit 'm z' Weid gange, ömel bi schönem Wetter.

Uf dr große Bodematt uße, unter em breite Wildbirlibaum, het dr Heireli us Stecken und Ruthe ne Hütte bont, und mit Miesch tabiziert, und nes Ladebänkli ine gmacht, und us Bachschlamm und Chieselftei ne Chochherd ufgesetzt, und es Schäftli abrocht für 's Gschirr. D' Mina und anderi Chinder hei fhyzig ghandlanget und drwyle zum Beh gluegt, aß 's si nit vrlauf.

Und es Pfänni isch au gly bi dr Hand gfi und Wasser gnue im Bach. Und do het men aso rüsten und choche, Herdöpfel und Wyßrüebe, Depfel und Bireschnitz und au Suppe. Und isch das Gföck au versalze gfi

oder gräuelig worde und hets ne Farb gha wie nen olte Filzhuet, und vo Anke nit die lyjesti Spur — die Bueben und Meitschi hei 's gradglych gschabeliert bis uf 's letzcht Brösmeli und 's Muul no gschlecket und grüehnt, wie guet das sig, so herrlig, wie nüt uf dr Welt! — Z'Dven aber, wenn sie hei cho si, het d' Frau Stattholteri d' Händ oben Chopf zämmege schlagen und gseit: „Uns Himmels wille, Chinder, wie dir au Müüler heit! Und du, Mina, gschau au dyni Händ und s' Schäubeli, wie dreckig, wie schwarz! Schämst die nit an? Pfi tuusig!“

Zunntig und Fyrtig isch au 's Anneli mit use cho z' Weid. De isch d' Hütten in e Chilche vrwandelt worde und dr Heireli het dr Pfarher gmacht. Vom Chänzeli, das heist vom Hochherd abe het 'r 's Evangeeli vrlése und prediget nom Tag, und drby d' Arme vrworfe, und luut gschraue, aß mer 's wyht ume fört het und si d' Bueben und Meitschi zämme grottet hei, sogar vo de Gemeinsmatte her. Au g'amtet isch worden und gvesperet und Choral gsunge nach Note — — — bis öppe plötzlich ne runchi Manneestimm i d' Andacht ine gfahren isch: „Nu dir Malefizbuebe! Heist das Vieh ghüetet, wen d' Chüeh uf ander Vüüte Plätz weide und dr Chabis abfresse und 's Rüeblichruut i de Büünte? Wol, i wüll ech lehre, dir Nage!“ De isch Alls usenand gstobe, dr Pfarrer, dr Sigrift, d' Minstrante und d' Sängere, eis do use und 's ander dört use, für ihres Vch go z' jämez' sueche. Und hei Gott danket, wenn sie unghooret und ungschlääret ab dr Chilbi cho sy.

Es anders Mol isch Hochzyt gsyret worde, oder

Chindstaußi mit Götli und Gotte. Au am ene Festmößli het's nit dörfe fehle. Chabisblätter si d' Platte gsi, druf si Döpfel und Biren und Chruutbüscheli glege, wo dr Brotis und Salat und dr Türggebund hei müesse vorstelle. Us Herbststrüebe si Teller und Schüsseli und Gläser gschneizlet worde, druus het me dr „Wy“ und dr „Thee“ trunke, wo jo rydlig gflossen isch im — Mattegräbli. Und me het „Gjundheit“ gmacht und apüticht, herzhast und zimpfer, und enand Ehr atho, grad wie die Große. Schließlich si mit 'm Brotis und 'm Nohtisch au d' Platten und Teller und sogar 's Chind — nes großes Rieserüebli — aufgesse worde, rumpis und stumpis. Und sine het aso singen und jublen und tanze und thue wie närrisch — vo dem viele, gnossne starcke Wy!

Oder mir isch prozeßionswys, mit Chrüz und Fahne, Pfarher und Sigrift, um d' Bäum ume zoge und het betet und gfunge und gschellet us Kybschräfte, grad wie am Lieberhergetstag; und Meie gjammet für d' Chilche z' ziere, Chilterblueme, Gänsebürstli, Bachbunnele und rothi und schwarzi Beerli us 'm Haag.

Und das Mol isch Simon und Judi em Heireli viel viel z'früch cho, numen ungern het 'r vor däm schlechte Wetter und de holte Fröste 's Feld grummt und isch hei zoge i das stille, enge Stübeli uf 'm Hübeli.

Doch so gar still isch 's furta au dört nit blibe. Die Bekantschafte und Fründschafte vom Herbst noch si furtgsetzt worde ganz lebhaft. Zwüsche dr Schuelzyt si 's Stattholters Chinder, d' Mina und dr Peterle, slyßig uf Bsuech cho. Und neuu Spieli si aufgfuehrt und Gottsdienst gholt worde, Meß, Metti, und Vesper. Und

ne glehrteren und gflinggere Pfarer het's nit gä, as eufi Heireli. Das het sogar dr Tante, wenn sie vom Spinnrad aus dem Spieli zuegluegt het, afo yläüchte, und eister wie mehr isch si uf e Gedanke cho, ganz ernsthaft: „Jo gwüß, dr Heireli müeß geistlig werde, oder 's müeßt au gar nit z'mache sy! 'S isch so nes diffigs gschyds Büebli — dä bringt's scho zweg, so ring as Eine! O das wär doch schön! Und 's gäb au, mir und ihm, ne Staffle i Himmel — —“

Und si het ihre Plan, wie Bruuch und Recht, em Pfarher mittheilt. Au däm' het's gar nit übel gfallt. Er het sogar si Hülff versproche, i alle Theile. Vorab müeß dr Her Vikari em Bueb Unterricht gä im Weltische und Lätinische. De chönn mr, wenn 'r guet lehr, so wieder luege. —

So isch de dr Heireli all Oben es Stündli i Pfarhof gange. Au i de Chiltinächte und a Sunntigen und Fyrtige het 'r z'lehre gha uf Kyb und Rebe.

Und d' Tanten isch furta ne Stund länger am Spinnrad gässe und het ghuusjet und gspart, uf das Studiere hi, us alle Chräfte, und em Anneli abgwehrt, es sell ömel ganz süüßerli mache bim rüste und hasple, aß 's Brüederli nit gstöört werd i sym geistlig Studiere.

5.

Zwöi volli Johr het dr Heireli bim liebe Her Vikari sinu Stunde guoh und si mit 'm Korneeli Repos umegschlage mit großer Lust und Tapferkeit.

Drno het's gheißt: Furt, uf Engelberg zue, a d' Chlosterschuel!

Und d' Tante het 'm nes Halbdoge selberspinneni, rystigi Hömli i 's Gufferli packt, und nes Doge rothi Fazeneetli und zwöi wyßi für e Helgetag, und Strümpf und Sogge, wulligi und boueligi, wo das Anneli so emsig dra gstrickt, und die bruuni Muntierig, funkelneu vom Schnyder — — — Und uf jedes Stück isch ne Thränetropfe gfallte, us Leid wege 'm Abschied, us Freud wege dr hööche segeriche Zuekunft, wo dr Bueb, ihre Bueb etgege göih — — B' unterisch i 's Göfferli, unter d' Hömli untere, het si nes Märetseckli tho; und das Seckli het etholte; nes kochets dürrs Säuschüüfeli, ne Ziebelewähe: schön zsäme gleit; anderhalb Doge rothbackig Imbhüsleröppel, zwänzg Höck Baumnuß, ne großi Gouffele dürr Zwetjchge — aß dä Bueb ömel nit müeß Hunger lyden uf dr Reis und au im Kollegi e chly chönn chäsele. Denn schmal gnue werd 's dört wohl zuegoh. „Wenn me die Herelüüt gseht esse“, het sie zum Anneli gseit, „wenn mir sie so gseht esse, so dunkts ein, sie hebe luuter Untergschlächtle im Mäge. Und 's Glasers Theres, wo viel Johr bi Herschafte dienet het, het mänggisch bhauptet, so nes Stadtfräuli chönnt si mit eme Hühnerbeinli und eme Zuckerbrötli und eme Taßli Blüemelithee ne ganzi Buchen uusbringe, so lang as es Vögeli im Chräzli — — Es si aber au nume Vögeli, die meiste wo me gseht, rahn und dünn wie ne Besestiehl. Jesis, wenn die müeßte cho die zääche Fure hache uf e Channebuehl!“

Und em Heireli het sie gar e schöne Zuespruech gha; „Folg schön dyne Vorgesezte und lehr ömel flyßig — heisch fört? Und bißch brav und hößlig und manierlig und fromm! Und heb Sorg zue dr Gsundheit! Am Tisch

thue nit z'schwytig, aber au nit gar z'schüüch, und im Bett deckt di ömel schön zue, aß nit vrfriürsch! Und vor Allem uus het brav — — Dört im Schiltetäschli isch dyr Muetter selig ihres Koster und i dr Chitteltäschle 's Vaters Meßbüechli — — Denk au a eus, a 's Anneli und a my — —

Sie het numm wyter chönne rede, die gueti Tante; und wo 's em d'Hand gä het zum Abschied, het sie afo fenne wie nes Chind.

Druuf isch 's uf einol so still worde i dem Hüüsli uf 'm Hübeli.

„Wo isch 'r ächt?“ Was macht 'r ächt?“ Das isch d' Red gsi täglich und stündlig. Sie hei au, d' Tanten und 's Anneli, all Obe ne Kosechranz betet, aß 'm ömel nüt passier a Loh und Seel i dr Fröndi, und mit Schmerz blanget uf en erst Brief.

Und dä Brief isch cho, d' Adresse mit prächtige Frakturbuchstabe und viele Postzeiche druff. Und drin isch gstande, er, dr Heireli sig uf syr wyte Reis weder vo Räuberem agriffe, no vo wilde Thiere verrisse worde, sondern gjund und häluuf aho und fründlig usgnoh worde i dem romantische Thal, teuf i de Schneebergen inne. Au a Fründ- und Kameradschafte chönn 's em wohl nit fehle, denn es sygen ihrene mängs Doze, luuter jungi munteri Büerstli. Keinen aber vo Allue heb so ne güetigi fürsichtigi Tante deheim und nes liebs Schwesterli, wie er, dr Heireli!

Dr Winter isch vrftriche, dr Fruehlig isch cho — eigetlig het 'r dä Name gar nit verdienet, so ruuch und naß isch 'r gsi bis wyt i Maien ine. Desto wärmer isch

dr Summer worde. Wuchelang feis Wüschli am Himmel Tag für Tag heiße Sunneschyn, am End het's nit emol meh nes Thau welle gä. Do si Stundgebet gholte worde und das het endlige hulfe.

Am ene Samstig Nomittag, Ends Augste het 's afo Wolche gä. Dr Rauch het nimm zum Cheemi us welle, d' Tuube hei badet im Brünneli und d' Hühner kräht wie wild, und me het fört em Sunntig ine lüüte, uf vielei Stund wyt, so ring und häl. Und z' Obe het 's obfig uuf, vom Wyßestei bis überen i 's Fryburgerbiet, usgseh so schwarz wie ne Cholsack.

„Gottlobedank!“ hei d' Lüüt gseit, „endlige chunnt 's! 'S isch aber au die hööchsti Zyt. Rueg mr nume, wie gäl d' Bonhnestuude, und wie 's Chruut lampet, und 's Emdgras ewegg bröunt und d'Depfeli vo de Bäume falle vor luuter Tröchni!“

D' Tante het em Huusierer Becki z' heste gä. Da 'sch nes olts übelzhtigs Mannli gsi, us 'm Aargäu use. Und wo 's so eismols het afo feischtere, und chuuten im Wald äne und d' Ladewänd flöpft hei, wie wenn sie thäte usenand ryße, het Tante gseit: „Blybet dyr do, Mans! Wüll ech scho nes Gliger zweg mache, aß dr chöunt rueihe. Und eistheils bin i recht froh, aß 's Mannevolch do isch, wenn 's so stark chunnt cho wettère!“

Do 'm Nachteffe het das Mannli au sy Lebeslauf erzellt.

Vo Huus us nes gflinggs alärts Bürschtl, heb r d' Zibserprofession glehrt und d' Flachmolerei, deheim im Städtli. Druuf sig 'r uf d' Walz gänge, mit frohem Mueth, 's Herz voll Hoffnige. Der Vater heb 'm nes

paar Gulde Behrgeld mit uf d' Reis gä und ne guete
Zuespruch:

Wo d' stohsch und gohsch, sig's do, sig's dört,
Denk a Gott, wo Alles fört,
Wo Alles gseht bi Tag und Nacht
Und über alli Gschöpfli wacht.

Herr oder Chnecht, Meister oder Gsell —
Heb d' Wohret in Ehr, treff 's was 's well!
Halt immer Määß i alle Sache,
Im Schaffe, im Rede und Sache
Und schloß dy Zyt, dy Zyt thue mache,
Se wird si Alls gar ordli mache.

Vor Hochmueth gwahr di! Denk nume dra:
Dä füehrt i's Pech gar mänge Ma!

„So hätt i numen eister a das Sprüchli denkt!“
füüßget das Mannli, „de wär i halt gselliger gsi und
müest hütt nit go Chesselflicke Land uf und ab und
gar no, wie hinecht, vo guete Lütte lebe — — — Euch,
Muetter, wüll i my Gschicht erzelle, ganz kurz — —“

„I bi also go Waldshuet cho zuem ene Meister.
Dört han i gnueg Arbet gha und au gnueg z' esse, aber
Alls nume ruuch. Gradglych ha mi glitte, bis dr Frühlig
cho sch. Drno bin i em Rhy no abe greist, Basel zue.
Dört ha mr d' Auge schie: usgsluegt a dene mächtige
Thore, dene prächtige Hüüfere und Strooße, denen schöne
Brünnen und olte, großmächtige Chile, dem Ryththum
allen Orte und dem Glärm und Trybe zäntume. Und
endliche, no laingem Gassen und Stopfe hin und her,
han i Arbet gfunde. Und zwar si 's dasmol feini feischtere

Buurestube gfi und grobhölzig Garteheeg, won i ha müesse helfen astryche, sondern prächtig hööchi Sääl und Gäng und Summerhüüsli und Kapelle, mit Verzierige und Stuckatur aller Art. Do isch my Lehrzyt frösch agange. Und i ha mi düüßt und uufpaßt wie nes Eichhörnli, bis i alls los gha ha uf's Tüpfli; und myne Bätzli zsäme gspart und alli Lustbarkeite gmide mit Fliß. Do eismols isch mi wieder 's Wanderfieber acho; dr Schütz het mr Lohnuufbesserig vrsproche, dies und jenes. Aber 's het nüüt hulfe; my Nebegsell, ne Schwob, het mr dr Chopf z' voll gschwätzt gha vo dr Herrligkeit im Weltjchland, wo dr best Wy so billig sig, wie hie dr schlecht Most, so daß d' Buure i guete Johre no recht froh sige, wenn nen öpper dr gringer olt Wy eweggtrink — umjunst, perseh — numen aß d' Fässer leer werde, für dä füürig Suuser. Und dere Fable mehr. Also si mr mitenand duruuf zoge. 's Baselbiet uuf, Soleturn und Biel zue, und Neuestadt und Vandere, und Neuburg und Ferte, bis ufen uf Obohne, Mung und Bivis, grad im Leset — — — Und hei glebt wie Gott i Frankreich, aber notebeni nit umjunst. Scho bi Zyten isch em Schwöbli si's Geldseckli leer worde und drno gly druuf mys au. Und mr si froh gfi, für gringe Lohn Arbeit z'näh, de dr Winter isch vor dr Thüre gfi und d' Meister stolz. Item, mr hr hein is glitte. Und wo dr Huns- tage cho isch mit ihm Sunneschyn und Lohnuufschlag, het my's Schwöbli gseit: „Nähä, do blybe mr nimme, i thät em 's gar nit z' Gfalle, dem Schindbas! Mr gange retuur und schlöihn is dur d' Berge dure, em Luggli und Ratschoterfung zue!

„Da 'sch grad die Zyt gsi, wo Bricht cho isch, mi Vater sig gstorbe. Und my öltisch Brüder heb ghürothet und d' Sach übernoh — — Die ganzi Reis uus bin i truurig gsi und nüt aufgleit zum gspäße — —

„Z' Latshoterfeng, i dem großen Uhremacherneß, isch Arbet gsi volluuf. Ganzi Strooße si eigetlig nume so us em Boden uus gwachse; wo im Huustage no magere Weidbode gsi isch oder ne Chruutplätz, hei im Herbst d' Lüüt scho zue de Fensteren ausgluegt, hei gfielt und dräht und ghusteret uf Syb und Lebe. D' Uhremacherei isch jußt im höchsten Schwung und Floribus gsi, und d' Lüüt hei Geld ordienet wie Laub, jo wie Laub. Sie hei 's aber au nit höher gschetzt as Laub, hei 's ewegg gworfe mit volle Hände. Ring drzue, ring drvo! het 's gheißt. Ig aber ha neuerdings dr Vorsatz gmacht, em Vater selig z' Lieb und z' Ehre, wieder brav z' sy und z' huuse.

„Mi Meister isch ebeßals ne Schwob gsi, ne diffige, durribne Ma, mit ere große Kundsammi. Und sicher wär 'r, bi dene guete, so z' säge gulbige Zyte ne steirische Ma worde, hät sy Frau und sy ganzi Familie nit e Gstaad gfuehrt über alli Maße und d' Buebe Geld vrthoh z' Hüüffewys. Dr Eint von e het müesse d' Handlig lehre, dr Ander nes Gaffee überneh, denn em Vater sy Profession furzt'fuehre, das het die z' eifältig dunft und z' gemein. Und d' Tochter? Die isch d' Schuld gsi, aß i drüü volli Johr bim Alten ausgeholte ha; denn i die Person bin i sterblig verliebt gsi, vrliebt wie ne Mar, Afäng, was sell i's breitschichtig erzelle? I bi Polier gsi und wol eine vo de geschicktesten und solidesten Arbeitere

und ha bereits Geld vrdienet gha, nes schöns Sümml. Drum han i 's Herz i beed Händ gno und um d' Tochter agholte. Dr Meister het die Sach ganz natürlig gfunde, die Alti aber d' Nafi grümpft, as wär ihri Tochter ne fürnemmi Prinzessi und ig en elende Hudel. Am End han i 's doch z'wegbrocht, das heißt durezwängt. Und wo hold druuf dr Schwächer gstorben isch, han ig das Gschäft übernoh mit dr ganze Hundsammi. My Frau aber isch mr Tag und Nacht i den Ohre glege: „Schang, lo doch das schmierige Zibse lo si! Rueg, dä und dä isch vor Zyte nume nen eifältige Muurer oder Zimmerma gsi und jetz seit mr em Mussio Architekt und isch bereits steirych und fahrt mit Scheesen und Pferd, dell sogar i prächtige Gutsche. Channsch du 's nit au so mache? Bisch du ellei z' dumm drzue? Nes Plänli z' mache oder mache z' loh und es Hüüsli z' boue, das wird ömel feis Hexewerch sy! Dr Papa het 's jo mängisch gseit, wenn 'r no jünger wär, 'r thät 's probiere — —“ Da 'sch dr Hochmuethstüüfel gsi, wo us eren use gredt und z'letscht, no langem stuuue, au my üverno het.

I bi richtig Boumeister worde. 's erst Gebäu, ne groözi Wirthschüür mit Chnechtewohnig, isch guet uusgfallt, au 's zwöite, nes Wohnhuus mit Atelieh. I ha viel Geld gwunne, mi Frau aber isch 'm volluuf Meister worde; d' Frau Architektene het si nüt meh um d' Huushaltig kümmeret, het prächtigi Chleider agschaffet und isch z' Rumpeneie gange zue andere Schlechthber, i d' Rumeedi, allen Orten hy, wo öppis los gsi isch; und deheim hei d' Mägd gsholtet und gwoltet nach Beliebe, 's isch e Gruus gsi. Und wien ig nes Wörtli gseit und si a ihri

Pflichte gmahnt ha, do isch si schreckli uufbrunne und het gschraue; „Brdien du, asß mr chönne sy! Settiisch di doch wol müeße schäme, wenn nit emol dys Fraueli erhalte channisch! Oder sell i öppe selber go Wasser hولة und dr Salot wäsche zum Brunne oder d' Böde fege?“

So isch 's es Jöhrli drüü gangen oder vieri, und i hät 's gradglnch chönne dureraxe, de i ha gschaffet und gluegt i allen Eggen inn schier Tag und Nacht. Bis d' Uhremacherei uf ei mol het aso stocke, und 's ne Ehrach gä het, asß d' Hüller zitteret hei vo eim End dr Stadt bis zum andere. I ha just nes großes Huus bouet gha, mit Ateliel und Wohnige, und nes anders, nes Wirthshuus, i dr Summe — Alles uf Spekulation hi. Aber niemer het meh chaufe welle, nit emol miethen. D' Gelder, won i uf die Gebäud entlehnt gha ha, si mr kündet worde, plötzlich, ohni Aufschueb — wo näh und nit stehle? I laufe zue myne Here Schwögere, au die si uf'm Hund, jo für en eint hät i no selle Bürgschaft zahle, ne große Summ — — Köret 'r wie 's donneret?“

„Vhüetis Gott vor Obewetter!“ rüeft d' Tanten erschrocke. „Anneli, gang, leg gsegneti Palmen uf d' Glüeth und bet dr Huusfege!“ Und no me Wylsi fragt sie: „Und drnoh — wie isch 's ech drno gange? Dr heit mi recht gwunderig gmacht!“

„Wie 's drnoh gange sig? I wett 's lieber gar nit säge!“ antwortet 's Mannli und fahrt mit dr Hand über d' Stirne. 's Falliment is uusbroke, bi mir, bi viel Dozen Andere. Alles isch über my her cho, wo ne Baze z' fordere gha het. Au mi Frau hät ihres Ybrochte ygäh und 's au richtig übercho, dr gsetzlich Theil. Und

isch mit dem Geld uf und furt, bi Nacht und Nebel —
 — und het mi Polier mitgnoh, über dä groß Bach, das
 Schwöbli, dem i eigetlig scho längeri Zyt nüt Guets
 meh trauet ha — — I bi gsi wie hintesfür! I hät mi
 im Chyb und Ueberdruß mögen erschieße, vrtränke — —
 I ha mi au würklig vrtränkt! Mänge Tag lang ha i
 nüt gmacht as dr Chopf ghenkt, de han i aso ribotte
 us luuter Brzwyflig und bi nimm zum Dufel use cho
 Tag und Nacht. Das Mönch, wie mi das betroge het!
 die ganzi Welt, Himmel und Höll, Alls isch mir uf ei
 Mol glych schwarz und öd vorchö, ha feis Vrtraue meh
 gha, weder zue Gott no zue myne Mitmönche! Und aß
 ig 's grad säge: Vorher der solidisch Ma, bin i dr lieder-
 ligst Bürschel worde, bi i dr Welt umezoge, chrüüz und
 quer, ha gschaffet und gschnurret, gschnurret und gschaffet
 und ha 's zue feim Chrüüzlerli meh brocht, wüll mr ebe
 dr guet Wille gmanglet het und 's Puntenör — — Z'
 Fryburg isch es gsi, am neue Chlebou, do fall i huus-
 z'hööch abe 'm Grüst abe, und briche d' Hufst und dr recht
 Arm zwöi Mol. Und chumen i's Spittel, siebenezwänzg
 Wuche, und chumen as e Chrüppel druus, as e Chrüppel,
 der i hütt no by — — gseht dr 's, wie 's blitzget dur
 's Umhängli dure?“

„Und duße chlopfet öpper a d' Huusthüre!“ seit
 's Anneli erschrocke.

D' Tante thuet d' Stubesthüre auf: „Wer isch do?“

„En arme Reisende — — — frogt um Herberg —“

„O jere!“ seit d' Tante, „bi dem Uwetter!“ 's
 isch zwar scho Eine do und hei gar enge Platzg — aber
 i wüll luege —“

's Anneli aber schreit: „Tante, 's isch euse Heireli, gwüß, gwüß! I können a dr Stimm a, 'r thuet si vrstelle!“

Und wirklich isch 's dr Heireli, wo ine gsprunge chunnt und dr Tanten um e Hals fällt und em Anneli au und lachet, so luut und freudig! Grad sig d' Bakanz agange seit 'r, und do heb 'r denkt, 'r well syni liebe Lüütli überrasche, wege dem heb 'r au gar nüt gmeldet. Sechs Wuche dörf 'r jetzg dehome blybe und 'r freu si gar!

D' Tanten aber und 's Anneli chönnen e nit gnue aluege. Erstens isch 'r ömel ne Chopf gwachse sieder färrn und viel rahner worde. Und 's Gesicht und d' Händ so syn und wys, wie ne Modiste! Und d' Manier so lustig und höflich und 's Thuedium so ganz andersich as bi dene Buurebuebe — —

Do lachet dr Heiri und seit: „Chumen ech de so spanisch vor, as dr mi so gschauet? Mir wär jetz lieber nes Gasseeli und ne Ziebelewäiße — weisch no, Tante? — wie mr eini mit gä heisch uf e Weg? Eufere Drei hei sie ufgeffe und dir nes Lebehoch brocht — hei dr d' Ohre nit glüütet, Tanti? — Aber wie Du au gwachse bisch, Anneli, und 's Chnöpfli uufthuesch! Bisch jo nes recht ordligs Zümpferli worde!“ —

Die ganzi Nacht het's donneret und blitzget und gwetteret wie wild. De Morgen aber het d' Sunne wieder füre güggelet us dene graue Wulchen use. Und so wyht me gseh het vom Hübeli uus, dr Berg und d' Wölde und d' Matten und d' Hüüser und Bäum, Alls isch im guldige Widerschyn do gstande, zum vrstuune

schön! A jedem Grashalm isch nes Tröpfli ghanget und het glänzt wie Edelstei; dr Güggel isch mit syr Schaar Hühner gravitetisch cho ufespaziere uf d' Weid und het so luut und stolz kräht, as wär er d' Schuld a dr ganze Weltherrlichkeit!

Do het si dr Heireli nimm länger chönnen überha und ne Juuzger usgloh zum Fensterli uus, aß 's luut agschlage het am Wald äne.

Druuf macht 'r si z'weg, für z' Chilche z' go und syni Visite z' mache.

Z' erscht, wie recht, i Pfarrhof. Und won 'r die guete, sehr guete Züügniß vorleit, hei die Here gar großi Freud zeigt und nen aufgmunteret, uf dem Weg flüßig vorwärts z' schryte. Dr Heireli aber bedankt si no mol für ihri Guethaten, em Pfarrer und em Vikari; und richtet die fründlige Grüeß uus vo dene geistlige Here Professere.

Drnoh zum Götli-Stattholter. Au dä het recht-schaffe Freud gha. — Sy Peterli seit 'r, göih jetz i d' Sekundarschuel und müeß, wenn 's müglig sig, Behdokter werde. D' Stattholteri aber erzellt, d' Mine sig sit Östere im Chloster, für d' Sproch z' lehre und 's chochen und 's brodieren und öppis Bildung, wie 's jetz dr Bruuch sig i de guete Hüüsere. Zwöi Johr mueß 's Meitschi furt blybe — ne lāngi Zyt — es blang si scho!

Au dr Schuelmeister und syni Brwandte het 'r nit vrgesse. Und im Brbygoh dä und diese Schulkamerad grüeßt, und die hei si scho ordli gschiniert vor dem zue-künftig geistlige Her.

Am wöhlsten aber isch 's em Heireli deheime gsi,

uf dem junnige, wunnige Hübeli, won en Alls so agheim-
elet het, jedes Eggli im Huus, jede Mejestock im Garte,
jede Baum i dr Hofstet, jede Blick us 'm Fensterli, i 's
wyte herrlige Thal!

Au 's Chüehli im Stal isch dr Heireli go tätschle
und zue dr Geiß het 'r gseit: „Könnsch mi au no, Ghybi?
Weisch no, wie mr albe z'jame gsprunge si und gaugglet
hei, wo du no nes jungs Gizi gfi bisch und ig ne wilde
Buech? Und wie mängisch as dr Laub und Gras hei
brocht ha, viel hundert Mal, us 'm Wald?

So dr Wald, dä zieht en a mit aller Macht. Wie
het si aber dä jung Schlag gstreckt, das Johr! Die
Tannli und Föhrl, wie die d' Chöpf uufhei! Und me
cha jo schier numm durre cho, dur die breite gstützigen
Eft! Au die großen Buechen und Tanne, dunkts 'n,
hebe gwolti dicket. Die olti Eich aber, wo d' Chuuzen
albe druf ghunet hei, die het dr Sturm umgeworfe; wie
ne Eych lyt sie do, mit ausgstreckten Arme, mit brochnem
Eyb — —

Und wie guet hein en die neue gmehlige Herdöpfel
dunkt und dr Gaffee us dr große bruune Channe, dem
töpflete Milchhase. Und die murbe Pfannhueche, wo d'
Dante kochet het, us lunter Freud über sy Heimkunft!

6.

Zwöi Föhrl — was sy zwöi Föhrl für nes jungs
sorglozes Bluet? Ne churze Bytruum, ne Traum!

Wo dr Heireli wieder „z' Ravanz“ hei chumt mit
lange Schritte — 's isch am Schnittersunnig gfi —,
gseht 'r im Gärtli zwöi jungi Meitli stoh, wie sie d'

Meie gschaue. 's Gint, da 'sch jo sjs Schwesterli. Aber 's Andere mit dem schlangge Wuchs und dem syne Gsichtli und dem elegante Chleid — wer mag das sy? — So denkt 'r byn em selber.

„Grüeß Gott!“ seit 'r. Und 's Anneli flüügt em mit offenen Arme drgege und freut si gar grüüßli. Die Anderi blybt vrlege stoh und luegt en jo gspässig a. 's Anneli aber lachet: „He dr Tuusig! Könnest dir Zwöi öppe nander nimm? 's Stattholters Mina, Heireli!“

Do föih au die Zwöi herzlich aso lache und grüeße nand gar fründlig und finde doch schier nit Wort gnue für ihres Brstuune. Aber nei, wie du au gwachse bisch und ghübset heisch, die Zyt — „Jo und du au — — Hätt di ömel nümme könn, wenn mr begegnet wärst, so par Njar, nei gwüß nit!“

Und de hei sie vo ihren Erlebnisse brichtet und nander a olti Gschichte gmahnet us ihre Chinderjohre, wo sie zsäme Beh ghüetet und Spieli gmacht und ghuusholtet hebe — —

Bis d' Tante zum Fenster us rüeft: „Aber, Heireli, bisch du do? Willkommen!“

Do het si dä Chnab schier gschämt, aß 'r nit ehnder a die gueti Tante denkt het, und isch ine gsprunge und het sie umhalsset und küßet, bis si luut aufgeschroue het: „Hör uuf, hör uuf! I ha jo schier fei Dthe meh — du herzliche Schlingel du!“

Druf het sie ne herrlige Gassfee gmacht und linds Brod und früschi Pflaumegunfitüren mustreit. Und d' Mina het au müesse mitha. Und de hei sie wieder zsäme brichtet, sie und dr Heireli, us dr Heimeth, us dr Fröndi

— — — Bis 's glüüte het, 's erst Zeiche für en Obedroschranz. Do isch d' Mina uufgsprunge und het gar erschrocke tho: „Ach, wie mi au vrplauderet ha! Ha dr Muetter vrsproche, gly hei z' choh, und jetz isch 's scho Sechsi — adio, merci!“ und furt isch sie wie nes Reh, 's Hübeli ab.

„Es isch nes prächtigs Meitschi“, seit d' Tante und schenkt no nes Taßli h. „Hübsch, gschind und witzig und gar nit stolz, so rych as 's isch! Doch merkt me a sym ganze Thuen und Lasse, aß 's furt gsi isch by frönde Lüüte und öppis gseh und glehrt het — wotich net au no nes Tröpfli, Anneli? Er isch so guet!“

„Danke heigisch Tanti!“ seit 's Anneli. „Aber vo dr Mina z'rede: wie gschickt die isch! Cha hööggen und brodiere, ma cha nit gnue luege; und choche die fynste Sache; und näihe; und d' Gitare spiele und singe drzue wie nen Engel. O mir Buuredotsche, wo niene hy chöme, si doch dumm!“

So chlagt 's und schnydet so nes traurigs Gesichtli drzue, dr Heireli mueß häluuf lache. „Aber, Schwesterli“, seit 'r, „wie du au channsch schalmus sy? Du bisch jo au hübsch und au gschickt, und das het feini tuusig Franke kost — — — und wer weiß, ob du nit am End no glücklicher bisch mit dyr Buureneifalt!“ —

Wörnderisch seit d' Tante: „Eigettig bisch du nes wahrs Glückschind, Heireli! I wüll dr 's grad säge, wie 's gangen isch: Du weisch, das Geldli, won i dr Sparkasse gha ha und au das, wo mr entlehnt hei ufs Hüüsli, minderet gar schreckli stark. Und scho mängi liebi Nacht han i drüber nogstuunet, wie 's ächt au z'mache

fig, aß du z' End studiere chönnisch, ohni aß mr eigetlig frönd Lüüt müesse aspreche. I bi fryli überzüügt, dy Götli, dr Stattholter gäb au öppis Nahmhafte, gwüß thät 'r 's, au dr Amme und d' Bodebüüri, wenn me sie thät aspreche, sie hei mr 's sogar scho uf d' Zunge gleit. Aber weisch was, Heireli: I nimm es nit gern! Und worum nimm i 's nit gern? Wüll i 's vrmeyde wüll, so lang i cha, aß mr d' Lüüt hochmüethig chönnen i 's Gsicht luege und mr z' merke gä: Au ig ha für dy Bueb zahlt — — — I könne sie wol! Mi dörfst jo nümme herzhast nieße und nümme zum Chrämer go ne Bierlig Gaffee hole — — — O wenn numen ig 's erspare und erhuuse chönnt! Gern wett i numen einisch essen im Tag! — Das han i dr ryche Gottebajen erzellt z' Maiechilch, won i sit zwölf Johre wieder 's erste Mol a d' Chilbi gange bi — und bi doch i dr Tschäpeli- bruederschaft! Also dr Baje han i 's erzellt, wie gschyd und brav du figisch und wie guet as lehrisch. Und wie 's mr e Chummer mach wege 'm Geld — — Do seit si endlige: So hör doch uuf jommere, Gundi! Wenn dä Bueb isch, wie du seisch, so sell dr Chostepunkt feis Hööggli sy. Roh du dyni hochmüethige Dorfbuure goh, mir, i euser Familie, vrmöge sauft no so nes Herrli lo z' studiere. Ig ha numen eis Chind und da 'sch ryh vrhüürothet und bruucht 's Geld nit Alls und ig no viel weniger. Drum schick mr dä Chnab abe, und wenn 's so isch wie du seisch, so — mr wei de luege! 's isch jo ne guets fromms Werk und hoffetlig au Gotteslohn drby.“ — So het die gueti Baje gseit, und 's Herz im Lyb het mr glachet, und im Heigoh het 's mi dunkt, ig olti

Zumpfere möcht über alle Heeg unspringe us luuter Freud! Jez aber darffsch nit juume und mueßch zur Bafe go, Heireli!"

So het si de dr Heireli am Sunntig druuf uf d' Bei gmacht, i 's Niederamt abe.

Und am Mäntig z' Obe, wo er hei cho isch, het sy's Gesicht ordli gstrahlet vor Freud, und scho vo wytem het 'r 's Hüetli gschwunge und dr Tante zuegrüest: „Guet abglaufe, herrlig! D' Bafe het mi schier nümme welle lo goh. Und do, im Sackkalenderli, han i nes Gschristli, das isch tuusig Franke werth! Und 's Schönste drby: Di jungi Bafe, ihri Tochter, isch au dört gsi und het Alls billiget und mi fründlich yglade, zuen ere z' Bafanz z' cho uf e Blüemlishof. Und sie well de geistligi Muetter sy — — O Tante, i bi so glücklich!"

Am Tag druf isch 's Frauetag gsi und d' Mina wieder uf Bsuech cho. Si heb kei Fründi as 's Anneli, die andere Meitli fige so dumm stolz und gschwägig.

Und do het si vo dr Stadt brichtet, vo dem Gstaad und dr Pracht i de Hüttjere, i de Chleidere. Und vo dr Pangfion, wos sie allerhand hebe müesse lehre.

Do soht dr Heireli mit ere aso frantzösisch parliere, viellicht ume für sie z' secke. Und beedi hei glachet.

Und 's Anneli soht aso chlage: „O deheime goht 's doch grüüsli lüzgel zue! Me gsieht nüt und fört nit und blybt dumm syr Lebelang!"

D' Mina suecht 's z' tröste und seit: „Ach, Anneli, es isch bi de Fürnemmen au nit alls Guld, was gligeret! Mängi Fräuli chunnt i Syden und Sammet drher und fahrt i prächtige Gutsche. Und ig thät doch nit mit ere

tuusche, Gott bewahr! So stoht 's denf au mit dr andere Herrligkeit; ganz nooch betrachtet ick 's gar fei Herrligkeit meh. Ebe myni Fründine us der Stadt hei rir Sache brichtet, vo Nyd und Mißgunst und andere häßlige Dinge — i ha denkt: Gottlob, chammisch Du wieder hei, i 's stille Dorf use, zue dyne brave friedlige Eltere und Gschwisterti — —“

Drwyle het dr Heireli sy Ghyge gstimmt und singt:

Wie 's Heimetthal — lig's won es well,
Im warme Süd, am Gletscherquell,
Dört wo am Abhang d' Truube rhyt,
Die rauhi Bys dur d'Ebni pshyt:
Wie 's Heimetthal, so schön und werth,
Git's keis uf Gottes wyter Erd!

Wie 's Vaterhuus — stöih 's uf dr Weid,
I enger Stadt, uf wyter Haid,
Syg 's baut vo Holz, us Marmelftei,
Stolz oder gring, groß oder chlei:
Wie 's Vaterhuus, so lieb und traut,
Git's keis, so wyt me Hüüser baut!

Wie d' Muettersproch — die Melodie
Brgißt me n hym Lebe nie.
Klings weich und glatt nach weltlichem Bruuch,
Wie 's Wagerad, so hert und ruuch:
Wie d' Muettersproch, syn oder schlicht,
Rei anderi so zue Herze spricht!

„So, d' Muettersproch“, seit 'r, „die lehrt mr im Handumdräihe, wie dr Fink 's pshye oder 's Hühnli

's gaggel. Aber im Kollegi si sie leider nit z'friede drmit. Grad hüür han i eini unterhänds — ne Sproch nämlich —, die macht mr ordli Chopfweh: s' Griechische — —

Und 'r zieht nes chleis Büechli us dr Chitteltäsch und seit: „Ergüsi, Zumpfere!“ und leit si dr längesweg unter Freulerbirbaum i's duftige Gras und studiert yfrig a dene „Hooggemannen“ ume, wie ne 's Anneli seit. Z'erscht hein em d' Meitschi Meien agworfe für en z' necke; endligen aber si sie spazieren gange, em Waldsaum noh, und hei gjuunge:

Rothi Bäckli, blaiu Neugli

Und e Grüebli im Chinn — —

Nes Rüngli het ne dr Heireli vrgnüglicg zueglost, am End aber het 's nime no us wyter Ferni flunge, ganz lys und unverständlich. Drum het 'r si wieder mit sym Homer abgäh. Bis d' Tante cho isch und gmeldet het: „Jez chönnt mr esse, Heireli! Wo si d' Meitschi? Gwüß no uf's Maieschänzli? Und löih 's Rösti holte!“

So dann und wann, nebe'm studiere, het si dr Heireli au a d' Buurenarbet gmacht, het Bire gschüttelt und Depfel abglese. Oder 'r het dr Charst uf d'Ayle gnoh und isch mit syne Wybervöchlene uszogen uf e Herdöpfelpätz und het gschaffet, aß 'm die syne wyße Händ ganz bruun und ruuch worde si. — De het 'n au 's Esse besser dunkt und gschlose het 'r au wöhler, und 's Gwüsse het 'm gseit: Recht so, Heireli! Muesch dyne Lüütlenen ushelfe mit alle Chräfte! Du gsehst jo, sie helse dir au mit em letzte Chrüüzzerli!“

So isch d' Bafanzzyt wieder vrstriche, im Flug.

Und schier mit Beduure het si dr Heireli wieder uf d' Wanderschaft gmacht, das Mol uf's Pfarrers Roth hi, i d' Stadt, a 's Gimnafi. Und doch wieder mit de schönste Hoffnige. De jetz chann 'r endligen i d' Theologieklaſſe htrete, dört wo me die junge Geiſtliche ausrüſtet mit dr nöthige Wiſſeſchaft.

7.

Duſſe, zrings um 's Hüüſli ume, ſchneit's wie wild. Kei Thür cha mr uufthue, aß nit e Schwarm Schneeflöckli ine chöme us purem Muethwille: oder thüet je ſi öppe flüchte vor 'm wilde Sturm, wo ne kei Ruch loht und kei Raſt? Me chönnts schier meine.

Dinnen aber, im warme Stübli, ſiße d' Tante und 's Anneli am Spinnrad und ſi gar ſlyßig. Und 's zwöit und 's dritt Wort iſch: „Dr Heireli — — Was macht 'r ächt, bi dem Hudelwetter? Het 'r doch au die neue warme Strümpf a und 's Halstuech umbunde, wo mr 'm gſchickt hei? Und loht 'r doch au 's Zimmer heiße? Fryli, ſeuf Bazen iſch au viel für 's Mol! Aber wer wett's erlyde mögen i dene flüchte, chölte Muure und drzue no ſchrybe und leſe?

Bold iſch ne Brief cho nud het ſie us 'm Gwunder uſe glüpf. Dr Heireli iſch, Gottlobedank, jo gſund und wohl und loht Alli herzlich grüße. Au ſchickt 'r Hömli hei zum wäſche und Sogge zum ſtückle. Und meldet, er heb jetz au Privatſtunden übernoh i guete Hüüſjere, das trag 'm i dr Wuche ſo und ſo viel h, es hübsches Gümml. Er fragt au, was 's Neus gä heb ſit ſyr Abreis im Dorf, zäntume; und öb d' Ruch kalberet heb?

Er möcht ne sie so guet gönne, die viele Milch! Und z' Wiehnecht selle sie de Chliechli bache und si recht artig freuen uf die gnaderhchi Festzyt.

„Aber nei!“ seit d' Tante und wüscht d' Auge. „Wie dä Bueb nes guets Herz het! Wie nen Engel, gwüß isch's wohr — Jetz aber muesch 'm antworten, Anneli, und Alls dry thue, i dä Brief, was si schickt. Brstohsch das jo besser as ig; cha schier nümme dr Name schrybe, und won ig's letschthin ha müesse thue i dr Antschryberei, isch 's mr recht Angst worde vor dene Schnäuzlere und i ha ne Chreepel gmacht a dr „Kunigunde“ — i schäme mi jetz no, jä gwüß!“

„Am Sunntig“ seit 's Anneli, am Sunntig wüll 'm de antworte, ha de schön dr Wyl.“

Am Sunntig aber isch d' Urselibasen uf Bjuech cho, trotz Schnee und Chöltn. Und het 's Huus erfüllt mit ihre Ohlage über dä böss Ma, wo Alls verputz und Händel suech, Tag und Nacht, aß 's schier nimm z' erlyde sig. „D du channsch froh sy, Gundi,“ seit sie, „aß kei Ma heisch! Settisch Gott danken uf de Chneue. 's Mannevolch, jo das sett me als grad vrschieße, 's isch keis kei Baze werth! I glaube nit, aß mi Wyne nes Fünfeli gern heb; jo 's isch no d' Frog, ob 'r nit heimlig thät juuzge, wenn i sturb — aß 'r wieder chönnt en Anderi näh! Aber i thät em 's nit zum Gfalle, nei mi Sex nit — —“

Wo si furt gfi isch, het d' Tante gseit: „Do gseht mr wieder einisch handgryflig, wie 's goht im ehliche Lebe, wo kei Viebi vorhanden isch. 's Ursi isch Vierzgi worde und kei Chnab het si um's bekümmeret, wül 's ebe nes

unschymbers suurs Meitli gsi isch; und won dä seit: „Harz“ — seit es gleitig: „Chläb!“, und hei Hochzyt gha im Schnellschug. Und das eifältig Ursi het nit gmerkt, aß 's dem Bürichtli numen einzig um 's Geld z' thue gsi isch. Me het em's gwehrt vo alle Syte, 's het alls nüt hulfe. Jek lebe si wie Hund und Chatz; er suecht sy Freud im Wirthshuus und es brucht sy bösi Zunge — 's isch ne Schand! Das nimmt kei gueti Ausleitig, nei währeli nit!“

Druuf chumt 's Anneli ne chranki Hand über, 's böös Thier — Gott bhüet is drvor! 's het Schmerze gha öppis grüüsligs Tag und Nacht, das arme Chind! Und vo Schryben isch kei Red meh gsi. Drum het me d' Zueflucht zue dr Mina gnoh, wo a Allem großen Atheil gno het i Freud und Leid. Und sie het ne Brief gschribe, feuf jechs Syte läng; und Alls dry tho gar fyn und artig, Lustigs und Truurigs, Eiges und Frönds, wie's eren ebe i Sinn cho isch jell Romittag.

Und dr Heireli het wieder g'antwortet, ebefalls vier enggschriebnigi Syte voll und gar Freud zeigt a dem Briefli. Und em Anneli nes Pflästerli gschickt vom ene gar gschickte Professor, und nes sydiges Schnüpfli, und dr Tante nes neus Meßbüechli mit grobem Druck, zum Christchindli, und dr Mina nes Bildli, nes ganz prächtigs. und si jell 'm gly wieder schrybe, wie 's deheime gang, es nehm en gar wunder.

Und d' Mina het nit gnue chönne rüchme, wie fyn und glehrt und doch so herzig Alls aufgesetzt sig; me müeß förmlich stumme und denke: O chönnt ig 's au e so! Demel es Doze Mol het sie die Briefe glese — — —

Und druuf wieder g'antwortet, wien ere 's d' Tanten und 's Anneli ygäh hei und au 's eige Herz — — —

Dr Früehlig isch cho und dr Summer.

Und chuun isch d' Ern vrbij gsi, isch au dr Heireli wieder cho, größer und rahner as zuevor. A dr Backe und unter dr Nase isch dick's Blumenhoor cho z'wachsen, wie gäli Syde. Au d' Stimm het teuser klinge. Dr Mina het 'r, wie 's 'm auftritt gsi isch, nes neus Maussigheftli mitbrocht für d' Gitare.

„Zieh d' Mina numen auf, wenn sie chunnt!“ seit 's Anneli. „Sie het en Schatz.“

„Ne Schatz?“ Und dr Heireli macht so grossi Auge.

„He jo, worum sett si denn nit, so ne hübschi rychi Tochter? Einen us 'm Niederamt frycht ere noh, ne Buuresohn. Er isch mit ere Götti gsi bi 's Lorenze Chind. D' Lorenzene thuet gärn so öppis brittle — — Wo dört a duuret die Liebschaft. Eigetlig isch's no eister nume nen ganz eisyrtigi Liebschaft, de, unter eus gseit, dr Mina isch 'r z'wider. Ne Chopf heb er wie nes Bernviertel, syg groblächtig i sym ganze Thuedium und wüß au vo dr ganze Welt nit z' brichte, as vo de Rossen und Chliehnen und Wäge, vom Dragunerweese, vom großthue und chrafte. So eine wüß sie gar nit, die Olti aber, d' Stattholteri, flattiert 'm und wartet 'm auf, hinten und vorne! de si selber isch au vo dört untenuse und mit dem Challi no wytläufig vrwandt. Er heist Hornig, as 's nit vrgissich!“

Und würklig, am Sunntig, wo d' Mina uf Bsuech chunt soht si dr Heireli bi dr erste Glegeheit aso necken und frogt, ob si dä Hornig au lustigi Fasnecht gmacht heb? Und so wyters, wie 's öppe brichtet wird i settige Zäle.

Do isch aber d' Mina über und über roth worde und het am End schier Augewasser übercho. So das sie dr Heireli bald duuret het und 'r notisnoh uf enes anders Kapitel übere gsprungen isch, uf d' Muusig.

Do hei sie de zsäme die neue Stückli probiert nnd gsungen und g'musiziert, aß sogar 's Bögeli im Chräzli ih Freud dra gfunde und aso pfsye het wie närrisch. —

Dr Heireli isch vo Olt und Jung ordli gestimmt worde und viel hei jetz scho vor em 's Chäppli glüpft; und d' Wyber hei 's für fei gringi Ehr gha, wenn das jung Herrli mit ne par Wort gschwächt het, und d' Tante benydet um die Gnad. Der Pfarher het en hglade, furta, als Theolog, i Chorstuehl z' cho und am ene Sunntig zue nem cho z' Mittag esse.

Das het dr Heireli sehr gsrent, nämlig wäge 'm Pfarher.

Im Ganzen aber isch 'r wenig oder gar nit unter d' Büüt gange. Lieber isch 'r deheime blybe, uf em heimelige Hübeli, und im Wald ume gspaziert und het dem Bögelgang gluuschet und dem heimliche Gruusch, i dene hundert-jährigen Eichen und Bueche. Dr Wald isch 'm vorchoh wie ne große heilige Dom, wo d' Engeli, d' Friedens-engeli, unsichtbar uf und ab schweben und Gottsdienst halte uf ihri Art.

Im Wald het 'r au am beste chönne studiere und syne Gedanke nohange.

Bjunders agnehm isch em au dr Umgang mit em Anneli und dr Mina gsi, ihre Gsang und munteri Rede. Wie isch halt doch numen einisch jung!

Und e sittigeri het 's feini gä as 's Stattholters

Tochter. Das het au d' Tante gseit. Und drby so witzig und gschyd und lustig. Sie isch nit müed worde für dr Heireli z' froge über Dies und Jenes, was sie nit gwüßt het, i dr Sproch, i dr Geographi, i dr Gschicht, i dr Muuszig; und het em so andächtig zueglost und feis Aug ab em tho. De hei sie wieder zsäme könne lache wie Chinder, wie vor Johre.

Einiß, am erste Herbstsunntig z' Mittag, si sie, dr Heireli und die zwöi Meitschi, röthig worde, ne größere Sapzierung z' mache uf e Challeberg use. Und sie hei si au munter uf e Weg gmacht.

Bi de Ruine vom Olttschloß het me ne längere Holt gmacht für e chly z' verschnuuse. 's isch nes merkwürdigs Ruege gfi, die riesig dicke Muure, dä mächtig rund Thurn mit em ygfallne Gwölb und de schmale Heiterlöchere; vo dr steinige Schneggestege het mir no düütlig die unterste Tritt gseh, mit Morast und Gras halb vrdeckt; d' Cysterne und dr Schloßgarte, Alls mit Dorn und Stauden überwache. Wo albe d' Ritter mit ihre Fräulene glebt und gschwebt hei i Suus und Bruus und Herrligkeit, i Liebi, Stryt und Kampf, huuse jetz d' Fledermüüs und d' Heidöchsli, dummi Frösche, Blindschlycher und Schlange. Us de Muurspalten use wachse Zwerghöhrli, und uf ihre gstruppigen Neste hocket dr Ohrechuuuz und loht sjs melanholisch Gschrei uus i stiller Nacht.

Dr Heireli het dene Meitlenen au die Gschicht erzellt vo dr Burg. Wie 's vo de Wendelsteinere bout worde syg vor viele hundert Johre; wie die als Raubritter ghuuset hebe, vo de Schelmereie und Gruusamkeite, wo sie verüebt hebe a Chauslüüten und Buure, wie die arme

Gefangene heige müesse schmachten i dem teufen abjchüüchtlige Thurnkeller unte, lebendig vgrabe — — Wie eine vone Bluetjuengeren und Tyranne sy eige Frau vo dr Garteterrasse abegstoßen heb i teuf Abgrund abe, wüßl 's em sy Untreui und Schandtate vorgworfe; wie d' Lüüt i Fronfastenächte die Gröfi gsch heben im Chrachen ume-laufe, i schneewyßem Gwand und aufgelöstem Hoor und mit dr Hand gege d'Burg use düüte, dene öde stumme Ruine, i dr Franzosejzt no. Wie das Schloß vo den Eignosse ignoh und vrbrönnit worde syg, dr Thurn aber und die chlosterdicke Murre Sturm und Wetter truget hebe bis uf e hüttig Tag.

Er het au vo dem unterirdische Gang brichtet, wo, dr Sag noh, eine vo de Burggroße heb lo erboue, für sy Liebsti heimlich bsueche z' chönne, d' Gröfi uf em Chuunzeberg äne, wo me au no düütlich d' Spure gsei vo Schloß und Thurnkeller. Hütt no, wenn me de Jegere wüßl glaube, sig nes Stücki vo dem Gang vorhanden, teuf unter däm Hubel dur, statt de Grosen aber thüele Füchs drin huusen und allerhand wüesti Thier. — — Wie andächtig hei nem die Weitschi zueglost!

Druuf isch mr uf e Challeberg use gftiege dur e gäch aber schattig Finsterwaldchrache. Dobe, uf em Challeweidli, hei sie die prächtigsti Aussicht gha uf d' Alpe, vom Sentis bis zum Montblang, i 's Aeärgäu abe mit syne fründlige Stedtlene und Schlößere, i 's Luzernerbiet ine mit syne sunnige Hüble, wyten Ebene und schmale Seene, i 's Chloster St. Urbi, wo die Here so gottesfürchtig glebt hei, i 's heimeligen Emmethal use, wo die feiße Chäse grothe und die schöne Weitschi.

Das Tüürli het eusi Rüttli ordli müed gmacht und durstig. Denn d' Summe het gstoche wie z'mitts im Summer. Drum si sie i das grüünige Challesennhuus abe gangen und hei ne halbi Wy trunken und Geißchäsli drzue gesse. Und dr Heireli het, gäb wie d' Meitschi abgwehrt hei, no ne zwöiti Halbi bstellt.

„Mr chöme Rүүsch über“, meint d' Mina.

„Ganz recht!“ seit dr Heireli. „Das möcht i ebee gseh, wie dir de Gsichtli machet:“

Sie lache z'säme und gspäßlen; bis einen ine chunnt i d' Stube und meldet: „'s git nes starks Wetter! Obfig uff ick dr Himmel brandeebigeschwarz, über und über, au thuet 's scho wetterleichne — — — Im Herbstmonet, da 'sch ne Selteheit!“

Do hei d' Meitschi groösi Angst übercho und fei Blybes me gha. „Mr wei hei! Rueg, Heireli wie 's finsteret. Und dä wyt Wäg — bhüet is Gott!“

So si sie furtzoge, heizue, dr chürzisch Weg, über d' Weid dur Wald und Chräche. Bold wäre sie ordli verirret gsi, hätt ne nit en olti Bromberisfrau dr Weg gwise, bim rothe Chrүүz vrby.

Do Sunneschyn fei Spur meh, me fört dr Donner muttere, gseht 's blitzgen obfig uff bis überen i 's Emmenthal. Reis Rүүtli goht, d' Stunde löih ihri Blettli muethlos hange, 's macht so heiß, so brüetig heiß, 's chunnt eim frei vor en Dthe. Dene Meitschene ihri Gsichtli glüeihe, sie hei d' Hüetli abgnoh und d' Röck aufbunde, aß sie a dene Stunde und Dörne fei Schade lyde, und laufen em Heireli noh wie Jagdhündli, über Stock und Stei. Und nume jelse chunnt 's vor, wenn öppen Eis

stülperet über die höchste Wurzeln oder ausgeschlipft auf dem glatten Wase, daß 's no 's Heireli's Arm gryft und alli Drü luut asöi lache, trotz Wetter und Gföhr.

Sie hle, was sie vermöge. Jetzt könne sie zum Fliehmattnag, wo der Grenzstein steht vom großen Frieniswald — nes Viertelftündli no und me isch deheim. So, wäre si nume scho deheim! De jetzt hets aso chuuten und tose i dene höchste Baumgipfle, die starke Tanne krümme si, wie schwache Schilfröhrl, die Bueche rausche, die alten Eiche süßzge und chrache, d' Krähe flattern ängstlich ihre Nester zue, große Tropfen fallen durch die Baumlücken abe, hschig halt.

D' Mina het so schöni, höchstligi Kleider a — o wie schad! Und 's Anneli rüeft: „I springe voraus und hole ne Schirm —“

„Nei, nei!“ wehrt d' Mina, „Anneli, se los doch au!“ Aber 's Anneli isch scho furt, 's Wegli ab, gesprunge und was 's zuggrüeft het, me het 's nit hört vor em schreckliche Wind. Der Heireli und d' Mina laufe was sie laufe können, doch si sie chuum zwee Büchschütz wyt gange, so chumt ne Donnereschlag, daß der Bode zitteret. Und zugleich bricht der Regen los, wie mit Züberen abegschüttet. Do, hert am Wegli, steht die ulti große Bueche; gleitig zieht der Heireli sy Begleiteri unter das breite dicke Laubdach. Hundert Mol scho isch 'r unter der Bueche gesse, bi sunnigem Wetter, im kinde Niesch. No nie aber isch 's em willkommen gsi wie jetzt, bi dem grausamen Sturm.

Da stöih die zwöi junge Lütli Arm an Arm a dä großmächtig Buechestamm aglehnt und schöpfe wieder Othe und luege dene Regestryme zue, wo zwüsche de Bäumen

abe falle, und dene Bächlene, wo dur die Wegli und Chrimmen abe laufen. Und sie hei müxelistill. Bi jedem Donuerchlapf aber juckt d' Mina erschrocke z'fäme und ergryft fester Heireli's Arm und lehnt 's Chöpsli a sy Achsle und het d' Aleugli zue us lunter Furcht.

Dr Donner git noh, desto stärker fällt dr Rege. No kei Tropf isch dur das grüene Schärmdach drunge, doch jetz soht 's au aso rünnele, und dr Wind peutscht die Tropfe zue, vo dr obere Syte noch, wie rasig.

„Loh di nööcher zue, Mina!“ seit dr Heireli b'jorgt, „do isch mehr Hilmi!“

Und 'r nimmt sy Rock, won 'r uszoge gha het und theilt en mit dem Meitschi brüederlig, das heist 'r deckt drmit gmeinsam syni und Mina's Achsle; und um dä Rock festz'holte, schlingt 'r sy Arm liecht um ihre Hals. Er gspürts, wie 's Meitschi zitteret — — Ihm selber soht 's Herz aso warmen und chlopfe, bi der Verüehrung überchunnt en nes seltsams ungewohnts Gfüehl, so arig süß und schuurig, nit usz'jpreche — —

„Förchtich di öppe, Mina?“ frogt 'r hyseli. „Förchtich my?“

„D nei!“ seit sie und luegt an en uf.

Und wie sie, Bäckli a Bäckli, enander i d' Auge luege, ne Minute lang, bis uf e Grund, do hei ihri Herzen aso uffjuchzen und jubeliere vor lunter Seligkeit; und wie d' Auge, so hei unwillkürlich an ihri Rippe nander gfunde im e füürige Chuß, dä schier nit ende wüll — — Und keis Wörtli isch gsproche worde, as: „Mina“ — „Heinrich“. Was aber das einzige Wörtli Alls entholte hät a Viebi und Glück — wer chönnit 's ermesse?

Do het dr Rege lang chönne pletsche, dr Wind lang chönne tosen und chuute im nasse Gezwyg — die Beide hei's weder gseh no fört, no gspürt. Bis ne gwoltige Donnerclapf chunnt, glychsam 's Finali, do fahre sie erschrocken uusnander und luege, wie uf böjer That ertappt, verwirrt umenand. Dr Rege het uufghört, dur die Baumlücke dure güggelet bereits wieder e milde Obedjunnestrahl, a de Baumblettere hange Millione glitzrige Edelstei und falle zuer Erde. 's Wetter het si brzoge, über d' Aaren übere stoht e wyte Regeboge, dä nimmt si am schwarze Gwitterhimmel so prächtig uus!

Und 's Fuesßwegli uuf chunnt 's Ameli cho z'springe, mit zwee Regeschirme unterem Arm und rüeft:

„Heireli! Mina!“

„Do si mr jo, do!“ antwortet der Brüeder und stoht i 's Wegli use. Und alli Drü lachen über dä grüüsig Schrecke, wo si uusgstande hebe.

Wie sie hei chöme, uf 's Hübeli, rüeft d' Tante:

„Bhüet is Gott, wie han i nit en Angst uusgstande, wegen euch bi dem schröcklige Wetter! Dr sit gwüß dure dur naß worde — nit? He um so besser! Du, Heireli, muesch eineweg 's Hömli schangschiere, i ha dr eis z'warne tho! Z'erscht aber wei mr dr warm Gassfee trinke, dä thuet ech erquicke, potz tuusig! Und dä isch au ne Züpf, ha sie gester extra bachet, wüll 's em Ameli sy Geburtstag isch. Die müesst dr esse — Mina, schynd dr ab, nume herzaft — so! Und du au, Heireli!“

Ach, sie möge nit Züpf esse! Dr Mina ihri Bäckli glieiche wie 's Obetroth, wo jetz zum Fenster h schynt, ihre Auge glänze, und was sie redt, vom Wetter, vo dr

Landchaft, wo sie gseh hebe, vo dr Muetter deheim, wo gwüß grüüßli Angst heb und blangi, wie 's so heiß mach no eister; — 's het Alls kei Zsämehang, 's sprudlet füre wie 's Wasser, wenn 's überchohet. Das chunnt doher, 's isch so heiß und deustig i dem Stübeli — — Mit eme churze Grueß, mit eme flüchtige warme Blick uf e Heireli nimmt sie Abschied und springt furt, 's Fueßwegli ab, wie nes flüchtigs Reh.

Dr Heireli het no keis Wörtli gsproche. Und wien 'r i syhs Chämmerli use chunnt, leit 'r si wien 'r eben isch, uf 's Bett und macht d' Auge zue. Er weiß gar nit, wie 's em isch, so wohl, so weh!

Vom Rankweg noch ertönt häle Meitschigsang. 's Fenster isch sperroffe, me hört jede Nut, vrstohet jedi Silbe:

Es Vögeli sitzt uf hööcher Fluch
Und singt und jubiliert.

Es Anders luegt und lost em zue,
Frogt: Bistch so gar scharmiert?
Was isch 's de, was di so närrisch macht?
Doch öppe nit d' Sunne mit ihrer Pracht?

Wie sett sie nit? seit 's Vögeli.
Lueg, wie dr Himmel blau,
Und wyß dr Bach im Bödeli
Und d' Blüemli uf dr Au!
Istch das nit 's singe und 's juble werth?
Git 's öppis schönere wohl uf dr Erd?

Das Andere seit: I gseh dr 's a,
Gwüß könnsch du d' Liebi nit?
So bißch du währli übel dra,
Magsch süsch ha was de witt!
Denn 's höchste Glück, wo 's Herz erfreut,
Ißch d' Liebi mit ihrer Seligkeit.

Wie dr Liebi Blick so hál und klar
Rei Stern am Himmel stóht;
Wie dr Liebe Luut, so wunderbar
Rei andere z' Herze goht.
Wie dr Liebi Lust und dr Liebi Weh,
Ißsch du uf Erden, im Himmel müüt meh!

So, dr Liebi Lust, die het 'r jetz empfunde, dá
guet Heireli! Mit aller Macht, urplöglích, ísch 's em
i 's Herz ine drunge, het 's ganz ussgfüllt, 's hinterst
Eggeli. Und i dem Herzen inn gseht 's sitdem uns wie
im Paradies; do ísch nes prächtigs Altärli aufgmacht
und Meie zringsum vo alle Farbe und Alls erslüüchtet
mit guldigem Glanz. Und uf dem Altärli stóht d' Mina
und lächelet so süëß, as 'm 's Herz schier vrgóht. Und
d' Engeli, ganz unsichtbar, singen und musiziere, eis Gsägli
um 's ander, ne wunderbari Melodie, wien 'r no keini
fórt het syr Lebelang — — —

So lyt dr Heireli mit gschlossnen Augen uf em
Bett und loht dá Gottesdienst ungestórt wolten im Herzen
inn. Und es Blüemli het 'r zwüsche de Fingere, nes
Monetröfseli, wo d' Mina am Bueße treit het; und er
chüßt 's und chüßt 's!

„Heireli!“ rüéft d' Tante Stegen auf. „Heireli,

d' Snppen isch gmacht — wotsch nüt meh z' Nacht?“

„Nei, nei!“ antwortet dr Schnab, „i ha kei Hunger. Wüll lieber schlofen und traume — —“

Und de Morge früeh, eh dr Güggele chräiht, schlycht 'r si scho zum Hüüsli uus und goht i Wald. Und singt und juuzget mit de Bögle z'wett, vo all dem Glück, won em 's Herz erfüllt. Sücht müesst 's jo vrspringe!

Und won 'r a das Dertli chunnt, zum große Buechestamm, nimmt 'r syß Sackmesserli füre und schnydet vier Buechstabe i d' Rinde und zieht nes Herzli drum. Aus es Läubli ryßt 'r vom Baum und leit 's i 's Sackkalenderli nebe das Röseli.

Er gspürt 's nit, wie naß 'r wird vom viele Thau.

Am Bystig z' Obe chunnt d' Mina cho ne flüchtige Buech abstatte; sie het am Sunntig, i dr M, ihres Reisetäschli vrgesse gha.

„D' Tanten und 's Anneli si am Rainli unte“, seit dr Heireli, „sie thüet dr Chabis bschütte.“ Und wieder soht em 's Herz aso chlopfe und vor lunter Verlegenheit weiß 'r nüt z'sägen, as: „Sez di doch, Mina — —!“

Und 'r nimmt sie bi dr Hand und zieht sie süüferli neben anen uf d' Fensterbank. Und sie lehnts Chöpfli wieder a sy Achsle; und heiße Thräne gspürt 'r auf si Hand abe falle.

„Was brieggisch?“ fragt 'r erschrocke.

„D, i weiß 's selber nit! Denk wül dy so lieb ha, so lieb!“

Do nimmt 'r sie stürmisch um e Hals und chüst ere 's Thränli us den Auge.

Plöglig aber richtet si d' Mina uuf und seit: „Ach

Heireli, 's cha jo nit sy, 's darf i Gottsname nit sy, aß mr is liebe! Du wotsch jo geistlig werde, muesch geistlig werde — ach Gott!"

Und jek, erst jek, chunnt 's au em Heireli i Sinn: „I sett jo geistlig werde, darf nit liebe" — — — Und 'r senkt trunrig dr Chopf.

Ne pyhligi stummi Pause. Wie fört d' Tanten und 's Anneli dr Fuesßweg uf cho, vo wytem.

Do seit 's Meitschi: „No nes Chüsli, Heinrich, de teis meh! Wei Alls vrgesse, vgrabe!"

„Vrgesse, vgrabe!" wiederholt dr Heireli dumpf.

Druuf falle sie enander i d' Armen und byßen nander schier d' Lefzgen ab — —

Wie sie aber d' Tante chöre d' Schuech abschare im Schopf uße, springe sie usenander und söih glychmüethig aso brichte, vom Wetter, vo den Depfle, wo stark thüet falle, vo dr Herbstweid uf de Matte — — — 's het scho zimlich aso öbele, i dr Stuben inn; d' Tante het die rothe Bäckli nit gseh und die nassen Augli!

8.

Dr Heireli isch wieder furt und dr Winter isch cho mit schnelle Schritte.

Dä Niederämter Buuresohn het si sit langem nümme loh blicke. Jek, won em d' Muetter gestorben isch, chunnt 'r wieder cho z'ryte, mit vielem Yser. Er mög nümme mit Mägde huuse, seit 'r, die müessen em nit Alls vrschleipse und vrschlecke.

Und d' Stattholteri ermahnet ihri Tochter: „Dä darfsch nit lo fahre! Denk au, wie rych, wie ne prächtigi

Sach! Und dämäg chönnen huezhocke, fei Schwiegere meh,
Niemer, as ein regiere wüll oder uf d' Beche trappet —
— Dä mueßch näh, Mina!“

D' Mina aber schüttlet der Chopf und seit: „Los,
Muetter, i chönnt 's um alli Welt nit! Möge Huus
und Hei au no so schön si — dr Burcht chan i nit
liebe, au ganz und gar nit! Drum löiht mi doch rüehig!
— So schreckli wird ech doch nit vrleidet si, aß dr mi
so gleitig weit zum Huus uus ha, so jung — — Sücht
jäget 's nume, i go jo scho, uf dr Stell — i 's Chloster!“

Und z' Obe, im stille Schloßchämmerli, sitzt sie uf
's Bett und summt:

So warm isch keis Föür,
Kei Glueth isch so heiß,
As e heimligi Liebi isch,
Vo dr Niemer nüt weiß!

So stark isch kei Chetti,
So gwoltig kei Dieb,
Nüt grñst so zue Herre,
Wie ne heimligi Lieb.

Mys Herz het es Schloßli,
Drimm rueihet e Schatz,
Kei andere chunnt ine,
Kei andere het Platz.

Dr Himmel isch hööch
Und 's Meer isch gar breit,
My Liebi, die duuret
In Gebigkeit!

„Jo, bis i d' Gebigkeit!“ seit sie. „Und kei Seel föll 's vrnäh, i dr ganze Welt nit, was i mym Herz inne vgrabe lyt. Bis einisch de, im Himmel, de wüll em 's offebare: Lueg Heinrich, wie treu as dr blibe by! Und 'r wird si freue, und dr Hergott wird 's denn au erlaube, aß mr dört dörfe binander sy — —“

Und sie nimmt die Briefe füre, zum hundertste Mol, won 'r hei, i syne Büuten und zueglych au ihre gschribet; und liest sie wieder bim matte Nachtlechtle, vo Anfang bis zue End; und lauft 's Zimmer uuf und ab und seit überluut: „Und ig sett dä dumm folderig Challi näh, wo Er my syner werth gfunde het, wenn au nume ne churze seligen Augenblick! O nie, nie!“

Sie nimmt au sy Photographie füre, mit dem roth-weiße Studentechäppli, und bschauet sie und drückt sie a 's Herz, a d' Lippe; und vrschließt alls wieder sorgsam i 's hinterste heimligste Gummomodewinkeli. —

D' Gotte chunnt z' Visite und seit:

„Wie d' Mina bleichet! Sie het viel gmageret, sitdem i do gsi bi!“

„Sie het halt au gar streng müesse schaffe, dä Herbst“, meint d' Muetter. „'s wird öppe scho wieder bessere!“ —

Dä dick Niederämter wüll nit lugg gäh. Sogar d' Stattholteri git em 's z' merke: Nit nolosch gwünnt! — Er chromet dr Mina uf d' Wiehnächt ne chöftliche Schahl, roth blümelet mit eme prächtige Bord. Fataler-ways het aber d' Mina selb Romittag schreckli Zähnweh und wüll nit zm Vorschyn cho.

Do soht d' Muetter aso uufbegehre: „Het das au en Art, so wunderlig z' thue? Deppe danket isch 's ghy!“

Und dä Chroem dörft jo ne Prinzessi anäh, so prächtig isch 'r und syn. Weiß kei Wönsch, wie viel dä gkost' het!" —

„So nehmet Dir en, Muetter!" seit 's Meitschi vrdrießlig. „Dr chömt em de so grüüßli danken as dr weit — — Oder besser wär's, denk, 'r gäb en dr Luzerner Magd, wo unter dr Zyt het müessen uustrete, us gwüsse Gründe, wie d' Lüüt säge!" — —

's isch nüüt zmache gsi, dä Bursch het 's dr Mina gar nit chönne breiche.

Au dr Stattholter seit endlige: „Hör doch uuf das Meitschi z' ploge, Muetter! Wenn 's en au gar nit mah — und offe gstände, mir chömt 'r 's au nit — was wüll mir 's de zwänge? Ne zwängti Sach thuet selte guet. 's chömt die einisch greue — — Und zudem: Rueg das Meitschi a, wie 's lydet! Dem Chind fehlt öppis, syg 's was 's well. Denk nume dra!"

„Ne mueß em öppis zue ha, Eier und guete Milch“, meint d' Muetter, „das wird scho helse. 's isch au gar z' stark gwachse!“ —

Do chumt 's Weierhöfers Bueb, dr fürennst im Dorf. Bloß stoßt 'r sy e chly a a dr Red und isch au süst nit grad dr uufgewirter; aber das schöne neue Huus, dä Hof und d' Gültene! Und 'r frogt d' Mina a Jasnechtbal.

„Do wirdsch doch jek nüt yzwende ha?“ frogt d' Muetter.

„Nei“, seit d' Tochter, „wider e Burscht han i nüt. I glaub es syg ne brave. Nume mag i gar nit a d' Jasnecht goh, ma nit hüürothe — — O Muetter! —“ und 's nimmt sie ume Hals ume und soht 's luuter Wasser aso briegge. „O Muetter, löiht mi doch rüehig,

numen au nes Jöhrli oder zwöi! Thüeit mr dä Gfalle, i bitten ech! Und wüll ech sücht folgen i alle Stücke und ech gern ha, als mys liebe Muetterli — — —“

Und d' Muetter, wo sie zum Stübli uus chunnt, schüttlet dr Chopf und süßzget: „Het mr au scho öppis e so gseh bin ene junge Meitschi? Die möge jo sücht gar nit gwarde, bis eine chunnt! Weiß 's a mir a, won i i dene Johre gsi bi!“

Es anders Mol seit si zue dr Mina: „Jos, Meitschi, und lueg mi a: Gel, dir steckt en Anderen im Chopf? Und wotich und darffsch 's nit säge? Gel, i ha 's errothe? Säg 's, i wüll's wüsse!“

Do seit d' Tochter: „Jo, Muetter, dr heit recht, Euch wüll i nit alüge. Do im Herz inne het eine Platz gfunde, vor Allen uus — — — I wüll und dar f en nit hürothe. Kei Seel weiß drum, keini wyters soll 's vrnä! Ig und er werde nie meh zsäme cho, ömel uf der Welt nit — — Jetzt gät ech zfriede, Muetter, mehr därf i halt nit säge. Und Chummer bruchet 'r keine z'ha, uf Ehr und Gwüsse nit!“

Und wieder denkt d' Muetter: „Do begriff 's wer 's begriffe cha! Wohl chunnt 's mr i Sinn, wien ig 's gha ha, i dem Oltter, mit eme junge Schuelmeister — — Aber euse Schuelmeister do isch jo stark i de Füßze und het ne Schaar Kinder und isch ganz e uschymbere Ma — nei, dä cha's jo gar nit sh, won ere dr Chopf vrdräht het! Aber wer denn, wer? Da 'sch halt bös z' errothe — — Und sie wüll 's nit säge, nit emol mir — da 'sch ne fatali Sach!“

Bold aber chunnt ere dr Trost: „Me mueß sie nes

Rüngli so mache. Notisnoh wird 's ere scho vrgoh, wie 's au mir vrgangen isch, selb mol — — Aber Schad isch 's eineweg und i cha 's nit lyde, aß 's Meitschi gege dä Niederämter so nen Abguh gfaßet het. Ne Ryhere wird schwerli cho, denf mr au, einzige Sohn bi me jettige Brmöge!

* * *

's isch am Otefasnechtsjunntig z' Obe gsi. Mit großem Glärm und Halloh hei d' Dorfbuebe, groß und chh, vo Huus zue Huus Holz und Bedele zsäme gsammel, nes großmächtigs Fueder, und 's drno uf e Channebüel ufe zoge, für 's Fasnechtsfäär.

D' Wyber hei g'chüechlet uf Lyb und Lebe und d' Mannevölcher hei scho d' Fänger gschleckt druuf ine.

Au d' Tante het es paar Schnitte gmacht und nes Tellerli Depfeschüechli und Strüübli, wege 'm Bruuch und au wege 's Meitschi's Glust.

Und wie d' Nacht abricht, rüeft 's Anneli vor dr Huusthür uf: „Tante, chumm doch au cho luege! Gsehich dört die Fäär zringsum, uf dene Bergen und Hüble? Demel nes Doze si 's, eis schöner as 's ander. Aber en i Bueben hei, wie eister, doch 's schönere wyttus — lueg wie 's lället, bis fast a d' Wulchen ufe! Und dört däi Fachelezug, uf 'm Bergli äne — aber nei! Und wie sie vorwärts marschiere, 's Flüeli uuf und ab! Und me fört sie juuzgen und musizieren und schieße — o, wie schön!“

D' Tanten aber mahnet: „Chumm du jek inen, Anneli, i die warmi Stube, und lueg zum Fenster uus! Gspürsch 's de nit, wie cholt dr Wyje zieht? Wie ghy

hättisch Zahnweh uufglese oder süscht öppis, a dem böse Luft!“

Und wie sie bim Nachtesse siße, seit d' Baise: „Was macht ächt dr Heireli, hinecht? Hät 'r au Chüechli oder süscht öppis Bessers? O chumm! Wenn em nume das Plättli do chönnit länge, dem guete Buch — dä wurd lustig schnabeliere, so murb und chröpelig aß sie si — — Und 'r het jetz au scho lang nümme gschriebe, gel Ameli? Me mueß fast Chummer ha, es syg em öppis passirt! Ne Zytlang traumt 's mr so viel und Alls vo ihm; weiß gar nit was z' bedüüte het, 's wird mr ase ganz bang. — Se nimm denn au, Ameli, heßch d' Chüechli jo so gern! Und schenk Gaffee h, mir au no nes Schüsseli, aber ordli brunn — so! Jo wahrli, Oltifasnecht! Da 'sch scho die nünefüzigsti — nei bigost die sechzigsti, won i erlebe! Ach won i no jung gsi bi, do ha mi alben au grüüskli gfreut uf dä Tag! I bi bi 's Weiherhöfers Werchmeitli gsi und hät über all Heeg uns möge springe. Ne großi Zeine voll z' Esse für anderhalb Doze Werchlüüt, das han i uf em Chopf treit und bi mit glosse, ne Viertelstund wyt, wie nes Vögeli; vo Müedwerde han i selbi Zyt schier gar nit gwüßt — — und a dem Tag het d' Weiherhöfere Chüechli bachet mängi Zeine voll: Dröhlti und Brhabni und Eierchüechli und Schläüfferli und Hirzehörnli und Strüübli, vo de Schnitte gar nit z' rede, dere het si gmacht es halb Doze großmächtig Platte voll. Wenn das Alls ufstreit gsi isch, het me nander schier nümme gseh hinter em Tisch — 's isch gwüß wo hr! Und Wy isch glosse, wie Bach; sell Obe het's dr Olt nit groue. Und me het Gugelfuehr tribi und

Spieli gmacht und tanzet und gfunge bis no Mitternacht
— — — O alben isch 's doch luestig zuegange gege
jetz, i alle Sache!"

's Anneli lachet häluuf und seit: „Weisch, worum
aß 's di lüftiger dunkt het, Tante? „I wüll dr's säge
mit eim Wörtli: selbi Zyt bisch halt erst Zwänzgi gsi
und jetz ebe Sechzgi! Da 'sch dr Fundus, dr ganz Unter-
scheid, nit wohr, Tanti? — — Aber was wüll i säge?
's Stattholders Mina het mir Bricht gmacht dur 's Maritze
Hedwig, öb i nit e chly wett zuen em abe cho, hütt Obe.
Sie heb so Längizyt und weni Freud a dem Glärm.
Darf i goh, Tanti? E wol — säg Jo! Bisch de nes
liebs Tanti, und i verspriche dr, recht gly hei z' cho!"

„Aber, Chind!" seit d' Tante, wo denksch au hy?
Bi dr Nacht, so ganz ellet, dä Weg zmache — nei, nei,
das cha nit sy!"

„Jä los, Tante, dr olte Chüeiher chunnt mi cho
hole und bleitet mi wieder hei — still! Do isch 'r jo
scho und rafflet a dr Huusthüre. Darf em ursthue,
Tante?"

„He so mira de! Wenn 's Spiel dāweg abfartet
isch, was chan i meh drzue säge? Aber bete muesch mir
z'ericht, nes andächtigs Vaterunser, und Wiehwasser näh!"

Aber 's isch nit 's Stattholders Melcher, wo ine
chunnt. 's isch dr Heireli, dr lybhafftig Heireli, aber ganz
ngfallen und bleich. — —

Dr Tanten isch 's vor Schrecke schier gschmuechtig
worde. „Jesis Maria!" rüeft si, „Heireli, isch 's dy?
Und gsehich jo leid us! O du arme Tropf! Und
seisch nüt und schrybsch nüt und machsch dä wyte Wäg

bi dem halte Wetter dur e Schnee — — o heie, was mueß i au no erlebe!“

’s Augewasser lauft ere d’ Backen ab und sie nöthiget de Heireli zum warmen Ofe und weiß nit, wie ’s em uufwarten und fläisle wüll, aß ’r si ömel wieder ebchym.

Au ’s Anneli isch grüüskli ergelsteret. Und wo dr Chüeiher chumnt, seit ’s em lyfeli, unter dr Hunsthür: „I cha nit cho, Michel, mr hei ungsinnet Visiten übercho — dr Heireli! Säg’s dr Mina, süscht aber Niemerem — heisch g’hört?“

9.

Am Morge früeh chumnt d’ Tante zum Bett zue und frogt: „Heisch chönne schlofe, Heireli? Nit guet? Isch öppi ’s Chüissi z’ warm gsi? ’s Anneli macht dr guete Thee. Mir aber mueßch ’s jetz säge: Wo fehlt’s dr eigentlich, wo thuet’s dr weh? Vor mir wirsch Gottli feis Gheimniß ha?“

Do seit dr Heireli, ohne recht d’ Augen uufzthue, mit matter Stimm: „Wo ’s mr fehlt — ich weiß ’s selber nit recht — — Do uf em Herz — — Ha wen! Appetit und cha nit schlofe. Und bi so müed, i alle Gliedere, möcht schier dur e Boden abe schlüüffe — —“

„So mueß ’s zum Dokter gange sh, uf dr Stell!“ seit d’ Tante. „Zum Dokter Siebeckruut — gschwind, Anneli, leg di a! Gel Heireli?“

„Vöist’s doch gelte —“

„Worum gelte?“

„Wül ’s jo doch nüt hilft“, süüßzget dr Patient.

„Du myn Gott, worum de nit?“

Do schwygt 'r müxelistill und luegt trübselig i d' Wand ine.

„Du machsch mir ganz bang!“ seit d' Tante. „E junge Mönch und so dr Mueth lo z'finke — das chan i gar nit ryme! Do wird 's ömel wol no z' helpe si. Und wo 's au fehle ma, gwüß chunnt dr Dokter drüber mit syr fine Nase. Da 'sch jo dr gschieftich wyt und breit. Also, Anneli, lauf:“ — — —

Am Himmel stoht d' Merzesunne, i aller Pracht. Uf de Matte, de Heege noh, a hilmige Stelle, schlüüffe d' Blüemli zum Boden uus, d' Primeli, d' Schneeglöggli und d' Veieli, ztuusigewys. Und überall gruenet's und d' Holderbaum schlöih uus und d' Haselstude henke Büüßeli a, uf 'm Channebirbaum vor em Huus, im Haag, im nooche Wald sänge d' Vögel, 's isch ne Freud, ihri schönste Pieder, em Fröhlig z' Ehre. Lunt und fröhlig singen und junzgen au d' Bueben und Meitschi uf de Hüblen und Halde — euse Heireli, euse Heireli ellei, schynt dr Fröhlig nit z' spüre, a kei Freud nit z' sinne. Trübselig gruupet 'r i dr Stuben ume, Stundewys hocket oder lyt 'r uf em warmen Ofesitz, uf em Bett, mit gschlossnen Auge — —

Der Dokter het en untersuecht, lang und genau. Ne usgeregte Pulz, ziemlich Herzhlopse, es Bitzeli Fieber im Chopf, ne bleiti Zunge, Unthätigkeit i den Organe — — doruf het 'r syni Mittel gäh und frischti Lust und viel Bewegung agrothe.

D' Mixture hei dr Patient ordli agriffen und urüehig gmacht. Aber ghulfe hei sie leider nüt. Blos isch 'r um enes Gran bleicher worde und schwächer; und isch

zue keim Appetit meh cho, die beste Chraftsüppli und mürbste Eiertätsche het 'r chuum recht verjuecht, blöseli e chly dramume g'mänggelet.

D' Tanten isch schier vrzwyslet. „D heje!“ het sie gseit, „wie wird das au nen Ausleitig näh! Was sell mir i Gottsname denn mit 'm asoh?“

's Anneli isch zue 's Stattholders Mina abe gsprunge. Und dört, im stille Chämmerli, het 's überlunt aso briegge. „De best, ördligisch Mönch uf Gottes Erdbode — und 'r wird all Tag wie leider! Und 's weiß niemer, wo 's em au eigetlig fehlt, nit emol dr Dokter, i dörft druuf wette! Er selber, dr Heireli, wüll gar nit recht use mit dr Sproch, i merke 's wohl — — — O, Mina, chumm en au einisch cho bsueche! Gel, du thuesch das? Er het die eister so gern gha wie si eigeni Schwester, schier lieber as my!“

Das seit 's uf die treuherzigsti Ws.

D' Mina aber wird bald roth bald wyß und cha keis Wörtli füre bringe, as: „I darf nit, i darf nit — — Er thät mi z' grüßli duure — — Au bin ig jo selber nüt z'weg!“ — Und sie fällt em Anneli um en Hals und soht ebefals aso briegge, überlunt. 's het sie schier vrsprengt vor — Beduure! —

Die olte Barißölerfrau, wo all Johr um die Zyt cho isch, het uf 'm Läubeli uße z' Mittag gesse: Erbsuppe, Griespflute und Schnitz. 's isch so viel für blibe, 's het Niemer kei rechte Appetit meh gha.

Und d' Tante het's dr Olten au klagt wege 'm Heireli, und wie das ne langwyligi, truurigi Sach sig mit syr Chranket.

Do seit d' Bariölere: „ Ach, göiht mir doch mit eue Döftere! Die vrstöih vo den innerlige Chrankete nit e Birestiel, gebe paar Löffel völl gefärbts Wasser im ene Gütterli, und heusche drfür wie d' Heide, helf 's oder helf 's nüt. Aber 's hilft nie nüt — wo wett 's? Höchstes macht das gfärbte Büüg de Lüüte no recht übel, aß sie gar uf keis Bei meh chönne stoh — — das si doch herrlich guet Schnitz, so süeß und chüstig! — Jo, vo dene Döftere z' rede: I bi jetz Achteschzgi — jo währli — und ha no vo keim nüt gha, nit für ne Santine. Fehlt's mr öppis, was au vorcho cha bi dem armüethigen Umenanderlaufe, so weiß i gh, was i zthue ha. Für das het me jo d' Huusmitteli. Au i andere Lüüte han i scho grothen und ghulfe, und nie umsonst! — Also i dem Fal do — dä jung Her het offebar böses Blut, nen Art Auszhrig, das gseht mr em jo a uf hundert Schritt wyt, dofür bruucht mr kei guldtigi Brülle uf d' Nase z' setze und i de Büechere z' schnause, wie 's die gelehrte Pfußer mache. Dä Chnab hät allweg z'häfti gstudiert und drzue no ne leidi Chost gha, wie 's es jo git i dene Stedtlar Hüüsere, wo sie eme Tisch voll Lüüt Plättli aufstelle — bi eus fräß 's ne Buurechnecht ganz ellei und blib no hungerig drby! Und isch vielleicht au chly vrfrore i dene holte Muuren inn, wer weiß! No jetz isch 's ömel Huustage, do isch scho z' helfe, dr ganz Wald isch jo nen einzigi großi Apiteeg — Jetz passet mr wohl uuf, was i säge: Dr nehmet Tuusigguldechruut, und Holdermännli, und Melisse, und Spizewegerech, und wyßtannig und Rechholdereschützlig, und Lungechruut, und Balderian, und Enzene, vo jedem es Hämpfeli, und löiht

's im olte guete Gigertschwasser distelliere, öppe feuf Tag lang a dr Sunne oder au uf em warmen Ofen, und thüt Altwes dri, nume ganz weneli — drus all Morgen und z' Obe müechter nes Schnapsglesli voll gnoh — lueget de, wie das Büschli bravet vo Tag zue Tag! Das pugt en uus, nüt e so und reiniget 's Geblüet. 's wär aber au Schad für en, so jung und hübsch! Und wüll geistlig werde — denk mr au!“

D' Chachelifrau aber, wo ebefals scho wyt i dr Welt ume cho isch, het's graduse gseit: „'s isch fryli wohn, d'Döchter wüsse nit viel; aber au d'Barisöleren isch nen olte Nar, wenn sie euem Chnab das Trank agrothe het! Das wär alefals guet und ömel stark gnue für nes dämpfigs oder buuchstößigs Ross, ne fettige zarte Mäge thät mr drmit jo z' Grund richte mit Floss — — — Jetzt loset, was ig ech säge: Göiht zum Wäffler Dokter, dä gseht ech alli Chrankete im Gütterli, hizigi und anderi, heisse sie wie sie welle, uf en erst Blick; und seit ech 's au wo 's fehlt, uf dr Stell, uf e Tatsch use! Dr bruuchet em keis Wörtli z' säge, er weiß scho Alles, mr möcht meine zum voruus, uf 's Tüpfli. Zich das nit furios? Und was 'r git, Chruut oder Pulver, das schloht a bi dr Stund scho. Stirbt em aber Eine, was zwar selte vorkummt, so isch dä selber d' Schuld, worum het 'r nit 's rechte Zutraue gha! Also zu dem müest dr goh! Oder wenn 's ech öppe z' viel isch — ich go scho, us Gfelligkeit, das host nit alli Welt. 's wird ech nit greue, de i paar Wuche springt ech dä jung Mönch wieder über all Heeg uns!“ —

Au d' Seilermadlee hät vo dem Fal gfürt. Sie

chunnt exprefß i 's Huus cho z' laufe und meint: „Dr Kaplon z' Dingsau heilt alli Preften a Kyb und Seel, einzig mit ihm Gebet und em Gfegne. Hunderte scho het 'r hulfe, wo zuen em cho sy vo wyt und nooch. Er weiß überhaut e chly mehr as ander Lüüt, mehr as eufi Pfarer allzjäme, zum Biejpil, wo die Gftorbene hichöme, ob munduuf i Himmel oder e Bytlang i 's Fackfüür oder ganz fchattfchte, wo fei Hoffnig me ifch in Gebigfeit, jo wahrli — — Wenn dr 's weit ha, i gohn ech scho, um nes grings Löhni. Bi hiiür scho zwöi mol gfi, fogar für fürnemmi Lüüt, dr werdet ech vrwundere, wenn i 's fäge!“ — —

Die gueti Tante het vor luuter guetem Roth nimm gwüßt, won ere dr Chopf ftobt und wem fie jell folge.

Dä aber, wo 's z' allernöächft agangen ifch, dr Heireli, het fatalerwifß vo dene Wunderkure gar nüt welle wüffe. „Aberglaube, Naretheie!“ het 'r gfeit. Was dr Dokter Siebechrunt vrordnet het, dem ifch 'r fo ziemlich gnau noh cho, wenn au mit weni Luft und ohni Mueth.

Er, wo albe fo uufgrummt und fröhlig gfi ifch zue jeder Stund, jett chan 'r fchier halbtägwis i eis Loch ine luege und traume bi offnen Augen. Me het em Ehr atho und en gluegt uufzheitere uf alli Art, chuun ne dankbare Blick, nes matts Lächele het ufe gluegt. Nüt as ftuume und dr Chopf henke dr ganz läng Tag.

Au Briefe het 'r übercho, us dr Stadt, vo fine Fründe. s' Papier het zitteret i dr Hand, won 'r fie glefe het — —

Dr Götti=Stadtholter het 'm Wabehungg gschickt, dur d' Huusmagd. Worum nit dur d' Mina? Die

het sie nit lo erblicke, so daß sie d' Tanten und 's Anneli ordeli drüber aufgholt hei; dr Heireli aber nit —

Deßgliche het dr Pfarher, dä väterlig Fründ, dur d' Chöchi lo froge, wie 's em gang und em gueti Besjerig lo wünsche. Ueberhaut ich im ganze Dorf viel gredt und gwerwyset worde über s' Heireli's Chranket. „D' Unszehrig, het's gheisse, jä da 'sch ne schlimi Sach, scho Viel het 's wegputzt im höchste Bluest! Für dä aber ich 's wägerli Schad, so nes ordligs glehrts Bürschli. Wie mänga Mulaff und Nütznuz chunnt glücklich für und stoht do wie 's Uchruut im Garte, wo nit zverderben ich!“ —

Dr Mai ich cho, dr sunnigisch schönst Mai, wo no d' Welt aglachet het.

Do ich 's doch selber em Heireli nümme wohl gsi i dem Stübeli inn. Er het 's wullig Halstuech umbunde und ich, nume sätteli, i Baumgarten use gangen. D' Depfel und d' Birbäum hei blüecht wie d' Pfingstnägeli, d' Zmbli und d' Maidhäfer hei gsurret und gschmurret wie näriich vo eim Blüesli, vo eim Zwygli uf 's ander, au d' Vögel hei ne schier nümme wüsse z' helpe vor Lust und Freud, jedes het am lüütiste welle singen und pfsye, d' Staare, d' Finken und d' Meusi.

Am Waldsaum, am sunnige Hübeli, het si dr Heireli niedergloh, zlangesweg uf e Buuch. D' Ellbogen uf e Bode, dr Chopf uf d' Händ gestützt, het r' gedankenlos i das grüene Gras abegluegt, i dä Wald, i die Welt im Chlyne.

Do si Schmalestängeli gstande mit hööche Strüßlene, Spigewegerech mit freislete Hüetlene, Weyefecke (Löwen-

zahn) mit uverjchaut große gäle Chöpfe, Mannechraft und Hähnifueß, Chleestüüdeli so jung und zart, und wyßi Gänsebürstli, und Santihans- und Erdbeerichrut, Münz und Schofgarbe, Hasechlee — so dick wie 's Werch uf dr Büunte. Und doch het die liebi Sunne durabe gschine bis uf e Grund. Und — bi noochem Gschaue — het me do nes Leben und Tryben gseh, uf dem Quadratschueh Land, zum Brstuune! Nes gschliferiggs Schneggli chunnt langsam zum Busch uus cho z'schnodere und streckt syni Hörner uus linggs und rechts, noh Raub. Nes Erdwürmli güggelet zum Boden uus und weiß nit recht, wülls hinterfi oder fürfi. Ne schwarze Chäfer chrabblet im Gstüüd ume und suecht sy Nahrig; do chunnt 'm just ne Herdluus i 's Gheeg, die schmaust 'r eis Gurts und maschiert wyters. Chäferli chöme zum Vorschyn us allen Egge, prächtigi Thierli, mit glänzete gäle, bruune, grüene Rügge und Gmöler druff, allerhand Figure, zum Brwundere; dell laufen über e Bode hi, und wenn ne nes Steinli oder nes Wurmherdhüüfli i Weg chunnt, nit größer as ne Bohne, luege sie 's scho groß a, as wär's dr Born oder gar dr Rigi, und erst wenn 's nit anders sy cha, chledere sie drüber übere — ne gstryffi Reis! Anderi hangen a de Grashämlene, stnge aufwärts vo Blettli zue Blettli, bis uf e höchst Gipfel, und luege de stolz obenabe uf die armselige blöde Herdschmöcker. Ne Grasmurm chunnt zum Vorschyn, grünen und gäl gstreipft und ghoorig zäntume; au dä maschiert uf syne hundert Beinlenen über Stock und Stei emsig vorwärts — wie wyt, Mano, wie wyt hütt no? Ambeißeli, schwarz und roth, hlen umeinander, chrüüz und

quer, ohni Raft und Rueih, und juechen ihres Brot z' verdienne. Do chunnt ne große Spinn cho z' beinele, nes wahrs Ungethüm, mit eme zeichnete Bündel uf em Rügge worin 'r sjs Gspünst noch treit; da 'sch nen uvershante bluetgierige Gsell; nes Chäferli, won em grad alouft, vrsphyst 'r mit sant 'm Junge mit Huut und Hoor, ne Herdflösch aber, won 'r scho syni länge Tangarme drno uusstreckt, merkt dr Pfeffer und macht zuer rechte Zyt ne gwoltige Luftsprung — heisch mer e niene gseh? Dr Spinn blinzlet em en Augenblick vrdrießli noh, do schlecket 'r no einisch sjs gfräßig Muul und spaziert wyters.

Us em Miesch use, us eme chlyne Vöchli gugget nes Mueheimli und rüest so ängstlig em Schatz; dä chunt mit eme dürre Grasblettli daher, schier drümol größer as er selber, und schleipft's em Vöchli zue; do chunnt em 's Wybli z' Hilf; und beedi zere dra us Nybeschräfte, de da 'sch nes wichtigs Möbel i die neue Bruutwohniig. Zwöi Müggl gaugglen im Sunneschyn, me gieht nes a, sie si verliebt — do loht si nes prächtigs Sommervögeli uf en rothe Chleekopf abe, nes anders flatteret uuf und noch, 's erste will uf und fort, 's ander aber het's scho packt um 's Hälsli ume und küßt 's; und hei nander lang, lang umschlinge — druuf flüüge sie wieder uf, i die warmi sunnigi Luft, und wenn si's chönnte, gwüß thäte sie juuzge vor lunter Liebesglück und Freud — —

Dem Allem het dr Heireli zuegfluegt, 'r het selber nit gwüßt wie lang, z'ertschet gar glychgültig, am End mit großem Interessji — Bis en nes muethwilligs roths Ambeißeli recht empfindlig i d' Wade byßt, do juckt 'r

gähchligs uuf und seit halblunt, mit em teufe Süßzer:
„Jo jo, heisch recht — settigs darf i halt nit gseh —
Alls uf dr große wyte Welt darf si liebe, ig aber, i bi
jo Priesteramtskandidat — oh!“

Druuf goht 'r i Wald ine. Die knorrigen Eiche, die
harzige Tanne, die lauschige, hellgrüne Bueche, d' Sal-
wyden und Aspen und Birche nicken und grüesse: Lebseh
au no, olte Fründ? Gel, i eusem Schatten isch 's guet?
Hei wohl denkt, du chömisich au wieder!

's Eichhörnli huschet der Stamm uuf und luegt
muethwillig uf en abe, as wett 's säge: „Chum foh mi,
Heireli!“

Em Heireli aber isch 's nit um 's chledere gsi. D'
Händ hinter em Rügg, dr Chopf gsenkt, schrytet 'r lang-
sam vorwärts, über Fiechtenodle, Tannzapfe, Buechfomen
und Eiche, über dürrs gruuschigs Laub und grüens Wiesch
und holperigi Baumwürze. Wyt unten im Haldigrund,
wo 's Forellebächli zum Bode us springt, thuet dr Guggen
— me hört 's jo guet — si Liebsti löckle. Wildtuube
flüügen uuf, flatteren i de Baumgipflen ume, eini dr an-
dere noh! Rugguh, ruggu! schreie sie. Nes grüns Heu-
döchli raschlet dur 's Laub; ne Tannmarder luegt vor-
sichtig zum Astloch us, uf dr chrummen abgstandenen
Eich, nen Augenblick blos, do isch 'r verschwunde, denn 'r
het nes grundböses Gwüsse. Do dr olt Chareweg — dä
isch jo bald erwachse; vo linggs und rechts länge die
Buechen und Lärchen enander friedlig d' Hand, d' Chare-
gleus si bereits mit jungem Wiesch überzoge, gerade recht
für die junge Hääsli, zum springen und gumpen, und au
zum flüchte, wenn der böse Ma chunnt! — — —

Drwyle erliest d' Tante deheim Bohne zum setze; nes ganzes Schafferli voll lüt usngleert uf em Tisch, wyssi, rothi und schwarzzi, Huur- und Steckbohne, de 's Anneli macht scho dr Platz zweg, im Rainli unte, und düngt en mit Mottherd und Hühnermist.

Do chunnt nen ölttere dicke Her dr Hübelineg y, grad uf 's Hüüsli zue. D' Tante gwahret ne. „Jesis, dr Dokter!“ seit sie. — „Gottwilche, Herr Dokter! Schön as dr is au wieder chömet cho bsueche. Grad morn hätt 's Meitschi müesse cho brichte. 's Gütterli isch usbruucht!“

„Und em Patient — wie goht's dem? froggt dr Dokter und wüschet mit em wyße Nastuech dr Schweiß vo dr Stirne.

„Wie 's göih? Keis Höörli besser!“ chlagt d' Tante; „ei Tag wie dr ander. Er iszt schier nüt, schloft weni, lauft ume wie dr Schatten a dr Wand! Und het gar fei Mueth, fei Lebe meh, redt nit drii Wort dr ganz Tag — — Dr müeßt en selber gseh, Herr Dokter! Er isch e chly ufe gange i d' Hostet, wüll en go hole — setzet ech, Herr Dokter!“

Sie goht i Baumgarten ufe, sie suecht en und rüeft em allen Orte.

No me Rüngli chunnt sie ine und seit: „Brzieht, Herr Dokter, i finden e niene! Gwüß isch 'r spaziere gange — da 'sch mir au recht leid! I ha 's Meitschi gschickt gohn en sueche, müeßt halt i Gottsnamen e chly Geduld ha!“

Dr Dokter aber stoht uf und seit: „Wüßet 'r was: I goh gschwind no anderi Patiente go bsueche, drwyle wird das Herli öppe scho zum Vorschyn cho — — Deppis

aber wüll ech säge — ene Nöwö — i glauben, i syg en
jetz drüber cho — ene Nöwö lydet an ere bsunderbare
Chranket, und zwar an ere Gmüethschränk — —
Was d' Ursach isch — nen eigene truurige Vorsal, ne
gwoltige Brdruß, ne starke Affronte oder schweri Sorge
— 's isch böös z' errothe, das mueß er selber am beste
wüsse. Jedefals isch 's öppis, wo nem ungmein stark
zuseht, sye ganze Sinnen unsfüllt, d' Nerven unsfregt,
die ganze Konstitution agryft, nametlich aber sehr schädlig
uf d' Ghirnthätigkeit hwirkt. Es si mr dere Fäll scho
etligi vorchö. Grad die, won i hauptsächlich mueß go
bsueche — im Vertraute, ganz im Vertraute gseit, 's Statt-
holders Tochter — die isch merkwürdigerwys im gliche
Spittel chrank, oder i müeßt mi arg tüüschel!"

„Gjo!" seit d' Tante, uf 's höchste verwundert.

Dr Dokter fahrt i syr Red furt: „So mißlig und
gsährlich die Chranket au si ma, Mitteli drgege git's i
dr Apeteeg keini oder nume weni, wül 's ebe ne Seele-
chranket isch. Vor Allem uns mueß me no dr Ursach
forsche, us dere die Schwermueth entsprungen isch, dr Bode,
woruf sie wächst und Nahrung schöpft. Da 'sch vorab Güt
Sach! Stellet en ernsthaft z' Red! Und de — de bin i
au no do, für z' rothen und z' helfe. Dä jung Mönch
gsfällt mr unsnahmed wohl, und 's thät mr sehr leid,
wenn ig ne müeßt gseh däweg z' Grund goh, ohn em
helfe z' chönne. Die Sorten isch jo rar gnue, drum
mueß me Sorg ha drzue! — Adio unterdesse!"

D' Tante het 'm läng nohgluegt. „Ne Gmüeths-
chranket!" seit sie, „was mr nit au no före mueß —
— Ne Gmüethschränk — woher sett die cho? Demel

g'erbt chan 'r sie nit ha; si Vater, dr Heini selig, isch jo dr lüftigist Chnab gsi wyt und breit! Au er, dr Heireli isch eister häluuf gsi, vo Chindsbeinen a, bis dä Winter! Vom ene böse Gwüßse cha 's au nit cho, bhüet is Gott nei! Da 'sch jo der best Mönch vo dr Welt, chönnt feis Chind beleidige, het vo schlechte Sache nit emol en Ahnig, so daß i scho mängisch denkt ha, das guet Herli chöm gwüß einisch recht i Vrlegeheit, wenn 'm dell Lüüt ihri wüesste Todsünde chöme cho bychte, die ufläthige — — Vo betriege, stehlen oder mörde wei mr gar nit rede, 'r isch jo Eine wie nen Engel, me möcht en schier fresse vor Liebi — — — Oder 's müeszt em öppis i dr Stadt passiert sy, mit syne Kamerate, de Studente, wo dell, wie me seit, so nütznütz und schlimm syge wie d' Chägere. Vielleicht Händel — oder was ma au dr Doktor gemeint ha? Sig 's was 's well, jetz wüll ig 's wüße! I gibe nit no, bis 'r mer 's seit, uf dr Stell!"

Und sie goht wieder i d' Hostet use und rüeft so Auet sie cha: „Heireli, Heireli!"

„Er isch niene umeweg!" seit 's Anneli und wüßcht dr Schweis ab, „i han en allenorte gsuecht."

Do chunnt 's Wächters Bueb em Wald noh cho zlaufe, mit em ene Sack voll Geißelaub. Dä seit: Eue Student isch im Wald obe, schier a dr Grenze. Dört han ig en gseh liggen unter dr große Buechen am Weg. Euers Rüese chan 'r allweg nit höre!"

„Ißch's müglig?" seit d' Tante verwunderet. Und sie macht si uf e Weg, für en go z'sueche.

Und würklig, wie de Bueb gseit het, a selbem Ort

trifft's en a, de Rüggen a Buechestamm glehnet, am Bode
fügen und traume. Grad oben anem si i dr Buechrinde
die vier große Buechstabe gsi und das Herz drum. Jez
steckt im Herz no nes zwöischnydigs Schwert, ganz fräsch
ausgschnitte. — —

„Aber Heireli!“ rüeft d'Tante, „wie du mir au Angst
machsch! Laussch furt, so wyht vo Huus, und seisch keis
Wort! Und hockisch do uf e flüecht Bode, ohni z'denke,
wie gly as di vrchöltet hättisch! — Denk, dr Dokter isch
do gsi, hätt di gern gseh!“

„So?“ antwortet dr Heireli und luegt langsam uuf.
„Dr Dokter — was het dä welle?“

„Aber wie cha mir au froge, wenn me so chrank isch
wie du! Oder wottisch de nime gsund werde, Heireli?“

Dr Heireli macht kei Muggs, luegt numen i Bode ine.

Do hocket d'Tante au neben anem, i dä grünen Miesch.
Sie nimmt en bi dr Hand und holtet em a: „Heireli,
my guet Bueb! Säg mir jez, wo fehlt's dr eigetlig?
I bitte di! Sig's au, was 's well und no so grüüsligs
— denk, i syg dy Muetter, mir darffsch's chlage, mir
Alls vrtraue — — — Oder heisch de gar keis Zutraue
mehr zue mir? Zue mir, wo di pflegt ha vo Ghinds-
beinen a und g'liebt, wie kei Muetter mehr liebe chönnt?
Und du channsch so faltisch sy, — o das han i nit vr-
dient!“

Und sie nimmt d'Schäube vor d'Auge und soht aso
schluchzge.

Das Schluchzge, da 'sch em Heireli doch z'Herze
gange.

„Hör uuf briegge, Tante!“ seit 'r.

„Nei, i höre nit, i möcht mr d'Augen unsbriegge, aß i jettige Ghinder uufzoge ha, so falschi!“

„Falschi? Nei, Tante, i bi nit falsch, Gott im Himmel weiß's“ —

„Worum wotsch mr's de nit säge, dr Grund vo dyr Ehranket, vo dyr Truurigkeit?“ frogt sie und luegt en mit Thräne i den Augen a. „Gel, dr Dokter het doch recht, du hebisch nen Art Gmüethschranket — — Isch's wohr, Heireli?“

Er nickt truurig mit em Chopf.

„Und hefch mr Alles vrschwige? O das thuet mr weh!“

„I ha 's nit dörfe säge, i darf's hütt nit, darf's nie!“ seit'r lebhaft. „De wirdsch gar höhn, Tante —“

Er wüll aufstoh, sie aber het en zrug.

„Ig höhn?“ seit sie. „Nei gwüß nit, Heireli, ma'sch au vrbosget ha, was d'witt — öppis gar grüßligs wird's jo nit sy — i vrsieh dr Alles und wüll dr nüt noh-träge! Jetz aber seisch mr's gel?“

Und 'r seit ere Alles.

Er erzellt ere vo dem Spaziergang, färn im Herbst, uf e Challeberg ufe, dr Heigang, 's Wetter, wo über si cho isch, dr Schärme unter dr Bueche, und was druus etstanden isch — die Liebi, eismols, die Liebi zue 's Stattholders Töchterli — —

„Nueg, Tante“, seit 'r, selbmol, das heißt dr Tag druuf, han i die Buechstabe do yggschritte und das Herz drum zoge. Und vo dört a bin i gsi, wie umgewandelt. Tag und Nacht het mi dä Gedanke nüme vrlö, dr Gedanke a das Meitschi, a das hübsche, gschyde, gmüethvolle,

herzige Kind, wie's keis meh git zu Stadt und Land, so wyt as d'Sunne schynt — — Vueg Tante, i ha Stadtfräuli gseh, syni, vo den allersynste, i dr Wirthschaft, i de Chaufläde, i dr Gsellchaft, a Turnfeste, im Theater, wie mr öppen ane chunnt mit de Studente. Keini het mr nume nes raschers Pulschschlägli chönne verursache. Wie het mi sogar vorzoge, vor allen andere, und wo die fast vrzückt gsi si — my het's nit chönne rüehre, nit im mindeste. 's geistlig Amt, dr Gedanke dra, isch au mi geistlig Schild gsi uf Weg und Steg — — Au d'Mina han i viel Johr blos als Schwesterli betrachtet. Bis uf däi Tag, däi Stund — — Däi Stund, do unter der Bueche, wo sie eufi Herz g'offebaret und z'säme gfunde hei — vo selbem Augenblick a isch's halt us gsi mit myr Rueih! 's Tigg-tag a dr Wälderuhr, dr Gloggeschlag vom Chiltthurn abe, dr Kanari im Chräzli, 's Ruuschen im Wald, jede Luut i dr Natur isch für mys Herz Muuszig gsi, uf Schritt und Tritt het's mer i den Ohre klinge: Mina! I ha ihres hold Gsichtli gseh im Morgen- und Obedroth, im Wachen und Traume — o Tante, i bi ganz närisch gsi! Und leider Gott, i bi's au jek no, närisch, i Brzwyflig!“

Und 'r nimmt beed Händ vor's Gesicht, für sy Scham zverberge und — syni Thräne.

D'Tante spert Muul und Auge uuf, so spanisch chunt ere die Gsicht do vor. „Hör uuf!“ seit sie do zornig, „säg mer kei's Wort meh vo dem gottlose sündhafte Züüg! Da 'sch jo erlärmlig, himmelschreied, me mueß si jo schäme nume zue zlose — pfi Tüüfel!“

Und dr Feireli seit: „Gel, i ha dr's gseit, du wer-

disch höhn? Hät i doch gschwige und glitte, still bis zue End — —“

Do soht's doch die guetherzige Tanten aso reuen und duure. „D heje, heje!“ jommeret sie, „wie cha dr Mönch au uf schlimmi Abweg grothe! Gwüß heisch nit betet gha, selb Morge, kei Wiehwasser gnoh —“

„D gwüß hani betet, Tante, wie eister, 's Morge-
gebet, 's Angelus, 's Memorare, mit großer Andacht!
Betet — — o wien i betet ha, won i i's Kollegi und
wieder es Bickeli zue mr selber cho bi, zum Liebeherget,
zuer Gnademutter, zum heiligen Alewisius — — und
die gsthffte Vorsätz gmacht — was het's hulfe? Kei Bix!
Mitt's i de Stunde, bi dr Genesis, bi de Propheten und
Psalmisten, bi de Brheissige, bi de Evangelisten und Kirche-
vätere, churz ollen Orte, wo vo öppis Heiligem d'Red
gsi isch und gäb wie mi ghüetet ha — eister isch mr au
d'Mina i Sinn cho! I ha nüt drfür chönne, Tante,
so wohr i lebe nit! — Und wie mi plogt ha, wuchelang
demitts im Winter, sogar gfastet und keis Tröpfli Wy
meh trunke, für mi abztöde — — und kei Gsellshaft meh
bjuecht, um alli weltliche Gedanke z'myde und drwege zum
Gspött worde vo myne beste Gründe — wenn ech das
Alls erzelli, gwüß thät ech duure — — I ha's au em
Bychtvater g'offebaret, em ene würdigen olte Her, z'Wieh-
necht; er het mi zum hfrige Gebet ermahnet und selber
für mi z'bete vrsproche. 's het nüt welle batte. 's Böli-
bat isch mr notisnoh vorchö wie ne schreckligi Plog, 's
Lebe ohni d'Mina wie ne trostlosi Dedi, ne Wüesti ohni
End — — My Chostfrau, d'Fründ, alli Bekannte hei
gseit: du leidisch au! Ig selber ha's am beste gespürt,

wie d'Chleider am 'r ghanget sie wie am ene Haagstecke. Wie hätt's anderisch chönne sy, bi dem Lebe? Und wie mi 's Gwüffe plagt het! Stündlig isch 's mer i Sinn cho: die liebi Tante deheim und 's Schwesterli, dr Pfarrer, dr Götti und die guetthätige Verwandte, Alli zelle druuf, styt und fest, du werdich geistlig; für dä Zweck hei sie au ihri Opfer brocht. Und jetz? Jetz heisch d'Wahl, entweder mit eme zwöispältige Herze und eme zwyselhafte Mueth und mit unpriesterlige Gedanke i geistlig Stand z'trete, zum voruus meineidig z'werde und für's ganz Leben unglücklich; oder aber dr Theologie Balet säge, sofort, für eister. Aber was denn? O dä Kampf, die Täg, die Wuche — — Nes paar Mol bin i druuf und dra ggi für ech z'schrybe und Alls z'offebare, euch und em Pfarer; i ha dr Mueth nit gha und eister no ghoffet, es werd sie öppe no ändere! Do eintich demitts i dr Borlesig, bim Exigesiprofesser, fall i i d'Dhnmacht — — i paar Tage druuf wieder, währed em Studentegottesdienst. Me het mi eigetlig i's Boschy müesse träge und dr Dokter het mr graduus 's Kollegi orbote und mi gheisse hei gho, bis i wieder besser zweg sig, i die früschi Landluft use, zue Milch und Giere. 's Nämliche hei mr au Professer grothe, mit vielem Beduure — o wenn sie i das chrank wund Herz ine gseh hätte! — — Und hütt, Tante, isch mr no eister glich, hoorglich wie selbmol. Und wenn i au d'Mina cha myde, myden us schwerem Vorsaß, so han i doch dr Guh vlore für e geistlig Stand, 's Zölibat — — Und jedi Minute seit mir's Herz, seit mir's Gwüffe: Was thuesch du do, du unnütze Chnecht, mit dym trostlose, vrschelte Lebeslauf?"

Au d'Tante süßget gar truurig und seit: „D worum heisch dys Herz nit au besser ghüetet selbstmol, allzyt!“

„Ghüetet?“ antwortet dr Chnab und stoht uuf. „'s Herz ghüetet — o das isch gly gseit! Ha vo dr Liebi fei Begriff gha, nit die lysisti Ahnig — — bis selbstmol unter dr Bueche, wo mr enander i d'Auge gluegt hei. Das isch ungsinnet cho, wie ne häle Meteor am finstere Himmel, wie dr Sunnesstrahl über d'Berge chunt am Früehlingsmorge. D do cha mr nüt drfür, Tante, me cha nüt drfür!“

10.

Er heb nüt drfür chönne, het dr Heireli gseit.

Notisnoh het's d' Tanten au selber aso glaupe und wieder großes Beduuren übercho mit dem arme Chnab. Sie het en gsuecht z' trösten uf alli Art und em ihri eigeni Gschicht erzellt, ihri Liebshaft mit 'm Zimmerma und do mit 'm Josef, wo sie au uufgä heb, ihne, dene chlyne Waislene und em liebe Gott z'lieb.

„Au du, Heireli, muesch die luege z' überwinde,“ seit sie. „Gwüß hei au scho Viel a dem Nämliche glitte, Weltligi und Geistligi und sogar Chlosterfräuli und sie notisno au gheilet worde. Mr wei zjämme bete, mir Drii uf Eyb und Lebe und Messe lo lese. Und 's Anneli mues i Horngrabe goh wolsfahrte zum heiligen Antoni, wo jo ein Alls cha wiedergäh, wo mr verlore het, dur sy Fürbitt — — Und wei nes wächsig's Herz lo mache und 's z' Foreten opfere, aß dys wieder gsund wird!“

„Und no me Rüngli frog'ts en: „Het's dr hulfe, Heireli? Gspürsch nüt?“

„Nei — nit viel“, seit 'r und luegt truurig zum Fensterli uus. „Wenn i aber wieder gsund werde, so weiß i, was i mache: I goh i die wyti Welt use, wo mi kei Mönch meh könnt und gryfe zum erste beste Bruef und schaffe Tag und Nacht und loh nit noh, bis dir und alli myni Wohlthäter entschädiget si —“

„Und wotsch nit geistlig werde, Heireli?“

„Nei, nie nie! I brächt's nümme z'weg — —“

Do wird d' Tanten schreckli böös und maßleidig. Und ihre ganz Born richtet si uf ei Mol gege 's Stattholters Tochter, gege die sündhafti Mina.

„Nün Johr“, seit sie zum Anneli, „nün volli Johr han i ghuset und graggeret, schier Tag und Nacht und alli Chrüüzerli zsäme gha, für ne lo z' studiere — — Hei, ig und du, gschaffet uf Byb und Lebe, bi Hitz und Chöltsi, hei d' Chleider gspart und mager gesse, nit emol nes Säuli gmezget, schier alli Anfebällesi verkaufst, die viele Johr uus, und uf alli Lustberkeit vrzichtet — Alls i hm z'lieb, aß 'r chönn geistlich werde — — Und ha mr Alls so schön usgmolet, scho tuusig Mol, die Herligkeit vo dr erste Meß, die groözi Ehr, wenn d' Küüt werde säge: däis dört, i dene neue Chleidere, isch sy Tante, wo dä schön fromm Her erzoge het! Und denn, wenn 'r einisch Pfarer syg — han i denkt — nehme 'r eus Zwöi zuen em i Pfarhof. Und de welle mr guet zuen em luege und für en huusen in alle Theile und 's dene Buurwybere luege z'breiche — — Und wie mr de g'ehrt werde vo Heren und Buure, wo ein bjueche, vo de Chabazinere, vo alle Küüte! Und ig chönn denn einisch guet ha i mynen ofte Tage. Und dr Himmel chönn mr au

nit wohl fehle — — Und do chunnt das Hexli mit syne Brambellauge und thuet em 's a! Und richtet en z'Grund mit sym Liebele, und eus drmit! Aber lueg Ameli, das Meitschi het das scho lang im Grindli gha, scho nes Jöhrli zwöi! Wege dem isch 's eister zue dir ufe cho z' laufe, all Sunntig und Fyrtig, bsunders aber, wenn dr Heireli hei gsi isch, z' Ravanz! Du bisch nume 's Fürwort gsi, uf i hn het's 's abgseh gha, für en z' vrsüehre. Wege dem het se si au so püzelet und isch drhar cho wie nes Muettergottesli! O, i chönnt dem Gärnäsi 's Hoor zum Grind uusryße, das schwarz Chruselhoor, wo's ufgringgelet het uf alli Mödeli! So höhn bin i no über Niemer gsi, mir Lebzig nit! — Aber au du machsch mi wild, aß nie nüt gseit hesch, keis Wörtli! Hättsch das Spiel ömel gottli wol chönne merke — aber nei, du bisch halt es eifältigs Tschümperli!“

Do soht's Ameli asoh briegge und seit: „Au dir hättet nüt gmerkt, Tante, nei gwüß nit! Jez fryli, hintedry, chunnt mr mängs i Sinn: wie 's keis Aug ab em tho het, bi allem Gspräch, uf Schritt und Tritt, und schier kei Blybes gha het, wenn 'r öppe nit umeweg gsi isch. Und syni Briefe, wo 's fast gresse, und sjs Portree, wo 's mr abgletschlet het! Und die Gschenk, wo 's mr ghä het, dasch Alls nume wegen ihm gsi, aß i jett guet Wetter mache — o jez gsehn i 's n, hintedry!“

„Jo,“ fahrt d' Tante furt, „das Meitschi isch d' Schuld a eusem ganzen Glend! Da 'sch 's zwöit Ewel, wo dä eifältig Adam vrsüehrt und us em Baredys us tribe het, dur syni Glustigkeite — — Aber i wüll em 's scho ybroche, jo gwüß! Hütt no gohn i zu dr Olten abe,

Hütt no, oder morn de sicher, mueß sie 's wüsse, wie sie ne frommi Tochter het und was die agrichtet het bi dem arme Heireli!"

Und würfig goht sie, am früeche Morge scho, mit länge Schritte 's Hübeli ab, i 's Stattholters Huus zue.

D' Stattholteri het jußt de junge Hühnere 's Fresse brocht i 's Höfli uße, hinter em Huus.

"Guet Tag!" seit d' Tante.

"Guet Tag wohl!" antwortet Büürene fründlig.

"Guch han i au wäger scho lang nümme gseh — sett ech schier heiße Gottwilsche sy! — Chum bibibi! — Was wüll i säge: Wie goht 's em Heinrich? Ich 'r bold wieder z'weg?"

"Jere nei! Im Gegetheil, all Tag glych, ehnder no leider — — Und 's Grüüslichste bi dr ganze Sach ich halt, aß 'm öpper die Chranket aghenkt het, mit Flyß — jo mit Flyß — i cha mr 's gar nit andersch denke!"

"Was dir nit säget!" seit d' Stattholteri gwunderig.

"Das wär jo ne Schlechtigkeit ohni Glyche! Wer chönnt au so niederträchtig sy, eme settige ordlige junge Mönisch öppis so z' Leid z' thue? Wer chönnt em so Find sy?"

Und d' Tante seit er es graduse, i aller Täubi:

"Da 'sch Niemer anders as eui Mina —"

"Gusi Mina?" D' Stattholteri vergißt vollends 's Muul zue z'thue und macht Auge wie zinnig Teller.

"Jo wahrli, euers fromme Töchterli het das z'wäg brocht!"

Und sie erzellt dr Büürene das Gständniß, die traurigi Gsicht vo ihrem arme Heireli. "Sie het em 's

Ichynt's förmli atho", yferet sie, „vielleicht es Pülverli i Wy, het en vrheret, 's cha gar nit anderisch sy! Wie wett süscht dä fromm sittsam Burscht e settige Narethei i Chopf gfaßt ha?

D' Stattholteri stoht do wie vrsteineret. Dr uvrfschant groß Büggel, die olte Hühner, alli zäme chöme drhar und fresse de Junge dr Hirs ewegg und 's Milchbröchli — sie gseht's nit! Staregangs rönnt sie vo dr Tante furt i 's Huus ine, i d' Chuchi.

„Wo isch d'Mina?“ rüest sie.

„I ihrem Stübli hinte“, antwortet d' Magd. „Sie seit, es syg ere so übel dä Morge.“

Zue jeder andere Zyt hätt d' Muetter uf dä Bricht ufe großes Beduure gha. Jez aber rönnt sie, Uebel hi, Uebel her, wie wild i 's Stübli hintere. D' Tochter hocket nebe 'm Bett und leit 's Chöpfli uf 's Hautchüssi. Das Chöpfli isch so bleich, die schwarze Chruselt hange nachlässig über die wyßi Stirnen abe, d' Auge sie halb gschlosse und sie zitteret am ganze Lyb — denn was die Hübelitante ihrer Muetter brichtet het, sie het 's fört, mit eigenen Ohre, gerad jecz, dur 's g'öffnete Fensterli —

I dr Muetter ihri Auge lüüchte wie ne Glueth vor Täubi; d' Armen i d' Huft gstemmt, stoht sie vor ihri Tochter ane, und mit ere Stimm, die tönt het wie d' Trumpete vo Jericho, schreit sie: „So, heisch wieder dy Afal? Glaub 's wol, aß dr schlecht sy ma, um's Herz, um 's Gwüssen ume, no dem Allem, was agrichtet heisch! Schäm die i 's bluetig Herz ine, das Bürschtle z' verführe, ihm dr Chopf voll z' mache mit dyne Liebeleie, eim, wo für Vikari studiert, wo geistlig werde wüll, so

ein vo sym heiligen Amt abwendig z' mache! — — Jo, lueg mi numen a, mit dyne Bolange, dy meini, dy! — — Jetz hört 's Romeedispielen uuf, jetz könn di, dure-
dur, dy Faltichheit, dy Schlechtigkeit! Jo, dy Schlechtig-
keit, denn ne Geistliche z' vrführe — kei Strof git 's im
Himmel und uf Erde, die groß gnue wär, für ne settigi
Sünd! — — Also für das bisch im Chloster gsi und i
dr Zümpferlipangfion, zwöi und es halbs Johr und heisch
Geld gkost, nes Heidegeld, für settigs z' mache, untere
'm Hüetli! Heisch fromm tho, wie ne Nunne, und drnebe
gliebelet und gschäzelet, i de Heege noh, im Wald — pfi
Tüüfel! — — O jetz goht mir nes Riechtli uuf, jetz, eis-
mols: Also wege dem armüethige Hübelibueb heisch dä
rych Niederämter und die fürnemste hiesige Burschte, wo
dr schier d' Händ unter d' Füez gleit hei, numen uus-
geschänzelet, vrachtet, abgwiese? Si dr All z' dumm, z'
ungechlacht, z' dreckig gsi — nit wahr? Kei Wunder!
Heisch halt das sym gschlückete Bürschtle im Aug gha,
das Studentli — jetz begryf i 's! — — O, i möcht zur
Huut uussfahre, vor Aerger und Scham!”

Und wo ihri Tochter beharrlich schwygt, soht sie vo
Neuem a:

„Worum seisch nüt, do druuf? Gel, 's isch wahr
du heisch das Studentli gern? Heisch a dem dr Nar-
gfreffe? Redt! I wotts ha, wüll 's wüsse!”

Do seit d' Tochter, ohni uufzluege: „Jo, 's isch
wahr, Muetter — —“

„Los mr au do zue,” rüeft d' Muetter im größten
Aerger. „Los mr au do zue, sie seit's no selber, schämt
si keis Bigeli! Heisch de kei Schämi meh im Lyb? O,

wenn i nume chöunt sterbe, hütt no, uf der Stell, aß i die Schand nit müesst agseh! I wette druuf — jetz goht's Hübeligundi vo Huus zue Huus und prediget's alle Kütte, wie 's stöih mit ihrem lebchüechige Bürschli — — und wer d' Schuld syg a dr ganze müeschte Gjchicht! O, wie werden is die vrhehle! I möcht dur e Boden abe schlüüffe!"

Und sie soht afo briegge, us Elend, us Zorn.

„Aber au dr Vater müesß 's wüßse, was syh lieb Döchterli für frommi Stüekli macht!"

Und die erbosti Frau goht hlig zum Stübli us und schloht d' Thüre zue, as schier 's ganz Huus 'rzitteret.

D' Mina jommeret: Du lieber Gott, au das no, au das! — — O, i ha's jo einisch müessen erwartig sy, früeher oder spöter! O, myh Herz, myh Herz will vrspringe!" — Do erscht, im ene Rüngli ane, chöme re d' Thräne i d' Auge z' schieße und laufe die syne schmale Bäckli ab und tropfen uf 's Chüssi. Sie gwahrt 's chuun, aß dr Vater vor anere stoht, mit eme gar strenge Blick.

„Mina!" seit 'r, „isch das wohr, wo d' Muetter brichtet?"

„Was?" Sie luegt en so star a.

„He wege 'm Student, aß vrliebt sygisch?"

's Meitschi nicht.

„Und aß en vrsüehrt hebisch und abwendig gmacht vom geistligen Amt, mit Flyß —?"

„Nei, Vater, da 'sch nit wohr! 's isch nit wohr, so gwüß ne grechte Gott im Himmel isch! — — O Vater! schlöiht mi doch z'tod, so bin alli Dual ab und alli falschen Achlage!"

So schreit d' Mina wie verzweiflet und briegget, me chönnt d' Händ unter 'r Wäsche.

Dr Stattholter het nes Herz. Das Meitschi isch jo vo jeher 's liebste Kind, sy Herzhäuser gsi. Und wie's so bleich do hocket und so schreckli läz thuet, soht 's en doch ordli aso duure.

„So muesch nit rede, Mina!“ seit 'r scho viel süüßeliger. „Vo Todtschloh isch kei Red! Nume möcht i gern wüsse, was a dr ganze Gsicht isch, Wohrs und Unwohrs — — wotsch mr 's erzelle?“

Und sie erzellt em Alles, die unschuldige Liebi zum Heinrich, wie die cho sig, so notisnoh und doch so eis Mols mit aller Gwolt — — — Wie sie das Brhältniß au eis Mols abbroke heb, für en ömel jo nit urühig z' mache — — Sit dem Tag a heb's en weder meh gseh no gsproche, und em au keis Zyletli meh gschriben, kei Düüt tho, au nit dr mindist.

„Aber wenn i 's sell gstoß, Vater — im Herz inn isch 'r mir halt doch blibe! I cha nüt drfür, nei gwüss nit, Vater! Und 'r wird wol au drinn blybe bis i d' Gebigkeit, und die soht bi mir gly a, i gsphir 's — — Drum bitten ech, my liebe Vater, thuet mr das nit zürne! Und gät 's au nit zue, aß mi d' Muetter mit ihre Vorwürfe helcht und mit ihre Buuresöhne — — Ehnder gohn i furt, bi Nacht und Nebel, so wyht mi d' Füeß träge, de git's Riech! I wüll ech jo folge, Vater, und dr Muetter au, i alle Stücke, und brav sy und nit muggse, chöm was 's well — so lang aß 's duuret. Aber uf die Art duuret's nit lang!“ — —

„Uf die Art duuret's nit lang“ — so, prezys so

het's jo selb Oben an dr Doktr gseit. „Uf die Wys, wie si die Tochter abquält mit ihri Gedanke oder Chümmernisse — i cha 's halt nit wüsse —, und die Muethlosigkeit und die Unrüh und Nervösitet — 's isch ne mißligi Sach! Ne Luständerig, ne Bergkur, ne Zerstreuung uf irgend en Art, das ist vielleicht 's einzig Mittel —“

Dr Vater fört der Schluß scho nümme. Dr Gedanke, sy liebi Tochter dur e Tod z' verlüüre, goht em wie ne Dolchstich i 's Herz ine.

Und zue syr Frau seit 'r: „Du gohsch halt z' ruuch um mit dem Meitschi, Muetter! Tuesch 's helche, Johrus und h, mit dyne ryche Buuresöhne, wenn 's scho weisch, zum voruus, aß se si nit cha schmöcke! Und jetz, hütt de Morge, wo 's gar übel z'weg isch, gohsch über 's her, wege dem Studentli, aß wenn's en vergiftet und weiß Gott was an em vrboosget hätt — loh mi jetz nume usrede, Muetter! Syg's jetz Alls wie's well — frog dr Dokter, was 'r seit vo dr Chranket! Wenn's Meitschi stirbt, de hesch du die Heldethat vrbrocht, de hesch du 's uf em Gwüsse! — Ig aber weiß jetz, was i mache. I wüll dr Sach uf e Grund goh. Und isch's neso, wien i vrmuethe und wie 's Meitschi seit — so weiß i au, was i z'thue ha! Uf die Art lohn i doch mi einzigi Tochter nit z'Grund goh, elend abserble!“

Do isch au d' Muetter erschrocke und het si düüßt; und em Meitschi nes Brotbrosmeßüppli gmacht
Ei din g'chlopfet — —

Und wie 's het aso öbele, isch dr Stattholter 's Hübeli uuf gange, langsam mit feste Schritte.

D' Tante und 's Anneli hei den Auge schier nit

trouet und si nit weni erschrocke, wo sie dä Ma gseih
ine cho.

„I wett gern nes fründligs Wort mit euem Hein-
rich rede“, seit dr Stattholter. „I sch's erlaubt?“

„Jo fryli, gern!“ antwortet d' Tante ganz vrbuzt.
„Er isch im Chämmerli obe — weit dr so guet sy?“
Und sie füehrt en d' Stegen uuf, i's Chämmerli.

Do hocket dr Heireli, dr Chopf uf d' Hand gestützt,
am offenige Fensterli, mr weiß nit, thuet 'r wachen oder
traume. Doch, 'r luegt uuf, und wien 'r dr Stattholter
erblickt, juckt 'r gäächligs uuf und luegt 'n mit großen
Augen a, as wär's nes Gpenst — — Er selber gseht so
bleich uus, so läng, so mager!

„I möcht di eigentlich nit gern störe“, seit dr Statt-
holter. „Und doch sett i öppis Wichtigs mit dr rede,
Heinrich, öppis Wichtigs froge, Alls i Güeti — wegen
euser Mina!“

Do schießt em Heireli doch uf ei Mal alls Bluet i
Chopf, i d' Backe. „Redet nume, Herr Götli!“ stagglet
'r, „redet nume! Und nehmet Platz — —“

D' Tante stellt süüßerli 's Piecht uf's Tischli und
goht hurti d' Stegen ab, i d' Stube.

„Jesis, Anneli!“ seit sie, „wie bin i erschrocke! 's
Herz chlopffet mr jetz no wie nes Hämmerli — —“

„Mir au“, seit 's Anneli. „Was wüll 'r ächt?“
frog't's lyfeli. „'s gruuset mr frei, wege 'm Heireli, i
schlotteren a alle Gliedere!“

„Jo“, meint d' Tante, „i hätt en eigetlig gar nit
felle zuen em loh! Gwüß macht 'r dem arme Burscht
no Grobheite — försch nüt, Anneli?“

Beedi lunschtere — — Me hört sie reden überobe, aber ganz hübscheli und 's dunkt ein, recht manierlig.

„Ach Gott!“ süßzget 's Ameli, „wie wird das nen Unsleitig näh!“

„Mir wei der englisch Grueß bete“, seit d' Tante, „und dr Huussege!“ —

Sie het lang duuret, die Konferenz, im Chämmerli obe. Me het sie köre zelle, bold luut, bold hübscheli, bold dä, bold diese. 's Wybervolch het's schier nit mögen erwarte.

Endlige chöme 's schweri Tritt d' Stegen ab. Me hört em Stattholter sy Stimm: „Also Mueth gfasst, junge Mönch! Und etzschließ di rasch — Bys uf wytere Bscheid wei mr still sy zue dr Sach — — Guet Nacht, Götti! Blyb nume, mach dr fei Müeih!“

Do lydet 's d' Tante nimm i dr Stuben inn. Mit chlopsetem Herze goht sie, für dr Stattholter no gar go use z'bleite. Dä seit: „Jo, 's isch recht, chumm nes paar Schritt mit mr, Gundi, mit dir bsunderbar han i no nes ernsthafts Wörtli zrede!“

Unter em Channebirbaum macht 'r Holt, luegt zringsum ob 's Niemer för und seit: „'s isch nes schlimms Ghürst gsi, do mit dr Liebshaft, bi dene zwöi Rüttlene. Die Beede hätte si bold aufgribe drby — — Jetz han i Nicht übercho, vollständig, vo beede Syte: 's st i m m t! Jo, 's stimmt, und wenigstens ei Chummer, ei Brdacht bin i ab: 's isch Alls i Gifalt und Unschuld gscheh, Gottlobedank! — — Aber aß mr die Sach so teuf chönn fasse und dra gänzlich dr Chopf vrstoße, das han i nit für müglig gholte! Fast möcht me lache, wenn 's eim

nit so nooch gieng — — Bi eus Buurelütte chunnt settigs
 jücht gar nit vor; und aß 'r us Liebesgram well chrank
 werden oder gar sterbe, isch eme Buurechnab no selten i
 Sinn cho. I settige Fäle het men albe e chly gwetteret
 und gschimpft und öppe dr lieb Nebetmönch tüchtig ab-
 prüglet, dr erst best, wo me uf der Pigg gha het — und
 dr Chyb isch duß gsi und dr Brdruß au. So isch albe
 gange, gel Gundi? — Die junge Lüüt aber, die hüttige,
 si schynt's gar schrockli empfindlig! Was i aber säge wüll:
 Vor euem Bürschli han i, trotz Allem, eigetlig ne gwol-
 tige Respekt übercho. Erstens wüll 'r die Sach mit myn
 Meitschi nit wyters tribe het, da 'sch aller Ehre werth —
 — und zwötens, wül 'r ygseh het, aß 'r mit settige Ge-
 danke im Herzen nit wohl cha geistlig werde. En Andere
 hätt der Duggelmuuser gmacht, dr Schynheilig bis änen
 use, wie 's scho hundert Mol dr Fal gsi isch, leider
 Gott! — Also i finde 's selber au, vo geistlig z'studiere
 cha bi dene heickele Brhältnisse fei Ned meh sy. Aber no
 weniger darf mir dr Heinrich lo vrbuure, vrlümmle, 's
 wär jo Sünd und Schad für syni prächtige Könnntnissen
 und Talente. I han em 's gseit, erst grad, er sell si
 etscheide für 's Doktere oder 's Proferiere, oder Engschenöhr
 oder Förster — was em öppen am beste zuesäg —

„Was?“ seit d' Tante vrdrießlig, „euse Heireli sell
 so ne Schnäuzler abgäh, ne Rugiproferater, ne Lüüte-
 schinder oder so öppis? Aß en einisch dr Tüüfel nimmt
 und i die teuffsti Hell abe gheit? O wenn i au das gwüßst
 hätt, vor Johre! Für 's geistlig Amt, do hätt mi keis
 Opfer z' groß dunkt, fei Mangel z' hert, fei Arbeit z'
 schwer! 's Hömli ab em Chyb hätt i gäh, dr Finger ab

dr Hand, für 's geistlig Amt! Do hätt me dr Himmel chönne ordiene, ihm und eus!"

Dr Stattholter aber meint: „Was das Himmel-ordienen atrifft, so mein i schier, dy Glaube sig es bigeli wohl stark, Gundi! 's isch einisch, wie mr erzellt, ne überuus fromme Waldbrueder gsi, neumen im Schwarzwald äne. Dä het gfastet und betet und viel Guets tho und Wunder gwürkt a Lüüt und Voh. Und einisch isch 'r vrzückt gsi, 'r het i Himmel use gseh und i d' Hell abe. Und d'Lüüt heine de gfrogt, was 'r im Himmel obe gseh heb? — „Buure,“ seit 'r, „und Tagelöhner, armi Chnecht und Mägd und Bettler, Lüüt vo alle Klasse, wo hieniden em Hergott tren dienen hei, jeden i sym Bruef — —“ — „Und i dr Hell?“ froge si. — „I dr Hell, do si König und Kaiser gsi und Böbst und Kardinal und Fürsten und General, Rothsherren und Richter, grossi Herren und dicki Buure, wo ihres Leben i Ungerechtigkeit, Unzucht und Euns und Bruns zuebrocht hei.“ — Also sägen au ig und bi überzüügt drvo: Es führe viel Weg zum Himmel, sei Stand het nes Privelegi, keinen isch ussgnoh, keinen isch z'hööh und keine z'gring, aß 'r nit d' Seligkeit cha ordiene mit Bravsy, vrstoht si, mit Bravsy! — — Also sell si dä Chnab etscheide! Dr guet Afang isch gmacht und nüt vrdorbe; 'r cha jez no eister studiere was 'r wüll.“

Aber no isch d' Tante nit befehrt. Sie schüttlet ungläubig dr Chopf und seit: „Wenn 's au Alls no wär, wie dr säget, Herr Stattholter, wo sell dä Burscht 's Geld hernäh? Do hört denk d' Guethätigkeit auf, eismols!“

Dr Stattholter zündet glasse sy Pfyfen a und seit: „Für 's Geld löiht einstwyle my sorge! Ha Gottlob no Baze gnue für so me talentvolle brave Bürschtle uus z' helse. I hoffe, 's isch au a Zins tho — — — Und wenn 'r einisch ne gmachte Ma isch — aber erst denn — de sell 'r zue mr cho und um d' Mina froge! De wird i nit meh drgege ha — — Jetzt pfelet en guet; 'r wird sie wol öppe wieder ebchyme — und mys Meitschi au — — 's Anneli sell gly einisch zuen is z' Visite cho, zue dr Mina — morn scho. Vrstande? Und jetz nit vrunguet, Gundi, und bhüet di Gott und schlofet wohl z'säme!“

Aber d' Tante het nit wohl gschlofe — —

De Morge früeh het si züpfet und d' Sunntigschueh agleiht und ne suuseri Schäuben umbunde. Druf isch sie i d' Früehmeß gange. Und drno i Pfarhof.

Und sie het em olte liebe Pfarher Alts klagt, was ere uf em Herze glegen isch, wege'm Heireli und dr Mina; und au hoorchlei, was dr Stattholter vorbrocht het, sy Vorschlag wege 'm Wyterstudiere — — Und mänggi Thränen het sie us den Auge gwüschet.

Dr Pfarher isch langsam und bedächtig 's Zimmer uuf und ab gstecklet und het einisch über anderisch gmacht: „Hm, hm!“

Endlige blybt 'r vor dr Tante stoh und seit: „'s isch wirklich ne läzi Sach — — Ha so recht Freud gha a dem Jüngling, ha gmeint, das geb einisch wieder ne recht tüchtige brave Seelsorger. Me hätt sie so nöthig by der Zyt — — — Wie die Sachen aber stöih — a euem brichten a — cha vo dem fei Red meh sy. Doch besser so as diejeweg, das heist, aß 'r mit syne weltlige Mei-

gunge i geistlig Stand ytrete und unglücklich worde wär für Zyt und Gebigkeit, wie scho Mänge, wo mr drzue zwängt het."

"So het's dr Stattholter au gseit, nume mit andere Worte", seit d' Tante. "Aber — was weiß i — mir gfallt's doch nicht recht, nei gwüß nit — — vrzieht, Her Pfarher!"

"Dr Stattholter isch ne brave gschyde Ma," bhautet dr Pfarher, "und ne praktische drzue; wenn mr nume viel dere hätten i der Gmein inne — Und Alls was 'r seit, het Händ und Füeß, und au sy Meinig wege 'm Heinrich — i mueß sie vollständig billige. Und wenn 'r wüll helfe und zueche stoh, so gsehn i weiß Gott nit h, worum dir ech setted drgege spere? Dr Heinrich, so wien ig en könne, wird jedem Stand Ehr mache. Und häit 's mi selber au mächtig gfrent, ihm einisch geistlige Vater sy z' chönne — i Gottsname, i mueß mi au däväg zfriede gäh! Und chan 'r uf en andri Art sys Glück mache, woran i gar nit zwyfle, he nu, so mag em 's gwoltig gönne, dem guete Chnab. — — Was dä glitte ha mueß, die Zyt über — er thuet mi ordli dunne, dä arm Burscht! Säget, 'r sell mi cho bsueche! Wüll en au e chly ufmuntere, so viel i cha."

Er setzt si uf 's Channebee, nimmt e Priese und lächelet so gheimnißvoll vor anem ane. "D' Mina, seit 'r," "d' Mina — — Wer hätt das glaubt? Doch wol, 's isch eister, i dr Schuel scho und i dr Christelehr, nes donnstig gschyds sinnigs Meitschi gsi! Und 's wär würklig Sünd und Schaad, wenn 's so an en grobhölzige Buurelümmeel hät müeße vrshacheret werde — — Dr Heireli und d'

Mina — die beide Rüttli hei gar fei schlechte Guh, das mueß ur jäge — hm! hm!“

Dä olt Her schmunzelet so vrgnüegt, aß d' Tante ganz vrlege wird. Si thuet si für dä güetig Zuespruch und Trost hößlig bedanke und nimmt Abscheid mit eme ehrfürchtige Reverenz.

Und doch süßzget sie 's Hübeli uuf einisch über anderisch und jommeret: „Ach wie wird das au no nen Ausleitig näh. I wurde vo dem Büüg no ganz sturm im Chopf — oheje heie!“

11.

O, was d' Liebi nit Alls thuet und vrama!

Sie schloht Wunde, teuf und hert, und heilet sie wieder, schneller as 's fei Dokter thuet, mit all syne Mixturen und Salbe, schneller as 's feis Chrüttli vrama uf Erde!

's Ameli isch bi 's Stattholders z' Visite gsi. Und het d' Mina mit ere heibrocht uf 's Hübeli, uf 's Stattholders eige Gheiß — —

Und wo die Zwöi, d' Mina und dr Heireli, sit langer, langer Zyt wieder 's erste Mol, enander erblicke, so bleich und abzehrt, do breche sie i Thränen uus und chönne schier feis Wörtli füre bringe!

Da 'sch am ene Sumtig Romittag gsi. Die ganzi Wuche het's geregnet gha und gwindet, aß d' Buure schier vrzwyflet si und gmeint hei, jetz gangi Alls z' Grund, die rysi Frucht, die Schöchli Emd. — Hütt aber isch 's wieder häle prächtige Sunneschyn, d' Luft isch so rein

und voller Duft, wo die Matten und Wälder ausströme,
und der Himmel so blau.

Wer wett do i dem enge dumpfe Stübeli hoche? 's
Anneli mueß ohnhin uf d' Bleiki goh mit eme Stücki
rystigs Tuech. D' Tante liest Kamillen ab und Wule-
bliemli im Gärtli uße — si ma nit im Weg sy, so ganz
ausgöhnt isch sie halt no eister nit — —

Dr Heireli und d' Mina aber göih süüferli spaziere
i d' Hofstet use.

Wo der Hofstet i Wald isch 's nume ne Schritt. D'
Sunne sticht so heiß, und d' Zimbeli und d' Mugge thüei
so zuedringlig do uß im Freie! Im Wald aber isch 's
schattig und chüel — —

Und hold si eußi Wanderer, vo ganz ungefähr, bi der
große, schattige Buechen achoh. Dört, unbelauscht vo aller
Welt, hei sie enander Alles klagt, was ihri Herzen er-
füllt und quält het, die länge traurige Buchen aus, sit
färn, die vrholteni Liebi, die Qual — —

Und was sie enander süscht no Alls erzellt und
gflüstert hei, die süeße Geheimniß. Niemer het 's gseh
und Niemer het 's fört, as 's Sichhörnli zue ihre Häupte
und das het si frehli grüüskli vrwunderet und neugierig
ghorcht, und 's Finkli und d' Amsle uf em Zwyg, und
die hei enand zuegungen und pfiffe:

Schau dort, schau!
Wie cha mr au
Schnäbele und chüße!
Möcht's gern wüsse,
Wer sie sy?

Wer sie sy?
Das gseht mer ghy:
Nes Liebespäärli,
Wie gseht's uf's Häärli,
Wie d' Sach stoht!

Wie d' Sach stoht:
Wie's ebe goht,
Wenn Zwöi sich finde
Und eebig binde
I Lieb und Treu.

Erst wo d' Sunne schräger und schräger dur's Laubwerch schynt, und dr Wald asoht ruusche, obedlig, lns und gheimnißvoll, und d' Glogge Betzyt lüüte, i dr Nööchi, i dr Ferni, silberhäl — do seit d' Mina: „Ach Gott, scho so spot! O, Heinrich, i möcht e ganzi Wuche by dr stoh, mit dr plaudere, i wurd nit müed, in Gebigfeit nit! Jez aber, leider müesse mr goh, d' Muetter chönnt balge!“ — — —

Und me merkt's und gseht's vo Tag zue Tag, wie dene Beednen ihri Bäckli völler und röther werde, und d' Augen ihre Glanz wieder gwünne, und 's Herz wieder auflebt i Munterkeit und Scherz und neue Hoffnige.

Der Dokter aber, won 'r wieder chunnt, soht aso lächele und seit: „Aha, mir schynt, 's recht Mitteli isch gfunde worde, a beeden Orte! Und 's schloht a, i gseh's! Do isch my Apeteeg rein überflüssig — 's freut mi, 's freut mi sehr!“

Mit de Schwalbe isch au dr Heireli furtzoge, uf d' Universität, mit frischem Mueth, mit großer Lehr-

begier, mit hoffnungsollstem Herze, begleitet vo de heißeste Wünsche.

Dr Götli Stattholter het em ne Paß mit uf d' Reis gä, dä het tuusig Franke gwoge — —

Und dä Paß hett 'r no zwöi Mol erneueret.

Dr Heireli aber het das mächtig Zuetraue g'ehrt und grechtfertiget im höchste Grad.

* * *

Und hütt?

Hütt wohnt dr Heireli, ne glehrte, gschickte Bültedokter, im Herestöckli a dr Chriüzgaß unte. Und d' Bült göih h und us, vo Morge früeh bis z' Mittag, ne ganz Mengi. Und d' Frau Doktere het mängisch ihri liebi Noth, dr Ma zum Mittageßen überz'cho.

D' Frau Dokteren aber isch Niemer anders, as eufi Mina. Vor dr Auszehrig bruucht se si nümme z' förchte; sie het jo Bäckli wie nes Chirsi und isch chugelrund, jhier wie d' Frau Bresidentene!

Und a sunnige Nomittäge nimmt dr fründlig Herr Dokter sjs liebe Fraueli a Arm und spaziert mit ere uf 's Hübeli ufe, zue dr gueten olte Tante. Die het si eister wie besser i die neue Brhältniß gschickt und am Heireli grofsi Ehr und Freud erlebt. Doch het sie 's nie ganz chönne brschmerze, af 'r feis geistligs Herli worden isch; und mänggisch süßzget si no: „Ne Pfarher und e Dokter, o das rhmt si no lang nit z'jame! Und denk mr au, wie agseh af ig jez wär! Nu i Gottsname, dr Heireli isch ömel glücklich!“

Jo, dr Heireli — Herr Dokter wei mr säge —, dä isch glücklich!

Um die große Buechen ume het 'r es Bänkli lo
abringe. Dört sitze se sie de, er und d' Frau Mina,
stundelang z'säme und lächele nander a und denke z'rugg,
a die früechere Tage, a ihri freud- und leidvolli jungi
Liebi. 's Schwert im Herze, oben anen i dr Buecherinde,
isch scho längst vrwachse — —

Sie nehmen au d' Ghinder mit, zwöi tuusigs mun-
teri Buebe und nes zimpfers schwarzlockigs Weiteli.

Oder d' Ghinder chömen ellet 's Fueswegli uf cho
z'springe, und bringe viel Grüß vom Papa und Chuechen
oder anderi Güeteli vo dr Mama, für die liebi Groß-
tante Gundi und au für d' Tanten Anneli, die jetz glück-
ligi Frau Zimmermeisteren isch und Mutter vo drei
muntere Buebe.

De muetz mr die halb Doze Ghinder binander gseh!
Das singt und jubelt und juuzget z'rings um 's Hüüsli
ume, a allen Eggen und Enden, 's isch ne wahri Freud.

Und 's Hübeli isch wieder zum Zuheehübeli worde,
wie 's albe gsi isch zue olte Zyte!





2. Verstunnet und doch die Restli.

Me het em dr Humbelischnyder gseit. Eigetlig het 'r Christian Vohner gheisse, und so stoht's hüt no mit große guldige Buechstaben uf dr Huustafele, hüt no, wo dr Christian doch scho lang tod isch und frönd Rüt zum Fenster uus luege.

Dr Humbelischnyder — 'r sell würkli, als ärmere Stedtlerbueb, d' Schnyderprofession glehrt und tribe ha, etligi Jöhrli, mit großem Fleiß und vielem Schigg, im Egghüüsli a dr hintere Gass, dört wo jetz 's Balbiererstübli isch, em Weltlich sjs. Und het, dr Schnyder nämlich, afo Fade zuethue und Schnöpf und Schnalle; und Fuertertuch, ordinäri und sjs; du Zwischen und Halblin — und Hofeträger und Schnüer und Bändel, Garn und Wule, Büüßelichappe, Strümpf und Geete; du Bauefigs und Halbbaueligs, Wuligs, Guettuech und Sydigs, vom eifachste, billigste bis zum schwerste chöstligste Züüg — das Alles nit i eim Johr, bewahr! sondern notisnoh, wie dr Zuelauf gmehret het und dr Geldseckel gwachsen isch. Und Zuelauf het 'r gha, vom Stedtli selber und ab'm Land, vo wyther, zum verstuune; denn d' Waar isch guet gsi und d' Bedienig au — o jo, dora het mit gmanglet:

em Humbelischnyder und syr Frau isch Niemer z'gring
gfi und Niemer z'fürnehm: 's Buuremeitschi, wo nes
Trieschejüppli, 's Chnechtli, wo ne Halblynchutte kauft
het, hei so fründligi Wort übercho wie d' Stedtler Madam,
wo zwo drei Stund um enes Taffetchleid gmärtet het
Und 's isch ne nüt zviel gfi z'zeigen und anez'länge, he
nie d' Geduld verlore bi dem willwänkische fröglen und
bfinne; hei d' Büüt kennt und ihri Büün, dr Guh vo ihri
Chunden, und gwüßt, weli as wei viel brichtet und gmärtet
ha, dene hei sie ordli überschätzt, und weli das uf'm
Güügger hei, und mit dene hei sie's churz gmacht und
prezys.

So Zuelauf het 'r gha, dr Humbelischnyder, mehr
as hützuetag nes Halbdoge „Negoziant“ zsämegnoh.
Und het 'r au no feini gulbige Buechstaben am Huus-
stoze gha, wie's duderno i d' Mode cho isch — desto
mehr Guld het 'r im Druckli inne gha im eichige Chasten,
im Chämmerli hinte. Und mit dem Guld het 'r syri
Baare zahlt blangg uf e Tätzsch, und drum so billig
gkauft; mit dem Guld, dem verdienete nämlig, het 'r bi
gueter Glegeheit 's Dokterheinis Huus kauft; 's Guld,
won 'r wyter verdienet het, da'sch a Zins to worde, für
syri eigenen alte Tage, für syri Chind. Und wie eifach
das ganze große Gschäft gsüehrt worden isch! Keis Kontor
mit hoffärtige längbeinige Schrybere — bi dem Baar-
hausen und Baarverhaufe het sie das au gar nüt bruucht!
Und d' Pryse vo denen Artickle — und wäre's zähtuusigi
gfi — die het eufers Männeli im Chopf gha wie's
Simoleis, do isch vo vrstuume fei Red gfi.

Eifach isch's au i dr Huushaltig zuegange. Euse

Humbelischnyder het i armen und ryche Tage sy's nämlig fadefchynig Ghitteli treit und 's nämlig schwarz Sammetchäppli, schier syr Lebzig, und dr nämlig Nasechlemmer, 's nämlig Schnupfhuetti*), so lang ig 'n kennt ha. Het fei Gstaad tribe und au keine duldet i sym Huus inne, het gern die schöne chöstlige Sache agrüehnt und verkaufst, — a synen eigene Lüüte aber het 'r sie nit glitte, ömel albe (damals) nit. Währschasti solidi Möbel, währschasti Ehleider, währschasti Ghost — und drmit punktum! Und het er selber au chuun schryben und Gschrybnigs lese chönne und isch eineweg nüt z'churz cho drby — so het 'r doch groözi Stuck druuf gha, as syni Ghinder ghörig gschuelet selle werde. Dr Bueb het 'r drü Johr i's Weltjschi und du i nes Handelshuus to, zuem ene guete Gjchäftsfründ i d' Lehr und zue dem Fründ gseit: Holt 'n scharpf im Baum, ass 'r nit über e Strick schloht, i bitte di!

Und het doch über e Strick gschlage, dr Schaggli!..

D' Meitschi het 'r, wo sie us 'm Weltjsche cho sy, zue ihrer Mutter, zue syr Frau i d' Lehr to, und ne beßeri Lehrmeisterne het's keini gäh zue Stadt und Land, im Huusholztigföhren, im Huusen und Schaffen, im Reinlig- und Bravsh. Und was sie usue gemacht het — mr werde's gseh.

Dem just von dene Meitschene möcht i erzelle... und vo mir.

Vo mir... 's erst Mol, won i di Meitschi gseh ha, da'sch i ihrem Lade ggi. Do het mr my Vater ne halbwuligi Bshleidig kauft und ne Dächlichappe uf's Firme hy. Lüüt si's ume gstande, Wybervolch und Manne-

*) Tabaksboite.

volsch, nes ganzes Doze, dr Alt und die Alti hei schier nümme gwüßt wo wehre. Und nes Schützligmeitschi, ihres eige, hätt sellen unshälfe, z'sämeleggen, ypacke, und isch schynt's einisch e chly vrstuunet, het meh uf das dumme Wybergschwäz Achtig gä as uf sy Pflicht — wat'sch! do het's nen Ohrfyge, ne gsalzni, vom Alte! Nes anders, jünger's Meitschi, mit herrlig gälem Locke-hoor, chunnt grad inen, em Alten i Weg, und frogt: „Worum briegget's?“ Wat'sch! het's au eini hinter d'Ohre; und: „furt, i's Chämmerli hintere, bedi z'säme!“ het's gheiß. Und wie sie di Meitschi düüßt hei und fei chrummi Miene gmacht und drvo diche*) sy, ohne ume-z'luege — sie hei mi frei duuret.

Ig selber bi gly druuf furt cho, i d' Schuel, i d' Lehr. Nit, aß ig das deheim nit au hätt chönne thue, das lehre, denn my Vater isch für e best Gerbermeister bekannt gsi wyt und nooch. Dä het aber gseit: „I dr Fröndi, i dr Fröndi ellei, lehre settigi Bürschtlei folgen und schaffen und uuspasse! Deheim thue sie nume laden und funlenze und vrlöih si uf d' Chnechten und Gsellen, und die helse ne drzue, um nes guets Wörtli, um nes heimligs Glas Wy oder Brönz . . . Au gseht men i dr Fröndi mengs Neus und Guets, wo me deheim nit gseht!“ Also bin i furt cho, z'erscht i's Weltischland, zuem ene scharpfe Meister — parblö! Du i d' Fröndi, nach Frankrych, i's Schwobeland usen und druuf no nes Zöhrli go Büri, für d' Schäft lehre zmache.

Und bi als gmachte Burscht hei cho — ha's ömel gemeint und Anderi au — gfund und starch und alert

*) Gefächlichen.

und muethig wie ne Husar, der Chopf voll Gedanken und Plän. Und my Vater het mr gstry zuegluegt, wien i das und dieses anders yrichte, nach der neue Manier; und 's Geld willig hergä und gseit: „Ma's scho lyde, das Bauen und Gwerbe. Mach numen aß sie au einisch wieder zrugg chöme die Neuthaler, Ruedi! Süecht wett i lieber, 's wär Alls bim Alte bliebe!“

I ha no voruus z'schicke, aß mir, nebst dr Gerberei, au no 's Buureweje tribe hei; und do isch my Brüeder Hans dr recht Ma gsi, für dem Ding rechtschaffen vorz'stoh — ne Buur gummisoh, vo Chopf bis zue de Füesse!

Ha voruusz'schicke, aß mr nebst dem no ne Wirthschaft gfüehrt hei, d' Wirthschaft zum Engel, nen alti Taväre, wohlbekannt zue Stadt und Land wegen dem gueti Tröpfli Wh, wege dr fründligen und zueglych tapfere Frau Wirthi, nämlic myr Muetter, und wege dr Sauberkeit und Ordig zäntume.

D i hätt no Mängs voruusz'schicke! Zum Byispiel aß 's Dörfli, eusers Dörfli, a dr Landstroß glegen isch und hüt no lyt, mitti Wegs zwüsche dr Stadt und 'm Stedtli; aß bi eus dr hälft Sunnejschyn z'treffe gsi isch und 's beste Quellwasser und die schönsti Aussicht i's Thal. Drum si au die Lüüt für gar grüehrig und heiter bekannt; Mannen und Chnabe wie Flieh, die löh ne halt nüt a dr Pfanne bache; d' Meitli wild und gflingg wie d' Reh, mit glatte Bäcklene, glatte Schnäblen und glatte Zünglene . . .

Aber i will jetz no nit vo de Meitlene rede, mit dene han mi überhaut, bis zue dem Zypunkt, wo my wahrhaftigi Geshicht asohet, no nüt abgä gha; i dr Fröndi

nit, wül i ebe fründ gsi bi, i dr Heimeth, wül i fei Zyt gfunde ha vor dem yrchte, schaffen und gwerbe.

Notisnoh aber ha mi au aso umluege. B'erscht bi de Chnabe: do sy vo myne Schuelkamerate etligi uusgwanderet gsi, etligi gstorbe; gradglych isch no Mänge gnue do gsi, für mit ne Fründschaft z'halte. Eine bsunderbar, 's Posthalters Franz, het mer's ordli atho; und 's isch au fei Wunder gsi: nes fröhligers Bluet und nes heiterers Gmüeth het's nit gä wyt und breit; drzue ordli bildet und gschickt und vrständig; und sänge het 'r chönne wie nes Vögeli und lache, so luut und fröhlig, me het müesse mitlache; und druebe doch brav und flyssig im Gschäft, i dr Posthalterei.

Bold isch euji Fründschaft, wie i de Buebejohre, wieder nen unzertrönnligi gsi; fast fei Chiltoben, as mr is nit troffe hei, im Huus oder uf dr Gass, und is unterhalte hei, wie si zwöi Bürschti unterhalte thüei, die fei Chummer und fei Sorge hei, 's Herz aber voll jungi Plän, voll Freud und Uebermueth, wo fei Wulchen am Himmel gseih, nüt as heitere lachede Sunneschyn und glitzerigi Sternli . . .

My Brueder Hans, drü Johr ölter als ig, isch zue's Buurehansheirechs Mareili z'Chilt gange; paar Mol het'r mi au heiße mit 'm cho, denn 's Mareili het no zwo Schwestere gha, hübschi, dolli, rychi. Dr Fründ Franz aber het mi asoh uusslache und gseit: „Babah! loh das gelte! Schaffe chönne die Meitschi, so grobane, da'sch wohr: mit de Houe dryschloh uf de Mutten ume, Mäst theile, worben und rechen und dröschen und öppe, wenn's preßiert, no d'Säu fuettere — da'sch aber au Alles! 's andere

macht di Alti, d'Hansheirene! Und de drzue no so schräckli weni Maniere, so groblächtig — dunckt's di nit au? Für eue Hans paßt so Gini scho ehnder, und au isch's Marelli würklig 's besser und 's vrständiger, wytuus . . . Oder bisch öppe scho vrliebt, Ruedi?"

Und 'r luegt mi so starch a — i ha frei müesse lache, hauthöchlige! Und ha gseit: „Was isch das, vrliebt?"

Do nimmt my Fründ uf eimol gar ne ernsthaft possierligi Mienen a und seit: „Vrliebt sy heißt bi euferein, wenn me nes Meitschi gern het und me meint, so geb's feis meh im Himmel und uf Erde, wo eim Alls himmlisch und engelhaft vorkummt, was 's seit und thuet, sogar die eifältigsten unhimmlichste Sache; wenn me's dur nüün Heeg dure gseht; wenns eim i de Gedanke lyt im Wachen und Traume; wenn me allwyl fürchtet, es chönnt ne Prinz cho, ne Königssohn, dr Fürnemst uf dr Welt, und eim dä Schatz uusführe mit Gwalt; wenn me Stundelang i eis Loch ine luege cha, traume mit offenen Auge, a dr leere Pschfe junge, sogar 's Effe vergißt, Fründschaft und Pflicht; wenn me meint, dä Schatz z'bsiße, das wär die größti, vollständigsti Säligkeit, mehr bruchti mi nit meh uf dr Welt, weder Geld no Guet, weder z'schaffe no z'esse, me hätt Himmelspyß für alli eebigi Zyte. — Das, Fründ, sie di fürnemste Chrankheitszeiche, merk dr's guet!"

„Hesch sie öppen au scho gha, die Chranket, Franzi?"

Do fahrt 'r mit dr Hand über d'Stirnen und seit: „Jo fryli, wills grad bekönne! Im Weltichland — dört ha mi i nes Zuckerbeckmeiteli vrliebt, da'sch überzuckeret gsi vo unte bis obe, me hätt's mögen abysse, fresse mit

sannt de Pantoffle; das het mr's atho; i ha gschmachtet und bi schier z'Grund gangen a dr junge narrächtige Liebi! Aber gar gly, gar eismols bin i gheilt worde, bi drüber cha, aß unter dem Zuckerzülüg ne falsche bittere Cherne gsteckt isch, ne wurmähige, wüeste, as 's ne Siebeschatz gsi isch, nes lichtfertigs Güegi . . . Jo, däismol, bin i, was me heißt, bis über d'Ohre vrliebt gsi — da'sch einisch gsi, 's passiert mr nimm!“

O wien 'r si tüüschet het, dä guet Franzi! —

's isch am Sunntig druuf gsi und prächtige Maisunneschyn. Do seit dr Franz, wo mr mitenand s' Chilchwegli abgöih: „Hüt blybe mr nit deheim, für das isch 's Wetter z'schön! Hüt flüüge mr e chly uus — meinisch nit au?“

O, mir ischs scho recht gsi! Dr ganz läng Winter wege dem struube Wetter und dem viele Schaffe soz'säge nie zum Dorf uus cho — jetz, het's mi dunkt, möcht i mit alle Bögle flüüge, wyt i d' Welt use!

„Aber wohy?“ han i gfrogt.

„Do frogt se si nume“, seit 'r, „wotisch schießen oder singen oder cheigle? Für alli drei Sache findsch hüt Glegeheit, i dr Nööchi, i dr Wyti!“

„Cheigle? O jo, cheigle, das thuen i für mys Lebe gern! Ha sit dr Martischilbi kei Chugele meh i dr Hand gha — denk!“

„Und so ne Cheigelfüingg, das will öppis heiße!“ seit dr Franz. „Also göih mr hüt i's Wydhübelibad — — Anderthalb Stündli dr Nööchi noh, ne prächtige Spaziergang — hyverstande?“

„Hyverstande, d' Hand druuf! Grad nom Mittagesse!“

Mer si em Brhängniß i d' Arme glause — — —

O jo, ne schöne Spaziergang isch das gfi! D' Ob-
bäum im schönste Bluest, das het duftet wie nes Basel-
nägeli, uf Weg und Steg; dr Wald im junge zarte
Grünen, d' Matten über und über mit Meyen übersäit,
gäli, rothi und wyßi; und über das Alls der herrligisch
Frühligs-sunneschyn, d' Zimmeli und d' Chäfer hei vor
Uuswahl nit gwüßt wo achehre, d' Vögel hei gfunge wie
närrißch vor Freud. Und mir zwee Wandersmannen au
hei asoh jodlen und juhze bis oben uus, aß 's lunt
agschläge het, a Wald und Fluch — — O Juge! O
Frühligszyt! O Freud!

Und es annüethigers Plägli, as 's Wydhübeli, git's
wohl feis im ganze Ländli: Hinten, am Rügge, dr Berg,
mit dem prächtige Laubwald; linggs, gege d' Byje, die
höchi Wandfluch; rechts die gsaftige Matte, demitts drin
's Bad selber; und z' Fueßete 's heimlig Weigethal, mit
'm wyße Fluß, de fründlige Dörflene; drüber uus die
zaggige Schneeberge, wo frei zwitzere im häle Sunneschyn.

Und i dr Gaststube ne fründligi Wirthi, nes grüeh-
rigs juubers Aufwartmeitschi, nen urige Wy, nes guets
Möckli Fleisch, zarti Forelle — — D' Forelle, meine
viel Lüüt, syge nume für 's Herevolch gwachse. Aber au
eus hei si guet dunkt, herrlig guet! Und hei nes Tröpfli
olte Marggräfler drüber abe gschüttet — Guldforelle, gul-
dige Wy! Und das alls het ein numme ne Gulde g'choft!

Jetz före mr aber d' Chugele rollen änet 'm Huus,
jetz isch 's halt uus mit dem rüehig do hocken i dr Wirth-
stuben inn! Cheigle — — Nes Halbdoke Burrebuebe
si do gfi und au zwöi Herli — 's Parthli isch gmacht.

Hu! wie sy die Chugele gflogen über dä glatt gnetzt
Baden ewegg, wie sy die Cheigel drohlet z'Vierne, z'Fünfen
und sogar z'Sechsne — bis die Stadtherli über Müedi
hei aso chlage, hei halt bi noochem die ganzi Uerti müesse
zahle.

Dr Cheigelglust isch au bi eus e Bitzeli demmt gsi,
zuedem si's au no Anderi umegstande, wo scho lang gnue
gwartet hei. Sie eisder wie meh Rüt cho vo alle Syte,
Herren und Buure, Wybli und Männli, Jung und Alt,
im Brbygoh, expres. „Wird's denn nit tanzet hüt?“
So fört me froge, lunt und vrschämt. „Nei, nei, erst
am andere (Sonntig)! 's isch eben abg'änderet worde.“
— „Ach, wie schad!“

So 's isch würlkli schad gsi, das hei au mir zsäme
gseit; wäre so viel Meitschi umegstande, hübschi gflinggi,
ne ganzi Schnuer voll, dess no recht gstadligi. So aber
hei se si wieder vrlaufe, me het schier nit gwüßt wohy.

„Dört im Pschlag änen hinter em Garte, im Ferch
— gsehch däi Füllmähre, die schweri, stolz!“ seit dr
Franz. „Und 's Füll — lueg, lueg, wie aufgesetzt, wie
gügglet, wie schön gmacht! Da 'sch gwüß die Burgunder
Mähre, wo der Bootseppli drvo brichtet het, wo us Frank-
rych cho syg direkt — chumm, wei sie go aluege!“

Wir si go luege. Und hei au no öppis anders gseh,
ganz unerwartet.

Em Garte noh het si nämlig nen Allee zoge vo
Chestenebäume; die Allee het in nes Gartehüüsli gmün-
det, satt am Füllweidli a, nes Gartehüüsli vo Hagelbuech,
so grünen und lussig. Und drin sizen, am runde, tan-
nige Tisch, zwöi Frauezimmer jung und schön, schön wie

d' Engle. Die Cini gar — — grad het ne Sunnestrahl, dur d' Stude dure, uf ihrem zarten Gesichtli grueihet — i han 'n ordli benydet, dä Sunnestrahl! Just die Cini han i nit gnue chönnen aluegen, und sie hein is ordli Zyt gönnt, die Zümpferli, si i's Lese vrtieft gji, hei d' Chöppfli zämme'gstreckt, wie zwöi Vögeli, über das Briefbögli, — mr hein is mügelistill gha und enand gmüpf mit 'm Ellbogen — — Do gwahret is die Züngerli, Allerschönsti, luegt i's z'erscht groß a, du ne luute Schrei, die Anderi au, so erschrocken und muethwillig zueglych — und sie packen ihri Hüetli und Parijölle zämme und springe drvo, wa gisch was hesch dur e Garte dure, em Huus zue, wie zwöi vrschüüchti Reh, me fört no ihres übermüethige Lache vo wytem 's — hesch mr sie niene gseh? heisst's am Liedli.

Mir Beed si mit offene Müülere do gstande. Und Beed hei dr glych Gedanke gha und 'n schier mitenand ausgesproche: „Die Chlyni isch schön wien 'n Engel — wer isch es ächt?“

A's Fülligschaue het keine meh dänkt — — „Wer isch es ächt?“

„Dört, das Wyssen am Boden, unter 'm Tisch — was isch däs?“

Nes Briefli! Nes Briefli und es Blüemli druff und es Tüübeli mit eme Papiirli im Schnabel — jo richtig, nes Liebesbriefli — im Schrecke het 's ne so falle, vrlöre, gwüß die Cini, die „Feini“!

„Basel, den 8. Mai — — Geliebteste Luise —“

„Ja“, han i gseit, „dörfe mr 'n au lese? Isch 's nit unzart, unrecht?“

„Was unrecht!“ seit my Fründ schier grimmig —
 — „ne Liebesbrief, ne richtige Liebesbrief — das Bürschli
 schrybt jo wie ne verliebte Nar — — „Sehnsucht —
 qualvoll — möcht’ fliegen zu Dir“ — „auf dem Strahl
 der Morgensonne“ — dä hets au dick hinter den Ohre,
 das Fieber! Aber was? „Kann den glückseligen Augen-
 blick kaum erwarten, wo, auf ewig verbunden und beneidet
 von den Engeln des Himmels“ — dä Kerli redt jo, as
 hätt ’r ’s scho im Ohrättli inn! Und das Döchterli isch
 chuun zwänzgi, erst us ’m Nöstli gfloge — dä uverschämt
 Gsell! — — ’s wird öppe so ne listige Herreschneuggel
 sy, wo das Vögeli möcht foh mit sym löcklen und rungge!
 Aber gwüß thuet ’s Weitschi nume drab lache! — —
 „Dein Louis — —“, nüt meh und nüt weniger — ei,
 ei, wie vertraut! — me möcht ’m eis uf d’ Schnurre
 gä! — — Aber si mr nit dumm, aß mr is dorüber un-
 halte, mir Zwee?“ seit ’r du; und foht asoh lachen; und
 ig ha au aso lache — eine zwungner as dr ander; und
 si zugg glaufen em Huus zue, er, der Franz, mit ’m
 Briefli im Sack.

„Gradglych“, het ’r wieder agfange, „gradglych thuet
 ’s mi doch ordli wundere, wer sie sy.“

„Wei froge!“ han i gseit.

„Jo wei froge, ’s Stubeweitschi! Allweg si sie jetz
 dinnen, in dr Stuben, im Saal —

Sie sy nit i dr Stube, sy nit im Saal, mr finde
 sie niene. Doch — dört göih sie grad ’s Hübeli ab, mit
 de Parisölene, d’ Schäh! am Arm, furt! Und ’n eifach
 fleideti, ölteri Frau byn e — — Mr rüefe hurti ’s Stube-

meidschi herby, a 's Fenster: „Dört, die drüü Fraue-
zimmer — chönnt dr is ächt Uuskunft gä, wer? woher?“

„Cha nit diene“, seit 's und lächelet so boshaft schelmisch. „D' Frau het badet und gschräpft — da 'sch Alls, was i weiß. 's isch mr leid!“

Het badet und gschräpft — do weiß de d' Badfrau Bscheid.

Und i weiß jetz no nit, wien is dä närisch Gedanke cho isch: Au mir Zwee si go bade und hei — lo schräpfe! Und het is doch nüt gfehlt, nit 's gringsten, as zwüssen und zvernäh, wer die Frau gsi isch mit dene Töchtere. Au d' Badfrau het fei wyteri Uuskunft gwüßt, as: „Ne Krämersfrau us 'm Stedtli, wien i gmerkt ha — — Müeßt mr vzieh, i bi halt frönd hie, erst paar Wuuche do!“

Und mr müesse rechte Schoofsgsichter gmacht ha; denn wie mr nand aluegen, ig und der Franz, hei mr hauthöchlichen aso lachen! Und hei d' Schräpfschäfel lo abnäh und si us 'm Bad gsprungen und i d' Ehleider gschlosse. No nes Schöppli vo dem gueten Alten — und furt si mr heizue mit dr Obedsunne, hei gschwägt und glachet und gjunge. Und vo dem Abedtürkli fei Wort me gredt. Gredt, sägen ig — —

Z'Nacht im Bett aber isch 's mr wieder vorchö. Und wär die „Eini, die Feini“ lybendig vora mr gstande, i hätt mr sie nit lebhafter chönne vorstelle. So nes Gsichtli, nes Engelsgsichtli, vergißt mr nit so leicht. Und erst die Traum! Do het's mr fründlig zuegnickt und mi herzig aglächelet und isch drvogsprunge 's Badhübeli ab und schelmisch zrug gluegt und gseit: Chumm, soh mi! Heb

mi, heb mi! Bi frei erwachet vor Yfer und Freud. Und grad het dr Morgestern i's Zimmerli ine zwickered, so gspässig, as wett er säge: I kenne sie guet! — Gwüss schynt 'r au i ihres Chämmerli ine — loh mr's grüesse, das herzige Chind!

Wunderlich z'De fragen i dr Franzi: „Hesich doch das Briefli no — weisch wol?“

„Babah!“ seit 'r, „Naretheie! Ha nimm a das denkt!“ Und soht vo andere Sachen aso brichte, Dorfneuigkeite, für mr unswyche. Aber d'Yfersucht het scharpsi Auge; ha 's gmerkt, aß au er's „dick het hinter den Ohre“. Und schier bin i höhn worden über die Faltichheit.

Am Samstag druuf ich 's gsi. Im Henggeler Wald hei mr drei Ladige Eicherinde gholt. Und wie mr i 's Stedtle ine fahre, rüeft dr Vater: „Höhä! Heb still, Hans! Do bim Chrüz dürfe mr nit verby, müesse ne Gläse trinke, oder bstell grad ne Moos, ich nit z' viel für eufere Feuf! — — Und du Ruedi,“ seit 'r zue mir, „hätt 's bold vergeffe: Dr Lehrjung het sy Blunse verrisse bim Rindelade, schandlig verrisse! Muesch 'm nen anderi go chaufe, bisch jo gly i's Humbelischnyders Laden äne!“

I 's Humbelischnyders Laden ich 's allwyl no gange wie früeher, as wurd d' Sach rein vrschenkt; au ich d' Radestube schynt's ordli größer gmacht worde, die Fohren aus, nes Fenster mehr und meh. Waar — ha mi recht müesse verwundere. Nume die glychi Fründligkeit ich blibe, die nämlige Gfelligkeit vo de Lüte.

Und wien i die Bygi Blunse erlese, fören i vom Hunsgang her ne Rues: „Luije, zum Kaffee!“

„Luije“ — worum ich mr dä Luut so plötzlich dur

alli Glieder gfare, aß i frei erschlüpft bi? „Quije“ — da 'sch jo dä Name gji, wo mr sit äim Tag eister im Chopf glegen isch, wie no keine, myr Lebzig nit! Und grad druuf goht die hinteri Ladethür uuf und e gloggehäli Stimm rüeft: „Papa, heisch Zyt zum Kaffee?“ Und wien i ume luege, gsehn i nume no das Chöpfli verschwinde, ihres, ihres! Jo ihres, das Lockchöpfli vom Wydehübelibad! Also do wohnt sie, do isch sie deheim, dien i so lang gsuecht ha i Gedanke — — „ne Chrämersfrau“, het d' Schröpfere gseit — 's stimmt, 's stimmt jo uf e Tupf! Aß i a die nit ehnder gsünnet ha? Fryli, bi scho lang nimen i dem Bade gji, mängs Johr nimm!

Weiß jetz no nit, wie viel i für die Blunse zahlt ha. Ha Als vrgesse um mi ume, hätt möge dr Gestalt nohspringe, voran eren a Bode chneue, bi de Händen ergryfen und säge: Jetz ha di endlige, loh di nimm lo goh — —

Do fören i, wie die Alti seit zue ihrem Ma: „Christian, chönnisch doch em Gerber grad das Holz zahlen und das Fueder Lou i Garte?“

„Jo, jo!“ seit dr Chrämer, „heisch recht, hätt's bold vrgesse!“ Und heist mi mit 'm cho, i d' Stuben übere.

Unter allen andere Umstände hätt i höflich gseit: „'s preßiert nüt mit dem Zahle, dr Papa chunnt schon öppen einisch vrbij — —“ Jetz aber isch 's mer gji, wenn i numme no lang chönnit vrwynlen i dem Huus! Und wien i dem Schnyder nohgange bi, het mr 's Herz klopfet wien eme Schuelermeitschi, wenn 's cha goh 's Prämi in Empfang näh. I d' Stuben übere — — dört sitze sie scho am Tisch — wer? Niemet anders as die zwöi

Zümpferli vom Wydhübeli! Hei sie my au erkömt?
D ganz gwüß! Denn sie luege nand schelmisch a und
müpfen enand und lächele — vrlege? D nei, ganz schel-
misch. Und wer roth worden isch, da 'sch my gsi, und
ha grüezet wie ne Laz, öppis gseit, i weiß nit was!

Das also si em Humbelischnyder syni zwoo Töchtere?
han i denkt. Hätt sie nümme kennt sit selbmol, begryfflig!
Aber die Dritti, großi schlanggi und finsterlächtigi, wo
jetz ine chumt im wyße Chuchischurz und dr Kaffee auf-
treit und im Huusher yschenkt — wer isch denn das?
D'Magd? Nei 's cha nit wohl sy, süscht gäb ere dr Alt
nit dr Kaffeschlüssel und seit: „Lueg doch gschwind nochen
und zal, das Rüntli für Holz!“ Und das Meitli be-
trachtet mi nen Augenblick mit syne große schwarzen Auge:
„Gerber?“ — frogt sie lyfeli und dr Alt nickt „Jo!“
Und sie suecht das Papierli füre nnd schrybt 's is Buech
— i före d' Federe chritze, ha aber numen Auge für die
am Tisch, für die „Cini, die Feini“, die wiedergfundni
„Luisse“; und darf doch nit recht herzhaft luege! I unter-
schrybe das Rüntli, stryche 's Geld h und säge Dank —
mueß i denn jetz scho goh? Do seit dr Chrämer: „Wenn
Dr nes Schüßfeli Kaffee möget — säget nit nei! No
dr länge Fahrt i Wald und denk nit Warmes gha, thät
Gch das Nume guet. Au han i scho mehr g' schmarokt bi
Euch, ig und Eue Papa si halt gar gueti Fründ, sit
Jungem auf!“ — Und scho het das großen ernsthaft
Meitli nes Schüßfeli ane gleit und 's Bsteck drzue und
en Stuehl äne gschobe, wien e Schyn, grad zwüschen Alt
und myr Schöne — ha halt müesse zue sitze, ob i ha
welle oder nit. D jo, i ha scho welle! Wenn i jetz

numen au hätt wüsse z'brichte! Aber my guet Wig het mi eismols elend im Stich gloh, dr Hals ich gfi wie zuegschnüeret, bsunders wo dr Alt wieder gleitig i Laden übere gschlurpet ich und mir junge Küttli ellei binand gseffe sy, und die zwöi Meitschi immerfirt nand agluegt und heimlig gmüpfet und gigelet hei, schier überluut. Do het si das große Meittli — wie föll 'm au säge — myner erbarmet und aso mit mr schwäge, vom herrlige Maywetter, vo dene Bäume voll Bluest, vo dene guete Aussichten überall — so vrständig wie ne Buurefrau, wie nes Buech, i bin ere recht dankbar gfi und han ere fhyßig Bsheid gä und notisnoh das Schüüchthue vrlore. Do hei au die zwöi Zümpferli aso brichten, aber nume ganz weni und ganz unvrständig: Wie 's so schön wär bi dem herrlige Wetter, Aussflüg z' mache do und dört hy, i Wald und Feld und uf d' Hübel und Bergen use, wenn's nume nit so gfährlig wär wege de Räubere, wege 'm Ueberfalle — — O jez han i's gmerkt, sie wei mi necke, sie lache jo und stecke d'Chöpfli zsäme wie d' Marki. Bis sie das Meittli mit syne großen Auge böß aluegt, bsunders die chlyni, die himmljchi „Luiße“; worauf sie das Necke hei so gelsten und mr abjelut no nes Schüßfeli aufgzwängt hei und beredtsamer worde sy. O das Stimml vo dr Luiße, das Lache — het's nit flunge wie nes Glöggliispiel? Und sie luegt mi gar nit böß a, im Gegetheil, so schelmisch fründlig — i bi völlig etzückt worde. Und won ig furtgoh, gib i beede Zümpferle herzaft d' Hand, dr Eine drück ig sie no recht vrwege, und mache gar fei üble Chrazfueß und go endlige furt. Unter dr Huusthür aber chummt mr das Meittli — wer mag's au sy?

— cho nohz'yle: i heb jo dr Chrom, nämlich d' Blunse, vrgesse; und au ihre gib i d'Hand, und z'uusserist usß isch 's mr gfi, i well ere no nes Grüeßli hinterloh für d' Luise — ha mi aber doch gschiniert, sie isch mr eismols so fürnem vorchö, die Chöchi —

Jetzt! han i denkt, im Heigoh, jekz endlige heßch sie gfunde — hurrah! Em Humbelischnyder sy Tochter — wer hätt das glaubt, aß us der Stunde ne settigi Prachtsblueme wachse chömt? — 's isch frei zum Lache! Aber desto besser! 's Meitschi isch nit nume zum abete schön — dr Alt het Baze, isch rydh, rycher viellicht as me meint! Und drzue mys Vaters Fründ — das rynt si so ganz samös! — — Jo, jekz han ig sie gfunde — wie wird dä Franzi lose! Aber sell em 's au grad sägen, ihm, wo so vrliebt tho het, vrliebter schier as ig? Und het no heimlig thue welle mit syne Gsinige, drglyche to, 'r frog nüt drnoh? O nei — will das Gheimniß ömel no nes Rüngli für my b'halte, wenigstes ömel so lang, bis d'Sach, d. h. d'Liebschaft, besser ygädlet isch. O Jede luegt für ihn! Wenn i einisch fest im Sattel sitze, nu denn will 'm Alls säge, ehnder nit! Und isch 's nit e bsunderbari Füegung gfi, die mi das herrlige Döchterli het lo finde? — — Nume hets mi g'ärgeret, aß mi bi dem Bsämetresse so schüüch und unhülflig benoh ha, wie ne Schuelerbueb, jekz, hintedry, isch 's mr Alls i Sinn cho, was i hätt selle sägen uf das muethwillig Gneck, was säge bim Furtgoh, für 'm Meitschi, der Luise, ne gueti Meinig byzbringe — jo jekz isch 's mr i Sinn cho, hintedry! — — Dr Vater het das und dieses brichtet, vo dr Rinden-Enn, vo dene Pslichten und Vörtle, Byspieli

us s'yr länge Gerberpraxis — zum erste Mol han i nume mit halbem Ohr zueglost, schier nüt vrstande drvo. Ha Plän gschmiedet, wien i die Bekanntschaft well furtsetzen und ausbüüeten — am liebste wär i scho mönderisch wieder hygange. Doch hätt si das nit wohl gschickt, zwee Tag usenand.

Aber Rueih han i grad glych feini gha, bi eifilbig gsi, bi dr Arbet wie bi dr Churzwyl, und uf Alls weni Obacht gä. Ha halt numen ei Gedanke gha und a dem zehrt schier Tag und Nacht: 'Wie wot'sch 's ächt au agat'tige, für wieder i ihri Nöbchi z'cho? Bah, han i denkt, du goh'sch wieder i Rade, 's ander wird sie öppe scho gä, wie 's erste Mol au, me muß 'm liebe Zuefal au öppis überloß!

Aber dr Zuefal het mi nydich und grunsam im Stich gloh. Bi go chaufe das und dieses, Sache, won i gar nit nöthig gha ha: Dr Alt isch mr recht fründli gsi und die Alti au; und 's Meitli, nämlig das mit denen ernste großen Auge, recht höflich. Wo myr Herzes-Luijen aber nit die Spur, ha sie mit keim Aug chönnen erspäche, gäb wien i glieret ha und mit dem Meitli plauderet und dur alli Thürspält güggelet. Bi mengisch druff und dra gsi, mit dr Frog auszrucke: D' Zumpfere Luije — was lebt Cui Zumpfere Luije? Und ha die Frog eister wieder blöderwys abegschlückt. Eini'sch aber, wo mi die Alti vor d'Radethür use bleitet het, han i denkt: jetz oder nie! Und i froge sie: „Dir heit doch zwo Töchtere, Frau Lohner, wenn i froge darf? Oder drei?“

„Zwo, zwo, my liebe Her!“ seit sie ganz fründlich,

„d' Luise und d' Bertha; die Anderi, wo dr gseh heit, iche nes Väsi und uf Bjuech do gsi und heist au Luise; und iche vrlobt und het mr die Chlyni mit ere hei gno i d' Ravanz. Jo jo, my Ma het recht, 's iche mr nume zlieb, das tuufigs Chind, i lohn em z' viel noh! Drei Tag, hets gseit, well's furt sy, und hüt iche's scho dr sechst! Uf e Samstig aber bin i 's gwüß erwartig, denn am Sunntig iche 'm Papa sy Tag — — grüß Gott, Herr Notar! Heit dr zue mym Ma welle? Er iche grad im Lade — — adie, junge Her — es anders Mol, wenn dr weit so guet sy?“

I hätt dä chrummbeinig Brüllema, dr Notar, i 's Paredis abe möge erwünsche! Worum het dä grad bruuche drzwünsche z'cho, won i im beste Thue gsi bi für die Alti unszförschele und byn ere ne Stei i's Brätt z'setze?

Aber grad druuf bin i ganz fröhlig und häluuf worden, im Heigoh: nit sie iche vrlobt, nume d' Fründi — dr erst und wichtigich Trost! Merkwürdig aß au däini Luise heist und glycht ere doch keis Tröpfli, iche viel spitzer, viel weniger schön — fryli, wie die Luise, mi abeteti, git's wohl keini meh uf dr Welt und sett au keini meh so dörse heiße — — Und dr zwöit Trost iche: Die Alti ma mi guet lyde, ganz offebar; süschthät sie mr nit 's Gleiht gä vor d' Thür und so fründlig säge: „Nes anders Mol — —“ Iche das nit en Gladig? Also am Samstig chumnt sie hei? Guet, am Sunntig gohn i uf Bjuech, das wächt dr Rhyn nit erwägg! — Schier han i's nit mögen erwarte — — „Luise“, da 'iche mys Morgen- und Abedgebet gsi, „Luise“ my Gedanke bi dr Arbet; ha dä Name frigt mit dr Gnyppen uf d'

Hüüt und uf 's Feder, mit 'm Fingernagel a's agloffig Fenster, mit 'm Bleistift a d' Wand. ♡

Jo, i ha dä Sunntig chuun mögen erwarte. Und ha am Samstig z' Obe scho alli Wörtli zweggleit, grad wien ig's de well säge, alli Kumpimente, ägetera — —

Und wien i so voller Gedanke 's Hofetwegli h und uns spaziere, wie dr Vikari, wenn 'r d' Predig studiert — wer gsehn i dört dr Altmattweg uns, hinter de Hüüsere dur schlyche, jetz hle wie ne Fülläuser? Zsch das nit my Fründ Franz? Jo fryli isch 's ne, sin gsunntiget, dr Stecken i dr Hand, dä mit 'm beinige Griff — — Wo goht dä hy, erst nom Füllrobe, so spot z' Obe? Wüßt nit was sie Ungrads hätte — erst nächti isch 'r by mr gfi, lustig wie no nie und het keis Wörtli verlutet — — Zsch nes Unglück passiert, öpper im Huus plösglig krank worde? Denn thät 'r nit Sigare rauche, bruchti nit hintedure z' dicke, hätt 's Fuehrwerchli chönne näh, 's Roß! Oder z' Chilt? Wo ane? Chönnt 's nit errothe, au hätt 'r mr 's jo gseit, sym vertronte Fründ — — Dä Weg füehrt uf Binswange — bah, dört isch nit los, ömel nit für ihn! Dä Weg füehrt aber au, dr Landstroß no, i 's Stedtli — — Chönnt 's ächt au sy, aß — — i ma dä Gedanke nit denke! Und doch macht 'r mr uf eimol süttig heiß: Wenn dem doch so wär, wenn au er wüßt, wo und wer sie isch, aß sie furt isch, hei chunnt, hüt z' Obe? Aß au er Bekanntschaft afknüpft hätt und no vor mir? Nei, 's cha nit sy, so saltich wird er doch nit sy und sie au nit! Aber biich du nit au es bigeli saltich an 'm, hesch 'm sie nit du au vrhehlt, dy Etdeckig? Hört nit bi dr Liebi alli Fründ-

schaft uuf, wie bym Roß- und Chüchhandel, bi de Jude?

I ha fei Rueih meh, i will Gwüßheit ha, um alle Brys! Drum gohn i hei und ryßen em Brüeder Hans syß Dragunerroß zum Stal uus, wirfen em dr Sattel uuf, leggen 'm dr Baum a — dr Chnecht, wa drzue chunnt, luegt mi groß a — i cha fei Rytpeutsche finde, i sueche, der Chnecht suecht, im Stallgänterli ume — d' Stygbügel sie z' kurz — isch das nit d' Achtipost, wo vrbv fahrt? Fryli jo — „Seppli, läng mr dai Huet am Thornagel — jo, 's isch guet!“ I siten uuf und traben uuf und drvo. 's isch scho ordli finster gsi. ne monlosi Fruehligsnacht. D' Post isch gly erlyt, scho im Haldefelddrank unte. I ryte vrbv im scharpfe Trab, i späche no mym Fründ — aha, dört vorne! Ne lahme Handwerkshurscht! Aber dört, bim Steibruch vorne, däs isch 'n gwüß — — Ach nei, s' isch nume dr Binzwagner Chemifeger, bsoffe wie gwöhnlig, nom Füllrobe! — Do isch Binswange. Vor 'm Posthuus stöih's Lüüt, gsuntiget — und mueß grad dä Hund cho z' belle und mr 's Roß schliich mache, aß 's ne Sytesprung thuet und dr Galopp aschloht, und i' s schier nit cha bändige; und wer vor em Posthuus gstanden isch i dr Dunkelheit, da 'sch mr völlig etgange. Umchehren und go luege? Das wär lächerlig gsi und affrontierlig. Also vormwärts, er wird doch wol z' treffe sy, wird sie nit i nes Müüseloch vrschloffe ha oder ne Baum uuf klederet sy — — Doch nei, do gseht me scho d' Liechter im Stedtkli, do chunnt d' Sagi, 's Zollhuus, s' Nebstöckli — und fei Franz wyt und breit! Hätt 'n doch gwüß müesse gwahre, und

wenn 'r gsprunge wär wie ne Hirz! Und doch — wohn wett 'r süecht gange sy. Chönnt 's gar nit wüsse, gar nit errothe! Fast ha mi afo schäme, afo reuig werden über dä unüberleit Narestreich. 's Roß isch bachnaß, i rhyt hym Rebstöckli zue, befehlen hz'stelle, Haber z' gä. Ig selber goh i d' Gaststuben ine, trinke nes Glas Bier und gseh erst jeh, bim Liecht, aß ig no i de schmutzige Gerberchleidere stecke — — Jeh rollet au d' Post vrby über die Bjezi, mir isch 's so seltsam z' Mueth, es dunkt mi, sie fahr mr über d' Brust übere. I stoh uuf, es lydt mi nömm i dr Stube, i laufe, i weiß nit worum, unter 'm Thor dur, d' Hauptgaß y. Wo wytem's gsehn i, wie ne Her us 'm Postwage sthyt und druuf ne Dame, und sie Arm in Arm fortspaziere, die finsteri Gaß ab; denn fei Laternen isch azündet gsi, wül mr dr Mon erwartet het um zehni ume. Und myni schwere Werchtigstiefel pochlen uuf de Steine, 's schloht frei wyt a i dr öde Stroß, i mueß mi schier schinieren abztrappe, schiniere, wenn mr ne Bekannte begegneti. Wo wotsch eigetlig au ane? han i denkt. Ne recht eifältige Bürschtel z'spaziere füehre, ein, wo d' Liebi narächtig gmacht het? Dört 's Humbelischnyders Lade — wyters gosch nit, chehrsch grad um, öb's die gewahre — — Doch, was isch das? Grad vor's Humbelers Huusthür stoht das gherrschelig Päärli still und isch 's nit, as wenn sie nand thäte chüsse? Dr Brstand stoht mr still, i weiß nimm, was i mache, i römme vorwärts, i chumme grad drzue, wie d' Huusthür aufghot — das Päärli ine, d' Thür zuegschlegt, dr Riegel gstoßen und ig — mit dr Nasen am Haag a! Im Lade fei Liecht, d' Brittli zuegmacht — Müüni vrby! Ig

chlopfen a d' Thür wie usinnig, i fören öpper cho z'ischlurpe dr Gang füre — dr Alt — und ängstlig froge: „Wer isch do? Was guets? Do uf eimal, bin i doch wieder zuer Bsinnig cho: Was wotsch eigetlig do? Was säge? Aß us 'm Hüssli sygisch, vollständig? Wüßt sücht nit was, muesch di schäme wie ne nasse Pudel — — I nimme Ryßus, überröme sogar ne Milchma mit syr leere Brente, das cheßlet uf dr Bjezi wie unghürig, dr Ma schreit Hefsi und Mordio, ne Polizeier chumt zue 's Seilers Pinten uus, grad mir drgege, will mi packen, uufha — rätisch! do lyt 'r wyt i dr Stroß uß und schreit no lüüter aß dr Milchma: heit'n! heit'n! Ig schwenke 's Flöhgäßli ab, die hinteri Gaß us, dr Stalben uuf, zum Thörli nus — und do bin i wieder bim Nebstöckli und cha schier fei Dthe me fasse — — Und i packe gly uuf und ryten hei zue, 's Herz so voll!

De Morgen aber, am häßsuntnige Sunntigmorge — wer isch 's, wo mr uf 'm Chilchwegli z'erscht „Guetttag!“ seit, gsunntiget und gfixt, munter und fründlig wie eisder? Dr Franz! Jo währli dr Franz; und brichtet vom Wetter, und vo dr Schwester Marie, wo gester heigschriebe heb us Paris; und vom Schießet, am nööchste Sunntig, z' Wendelshuusen, und wien er hüt scho well dr Stuker probiere druufhy und öb i nit au well drby sy? Vo nächti fei Wort, fei Düüt — — Und am End, scho währed dr Predig, han i denkt: Ich nit Alls nume ne dumme wüeste Traum, 's Tüüfels Blendwerk gsi? D gwüß! Lueg dört, wie dr Franzi so rüehig schloft — so schloft keine, wo nes böses Gwüße het. Wenn di um's Himmelswille nume Niemet fernt het! — — Und i ha

mir neuerdings vorgnoh styf und fest: Hüt gohich! Jo, hüt gohich i's Stedtli zue dr Luise! Gsehich jo de, was Trumpf ich, öb öppis gelte thuesch oder nit — cha nümme länger i der Ungwüßheit lebe!

Und no'm Mittagesse ha mi i größt Wix gworfen und bi mit der Zwöipost abgwalzt, dä Weg, won i scho die Nacht drvor zruggleit gha ha, schier uf Rosafenart, im wilde vrzwyflete Ritt. Doch goht die hütigi Fahrt unter wyt bessere Zeiche vo statte: nächti dunkli Nacht, hüt heitere Sunneschyn vo'm Numero eis; nächti schwarzi Hfersucht im Herze, ne unbstimmte Verdacht, halb und halb nes böses Gwüßse, hüt ganz friedjsami Sunntiggedanke und früsche Mueth und die süessi Hoffnig, hüt endlige werd se si erzeige, woran i syg mit mir große Lieb, hüt werd se si entscheide!

Und ha mi dorüber abermol tüüsch. ✕

Im Postwagen ich nen öltene dicke Her gessen und het, won ig ystige, chuun d' Augen musto und 's Bei hzogen und wieder aso schlofen im Nummeroeiseggeli im Jg, i mym Nummerozwöieggeli, ha denkt: Schlof Du. nume, mir au recht! Cha 's nume besser zwegleggen und studiere, wien i's agrhse will, das Bjueche, das Werben, uf schickligi Art — — Ha dä und diese Plan gmacht, dell ganz vrwogni, ha das und dieses Fürwort probiert — denn nes Fürwort het doch müesse sy, ha nit mit dr Thür i's Huus inepletichen und säge chönne: Do bin i jetz, dr Gerberruedi, und wett gern Cui Jumpsfere Luise für Frau, wenn's gsellig ich — nei, das goht nit a! Hätt i's doch besser überdenkt, deheime scho, und mir vom Vater ne Auftrag lo gä — hätt em's jo wol dörfe

verrothe, my Absicht! Nei, das thuet kei Bueb gern, me schwygt so lang me cha — — Aber was mache jek, wie agryse? Em Runditör gib i ne Sigare, zwoo, für 'n gsprächig zmachen; und scho bin i druff und dra gsi, für 'n uszfroge über 's Humbelischnyders Huuswese, über syni Töchtere, so hinteduren, er isch jo im Stedtle deheim — nei, das goht au nit a, thät mi jo wüest verrothen und was wett mr dä arm Schlucker au sägen und helfe chönne? — — Eister aber isch die Frog wieder cho: „Wie achehre?“

Deb i mit mr dorüber im Reine gsi bi, het dr Wage scho wieder ghalte, mr si im Stedtle, vor 'm Posthuus gsi. Und in ere Minute druuf bin i im Posthuus gsi, nämlig i dr Wirthsstube gessen und ha nes Schöppli gueten Alte bstellt, aß 'r mr dr Vrstand erlückti. Do frogt dä dick Her — au er isch cho ine z'bärze — do sei dä dick Her zum Aufwartmeitschi: „Dyt dong, Madmoasell, si wu plee —“, aber das Madmoasell, eis vo Buliswyl, het nüt „parlewu“ vrstande, het nes roths Schöppli übercho und het welle go dr Posthalter hole. Do han ig aber dem Her Bicheid ghä: „Plety Mussiö?“ Und 'r het höflich dr Schaaris gmacht und syh Alhyge vortreit: Er syh ne Fabrikant us Frankrych und mach so viel Johr Gschäfti mit eme hiesige Marschang, Namens Gretieng Vohneer. Und wül 'r grad nes Schwyzerreisli mach ang plesir, so wett 'r gern syne bessere Chunde d' Wisite machen us Höflichkeit, und Mussiö Vohneer syh ein vo de beste. Die gnau Adressen aber syh ihm unbekannt —

— — —
D i hätt dem dicken Alte mögen um e Hals falle

vor Freud! Und i ha gleitig g'antwortet: „Nieng plii
fafil gö ja!“, uf düütsch: Daß schickt si ganz ordli, denn
au ig will dorthy, zum Musjiö Vohneer, bi soz'jäge Huus=
fründ (ha doch schier müesse wueschte bi dem Gätzli —)
— will Ech scho hybleite! — Do het dr Weltisch gseit:
„Tre bieng, tre bieng —“ ganz recht! Zueglych aber
nes Gläscheli Waggung bstellt und tapfer hgschenkt und
ne Region aso brichte, me hätt mit keim Hämmerli chönne
drzwüsche; und a d' Uhr gluegt und gfrogt: „Allong
nu?“ Und i ha gseit: „Serwis: chönnt nume befehle!“
Und e Sigare het 'r mr gä so dick schier wie nes Federe=
rohr und es Halbdoke dünni papirigi; und mr sy ab=
gwalzt d' Hauptgaß uuf — i ha mi nit übel gemeint.
Und uf 's Humbelischnyders Huus los gstüürt und herzast
aglüütet und höflich grüeßt und gseit — i ha eigetlig nit
me z'jäge bruucht, my Weltisch het Chrazfüeß gmacht und
parliert druuf los, unter dr Thür scho, im Huusgang,
im Visitezimmer, Kompliment uf Kompliment, nix as
plesir bis änen use, für dä Gschäftsfründ lehre z' kenne.
Aber dä Gschäftsfründ, nämlich euse Humbeler, het vo
der Höflichkeit keis Sterbeswörtli vrstanden und vrlegen
im Hoor kratet, das heißt uf der Perrüggan umen, und
zue dr Alte gseit: „Säg, eis vo de Meitschene sell cho!“

Und sie isch cho, my himmlischi Lujen, und het is
grüeßt — my no öb dr Weltisch, o dä fründlig luunig
Blick isch mr i's Herz ine drunge wie ne Sunnestrahl,
het gliüchtet und zündet wie ne Glueth! Und schön isch
sie gsi mit ihrem gäle Lockehoor und de fyne rothe Bäck=
lenen, i dem enge, griene Chleid, wie nes Muettergottesli
so schön, zum abete! I ha sie nit gnue chönnen aluege.

Au der Weltſch, dä alt Chuuter, het to wie näriſch mit ſyne Kumpimente, und i ha denkt: Gel, Manneli, wie nes ſchöns Schätzeli i ha? — Er macht au em Alte Kumpimente wege dr ſchöne, nette Tochter; und erzellt vo ſyr Familie, äketera. Und frogt und brichtet und brichtet und frogt, das und dieſes — die gueti Luiſe chunnt eisder wie rötheri Bäckli über, wie nes röthers Gſichtli, ſogar dr Hals vor lunter Verlegeheit, wege 'm Antworte — o wie ſie mi duuret het! Jez bringt die Anderi, d' Bertha, ne Butelli Wy und Hammeſchnitz und macht dr Tiſch zweg. Und wie my Chlyni das gſeht, thuet ſie ſi hurti hinterſi riterieren und — furt iſch ſie, zur Thür uus, wie ne Schyn! — Jez hätt i dä Weltſch, wo my Liebſti ſo gruufam vtriebe het, mit ſym Gſchwader, mit de Fäufte möge chüſſen us lunter Täubi. Wär am liebſten uuf und noch, für ſie go z' tröſten; aber ſcho ſi d' Gleſer ygſchenkt, au ig mueß a Tiſch ane hocken und aſtoßen und mitha. Und jez grothet dä Weltſch a die Groſi, a d' Bertha. Aber was? Die redt jo wie druckt, git 'm Bſcheid, glaſſen und höſlig und ganz gummiſoh, wie wenn ſie ihrer Lebzig kei anderi Sproch gſproche hätt; und luegt 'n jo ernſtaſt vrſtändig a und überchunnt ebefals ne Huuffe Kumpimenten, und dr Humbeler, wo erſt no, bi dr Flucht vo dr Luiſe, ſo vrdrießlich und böſ drygluegt het, iſch eisder wie z'friedener worden und ufgruunter, und het ſelber aſo yſchenke und aſtoße und gſeit: „Sante! Sante!“

Aber d' Luiſe — wo iſch ächt my Luiſe hy cho? So han i denkt. Und bi eisder wie urüehiger uf mym Stuehl hin und her grüſcht. Und grad wo dr Franzos

d' Photographiehelgli füre nimmt, die vo syne Plüte deheim, und Alli i das Gschaue vrtiest sy, stohn i hübscheli uuf und düüßelen uf de Schuehspitze zue dr Stuben uus. Aber jetz wohy? I bi im Huusgang, Thüre rechts und linggs, eini hintenufe. Dört, vo hintenufe, dunkt's mi, för i Meitschistimme. So ne mächtige Liebi macht vrwegen, i laufe herzhast usen uf 's Läubeli use. Und richtig, do sitzt my Luisen uf em Ruethebänkli und nes Zümpferli neben anre, nes bluetjungs, schüüchs, allweg nes Noochburehind. Und sie — me weiß wohl wer i meine — sie luegt mi so fründlig schalkhaft a und froggt, öb's mr au vrleidet sig bi dem Bradli inne? Es sig ömel würklig wohr: französisch vrstöh sie wohl, ganz guet, aber das syg keis Französisch, da schwaderi so gleittig und haspli Alls i nand ine — kei Mensch chönn's jo vrstoh! — Und i han ere Recht gä, und das und dieses aso brichten und gspäßle, eisder wie herzafter, und sie gfroggt, wie das Vakanzreisli und d' Heifunft abglaufe syg. Und sie het mi ganz gspässig agluegt und isch ganz roth worde, wie vori, dinn. Und het gseit: „Ganz guet, viel Plesier“ — — und wieder aso lache, so lustig, muethwillig dry gluegt und mi gfroggt, öb i nit e chly well Platz näh? Und wien i voller Freud und Etzücke will abhocke nebe sie — nes luuschigers Eggeli het's keis gä as selb Läubeli, vo drei Syten hgmacht, vo dr vierten, offene mit Zumpfererebe dick überhenkt; drzue die warmi Nomittagsunne, wo dur die Blatt ine güggelet; und gwüß het das Noochburejümpferli so viel Vrstand und macht sie hübscheli drvo — do chunnt die Alti usen und seit, mr selle doch ine cho, die Here vrlange non is-

„Und dä Durzug chönnt dr schade, Chind!“ seit sie zue dr Luise; „so dünn agleit — wie gly hätt’ich öppis unglese, ’s Zahnweh, dr Pfnüfel — —“

Mueß denn allwyl öppis Dünners drzwischen cho? han i denkt; jetz, won i’s so schön im Gleus ha, das Nööcherzsämecho! — — Doch was han i welle mache? Bi no so weni vertrout i dr Familie und ha so große Rücksichte znäh gha au uf die Alti — me kennt jo das, bim Drhofsmache! — mueß also uffstoh und ine goh i d’Stube, mit bluetigem Herze. D’ Luise seit: „Chume denn au, Mama, spöter, gly! Ma das gstinkig Hammefleisch nit schmöcke, pfi tuufig! Chöme de zum Kaffee — gel Schanettli? Aber nit bis dr Weltisch zum Huus uns isch, dä Schwaderi — jag e doch grad furt!“ Und beedi Töchterli söih aso lache, so luut, so muethwillig, und d’ Luise zerrt d’Muetter bi der Hand an sie änen und nimmt sie ume Hals ume und flattiert ere wie nes jungs Büüßi und über ’s Muetters Axlen übere luegt sie mi so schelmisch a, so süeß, so — o i cha ’s nit beschrybe, wie mi dä Blick dunkt und mys Herz etzündet het. Und ha denkt: wenn sie nume my au um e Hals nähm und d’ Muetter über my Axle thät aluege, i wett scho dar ha, tuufig Johr lang — — d’ Muetter aber het gwehrt und glachet und gseit: „So loh mi doch goh — bisch nes rechts Geuggelchind! Gwüß chunnt dr Vater no cho rüefen und wird höhn! Wei ine.“ — — Zue, ohne d’Luise, das het mi gruußam dunkt; aber d’Muetter, dr Vater — dr Schwiegervater — die darf i nit höhn mache, nei gwüß nit, ömel vor’m Jowort nit — —

Dinne het no eisder dr Franzos 's Wort und loht 'm die Aufwart guet g'schmöcken und lobt dr Wy und 's Essen und das schöne Heiwesen und die scharmante Lüüt über die Masse; und ladet dr Humbeler h i 's Hotell — wie heißt? Und die scholi Mamsell Töchteren au, bsunders die wijawi het em 's bsunderbar atho, er macht ere bim Aufstoh Kumpimenten eis um 's ander. So jek stoht 'r endligen uuf und goht; sie bleitenen use, was sie reden, öb und was 'm vrspreche, i före 's scho nümme, de zue dr andere Thür h chummt my Luise cho z'düüffele uf de Schuespitze und lachet heimlig wie närisch und güggelet zum Thürspalt uus und macht gege dr Thür inen ebefals ei Ehratzfueß um der ander, wie die dusse — o nes Weitschi zum Fresse, i ha schier überlunt müleße lache, bi dem komische Thue — —

Dr Alt aber het mit dr Luise aso balge grad bim Ynecho, wegen ihr Uhöflichkeit gege de Gäste; und d' Muetter au, aber nit gar so ernstlig. Dem liebe Töchterli aber isch nit schröckli angst worde, het es chrumms Müüli gmacht und gseit: „Schwyget numen, oder i goh wieder, go zue 's Lhythegrafen übere, zum Schanettli!“ O, wien ere das Trozchöpfli so guet, so reizet agstanden isch! — —

Dr Alt und die Alti hei usgmacht, sie welle nes Spaziergängli machen um 's Stedtli ume und zueglych au ihrem Garte ne Buech abstatte. Jek chummt's guet use, han i denkt, endlige channsch nes Rüngli ellei sy mit dym herzliebste Weittli — — 's Herz het mr aso chlopfe vor Freud. Doch — was chlenkt, was lüetet das? Was

rönnen und hoope die Lüüt, Gaß uus und y? „Es brönn! 's brönn bim Rudibeck — fürio!“

Und Alls springt us de Hülßere, au mir; und Alls ylt em Brandplatz zue, au mir, d. h. ig und dr Alt, dr Humbeli. Und dä het ghumbelet i eim furt: „Whüet is Gott! Wenn 's nume nit wyters gryft, das Füll! Nebe 'm Beck isch em Bendi sjs Holzmagezin — o weh, denn isch 's gscheh um die ganzi Gaß, um mys eige Huus!“ — — Aber so groß isch d'Gfohr nit gsi; brönn het das Huus fryli, aber keis Lüftli isch gange, Lüüt z' gnue, Wasser z' gnue. Und plöglig isch 's mr i Sinn cho: Du dumme Tüüfel aß de biß! Wärisch doch bi dr Luise blibe, jetz wo Alls zum Huus us isch. Denn i mym Herze het 's au brönn, schier grüüßlicher as bim Rudibeck — — Und i ha denkt: No isch 's nit zspot! Wotsch di drvo dyche, vom Alten ewegg, hei zum Jümpferli gschwind. Aber was isch das? Grad chunnt d' Binswangener Sprütze zum Thor y cho z' roßlen, und uf 'm Fueß nochen eusi deheim, my Brieder Hans uf 'm Sattelroß und dr Fründ Franz als Hauptmen uf dr Sprütze, bi dr Mannschaft; und scho het mi dä müessen erblicken; und r' winkt und rüeft: „He, Ruedi, a dy Poste!“ O weh! i bi jo Sprüzemeister — —

Zum Sprütze chunnt's halt fryli nit, denn mir si überzellig; aber uf 'm Poste blybe müesse mr doch, am Stadtbach unte für alli Fäl. Bis 's asoht obelen und me zuer Sammlig bloß, zur Abdankig. Au do isch 's gsi wie vrheret, au do isch mr dr Fründ Franz nie vo dr Syte gwichen, au 's Müllers Liebel nit, hätt gar nit chönnen musryße! Druuf goth's, eusi ganzi Mann-

schafft zum Nebstößli, go nes Zimmis näh. Nes Fesli Bier wird uf e Tisch uufgleit, was öppe sücht no z'ha syg, z'esse — dr Hauptme Franz isch selber go frogen und bstellen i d' Kuchi use. Und bald chummt's, dellne Hammechnitz, dellne gräukti Magewürst. — Dr Franz aber, wo steckt au dr Franz? I froge 's Stubemeitschi, i froge d' Wirthi, wo grad ine chummt. — Niemed weiß Bscheid, grad wie uufgsloge! I will uufstoh gohn 'n sueche; my Brüeder seit: „Iß doch du! Dä Franz wird scho wieder cho, thuet si allweg nit vrlaufen i dem Chrottestedtli inn! Die Hamme si ganz famos!“ Au die Anderen esse mit eme gsegneten Appetit und trinken und sy lustig und hälluuf und ryße Witze ein nom andere. Ig aber bringe schier keis Mümpfeli abe, hocke wie uf Glüethe — worum? Ig weiß 's selber nit — ne unbstimmti Angst, nes gwüsses Gefühl vo Yfersucht het mi plötzlich übernoh mit aller Gwolt, cha nümme rüehig hocke blybe, mueß, mueß 'n go sueche! Und wien i dr Thür zue hle, chummt 'r grad ine, dr Franz, i dr gmüethligste fröhligste Stimmig; und packt mi bi dr Axlen und seit: „Wo uns, Fründ? Blyb Du do, duß isch nüt as Stryt und Händel, bim Schlüssel schloß sie nand, wie d' Ross im Stal, und unter em Thörli han i schier nit dure chönne, so isch 's ne Lärme, nes Gstürchel. Ha nämlig no a Rapport müesse — — Rei, blyb Du do, wyt vom Gschütz git alti Chriegsklüüt!“

A Rapport müesse — sider wenn isch das dr Bruuch? 's isch mr Alls so furios vorchö — —

Und er, dr Hauptme, het no drey Moosß Wy zohlt us 'm eigene Sack, und ig d' Schandehalber au eini;

und bold isch'si dr Nebstöcklistuben inne gange wie an ere Chilbi. Müüni am Zyt — ach, jetz darf i nümme goh zum Schägeli zrugg, isch viel z'spot! Worum heisch jo lang gwartet, Du Nar?

Und erst, wo mr uf dr Sprütze geseße sy, i allem Jahre, frogt mi dr Franz: „Wo bisch du hüt eigetlig gsi, Fründ, so schön putzt?“ 's isch finster gsi, i ha nit gseh, isch 's ernst oder thuet 'r nume föppele — — und z'ußerist ußen isch mr gsi, i well 'm antworte: „Won i gsi syg? Eben au am Rapport — —“

Doch das wär jo ne Dummheit gsi, hätt 'r nit müesse denken, ig wär eifältig worde? — Au thuen 'm vielleicht bitter Unrecht — jo gwüß thuen 'm, mit mym dumme Brdacht, er göih mr heimlig a d' Bire! Isch 'r nit hinecht so lustig und gspräch wie nes Chind und lachtet und jingt sogar, wie alli Andere, gäb wie dr Wage secklet; das züügt vo keim böse Gwüsse, nei sicher nit.

Am Morge druuf hei mr ne Grueben uszuge — ne schweri Arbet. Gradglych isch mr dä Gedanken allzwehl obenuff glege: d' Louise — was thuet sie ächt, was denkt sie ächt — au vo mir? — Und ha drüber nochstunnet über e gestrig Tag. Am End, han i denkt, und Alls zsäme grechnet, isch 's so übel nit abglaufe. Heisch au nit viel chönne bi dym Herzhäfer sy — 's Fundement isch gleit, bisch i d' Familie hgfuehrt, den Alten aständig, vom Meitschi nit ungern gseh — — Nei nit ungern gseh, im Gegetheil! Die Blicke, wo's dr zuegeworfe het, die liebliche, süeße, das vrstohlrig Lächele — — Und wenn i erst hätt chönnen elleini byn 'm sy, o das hätt si Alls no viel besser gmacht, perseh! Wie

ischad, aß 's nit chönne sy — — Aber wie gseit, 's Fundement isch gleit und druuf will i my Liebshaft wyters boue, gly, ganz gly!

Das si myni Gedanke gsi, ha drob schier 's Gffe vrgesse; und by mr uusgmacht, eisder wie fester: Am nööchste Sunntig scho, bruuchsch jek keis Fürwort me!

Am nööchste Sunntig scho — jo do cha mr öppis uusmachen, ne Wuche voruus! Grad a dem Sunntig han i müesse hübsche Götti sy, i's Chuerethansjoggeli, eufem Werchme, sym Chind; my Vater selber het zuegseit, ohni mys Vorwüsse. Und e hübschi Gotte han i au gha, ne recht hübsche Buuretochter, ab dr Wies. Und gschosse hei sie, myni Fründ, uf 'm Chilchhübeli obe, wie die Düütsche vor Hünige, wie albe dr Vater erzellt. Und Alls het si so gstryt abgspunnen, und ha doch kei eigetligi Freud gha drby. Worum nit? Wül i allimyl denkt ha: Jek, wenn d' Luise so nebenander lüff — jo das wär halt öppis anders! Denn was isch, wenn au recht hübsch, das groblächtigi Buuremeitschi gege die „Cini, die Feini?“ Bi sogar heimlig taub gsi, aß i drwege nit ha chönne goh, go sie aluege, go sie grüesse, gon ere sägen unter vier Auge, wie sie mr lieb sygi.

Also am Sunntig druuf! Und am Sunntig druuf han ig sie wüerkli gseh — am Schuel- oder Chinderfest. I ha sie gseh drby defelieren und ihri Schwester au, mit 'm Gsangverein i d' Chilchen use, schön wie nen Engel; ha sie köre singe vo dr Vorchilchen abe, nes prächtings Altfolo — — und Alls het gseit, um mi ume: „Bst! da 'sch d' Luise Lohner! So wie die cha 's halt feini!“ Und i hätt frei möge juuzgen und säge: Dir guete Lüt,

da 'sch my Schatz! — I ha sie gseh us dr Chilche zieh, uf d' Schützematt abe, d' Muussig, d' Schuelchind, dr Gsangverein, demitts dur 's Bolch dure. Und sie, d' Luise, het mir gar fründlig zuegnickt und zueblickt und isch ganz roth worden im ganze Gesichtli, 's Herz im Lyb het mir gumpet vor Freud! Und wien ig mi umchehre, für dr Weg vorzulaufen und sie am Stalden unte no einisch z' gseh, do — wer stoht do hinten amr? Dr Franz — — Und dä lachet und seit: „Gel, i ha Di doch troffe, wenn scho nit gseit hesch. Aber schön isch das nit, Ruedi, so heimlig zthue, gege 'm Fründ!“

„Glychfals!“ han i g'antwortet.

„Was glychfals? Was meinisch mit dem?“

Was han i welle vorbringe? I syg hferjüchtig und wüß nit recht worum? Hei fei Bewys, au nit dr chlynst?

I ha allweg nes recht dumms Gesicht gmacht i dem häle Sunneschyn, demitts i der Freud zringsum. Denn 's Müllers Fritz, wo au grad ume gsi isch, het gseit: „Hesch öppe dr Geldseckel vlore oder d' Milch vrschüttet, Ruedi, aß so wunderlig dry luegsch?“ — Und Beed hei aso lachen; und ig au, uns luter Merger. Und mir si, statt dene Chinde no zlaufe, i 's Stadtbädli abe go cheigle — — I ha chönne cheigle, selb Mol, wie ne Gott, denk us heimligem Chyb, ha eis Rys um 's ander gwunne, zu dem viele Wy no ne Hampfele Geld. Und doch het mi dä Wy suur dunkt und 's Geld gar nit gfreut. Denn im Schützehuus hei si gungen und tanzet und Spieli gmacht und g'jubeliert, die Stadtherli und Dämli; Eine tanzet jetz vielleicht grad mit dyr Luise — wer? Jo wenn

i chönnt go luege, wenn 's erlaubt wär, eus Frönde, und wenn eim dä Franz nit so thät am Chittelfäcke hangen, uf Schritt und Tritt. Numen Eis het mi tröstet: Au er cha nit goh, vo der Site wenigstes bin i sicher! — Het eine von is gseit, 'r well gschwind go Sigare chaufen in es Lädeli ine, het dr ander grad au Sigare nöthig gha; het eine vorbroocht, 'r müeß no hurti ne Rummission go mache, het dr ander gemeint: Chummen au mit, ha jo wohl drzht — — So hei mr is d' Zyt vtrriebe mit cheiglen und trinken und nand heimlich schiggeniere, mir Fründ; bis z'Obe, bis z'Nacht. Und si mit enand heigange, so gmüethlig — ach wie vrtüüflet gmüethlig!

Uebermörnderisch isch z' Ruuschebach Johrmäret gsi. Au my Vater isch gangen und dr Brüeder Hans, mit eme Paar Stiere. Und e Sitz isch 's gsi selb Tag, sogar i dr chüele Gerbi inne bim Huutchrage — schier nit zum Uushalte. Z'Obe, wie mr hei göih zum Nachtesse, stöih's ömel nes Doze Fuehrwerch chly und groß vor 'm Huus; und d'Wirthsstube voll Määretlüüt, denn selten isch öpper vrbij ohni az'chhre — da isch dr guet Name gsi vom Huus und vom guete Wy — — Und die Buuremannen und Wyber und Meitschi hei trunken und grefiniert und glevitet und glachet wie an ere Chilbi; und fast nit furt chönnen; und d' Uufwart isch au nüt z'fuul, uf e lyijisch Wink parat gsi.

„Dr Vater —“ han i's Meitschi gfrogt — „isch dr Vater nonit hei?“

„Jere jo, grad isch 'r cho mit eme ganze Komplott, mit 'm Humbelischnyder.“

Humbelischnyder — das Wort het mr d' Ohren

und d' Auge g'öffnet, posz Blitz! Jo dört hocke sie jo binand, die zwee Mannen, und brichte zsäme wie Hanf. Und my Muetter mit — wer isch das? Em Humbeler sy Tochter, die österi —! Und dr Vater het mi gseh und längt mr 's Glas und isch gar aufgrummt und seit: „Chumm, Ruedi, thue Bsheid mit dene Lüüte! Hei guete Märet gmacht, sie und ig, dörfe wol no nes Tröpfli näh — gelet Fründ? — — Was meinsch, Ruedi was hei mr us de Stiere glöst? Das errothisch nit: vierzg Duble — denf, vierzg Duble, bim Baze! Und nes Füllfauft, eis us 'm ff! Meieli, no ne Fläsche, i zahlen au eini!“

„Nüt, nüt!“ seit dr Humbeler, „i mache nimm mit, goh hei! Was sy mr schuldig, Zumpfere?“

Do schloht aber dr Wind ne Schassilade zue, aß 's frei chläfelet; ne Donnerchlapf, scho ordli nooch, und finster wird 's, uf eimol, zum Brwundere. Und dr Stoffelheiri, wo grad ine chunnt, seit: „Nes starchs Wetter, isch ganz uf is obe — wenn 's nume nit gschändet!“ Und richtig, jetz fohet 's au aso blickge, Schyn uf Schyn, donnere, Chlapf uf Chlapf, und bald fört mr en au runfche, d' Dachsträufi, wie mit Zübere, dä strömed Rege.

Do het dä ängstlig Humbeler scho müesse warre. Und die früschf Fläschen isch cho, und die zwee olte Manne hei früsch aso brichten us olte Zyte, wie 's albe zuegange sig i Frend und Reid. Und i ha wohl fei Wahl gha, ha mi müesse mit dr Tochter abgäh, mit eren in es fründligs Gjpräch ine loh — 's isch jo d'Schwester ggi, ihri Schwester! Und au do guet Wetter mache, cha nüt schade, han i denft, i dem Fal gar nit! Also han

i höflich mit ernen apütcht und also brichte das und dieses. Und an mys Muetter het si wieder zuegegloht und fründlich also zellen über Chaus e Lauf, über 's Huuswesen, über 's gspunnig und gmobnig Züüg, über d'Pflanzerei und an über d'Mehe. Und 's isch zum Erwundere gsi, wie die hübschi Stadthumpfere über Alls Bsheid gwüßt het, wie nen alti Huusfrau. An my Mutter, i han ere 's agseh, het großes Wohlgefallen übercho a der gschyde stille Chramerstochter. Und het nes Teller Zuckerzüüg greicht und si ergüßert, aß sie nit ehnder dra denkt heb. Die Humpferen aber het nes Stückli Buurebrot abghouen und gseit, das isch ere viel lieber; und an nes herzhaften Schlickli Wy gno und gar nit zimpfer to und an gar nit fürnem. Und wül 's alliwyl furtgeregnet het, han ig an no vrstohle ne Flasche greicht, eini us 'm hintere Faß, und also hschenken und apütchen und trinke — ha ordli Durst gha. Und bi notisnoh erwarmet, wie wenn i an z' Märet gsi wär, und 's Schlicksi vrloren und eisder wie lustiger also brichten und zuetroulicher also werde mit myr vrhoffte zukünftige Schwögeri. Und das Meitli isch gstry hgangen uf das Gspräch, die Gspäß, jo sie het fogar rothi Bäckli übercho vo dene guete Schlicklenen, und d'Aug, die große dunklen Aug, hei notisnoh frei also glänze vor Lust und Freud. Und grad won i denkt ha, jetz wär 's Zyt für nere süüferli mys Herz z'entdecke, nämlich wie 's drinn usgseih wegen ihrem aller schönsten, allerliebste Schwesterli — do gseht sie aber wie die andere Märetliiit so süüferli furtgöih, denn dr Mege het schynt's gänzlich aufgehört. An sie stoht gleitig uf und mahnet: „Papa, wei goh!“ Und sie luegt a d'Uhr:

„Blüetis, scho so spot — wie wird d' Mama blangert und ängste!“

Das schynt au em Alten i Sinn scho; au er stoht uuf und seit: „Jo, jo, ganz recht, hei zue wei mr, hei! — — Aber was isch das? I glaub bigopplige, i heb nes Rүүschli — — jo gwűß han i eis, lueg mi numen a, Luise! — — Und dora sit Dir d' Schuld, guete Fründ, mit Euem guete, starke Wy, mit Euem vielen Dschenke — — So öppis isch mr scho lang nūmm passiert — mira, dr Choli weiß ömel dr Weg — —“

Jo würklig het 'r nes Rүүschli! han i denkt, sücht thät 'r dr Bertha nit „Luise“ säge — — Das bewyst, aß au bi ihm d' Luise obenuß isch, wie bi mir — — Und wie lustig das olt Manneli no sy cha, mit myr Muetter gspäßlen und 'm Vater tapfer Bscheid gä — i hätt 's nit denkt!

Und won 'r use will, zur läge Thür uus, zupst mi d'Muetter am Ermel und seit: „Gang mit, go heigutschiere!“ Und i säge bereitwillig zue — worum sett i nit? Dr Humbeler will zwar prodistiere, d' Tochter aber redt 'm selber zue, er sell 's doch nume so gscheh, wenn i doch well so gfellig sy — — und my het si so dankbar agluegt mit ihre frommen Auge. Im Hui bin i e Bigeli umkleidet gsi, und aufgstige zu Vater und Tochter und furt — —

Dr Sitz uf dem Chrämerwägeli isch so eng, mr müessen is, mir Drü, so nooch zsāme loh. Und wie die Inpfere zwüschen inn so warm git, so wohlig warm! Und sie isch so lustig, lachet so fröhlig wie nes Chind,

fogar über das Secklen*), über dä frösch Grien, über die Stei — i hätt 's nit erwartet, das muntere Wese, vo dem ernsthafte Meittli. Und wie sie gseht, aß dr Alt ngnüct isch neben anre, soht sie mir lebhaft aso danke, sie hätt si doch ordli gförchtet und Angst gha, wegen ihre, mehr aber no wege dem guete Papa, es möcht 'm nes Unglück passiere. So heb sie nen aber au no nie gseh, i sell em 's doch jo nit übel näh. — Und ig säge, das ihg allweg ne Gfelligkeit, das Mittfahren, aber bloß für my, i rechni 's für ne groözi Ehr, ne groözi Freud — — Und frogten öb sie öppe frier i dr Nachtlust us? Und hilfe re dr Schahl über d' Arlen use zieh. Und sie danket gar ordli und seit, sie füehl si jo herrewohl wie no nie; und i sell doch au my Theil Decki näh; und längt mir dr Bopfen ane, und i chumen, i weiß nit wie, ihres warme syne Händli i my breiti Hand über und drücke 's ganz herzhafte — ach, wenn erst d' Ruise do neben am 'r säß! Nes paar Minuten und du bisch jo byn ere — — Und i giben em Choli ne herzhafte Zwick, aß 'r höch uufbenglet und i de Gfreckte drvo sprengt, und mi d' Zumpfere ängstlig bim Arm nimmt und seit: „Herje, dr werfet is no um!“ Und dr Schahl über e Chopf uus zieht und 's Chöppli selber a my Arlen ane leit, wie wenn sie si schröckli thät förchte. Ig aber lachen und sueche sie 'z berueihge, das mach nüt, dr Choli lauf jo so schön graduus wie nes Dergeli; und ihge jo bold am Stedtli a, eiswegs. Und frogten, öb sie no eisder Angst heb? Und wül sie kei Antwort will gä, ach i dr Schahl füüferli von and mit beedne Hände und gseh

*) Kütteln.

trotz aller Finsteri zwöi muethwilligi Auge lüüchte. Und i weiß jetz nonit, wie mr d' Idee wo mr dr Mueth hercho isch, i nime sie gleitig um e Hals ume und gib ere nes herzafts Schmützli — — „Aber Dir!“ wehrt sie; 's isch aber scho gscheh gsi. Und i säge, ganz lyfeli: „Zumpfere Rohner, i bitte höflich um Entschuldigung! Und wenn dr gar höhn sit drwege, so weiß i i Gottsname nit bessers, as: gät mer 's ume — 's sell Alls nit sy!“ Do zum erste Mol han ig sie au recht luut köre lache; und sie seit: „So, us eir Sünd zwoo mache? Schämet Ech, dir Wüeste!“ Aber grüßli höhn isch sie doch nit gsi, ha 's wol möge gmerke. Und wieder han i denkt: O wär 's doch die Anderi, 'd Luise!

„Ach!“ gihnet dr Alt, und rybt d'Augen uus und luegt verwundert linggs und rechts. „Wo sy mr au?“ frogt 'r. „Deheim, Papa, grad jetz fahre mr jo zum Thor y!“ seit d' Tochter. „Heisch öppe halt, Papa?“ frogt sie besorgt.

„Ganz und gar nit, Chind! — — aha dr Gerber — da 'sch schön, aß dr mitcho syt, recht — schön —“

Me vrstoht halt nander nimm, so holperet's uf dr Bsetzi und schloht 's a i dene leere Gasse.

„Hüetis!“ rüeft die alti Humbelere scho vor dr Thür usse, „wien i doch Angst gha ha wegen Ech, bi dem schrecklige Wetter — — Ah, er heit schynt's ne Gutschner mitbrocht?“ Sie züngt mr neugierig i 's Gesicht.

„Jo, Mama,“ seit d' Tochter im Abegumpe, „dä Her isch so fründlich gsi! Jetz aber müescht 'r ine cho — gel Papa, Du bringst 'n mit? Dr Ueli wird 's ander scho bjsorge, stellt 's Wägeli mit sammt Allem i d' Remisen

ine, gel Ueli? Und sie springt vorewegg is Huus ine wie nes Reh. Und wo mir ine chöme, stoht scho nes Gläschli Wy uf 'm Tisch, sie selber het Hüetli und Schahl abzogen und nes wyßes Scheubeli umbunde gha; und frogt d' Muetter, ob allefalls no öppis z' schaffe syg i dr Chuchi?

„Nüt, Chind!“ seht d' Muetter, „ig und die Chlyni hei Alls fertig gmacht. Drum isch sie au so müed worden und i 's Bett gange, scho vor ere Stund!“

Scho im Bett! han i gfüßzget. Und bi sozägen einzig wegen ihre cho, für ihres liebe süeße Gesichtli zgseh — —

I mueß nes recht betrüebts Gesicht gmacht ha, denn die Anderi, d' Bertha het gseit: „Erst jetz chunnt 's mr recht uverschannt vor, aß mr Ech plogt hei, so wyht vo Huus, i dr finstere Nacht! I beduure 's im höchste Grad —“

„Gar nüt z' beduure, Zumpfere Rohner, im Gegetheil!“ So han i g'antwortet und mi zue mene recht vrgnüegte Gesicht agstrengt. Und mr lo hyschenfen und nit lugg gloh, bis sie mr au Bscheid to het mit 's Waters Glas — dr Vater selber, dä guet Humbeler, isch bereits vrschwunde gsi, ha wohl gmerkt wohh, und die Alti mit 'm Theechännli und 'm warmen Ohrechüßfeli uuf und noch — — Also si mir zwöi ellei gsi i dem heimeligen Eßzimmerli. Viellicht grad nebedra oder ömel gar nit wyht, schloft sie, my Engel! han i denkt. Nei, i ha nit z' hefti dörfe dra denke, denn wisawi isch die Anderi gesse, mit ihre große dunklen Auge, die hei eim, het's mi dunkt, gluegt bis teuf i 's Herz ine — — Und sie het

nes Chalberzüngli us 'm Spyschämmerli greicht und mr ne tüchtigigi Schnydeten uf e Teller gleit und Wyßbrot drneben und Senf ane gstellt und mr so fründlig zuegsproche — ha müesse zuegrhyfen öb i welle ha oder nit — — Au die Alti isch wieder cho und het ihri Freud usgsprochen, aß Alls so guet abglaufe syg. Dr Papa heb so viel Geld glöst, ne ganzi Blootere voll ligg dehinten uf 'm Nachttischli. Und het sie no mynen Velteren erkundiget und öb sie ömel wohl syge; und zum Bsuech yglade, 's wurd sie recht freue. Und mr neuerdings ygschenft — —

Und won i furt bi — grad het me d' Delfipost före cho z'roßle de Stalben uuf — und mi d' Tochter use bleitet het i aller M, aß i nit zspot chömm, do bin i ganz guräschiert und aschtig worden und ha sie gfrogt — dr Wind het grad 's Viecht usglösche gha — han ig sie gfrogt unter dr Thür, öb sie mr jek das Chüßli wel ume gä, es syg mi ordli graue — — do fören i wieder das muntere Rachen und gspüren ihri lindi warmi Hand mir über d' Backen abe fahre, nes schalkhafts Tätzchli uf 's Muul, gschwind wie dr Wind. Aber die Hand, die han i ebe so gschwind ergriffe, dr Arm, d' Axle, dr Hals — do hilft keis Sträube nüt, nes Chüßli will i ha — — „Bösen, as dr jyt!“ seit sie, d' Thür fällt zue, i ha blöseli no Zyt, em Postelion z' winken und z' hoope: „Heb still, i chume mit!“

Wie artig aß mr au gsi isch i dem Postwagen inn! Wenn i nit scho d' Luise thät liebe über die Masse, i glaube schier, i chönnt mit dere do abinde, jo gwüß! Wie flingg, wie guräschiert, wie fromm und zart zuegshch

-- — Fryli, dr Luise ma sie halt nit zue, deren isch
kei Engel z' vrglychen im Himmelrych, nei keine, keine!

Und ha 's by mr uusgmacht, selbmol im Heigoh:
Wül 's doch schier nit zmachen isch, aß zuen ere channsch
cho, zue dhr Luise, und süscht doch Alls beschaffen isch,
d' Fründschaft mit Allne, mit dr ganze Familie, aß's
besser nit chönnit sy — so mueß i 's anderisch achehre,
will wüffe woran i bi mit dem Meitschi! Morn, jo morn
scho schrybsch ere ne Brief — —

Und de Morge früeh bin i zue dr Böti gangen
und han ere dr Auftrag gä, sie sell mr paar Bögli
blüemlets Postpapier bringen us 'm Stedtli, und mi nes
schöns Trinkgeld nit loh reue für 's Schwyge. — Und
z' Obe scho bin i hygessen a 's Schrybpult und ha
gichriebe: „Mein geliebtes Fräulein Luise!“ Guet! Aber
jetz, wie wyter fahre? Abah, du seisch eren Alls wie 's
cho isch, jo so machsch es! Und so han ere 's denn au
gichriebe, dä Ydruck wo sie uf mi gmacht heb bin ersten
Ablick — sie wüß 's wol, das erste Bsämetrefse — —
Und die Liebi, wo mys Herz so mächtig ersaßt heb und
ganz uusfülli — — Wien ig mi scho so mänggisch
gsehnt heb, nöbcheri Bekanntschaft zmachen und 's Herz
nit gha heb und no viel weniger die rechte Glegeheit für
mi unszspreche — — d' Achtig vor dr Familie, d'Fründ-
schaft — — Und endlige bin i wyters cho as i gmeint
ha, bi mit eme förmliche Hüüirothsantrag usepletischt! —
— — Und ha das Briefli guräschiert zäme gleit und
vsieglet und selber uf d' Post tritt — — und doch het
mr 's Herz klopfet wie mene junge Kindestaler*), wo

*) Staar.

nonit gfederet isch, bim Ausnäh — — Was seit sie ächt drzue? Thuet sie mir doch au antworten und was?

Däini zwee, drei Tag han i Alls hintefür gmacht, weni gesse, schier nüt gichlose!

So, drei Tag isch 's gange; do han i ne Brief übercho, aber nit vo ihre, vom — Alte — —

Und dä Alt het mir gschriebe, mit große Frakturbuchstabe, die hei usgseh wie Chäfer uf dem wyße Papier: „Werter junger Freunt, Die Luifen hat mir den Brief mittgetheilt, den ihr Fren Zugeschicht wegen dem Heiraten, Werther Frent, wens Ein ander gewesen währ, So mir das geschriben, so hat ich das als Spas oder afferonten Betracht. Dyweil aber eure Familli mit der Meinigen so gut Befreunt und ihr wen Ihr euerem Vatter nur halb nachschlächt. ein braffer Man sein Müst. so habe ich Das gesuch nicht Ungern gans und gar nicht. den eine besere Tochter sint ihr nicht als die Luifen weid und breitt nicht auf der Welt und so schasrig und gescheut und from. und So hart ich sie tu verliehren, so freut es mich doch, daß sie einsch in ein So guts Hausz thut komen und wen Jr sonst einich seit, so hab ich so weitt nütz dargegen

Mit früntlich Grus

Chri. Vohner“.

Oh! Oh! die Freud — i bi schier us 'm Hüüsli cho, hätt möge singen und juuzge zum Fenster us i alli Welt use: Juhee! Juhee!

Und grad isch 's Posthalters Franz unte vrbhygange mit eme große Pack, dem rüefen ig usen, i mys Zimmerli. Und giben em dä Brief z'lese — jey darf i's

jo wol, jetz cha 's jo nümme fehle, jetz hört alls Vorspringen und au alli Yferjucht gänzlich uuf —

Und dr Franz, won 'r das gleje gha het, isch ganz vrdunzt: „Du, Hochzhter?“ seit 'r, „mit dr Luise? Und 'r springt a mi änen und nimmt mi um e Hals ume und thuet wie nârisch und d' Auge lüüchte vor Freud: „Schwoger, liebe Schwoger — — Jo, das biich, das wirdsch! — — Jetz darf dr 's wol säge: Ig liebe d' Bertha, liebe sie rasig! Und mr hei enand bereits 's Wort gä, ig und sie — — Blybt nume no dr Alt und die Alti — 's het mr schoo lang gruuset für sie z'froge, denn dr jung Apeteegger strycht eren au noh, dä halbroth, gschneugglet, und isch ne no wytläufig vrwandt — — Aber jetz halt i nimm lang hinter em Berg, jetz wog i's denn — und Du muesch my Fürsprech sy, gel Fründ?“

„O gern“, han i gseit, „vo Herze gern! Und sie dörfe dr nit dr Chorb gä, mir zleid nit, zell druuf!“

Und du — no'm ersten und größte Brstuume — soht 'r 's ernsthaft aso erzelle vo Afang, wie das cho yng: 's erste Bsämetreffen im Hübelibad, sy großt Liebi vo dem Augblick a —

„Wa — was? Hübelibad?“ han i gfrogt.

„He jo, dört, weisch wol, sy mr jo ganz ungsinnet uf sie ufe glaufen im Schatthüüskli äne — wo sie dr Dewang gnoh hei, wie zwöi jungi Hühnli, wo dr Duubevogel före pshfe — weisch dr ganz glächerig Verlauf — — Und i zwee Tage druuf — i ha grad ne Wyhengst i's Stedtli gflüehrt i dr Rohpost — gsehn i das herrlige Chind über e Märetplatz laufe dr Chilche zue — jo jo, 's isch sie gsi, sie het au my gseh und no einisch zrugg

gluegt. Ich nit fuul, ha chuum 's Roß ygstellt gha, bin ere go abpasse, hinter d' Chilche, bis 's uus gsi isch. Und gseh sie use cho, mit ere Fründi, und bin ere no bis hei vor 's Huus, Du weisch jek weles! Und bi sogar i Lade; und ha gschauet und g'chaust und ghyret, eisder i dr Hoffnig, sie werd au i Lade cho. Und sie isch cho, und dr erst Blick us ihre schelmisch süeßen Auge het mi belehrt: sie könnit Di no! Ich ha no öppis kauft, i weiß nimm was, vo ihre — — Und währed dem Handle het sie eisder wie rötheri Bäckli übercho und isch drii Mol vrstunnet im Münzsegäh. Afäng, won i furt bi, han i gfrogt, öb i wieder dörf cho, au ohni z'chaufe, nume wege 'm Aluege — — Und 's nööchste Mol scho — 's het 's grad so troffen, aß mr elleini z'jame cho sy — 's nööchst Mol scho ha ere my Liebi bekönnit — o sie het 's scho gwüßt! — Und 's dritte Mol sy mr au zjame cho, aber scho nimmnen im Lade, 's viert Mol enand aso duutze, 's fünft Mol enander Tren vrsproche bis i Tod — — Ich bi i wahrer Glückseligkeit gschwumme, hätt mi nit ei Gedanke plogt, hellisch plogt, dä Brdacht nämlig, Du hebisch au d' Absicht — — Weisch no, selbmol, wo mr mit 'm Roß nohgsprengt bisch, selb Obe, wie bjesse? Selbmol bin i byn ere i dr Post ine gjesse — — Und wieder a dr Brunst — dy Urueih, dy argwöhnisch Blick und — dyhi Bsüech im Huus selber — weisch, sie selber het öppis dutteret, so Meiteli hei gar syhi Näsli — — Und 's isch mr lang nit wohl gsi, bis i 's Verspreche gha ha, ha Di gförchtet, ha Dr nit dörfse säge — Jek fryli gseh i 's η, wie ne dummi Furcht as i gha ha, mueß jek selber drab lache, hahahaha!

— — Aber was luegstu mi so grüüsi a, Ruedi, wie nit gschyd? Was heisch?

Jo, 'r het wol chönne froge, denn 's isch mir eis mols ganz sturm worden im Chopf, ganz überzwäris im Hirnchästli inn, das het aso zringsum goh wie ne Haspel, ha hold gmeint, 's well vollständig hürste — — Und i ha d' Hand ausgstreckt gege 'm Franz ine und 's schier nit füerebrocht: „Hör uf — mit dr Red, i werde süsch verrückt — — Numen eis sag, numen eis möcht i wüsse: Meinsch Du di Delteri oder die Jüngerer — gib Antwort!“

„Die Jüngerer, perseh!“

„Also d' Luise?“

„Nei, d' Bertha! Die ölteri heisst Luise!“

„Nei, die Jungi!“

„Nei die Delteri!“

„Ach, hör doch uf!“ seit 'r vrdrießlig, cha dr 's jo bewyse!“ — Und 'r zieht 's Sackkalenderli füren und nimmt nes Bildli use — „wer isch ächt das?“ frogt 'r.

„Ebe Sie, mi — d' Luise!“

„So?“ seit 'r ärgerlig, „und das Briefli dzue, heisst 's do au „Luise“ uf dr Unterschrift? Bertha Lohner, nit wohr?“

„Ebe jo, die Delteri!“

„So? Isch de die Delteri im Hübelibad gsi? Lies do, do beschrybt sie jo dä ganz Gspass, schribt au vo ihrer Frickthaler Fründin — ebe die heisst au Luise, eben i hres isch das Briefli gsi, wo mi gfunde hei — — — begryffsch jets bald?“

„O jo, jets begryffen i! — — I begryffen, as i dr größt Düppel bi vo dr ganze Welt, und mi die ganzu

Welt au gnaret het, myni nööchste Fründ, uf enen elendi
Art, bis uf die hütigi Stund, au das Meitschi, wo mr
's Liebst gfi isch, schier lieber as d' Seligkeit!"

Und i bi uf 's Lischerueibbett hygfunkten und ha dr
Chopf i beed Händ gnoh und sogar aso briegge wie nes
chlys Chind, gäb wie dr Fründ abgewehrt und gmacht
het — — Und was 'r gseit het und wenn er furt isch
— i ha 's nit gseh, nit hört.

D' Muetter isch ufe cho, cho luege, was mr fehl,
aß ig nit syg cho z' Nacht esse.

Ihre han i 's gseit, Alls unsfüehrlicg, wien i jetz
nen elende Büttel syg, i dörf nit dra denke — —

Do het sie d' Händ obe 'm Chopf z'säme gschlagen
und gseit: „Het mr au scho öppis eso hört? Nei gwüß
nit! Goht zuem ene Meitli und weiß nit, wie 's heißt!
Frogt um 's Bäbi und will eigetlig 's Breni! — Heisch
ne denn au gar nie bim Name före rüefe?"

„Nei!" han i chleilunt gseit. „Wol einisch, letscht-
hin, i euser Wirthschaft. Do het dr Alt i dere, wo mit
z' Märet gfi isch, Luise gseit. Aber ig, i myr grenzelose
Berrucktheit, ha gemeint, 'r syg vrstuunet, 'r heig en
Dämpis, wie 's au woher gfi isch, wege 'm Dämpis —
— — Dä Brief het mi versüehrt vo Afang a, dä Brief
im Hübelibad, a die anderi Luise! Und ha mr 's ein-
mol i Chopf gsetzt gha, so und nit anderisch müeß sie
heiße, em Humbeler sy Tochter, die schöni jungi, ha
wyters gar nüt me g' achtet wege 'm Name, ha gemeint,
es sy eso! — — O wie wird das nes Glächter gäh
und nes Gspött zäntume, wenn das unschunnt! Aber
ich warte nit, bis 's unschunnt, morn scho pack i myni

Chleidli zsäme und go furt, so wyht mi d' Füeß träge, nach Amerika, z'änerisch übere, wo mi kei Seel meh kömmt. Au chömmt i's nit agseh, wie dr Franz das Meitschi heisüehrt! jo jo, i goh!"

Do isch d' Muetter gar grüüslü erschrocke. „Nach ömel nüt settigs, Ruedi!“ seit sie, „i bitte di dr Gottswille! Nei, so öppis darffsch mir und 'm Vater nit z'leid thue, das bräch mi i's Grab!“ Sie wüschet d'Augen us und fahrt furt: „Und i möcht au froge: Wege was settisch denn eigetlig dr Chopf henke, so letz thue oder Di gar hintersinne? Aß um die Legi agholte heisch? Wer weiß, öb 's nit am End die Rechti isch? Jo, i bi überzüügt drvo, es isch sie! Denn nonit lang het mir d' Huusiereranni vo dene Lüüte brichtet, sie nimmt sit füzeh Johre d' Waar dört und thuet nen Alls pöstelen und isch im ganze Huus bekannt bis i's letscht Eggeli hintere. Sie het mir erzellt vom alte Humbeler, wie das nes diffigs huusligs Mannli syg, vo dr Alte, wie ne guetmüethigi bravi Frau; sie het au vo de Töchtere erzellt, und die ölteri errühmt, wie gschyd und glehrt und gschickt die syg, wie granschiert, im Huus, i dr Chuchi, im Lade, im Garte; und so still und brav und so guet gege den Arme — nes Meitli wie Gold, 's heb kei Gspane zue Stadt und Land! Währed die Chlyni nes Muetterchind, nes wahrs Zuckerditti syg, nit zum schaffe, nume zum Hofferttrybe, zum hööglen und gauggle, de Fründine nohzlaufe, z'schlecke und z'pfänderle. Sogar im Lade syg 's nit viel werth, mög de Lüüte 's Müüli nit gönne, frog em Brchaufe, em Geld gar nüt noh — Und so bueberig — — Dr Alt heb sie au anderisch

welle gwenne, viel Brdruß gha drwegen, aber nüt unsgrichtet; d'Alti heb halt dr Narr gfreffe, vollständig, a dem Chind — — Nu, nes schöns Meiteli ich 's, i ha 's au scho gseh — schön ich 's, mueß 's selber säge! Aber vo dr Schönheit ellei het Niemer gfreffe, do ich 's Plättli ghy leer! Und was wettisch Du so mit eme Madameli machen i eusem Huus, i dem Geschäft inne? Do mueß 's glueggt und gwerchet sy, i ha 's erfahre! Nei, hör uuf! So Gini nuhmen ig und dr Vater gar nit i's Huus, bsunders so Gini, wo den eigenen Deltere darf nes Muul mache, wien i fört ha — — Die Deltere aber — mündig wo sie do gsi ich, i ha sie nit gmue chönnen aluege! Scho wie sie drhar chuunt, so eifach und doch so ordli; und weiß über Alls Bscheid zgä und doch nit fürwitzig; und nüt stolz, aber au nit gmein — mit eim Wort: nes haudentischs Meiteli! Und wenn das channsch übercho, so han i nüt drgege, gryf nume zue, au wenn die nume halb so viel Geld sett übercho, as d' Lüüt säge! So Gini bringt dr Segen i's Huus, mit dr Anderen aber wärisch ghy am Haag a, my guet Ruedi, glaub mr 's nume — — Und au wege dr Hübschi — wei dem i paar Föhrleue luege, wenn dä und diese Struuß über sie gangen ich, weles aß die Hübscheri syg! Wär ig ne Bueb, i wett mi au jetz ghy unbsinnt ha, weli aß i wett zum Liebe, do müesst die Deltteri tuusig Mol besser gfalla — — Und ich die Sach jetz so wyt cho, heisch sogar um sie agholten und vom Alte 's Zowort übercho, so cha vo Bruggoh scho gar kei Red meh sy! Was wurd Dy Vater drzue säge, em Humbeler sy guet Fründ? Und 's Meiteli selber — — nei, nei,

Ruedi, dem darßsch das nit z'leid thue, müesstisch dr nes Gwüsse machen i alli Gebigheit. Muesch dr Chopf nit hängen, im Gegetheil! Darßsch stolz sy druuf und Gott danken, aß so Eini überchünnsch, hätt 's nit glaubt, nei gwüß nit, aß sie use chäm uf 's Land. Und eigetli bin i froh, aß öpper chunnt, wo mi ablöst, i gspüre sie vo Tag zue Tag meh, myni achtesechzg Jöhrli — — — —
— Jetz aber gohn i 's hurti em Vater go säge — dä wird losje!“

De Morgen isch sie wieder cho, ganz süüserli und i aller Früechi, öb öpper nuf gsi isch im Huus. Und het mi so lieblich agluegt und mi bi dr Hand gnoh und gseit: „Gel Du heesch weni gschlossen oder gar nüt, die Nacht, i gseh dr 's a, Du arme Bueb! Und jetz, wie heesch di bsinnt?“

Do han ig sie ume Hals ume gnoh und gseit: „Dä Traum, Wuetter, dä schön süeß Traum — 'r het hert gha us 'm Herze z' vertrybe — — Will dr glauben und folge — aber hert isch glych, schräckli hert!“

Ne Thräne het mi dä Etichluß kost, ne großi bitteri.

Druuf bin i zue mym Fründ gangen und han 'n um Brzeihung bete für myni grobe Wort, für mys dummen unwirsche Benäh, letscht Obe. Und gseit, jetz welle mr doch Schwöger werde — — Was 'n unendlich gfreut het, so gfreut, 'r het frei süechti Augen übercho. Und het mr 's vrsprochen und 's au gholte, 'r well mr nüt unsbringe, nüt verrotte, was zwüschen eus vorgange syg, gege fei 'r Seel.

Und selb Obe scho si mr mitenand druuflos zogen uf d' Werbig — nit öppe hintedure, vrschmöckst — nei

Beed z' Sattel, im beste Wirx und i dr schönsten Eintracht. Jo, wo mr bim Rebstöckli vrby, dur 's Thörli dure gritte sy, und mr Alls i Sinn cho isch, die Ubedtühr, die Läufe und Gäng, das Heimlichthue und dä Mißvorstand und wie sie Alls zutretet het, ha mr 's Vache schier nit chönnen überha.

Und mr sy gar herzlich aufgnoh worden, ömel ig —

Und im Herbst scho isch d' Hochzyt gsi, ne Doppelhochzyt, jo lustig und gütadlig, mr het lang drvo zellt —

Und die Thräne, won i briegget ha a däim Morge, bi dr Muetter — wien i vorhi erzellt ha — da 'sch gottlob die einzigi Thräne gsi i dr ganzen Eh, bis uf e hütig Tag — —

Und hundert Mol han i 's zu dr Muetter selig gseit und taufig Mol denkt, wenn i mys Glück agluegt ha und em Schwoger sy's Misereri: Brstunnet — jo vrstunnet, und doch die Rehti!





3. Des Stück Schneelmeisterlebe.

1. Kapitel.

Deheim bi dr Muetter.

My Name ist Melchior Fuchslein.

Und my Muetter, by der ig mi einisch dorüber beklagt ha, het si ordli entschuldiget und gseit: „Cha nüt drfür, Chind! die Nāme werden ein bi dr heilige Tauf bygleit, gwöhnlig em Götli z' Ehre. Und wül dyne, dr Schachemüller, grad Mess gheisse und ne prächtige Taufhueche mitbrocht het und ne funkelneue Brabänter drin —“

„Dä Hueche, Muetter, wo isch dä Hueche?“

„Du guets Chind, dä hei sie gässe bim Taufmohl —“

„Und dä glitzerig Brabänter?“

„Ach, wie du au froge mahsch — bi so arme Lüüte! Dä Brabänter isch mit andere, suurverdiente Baze usgä worde für's täglich Brot, für d'Suuschöste, für d'Binsli!“

„D i gseh's scho“, han i gflenet, „Alls het me gessen und verbruucht, nume dä wüescht Name nit, dä het me mir gloh, aß sie mi chönne drmit ärgere, 's Wagners Buebe, 's Röcklischnyders, 's Maujers: „Mess! Mess!“ — — Und ha nit emol esseini ne Namestag,

mueß 'n mit Zweene theile, mit 'm Chasper und mit em Balz — au das het mir dr Schnyder fürgholte, no nit lang!“

„Dr Schnyder, dä sell zericht für ihn sorgen und syni hungerige Buebe, öb 'r a Andere sy dumm Wig uusloht!“ het d' Muetter balget. „Chaspar, Melchior und Balthasar, das si jo die heilig Dreikünige gsi, wo us 'm wyte Möhrcheland cho sy, für 's Heilandchindli az'bete —“

„Und Fücksli, Fücksli — — o wien i das ungern före!“

„Los, Chind du bisch ungrecht, gar ungrecht und uvrständig — — Wege dym Gschlechtsname — do hesch di de absolut und ganz und gar nüt z'schäme, nei gwüß nit! Dyni Vorfahrer hei dä Name mit Ehre treit, dureweg, so wyht me weiß! Dy Aehnli isch Hatschierer gsi bim Gnade Landvogt im Schloß; dy Großätti Chammerdiener bim Her Debrist Spieß, i französische Dienste, und erst wo dä umcho isch — i weiß nit i walem Chrieg — isch au er heicho i syns Heimet, won 'r du Sigrift worden isch. Und vo dym Metti selig z'rede — en brävere, uufrichtigere Ma as dä, het's keine gä unter dr Sunne! — — Und het so jung müesse sterbe! An Heiligobe, grad währed 'm Gottsdienst het 'n 's hitzig Fieber apackt — — o ig armi, armi Frau, wenn 'ig dra denke!“ —

Alli Mol, wenn mys Muetterli het aso briegge, do isch 's halt uusgsi mit mym Zanggen und Mungge. Und därung het sie scho gar nit wellen unfhöre, het gschluchzet und dr Chopf i d' Scheuben abe gha, zum

verbarme. Aß ig eren um e Hals gfallt bi und gseit ha, es syg mir leid und au ig well Hatschierer werde und Chammerdiener und Debrist oder gar Sigrift, en große ryche fürneme Ma, und Geld heibringe ganz Hüüsse, aß sie, d' Muetter mit de Hände nume zum Fenster uus werfe und lebe chönn wie däi Prinzessi im Gschichtsbuech — — und han ere d' Hand und d' Scheube vo den Augen eweg zoge und hulfe d' Thräne abtröchne und nit nohgloh, bis sie wieder glächelet het und mi küßt und wieder ihre lieb chlei Schlingel gheisse het, ihres Melchjörli!

Druuf het sie gseit: Hatschierer und Vybdienner channsch nümme wohl werde, Büebli, die Zyte si vrgange. Chnder Sigrift, wenn's Gottswillen isch und dä jekig stirbt — — Aber 's git jüsch no viele Lebesarte, wo dys guet Auskumme finde channsch, Hamberch und Asteligen und Aemtli allerhand, won ig und du nit emol dr Begriff drvo hei. Thue du nume flyßig lehren i dr Schuel und folg schön em Schuelmeister und em Vikari, denn wird dr Roth vorem selber cho was jellsch und chönnisch werde.

Was ig einisch jell und chönn werde — dem han i grad druuf wieder bluetweni nohgfinnet. Bi diffig gsi und ha Ernst gha i dr Schuel, da'sch woehr, drneben aber bin i mit dene Bueben und Meitschene umenander gfäcklet hüft und hott, Dorf uuf und ab, im Winter go schlyffen und Schlittesfahre, im Summer go Heu- und Erdbeere, go singen und haselieren und dr Geiß lauben i Wald.

Drwyle het d' Muetter deheim Vynigs gwobe vo Morge früeh bis z' Obe spot, jo teuf i d' Nacht ine,

i dr füechte Webstube unte. Und wenn ig schlofe gange bi, het sie erst no myni Hösli afo pläge und Strümpf vrsteche und Hemmeli und Mastüecher wäsche und glette. Und ha nit die lysi Alnig gha, wie grüüslig aß sie si het müesse astreng, schier unenschlig, die gueti armi Frau!

Und wenn mr gesse hei — de Morge s'Mehlsüppli, z' Mittag d' Möckli und 's Gaffee, z' Obe 's Mues — ha 's lang nit gmerkt, mängs Johr nit, aß sie gwartet und nume so gmöffelet het, bis ig gnue gha ha und erst denn z' gzechtem het afo esse, was no do gsi isch — und slyßig zsäme gha und z' Ehre zoge het, feis Brösmeli lo gschände, feis Kästli Brot, feis Herdöpfelschindeli, feis Tröpfli Milch, feis äßigs Bigeli. Und alli Zäckli Büüg, jede Räthlig Fade, 's chlynt Nestli Schnuer, 's eifältigisch Ehnöpfli oder Hästli hübsch dänne tho het — so en Süüßerligkeit und Huusligkeit, wien ig keini gseh ha wyt und breit!

Und wo dr Bifari gseit het, ig chönn cho minstriere i d' Chilche, i syg jetz groß gnue — wie het sie doch ne göttligi Freud gha, as wär is die größti Ehr wiederfahre! Und mr hulsen uswendig lehre 's Confiteor und 's Suscipiat und d' Responsali, mit großer Müeich, und si gmeint, am wyße Sunntig, wo i 's erst Mol das roth Chorvöckli ha chönnen azieh! Und mr ne Pfann-tätzch gmacht selb Mittag, vo den ersten Ciere, wo 's Muzhuehn gleit het selb Früehlig!

I han eren au müesse spuele.

Wie 's aber d' Chinder hei: sie wei gwöhnlig lieber mache, was sie nit chöi oder nit sette — bin i, so bheng

D' Muetter dr Rügge feiert het, gflingg uf a Weberbaum
ufe Klederet und ha aso Schiffli schieße dur dä wyß Zettel
dure, und mit myne chlyne Beinlene no dr Trette glängt
und druuf los gwobe bis dr Fade griffe het oder ghürschtet
isch. Denn, wenn d' Muetter cho isch, het sie erschrocke
gseit: „Du Hagelsbüebli, was machsch mir do! Rueg do
das Webernest! Und so weni zsäme gschlage, d'Hühner
chönnte Haber fresse drdur — was werde die Buure säge!

Mit dr Zyt aber, ganz gly, han i 's scho ordli los
gha, das Webe, und bold mehr möge, i dr chlyne Zyt,
as sie selber, das heißt, wenn der Zettel agstreckt und
Alls ghörig hgrichtet gsi isch, denn das mueß gar guet
vrstande sy. — — Und ha 's selber gehört, wie sie 's
gseit het zue dr Gottebase: „Dä lehrt's! das git e Weber
us 'm ff, wo cha Bildet's mache, die schönste Figure,
wie dr Hänel im Ried! Brucht nume ne gschickte Lehr-
meister z' treffe. — — Jä nes diffigs Büebli isch 's,
potz tuusig! schloht halt 'm Vater noh, het dä glych
guet Chopf!“

Dr Dokter aber, wo myni Drüese gheilet het, het
gseit: „'s Webe, i dr füechte Webstuben inn, isch däm
Bürschtlü wie Gift. Löht ech das gseit sy!“

2. Kapitel.

Bi dr Muetter und bim Vikari.

So si die Jöhrli, isch mi Schuelzyt umegange.

Und einisch, am Charfamstig Romittag, won ig vom
Grame hei chume, vom letschte, hocket e große schwere
Ma hinter em Tisch und het ne lāngi Fuehrmegeiske

zwüsche de Beine. Und d' Muetter seit zuemer: „Lueg do, di Götteri! Dank 'm au für das schöne Guetjohr!“

Und zum Müller seit sie: „Jetzt lueget en selber a! — — Und dr müesst mir gwüß Recht gä: für jettig schweri Arbet, zum Buurewesen und Müllere, isch 'r halt viel z' gring! Lueget nume syni Gliedli a, wie rahn und gsprenzelig!

Wird si scho usenander loh, bim Schaffe, bi dr Buurechoft!“ meint dr Müller.

„I zwüsle dra, öb 'r das wird!“ antwortet d' Muetter. „Er selber cha halt nit drfür, isch halt vo Chlynem uff nes grüüßli leids schwächligs Gschöpfli ggi — dir wüßet's jo wohl, Götteri, vom Taufe noch! Kei Mensch het glaubt, ig selber nit, aß 's drvo chöm; het gferblet zwöi drü Johr und fei Dokter het 'm chönne helse. Bis i einisch, am ene Majesfritig, uf Wangen abgewohlfahrtet bi zum Galleggrab — druuf het 'r dr Schnopf nes Bitzli apon unsthue, isch gwachse wie nes Rohr — — Aber i möcht ech ömel gwüß nit höhn mache, Götteri! Wenn Dir dr Bueb absolut weit — öppe so im ene Jöhrl zwöi, wenn 'r si e chly zweg gloh het — me cha jo wieder luege und brichte!“

Das het sie, wien i gmerkt ha, nume gseit, für dr Götteri abzschüßele — —

Und won 'r furt ggi isch, han i au my Meinung gseit, ganz kühn: „Brspriich nume nit, Muetter! Mehlsack träge, das mag i nit, ma gar nit müllere, no buure! Jo wenn i mit de Rosse chönnt fahre, mit dr länge Geißle chlöppe und z' Sattel ryte — das wär anders!“

Mörndrich, wo dr Pfarrer spaziere gangen isch 's

Gäßli uns, bi eusem Hüssli vrbij, isch 'm my Muetter a Paß gstande und het em 's klagt, 's Begehre vom Müller-Götti, ihri eigene Bedenke und Gedanke wege mir. Wie sie gmeint heb, i sett ne gschickte Synweber gä und nit unter de Buuren umegstoße werde, so nes zimpfers schwächligs Bürschtli. Au my Netti selig hätt gwüß öppis anders us mir lo werde. Sie chönn vor lauter Stunne schier nümme schlofe, z' Nacht!

Druuf het dr Pfarrher gseit: „Buurechnechten und Mühlicharrer — dere müesse 's halt au sy uf dr Welt, ebe so guet wie Maurer und Steibrecher und Pechbrömmen und Holzer. Jungi chächi Büüt, wo zue nüt anders fähig si. — nu, die selle zuegryfe! Wie mir aber dr Vikari seit, isch Eue Jung en bsunderbar glehrsame, heitere, ein vo de Besten i dr ganze Schuel, wo nit grad dr Best. Do läß si scho öppis anders mache, as Mühlichnecht! — — Synweber, schwindstüchtig werde — weit dr das? Denket a Eue Ma selig, vielleicht — doch, was will mir säge, 's isch halt so Gottswille gsi! — — do wege dem Junge — will drübr noch denke.“

Und am Tag druuf scho chunnt Bricht, i sell i Pfarrhof cho.

Und dr Pfarrherr frogte: „Gfiel dr 's Schuelmeisterwerde, Melchior?“

Hätt 'r gfrogt: Gfiel dr das Künig- oder Kaiserwerde oder gar Bischof — 's hätt schier die glychi Würdig uf mi gmacht!

Schuelmeister werde, mit dr Brüllen uf dr Nase, 's Buch i dr Hand und dr Stecken unter em Arm d' Schuelstuben uuf und ablaufe, und gförchtet z'sy und gre-

spektiert! O die müesste mir folgen uf 's Tüpfli, Chly und Groß, dä Tagestecke wett ne um d' Büggel und um d' Ohren ume gä do i 's Seilers Buebe, i 's Schmied's, i' s Chrummenachers und em Hühlihuemacher syne, wo mi eisder föppelen und helche — die wett i dressiere! Müessten i 's Schandeggeli chneue uf e dreieggig Steck, mit ausgespannten Armen, zwo, drei Stund lang, en Tag, ne Wuche bis sie zahm wäre und mir thäten abbete dr tufsiggottswille —

„Jo, das Schuelmeisterwerde, das gfiel mir nit übel,“ han i gseit.

Und druuf het dr Bscheid glutet, i sell 's dr Muetter au mittheile, und wenn sie 's zfriede sig, wieder cho brichte. Au mües i denn e Rung cho' Stunde näh zum Herr Vikari, aß ig mit Chre chönn ytrete i dä Kurs.

So bin i denn all Tag i d' Stund gange, z' Obe am Vieri.

Berscht aber han i der Pfarrchöchi, dr wunderlige Schnupfnaße, nes Halbdogen Aersel Schyter und nes paar Chessel voll Wasser müeszen i d' Chuchi träge vom Höfli noch. Denn erst isch sie go rüese: „Herr Vikari, der Bueb isch do!“

Und wenn d' Stund usgfi isch — selte het sie mi lo laufe, aß ig nit no öppis ha müesse pöstele, zum Chrämer, zum Beck, zum Milchbuur, uf d' Post, zue der und dieser Frau. Oder de Herre d' Schueh putze. Und han i nes Unthäteli a de Schuehnen ine brocht oder bin i ihrer Meinig noh nes Minüteli zspot zrugge cho, do het sie mir d' Levite glese, gar nit schön! Denn sit aß ig sie atrofse ha a selber Chilbi z' Obe, mit dem gwaltige Runsch im

Nescheloch ligge — — und ig im Schrecke luut gschroue ha und dene Herre bi go rüefe — sit selbmol het sie mi gar nimm chönne lyde! Und ha 's doch kein Mensche gseit, as myr Muetter, und au dere nume ganz hübscheli!

Und die Plog, won i gha ha, mit dene Studente, wo z'Kavanz cho sy us dr Stadt: zwee die wildeste Husare, wo em Tüüfel und syr Großmuetter nüt nohgfrogt und all Fugen im Chopf gha hei, wo emene Buurebueb gar nit i Sinn chäm. Und hei mi plogt und ghelcht schier uf 's Blutet und mr ei Possen um dr ander gspielt, mir eifältigem Bürschtli. Und de het sie d' Chöchi schier müesse z' Tod lache. Ich aber öppis verderbt gsi, i Huus oder Garte oder öppis gmuuset worde, Spalierbiren oder Trübel, und dr Pfarrherr isch drüber cho, da ha 's natürlig ig verbrocht gha, do si die Olti und die Herresühnli über ei Leist gsi!

Ginisch won i hei cho bi, het d' Muetter ganz verdrießlig dry gluegt und gseit: „Denk au, Melchiörli, was mr begegnet isch: Hütt z' Obe, du bisch chuum fort gsi, chunnt der Schuelmeister und soht aso brichte vom Wetter, vo de neue Herdöpfle, vom Preste, wo regier unter de Hühnere. Und endlige pletscht er 's use: Ich's wohr, will Gue Bueb Schuelmeister werde?“ Und uf my Bscheid hi seit 'r: „D dä wüll mi de gwüß vtrybe, vo Amt und Brot, mi alte Ma, mit der chränklige Frau und dem Trüppeli Chinder: Was sell ig denn aso? Ma dāweg schier nit g'schmuuse, cha mi chuum uusbringe! Jo wenn i no jung wär! Aber ne sechzigjährige Ma und au selber nüt chäch — i darf gar nit dra denke! —
— I weiß zwar wol, woher das chunnt: bi dellen Herre

zweni glehrt — — I Gottesname, cha nit drfür! Selbigsmol, zu myr Zyt, het me halt gar gringi Aupriich gmacht: sechs Wuche Kurs, und der Schuelmeister isch fix und fertig gsi! Jetzt fryli verlangt me meh, wüll ne Professor ha — ohene, hätt i doch lieber glehrt Chörben oder Besebinde!“ — „So het dä Ma g'jommeret, i ha ordli Mitlynden übercho; und 'm schließlich versproche, du müeßisch 'm nie und nimmer i Weg stoh, i keim Fal nit. Und er het mr grüüßli danket und mr nes Gizzi verheiße vo syr schöne wyße Nuttigeiß, ganz umsonst — — Und erst grad han i denkt: Wär 's nit gschyder, Melchior, wenn de das Schuelmeisterwerde ganz und gar ließlich fahre und öppis Anders thätisch lehre? Deppe 's Schnydere — — das wär au gar ne liechts und funbers Hamberch — nit woher?“

„Schnydere? Schnyderli, Schnyderli megg megg megg!“ han i gspottet. „Nei, Muetter, nume das nit!“

„Was denn?“

„Weiß selber nit!“

„So bsinn di! Und ig will my au bsinne.“

Deb mr is aber recht nusbsunne gha hei, isch scho d' Azeig cho us dr Stadt, i sell mi stelle, denn und denn, zum Vorexame.

Und dr Bifari isch selber mit cho i d' Stadt, für bi dr Hand z'gh, wenn 's öppe hätt welle hapere.

Und nöthig isch 's scho gsi: Won i di Herre gseh ha, mit dene glehrte Brüllen uf dr Nasen, ein so streng aluege und hochdüütsch ussfroge, wär mr 's Herz bald i d' Hösli abe grütscht — — Notisnoh aber bin i guräschierter worde, bsunders won i gseh ha, aß die andere

no dümmer gfi si as ig, nämlig myni Angstkollege. Und wo 's nus und übere gfi isch und men abegleje und proklamirt het: „Aufgenommen: Fückslein, Melchior —“ do het mi dr Bifari gar fründlig und freudig aglachtet; und mi mit 'm furtgno Gaß nus und y, bis vor nes großes Herrewirthshuus, dört isch 'r ine. Und ig bi noche tschümperlet wie nes Lämmli. I dem Huus aber — was dört für en Pracht gfi isch, i dem Saal! Spiegel mit guldige Rahme, so groß wie deheim eusi Chastethür; a de Wände zringsum gfarbets, gmolets Papier, d' Decki chrydewyß und dr Bode — bhüetis Gott, dä Bode isch jo schöner gfi as deheim euse Tisch, do darf mr jo schier nit abtrampe! Und im enen Eggen inn isch ne jungi Orgele gfi, und Eine het druff ume gfingerlet und drzue welsch gfunge, und das het gmacht — im Himmel cha 's nit schöner sy, bi den Engle! Und dä läng breit Tisch isch deckt gfi mit allerhand Rustig, Teller, chrydewyßi, zwee drei usenand, und wyßi z'fämegleiti Scheubeli drby. Und silberigs Gßgeschirr, Häfeli und Bücheli und sogar zwee Maiesstöck im volle Bluest! Hätt mi do nit felle verwundere? Und Herre si. uf und abgspazieret und nes Wybervölchli, und das isch jo rahn gfi, jo rahn — schier rahner as ig, 's het mi dunkt, es sett abenanander gheie, i dr Mitte dure, jo gwüß! — — Und was mi eigetlig verstuunet het: kein Menschen isch 's i Sinn cho oder keine het d' Höflichkeit gha z' säge: Guete Tag, Herr Bifari! Und em öppe 's Schmatzhändeli z' gä, nit emol das Dämeli — — Und kennt hei 's 'n doch gwüß — wie fette sie nit, euse Herr Bifari?

Und wenn i turxig Johr olt wurde, sell Mittageffe

vergiß i nit, myr Lebzig nit! — — dr Vikari het mir nämlich ydrüllet gha, im Fenstereggeli inne, wie mi öppe sell benäh am Tisch: Nit z'schwytig thue, das syg nit wie deheim, wo me nume eis Plättli uffstell, Schnitz und Herbdöpfel odr Chruut und Rüeben unterenand — do chöme 's Sache zgnue, Eis no'm Andere, me chönn si jatt esse, ohni der Gröbel z' mache. Das syg nämlich 's Ordinäri — — Und sell nie zviel ufe näh uf eimol, und was i ufe nähm, schön uffesse. Und eister öppen e chly uf i hn luege, wie er umgöih mit dene Sache — — Und richtig, do wird nes Süppli uustheilt, zündgäl, aber so dünn, es hätt si dra keis Chind chönne satt esse; und druuf Fleisch, ganz dünni Schnäfeli, chuun größer as nes Depfelschüechli. Das hei sie eim so über d' Axlen ine glängt, und i ha prezis au numen eis agsteckt, wie dr Herr Vikari au, wiewol 's mi dunkt het, i möcht es Halbdotze, no däm längen Examiniere. Au es chlys Häfeli isch ume gange, vo Hand zue Hand, und Jede nimmt es Löffeli voll ufe, zündgälti Rustig — was isch es ächt? Nen Art Hungg? Und wie dr Vikari diweg luegt und em Nocher uf weltich Bscheid git, nimmten ig voller Glust grad zwöi Löffeli voll ufe, und loh's gflingg wyters goh. Wie iszt mir ächt das? Jetz gsehn i s: dr Vikari schnydet nes Möckli Rindfleisch ab und tümpflet's mit dr Gable i dem Büüg ume. Und i, nit fuul, mache 's grad au so, frei gstryf. Aber was isch das? O es byßt mir fast d' Zungen ab, 's ganz Muul, und rüücht mir i d' Nase, ma 's schier nit verlyde! Will's gleittig ufe machen uf e Teller, aber oieh! jetz luegt mi grad dr Vikari a und frogt hübscheli: „Dunkts

di guet, das Gße?“ Und i säge: „Jo!“ und worgle's abe, und 's trybt mr doch 's Augewasser füre! Und 's het's au so müesse breiche: keis Aug thuet 'r ab mr, brichtet mr, i allem Gße, vo syne Jugendjohre, wien 'r als arms Buebli i d' Stadt cho syg zue syr Tante, und wien en die heb lo studiren, us ihre Mittlen, und Als für en tho heb, wie nen eigeni Muetter, und — und — i ha nüt meh verstande drvo, das Züüg, das gäle Tüüfelszüüg — o i bringe 's schier nit fertig! Und darf nüt fürloh — — Und es chöme namt Plättli, no mungs, Gfottnigs und Brotnigs und Bachnigs, ha bi wyt und fer nit gwüßt, was 's isch; und au keis Verlange drno gha — denn im Buuch inn het's mr aso gramsele bis a 's Halszäpfli use, im Chopf aso warmen und sturm werde, dr Vikari, die Herren und Dämli, der ganz Saal isch zringelum gange — i ha chuun meh chönnen uufstoh und use goh vor Schlechtigkeit. 's isch halt di größti Zyt gsi, im Gang usse het 's mi aso lüpfe — wohh goh, i Gottsname, wohh? Won i au uufmache, nüt as Zimmer, eis schöner as 's ander — mira, i cha nit andersch. O die Schand, dr Vikari, zwöi Dienstmeitli und die dicki Hunsnadam um mi ume z'gseh! Und i meine, 's Herz, d' Därm welle mr zum Thb us — Als wege dem verfluchte gäle Züüg, wo mr wieder frösch uufgrochen isch — — —

Und dr erst Gedanken isch gsi: Lieber deheim Chruut und Rüebe oder nes magers Mues, as do das fürneme Herregschlüder, wo eim so übel macht! —

3. Kapitel.

Dr frükschbachtig Schuelmeister.

Kurios! Deheim het mi das magere Gmües und das dicke Mues doch nümme recht guet welle dunke. Und ha jedi Stund abzellt, bis i chönn i 's Seminar hrucke.

Und dr Schnyder het müesse zue, für mr ne neu halbwuligi Bchleidig z'mache und dr Schuehmacher — mit Stolz han i das Alls aglueget, dä Gstadt, mit Stolz drvo gredt, bi dr Muetter, wie schön das syg i dr Stadt und das Herrelebe, won ig gseh heb. Und ha mi gwüßermaßen selber als en Art Herr gfühlt, als junge agände Schuelherr. Und allerhand grossi schöni Plän gmacht, wie mi myni Kamerate einisch werden aluege — —

Endligen, am Simon- und Judistag, han i chönen abwage mit myne Siebesache, d. h. chönne mitfahre mit 's Chuerets Steffe, wo nes Paar Seckli Haber furtgfüehrt het, i Sterne.

Und wo's zum Abschied gangen isch und d' Muetter so luut briegget het und mi ume Hals ume gnoh — do isch's mr doch ganz kurios worden um's Herzgrüebli ume, ganz wässerig i den Auge — —

Und uf dr Reis, nume um nes Gspräch az'föh und mi fest zmache vor em Steffe, han i gseit: „Bisch au bekannt“ — 's isch nämlich der jung Steffe gsi und dä han i wol dörfe duke — „bisch au bekannt i dr Stadt? Ig au! Bi sogar einisch am Ordinäri gsi im ‚Schiff!‘“

„Schiff isch keis i dr Stadt.“

„So isch's 's Chrukedil gsi — ömel 's fürnemst Wirthshuus, selb isch gwüß, aß eufers deheim nume ne Wagechopf isch drgege!“

„Ma Licht!“ seit dr Steff und zündet glychmüethig sy Pfyffen a. Dä het 'm nit starch lo imponiere!

I ha mi arg tüüsch: 's Seminari isch nit i dr Stadt gsi. Abr au nit wyt dervo, blos nes Viertelstündli, im ene stille fründlige Dörfli, im ene stille fründliche Huus. Und stilli Lüüt hei drin gwohnt, dr Unterlehrer und sy Familie.

Still und fründli isch 's au furta zuegange, i dem Seminar, wie am ene Schnüerli: Lehren und essen und wieder lehren und spielen und spaziere, ei Tag wie dr ander, dr Sunntig usgnoh — sell i das bschrybe? Das chönne hundert Andere besser as ig! — — Bi dene heitere Kamerate, dem flyssige Studieren und lustige Spielen isch das Jöhrli — 's schönste Jöhrli vo mym Leben — umegange, ha schier nit gwüßt wie! Ha bi all dr Arbet und Fröhligkeit fast my Muetter vergesse. My armi Muetter — beedi Mol, won ig hei bi uf Bsuech, isch sie, wenn sie gemeint het, i schlof, wieder süüferli i d' Webstuben abe düüffelet und het gwobe bis teuf, teuf i d' Nacht ine — Alls für und wege mir, ha 's gwüßt!

Und wo 's Exame cho isch und die Herren ufgrueckt si, us dr Stadt, eine syner as der ander, do het 's mr doch aso chrüüfele: Bstohsch ächt, oder bstohsch nit? — —

Doch jo, i bi bstande!

Und won i das Bülügniß i de Hände gha ha, 's Lehrerpateht, isch's mr vorchö wie ne Traum — — Also jetz wär 's endligen überstande, das Mengsten und Müeie, jetz hätt i 's erreicht, was mys Strebe gsi isch, my Ehrghz syt Johre! — — Beh, ölf Johr ha mi myne

Lehreren unterzieh müesse und mi dücke — jetz bin i selbr Schuellehrer, selber Herr, und 's Ghorfame isch jetz a Andere. D' Jugeb vom ene ganze Dörfli wird si vor mir müesse beuge, all Büüt mi in Ehre ha, groß und chly!

Da'sch am 18. August 1838 gsi. Wer weiß, han i denkt, ob mr das Datum nit einisch no i d' Weltgeschichte ytreit, mit guldige Buechstabe — —

Drum bin i uf dr Heireis scho ordli zueversichtlich abtrampet. Und am Fluehrain, i dem viel bsuechte Gastwirthshuus, bin i ykehrt — nit öppen us Hunger oder Durst, nei us lauter Freud und wil 's mi gwunderet het, wie mi jetz d' Büüt werden aluege. Aber vo bsunderbar Aluegen isch kei Red gsi; nes paar Fuchrlüüt, grobi brutali Burschte, hei bi Wy und Fleisch nume vo ihre Rosse brichtet und Wäge und mi gar nüt g'achtet. Und d' Frau Wirthi selber, die het mi nume so läi (lau) grüest und em Stubemeitschi befohle: „Bring dem Junge ne Halbeschoppe, Bäbeli!“ Das het mi ordli gsuxt und i bi druff und dra gsi, für dem dicke hochmüethige Wyb mys Patent unter die dicki Nase zha und zfüge: Rueg do, wer i by! — — Doch han i's unterwege gloh und no mym Steckli glängt und mym Bündeli und bi fürbas gange em Heimet zue. Au dört het me weder glüüte no gschosse, won i hzoge bi! Ha sogar müesse före mit eigenen Ohre, won i bi Seppels Hüüsli vrbhy gange bi, wie 's Ammarei gseit het: „'s Oltesigerste Bueb isch au wieder hei, Muetter! Do goht 'r grad vrbhy und het dr Chopf uuf, wie en Sternegugger — — Wie dä gwachsen isch! Aber dünn und mager wie ne Bohnestange!“ — Au die Buure, wo Mist und

Gülle gfluehrt hei 's Dorf uuf und ab, hei si kei Minuten aufghalte wege mir und glichmüethig zue tubaket, as wär i nit dä, won i bi!

D' Muetter abr, my liebi gueti Muetter, die het mi anerkennt und ne Freud zeigt, nit zbschrybe!

„Gottlob!“ seit sie, „isch 's einisch erstritte! D wie suur isch mi die Sach achoh und wie hert! Jetzt, statt z' hoste, channsch du brav Geld verdienen, Melchior, gell? Nöthig hei mr 's scho, grüüskli nöthig — — denn, i darf dr 's schier nit säge: d' Geiß isch frepiert, denk an, eußi gueti olti Zottelgeiß, ganz unsinnet, am Zystig z' Nacht! Und das schwarze Tschuppelhuehn het dr Warden gresse, das guet Huehn, wo so große Eier gleit het, schier Johr uus und i! — Ha scho 's Geldli zfüme ghüüselet gha, für Dir ne neuu Sunntigshleidi z' chaufe; jetz längt's chuun für ne früschu Geiß, und ohni die chönne mr jo nit lebe!“

Und würklig, myni Arme hei halbelläng us dene fadeschynige Rockermleu use gluegt, an d' Hosebei si mr chuun meh übr d' Waden abe cho, dr Lyb halb am Rüggen obe gsi, das het mr an dr Spiegel gseit zum Ueberdruß.

„Biellicht“, tröstet d' Muetter, „chunnsch grad nes Gstell über, do oder dört! Hei 's dr nüt vo dem adüütet, die Herre?“

„Nei, wyters nüt. Das heisst, me het mi ytreit i d' Kontrollen; und gseit, me werd mr brichte, wenn öppis los syg. Da 'sch halt dr Regierig ihri Sach!“

Und Bricht isch cho, ganz bizyte, unsinnet: I sig als Hüßslehrer gwählt uf Hältschuue. Ytritt sofort, so

glt as müglig. — O wie het mr 's Herz klopfet vor Freud, 's Papier het frei zitteret i myr Hand, aß d' Muetter erschrocken isch und gfrogt het: „Was isch gange, Melchior? Gwüß nes großes Unglück“ —

„Nei, Muetterli, nes großes Glück! I bi Lehrer, d. h. Hülflehrer worde, was denck uf 's nämligen use chummt! — — Jetzt, dir grobe hochmüethige Dorfschnabe, jetz werdet dr hoffetlig Respekt übercho! Abr wenn i einisch wieder hei chume, zell i au nimm mit ech, thuen ech 's nit zum Gfalle!“

Und voller Freude ha mi uf e Weg gmacht uf Hältschunse, i myr erst, neu Wirkungschreis. Dä isch für en Anfang groß und schwer gnue gsi: Ne Schuel vo achzig Chinder, groß und chly, nen olte Schuelmeister, maloder und churzöthig, wo grad si Alsal gha het — — „Guet,“ seit 'r, „aß ig — Hilf über — chume — — do die Fra — ge — bringe mi no — unter e — Bode —“ Dr Bueschti will 'n schier erstecke. Und 'r fahrt furt: „Also — do die A — fänger — du wirdsch doch wüsse — wie mr — das macht? Hesch jo d' Meth — d' Methodik — gstudiert — me git's halt — bi de Junge — schynt's gar glehrt — und praktisch. Hei 's, — mir Olte — selber müesse — probiere — Jede no ihr Ja — son — — Und do die zwöiti Klasse — chönne 's ABC schrybe — lese, dritti Tabelle — — dritti Klasse — Zifferrechne — Schrybe — Sätz — — Vierti Klasse — chönnte 's guet, wenn sie — wette; aber bösi unwodligi Buebe — schlimmi Meitschi — hei nüt as Possen im Grind und — Faltshichte — z' Leid

lebe — — Stecke bruuche, Stecke — wien ig au —
wenn i nume d' Chraft hätt — dr Othe — —“

Die chlyne Büebli und Meitschi hei mi groß agluegt, die hintere großen aber d' Chöpf zämme gsteckt und heimlich guschelet und no mr higischelet; und i ha's guet möge före, wie Eine, ne rothe laubfleckige Schlingel seit: „Dä isch au i dr thüüre Zyt uf d' Welt cho!“ Und es Meitschi het bygfüegt: „Glycht uf 's Hoor em Schnyderlehrbueh, wo einisch i 's Marize Huus, um nes Gwett, dur nes Hosebei ggeschlossen isch, hihhi!“ Und Alli hei aso lache, schier überlaut.

Sell i grad mit 'm Stecken über sie herfare? Eigetlig wär das em Alte sy Pflicht gsi, bi jo soz'sagen erst ine cho — 's schickt sie doch nit wohl . . . Aber d' Täubi het mi schier verwürgt, und i ha denkt: Wartet nume, dir Luuswaar! Es anders Wol werdet dr's de scho gwahre, daß ig nit churzöthig bi, wie dä arm olt Ma! —

Und d'Olegeheit isch cho, grad mörderisch. 's isch nämlich Donnstag gsi, wo d' Fortsetzungsschüler hei müessen brucke für nes Stündli; ne Bank voll groß trotzig Burschte, wo nit gwüßt hei vor Hochmueth, wei sie grüessen oder nit. Und hei wirklich nit grüest; und hei so böckisch tho, schier nit zum Uushalte. Und wo ne d' Aufgab gä ha, en Körper auszurechen, so hoch und so breit und so läng, het Eine a sy Hosebündel glängt und gseit: „Und fünf Zoll dick!“ hei Alli aso gigele und nand ablinzlen und stüpfte . . . do isch mr d' Geduld aus gange, eis-
mals. Muß nes Exempel statuiren! han i denkt und, dr Stecken i dr Hand, dä Fürwitzig heiße vortrete. Abr

wer nit chunnt, isch dä gsi, jo, i ha müesse före, mit eigenen Ohre, wien en die Anderen uufstüpfte: „Gang nit, Jörg, blyb hocke!“

„So?“ han i gseit, „du wotsch nit cho? Mueß di also cho hole?“ — Und i bin 'n go hole . . . D i hätt 's ringer so blybe! denn wien i dä Bursch bi sym halbhynige Chrage packen und an em ume zerre — er het e Buggel gmacht, wie nes Müneli, doch glaub i hüt no, i hätt 'n am End doch vom Fleck brocht, denn d' Täubi isch z'allmächtig gsi, bi mr, und scho han ig 'n e chly uufgglüpft gha vom Bank, trotz aller Schweri und allem Sperre — do zerret mi Eine hinterruggs am Bei, i verläüre 's Glychgewicht und falle mit mym widerhöörige Burscht zwüsche Stüehl und Bänk abe, ig fryli obenauß. Und — o mys Bluet empört si hüt no, wenn i a die Schand denke! — zwöi drü Mol gspüren i my eige Tagestecken uf mi abe suusen uf ene Stell, wo 's zwor am wenigste schadt aber weh thuet gradglych I demselbe kritische Augenblick isch mr abr my olst Schuelmeister z' Hilf cho, vo de Chlynen ewegg; het nit lang Zyt gha, nom ene Steckle z' sueche, mit dr Schrybtafelen in dr Hand isch 'r über sie hergfare, wie dr Samson über d' Philister, und het ne sie, hau's oder stech's, über d' Grinden ine zwickt, aß sie blietet hei wie d' Säu! Au ig ha mi chönnen uufmache und mit 'm Stecken aso dryschloh, fünf Minute lang, wie ne Blind, wie rasig, aß 's frei gstobe het uf dene Büggel und 's Hoor gslogen isch i dr Stuben ume

My olst Schuelmeister isch halbtod gsi; und ig au; und d' Bueben au. Und die andere Chind ertatteret

öppis grüüsligs. So daß mr d' Schuel hei müesseu uusgä uf dr Stell. —

Da'ich my ersi Schuelmeisterfreud gsi. Dr Schulmeister isch is Bett glege, mängge Tag, und het kürlichet und bärzet, 's isch eim frei angst worde.

Dä Struß het si zwar nit wiederholt, die Bürschkli hei si ordli düüßt und in Acht gnoh; aber 's Schigganiere, so heimlig, hintedure, hei sie doch nit chönne lo gelte, und a Chyb und Aerger han i kei Mangel gha, Tag für Tag. Und tuusig Mol han i gwünscht, wenn i nume d' Gwalt hätt, d' Chraft! Und by mr selber denkt: Nes leids grings Bürschkli sett doch nie Schuelmeister werde! —

Au die Chlyne, d' Afänger, hei mi dur ihri Ungschickligkeit schier tuubetänzig gmacht. Und nit vrgebe het's mr einisch traunt, ghy Afangs, i heb es doze hagelbuechigi Tüttschi um mi ume und die müeß i, bi Todesstraf, lehre lesen und schrybe; und bi am Morge ganz naß gsi vom Schweiß. Und würklig isch 's mr einisch vorcho, daß mr so ne dickköpfige, eifältige Düppel, won em ne ganzi Stund dr A zeigt ha uf 'm Brättli und hundert Mol uf 'n ygredt und grebitiert gha ha: „Sepeli, säg: A!“, aß das Bürschkli endlige 's Muul ufthuet und ganz brieggerig seit: „I cha jo nit schäge wie Du, Scheppli schäg A!“ Was, ums Himmelswille, will mr mit Settigen aso? D i ha mr das Alls ganz anderisch vorgstellt gha, im Seminari!

Und d' Chost, bi mym Schuelmeister — es schickt si zwor nit vo dem z' rede, aber i mueß 's doch no be-merke — die Chost isch leider nit geeignet gsi, für mir

Ghraft und Guräſchi zverſchaffe — — dä nöthig Ma het halt ne ſtarke Hunshaltig gha. Und wenn i d' Frau fört ha ſägen: „Aber Hansli odr Kädini oder Fritz, hau doch nit ſo Brot ab! Denk, 's Leibli choſt drei Bage und hei nume no das!“ und das Aſchnittli zu mir uſe cho iſch, han i ſcho dr Mueth verlore gha und nümme dörfen abſchnyde.

Und wo mi d' Muetter gfrogt het, z' Wiehnacht, won i hei cho bi uf Bjuech: „Dr Lohn, Melchior — was git's für Lohn?“, do han i 's, ach! ſelbr nit gwüßt! Im Regierigsſchrybe het 's halt nume gheiße, as do und do hy go, als Hülfſlehrer — —

Drum han i dr Mueth zjämme gnoh; und wo dr Oberamtmen einiſch cho iſch, für d' Gemeinſchriſte z' erleſen im Schuelhaſte, und nebeby au d' Schuel i Augeſchyn gno het: „Dr Gehalt, Herr Oberamtme, wie ſtoht's mit dem, wenn i froge darf?“ — du ſeit 'r no langem Bjinne: „Nes Gjez dorüber, ſo viel i weiß, git's keis! Doch von andere Fällen aznä, muetz Euch dr Schuelmeiſter d' Choſt gä gratis, und d' Regierig zahlt ech, wenn mi nit irre, us ihrem Sack achzg à hundert Franke per Johr — — 's iſch ſryli kei groöſi Summ. Abr das ſell ech dr Mueth nit nä, mi liebe junge Ma! Dir dörſet d' Sach au nit vo dem Standpunkt uſſaſſe! Ne Bürfchel goht i d' Lehr, wie dir au drin gſi ſit, im Seminar; er goht abr au auf d' Walz, auf d' Wanderschaft, für ſi wyter uuszbilden i ſym Bruef; und frogt nit no'm groöſe Lohn, da 'ſch d' Nebetſach: Nu, das do iſch jetz Eui Wanderschaft! Und dä Ma iſch, wenn au kei glehrte, doch ne gſchnde praktiſche Schuelmeiſter, won

ech Mängs cha zeige, mängs Börteli, wo im Seminar nit glehrt wird, bsunders wie me mit de Ghindere sell umgoh. Das wird ech zur gueten Empfehlig diene für wynters z'cho; und au ig werde nes guets Wörtli bylegge, chönnt druuf zelle! Drum: Ei Zyt isch nit all Zyt!"

Das, die Red vom Oberamtne, het ni ordli erquickt. „Ei Zyt isch nit all Zyt!“ han i denkt, wenn mr öppis schief und quer gangen isch; „Ei Zyt isch nit all Zyt,“ wenn dr Verleider het wellen über mi cho. „Es wird wol au nes anders bessers Lüftli cho z'wähe, wer weiß, wie bald!“

Mit dr Welt bin i weni i Berüehrig cho, us mehrfache Gründe: am Tag han i chuun dr Zyt gha und z' Nacht — was hätt i z' Nacht selle duße thue, wenn's finster gsi isch und mr nit gwüßt het, wer eim begegnet, Fründ oder Find? Also han i my Zyt deheim zuebrocht, i dr Schuelstube, bi mym olte Schuelmeister. Dä isch — me hätt's dem bescheidene Ma nit agseh — ne Meister gsi uf dr Ghyge, im Gsang, het 's eben als Chorbuech gründlig glehrt i dr Stadt; und wien 'r wieder e chly besser het möge gschnuufe, isch 'r au gern willig gsi, für mr Lektione z' ertheile im Notelese, im Spiel und i dr Gsanglehr. So daß ig en recht lieb gwunne ha und em 's vo Herze ha möge göne, aß 'm mit de warme Frühlingslüfte wiedr freier worden isch um d' Brust ume und 'r si notisno het aso ebchyme. Und er het 's zwor nit gseit, abr i ha 's doch chönne merken und em 's gor nit verübel gno: Er chönn's jetz alleini, i dr schöne vakanzryche Summerszyt!

4. Kapitel.

Am Gesichtskreis thuet si erwyttere.

Da 'sch nes Wandere gsi vo ein Ort zum andere, wie ne rechte Zugvogel! Gester no Hilfslehrer z' Hälts- huuse, hüt Hilfschryber bim Proferater Scherer z' Wulsh- heim. —

Do han i müessen Alten abschrybe, nüt as Prozeß- akte, so läng wie die berühmti Seeschlange: Rechtsbe- gehre — Bewysatz eis, zwöi, drü bis i d' Dogen ine oder wyt drüber uus — Replik, Duplik, Triplik — In- zidenz — Vertagung — Züügeverhör — abmal Ver- tagung, wil der ander Proferater nes Negertschenaug übercho het — Augeschn — o Alls so lederig und troch! Und ha do die Buure müesse mit aföre i dr Schryb- stuben inn, wie sie em Prinzipal vo ihre Händle deeb- beret hei, Stundelang, dumms, lydeschaftligs, eifältigs und folderigs Züüg, aß ich mängmol schier luut ha müesse lache, mäng mol abr lieber drvoglaufe wär. Aber my Herr Proferater, dä isch nit drvoglaufe! Dä het sie ge- duldig afört und sie aufgmunteret und ne gueti Hoffnig gmacht, wie ne Dokter, wenn 'r nen Auszehrighschranten unterhänds het. Denn vo dene Manne, dene widerbur- stige, wunderlige und händelsüchtige, thuet 'r lebe, nimmt nen ihres Geldli ab, 's isch ne Freud z' luege oder ne Gruus — wie me 's eben aluegt — — Do sie grod zwee gsi, ne ryche Buur und ne dicke Wirth, die hei nand ghelchet und mit enand prozidiert, schynt's scho sit Johre, wege 're Bagetell, us luuter Hochmueth und Zwängerei. Und einisch z' Obe isch em Buur sy Proferater cho und seit: „Wie, Kollega, du wotisch dä Handel lo uusgoh,

im schönste Blueß, wo 's no so viele Federe zrupse git?“
Do antwortet euse: „Dyne ma allweg no Federe ha,
Minen aber isch soz'säge blutt wie nes gmuusets Huchn!
Ma nit öppe no d'Chösten ybüesse, denn verliüre thuet
er 's doch!“ —

„Isch no niene gschribe!“ seit dr Ander und blinzlet
so schlau. „Wenn 's recht achehrjch — im Vertraute
gseit — em Buur sy Hauptzüüge — 's isch e chly ne
juuli Sach — wenn me recht mit 'm redt, zum Eid
trybt — er thuet 'n nit, darf en nit thue! — Nit
verrothe — hesch fört? Adio!“

„D!“ han i denkt, „das gscheihen au Sachen uf
dr Welt!“

Chostesnote han i müessen uussfertige, 's isch mr
schier schwarz worde vor den Auge: für jedes Wörtli,
wo my Herr gredt het, für jede Schritt und Tritt, jo
für jede Gedanke — „Nachts aufgewacht und über den
Casus nachgedacht — fünf Franken“ —; aber au sechs,
acht, zeh Franke, im Handumdreie, für nes Werkli i de
Pantoffle! Wo dene Reisen uswärts gar nit z' rede —
's het mr schier gruuset, die Zahle nume z'schrybe und
z'äme z'zelle!

Und ha mehr as einisch denkt: „D wärisch doch,
statt Schuelmeister, Proferater worde.“ Aber grad druuf
isch 's mr wieder i Sinn cho: Für das hättich du 's
Züüg nit gha, wärisch viel z' guethmüethig, viel — wie
jell i säge? — gsi!“

Nu, bi mym Herr han i ne gueti Chost gha, ne
ganz famosi. Und ha, wenn Niemer anders umeweg gsi
isch, i dr schöne Herrestube dörfe sitze, nes Stündli odr

zwei, und mit de Töchtere musiziere. Dr Sohn, wo grad für ne Wyl hei gsi isch ab dr Univerſitet, het mi mit 'm gno i d' Geſellſchaft, d. h. i Gſangverein, i d' Kummeeidi. Jo, i ha ſelber müeſſe mitſpiele, nes Ritterfräuli ſh, wo me i d' Gefangenschaft gſchleipft het unter d' Räuber — — O wie han i Auge gmacht bi dem Yblich i die ganz anderi, no myne Begriffe ſo unghlück fürnemi Welt! Drum hei 's mr au fürgholte, i thüei ſo ſchülich und zimpfer, wie nes Meitſchi; fogar 's Proferaters Töchterli, die bleichſüchtige Schüli, het mr einiſch dä Vorwurf gmacht unter vier Auge, und isch mr mit em flebrige Händli über d' Backen abe gfahre; und i ha 's frei gſpürt, daß ig roth worde bi bis a 's Ohreläppli —

So isch dr Summer übere gange und dr halb Winter. Und z' Wiehnecht, won i hei cho bi zue myr liebe Muetter, han ere grad my Meinig gſeit: „Schier han i im Sinn uf dem Poſte z' blybe, heiſt das, wenn mi dr Herr bhalte thuet. 's goht doch viel ringer, as dr ABC-Charre z' ſtoſe. Und au dr Vrdienſt — do die ſechs Neuthaler het 'r mr mitgäh nach Huus; wie viel no uſeluegt, chan i zwor nit ſäge, ha halt nit dörfe froge, hüt de Morge, denn 'r isch gar böſ uufgleiht gſi wege ſhm Sohn, wo nöye wieder über e Strick ſell gſchlage ha, ganz gwalti, z' Heidelberg uſſe.

D' Muetter aber het bedenklich dr Chopf gſchüttlet und gſeit: „Los, das gfallt mr nüt, das gherrſchelig Lebe! Grad do mit 's Proferaters Bueb — dere git 's ſchynt's viel, denn d' Glegeheit iſt z' groß zum Viederligwerden a fettigen Orte. Scho letſchtthin, wo mr brichtet heſch vo dene Luſtberſeite, Bämekünſten und

Thiraterere, wo die junge Lütli z' Nacht zäme chöme, uusgrueihet und übermüethig, schlimmi Chnaben und Meitli — do isch nüt as Gföhr uf Schritt und Tritt, i allen Egge! Und nüt betet wird a de Chiltobede, nit emol dr Roschranz — do het dr böss Fünd scho gar grossi Gwolt, zum Voruus! D i cha dr nit säge, wien i nen Angst gha ha, die Byt uus, und extra ne Mess ha so lese uf 'm Muettergottesaltar, ass ömel fei Schade lydisch a dyr Seel — — — Au dr Pfarrherr het die glychi Meinig und erst chürzlige gseit, öb ächt au dra denkisch a dy Pfslicht? Und di niene wellisch amelde, wo doch Lehrerstellen ausgschriben syge, zwöi, drei? Am End, wenn dä Bruef thätisch uusstee, müestisch no 's Chostgeld zugg zahle a 's Seminari — —“

's isch fryli Alls woher gsi, was d' Muetter gseit het und au dr Pfarrherr. Und das Alls het mir ordli Gedanke gmacht, ha selbi Nacht schier dr Schlos nit chöme finde.

Isch 's nit prezis gsi, wie abgredt? Grad mörnderisch, am Wiehnechtstag, isch es Schrybe cho vom Oberamtme. Und drin isch 's gstanden i Fraktur: d' Schuel z' Mattewyl — vakant durch Todsal — gueti Gmein — sell mi bewerbe, er well mi unterstütze bi dr Regierig —

Und i bis worde, ohni Abstand, sofort. Und ha die Stell müessen atrette, dr glych Tag no.

Do han i die sechs Neuthaler guet chönne bruuche, bis i nume nes Gufferli gha ha und e Regeparisol und ne Wullhuut — denn so armüethig, mit 'm Bündeli unter em Arm, han i doch nit dörfen aufstete. A ne

neui Muntierig het 's nümme glängt, so nöthig aß ig sie au gha hätt!

My Prinzipal, won 'm Adie gseit ha, het gemeint: „Wäret doch ringer do bliebe, hätt ech chönne bruuche! Afäng, zuegseit isch zuegseit und 's Wort mueß me halte, bsunders ne Schuelmeister — — Aber scho dä Brues — mir chönnt er 's nit! Lieber no mit dummen, ungattlige Buuren umgoh, as mit Schuelerbuebe, wo em Tüüfel ab 'm Chare gheit sy. Wenn mi däini au mängisch ertäube und dur ihri Gifältigkeit odr Verschlageheit schier i Verzwyflig bringe — dofür müend sie mr bleche, für guet!“ Und 'r het mit de Fingeren a syr dicke gulbigen Uhrechetti ume g'fätterlet, uf sym dicke Buuch, aß sie glizeret het im Sunneschyn. — — Doch het 'r mr no drei ganz Fünfliber gä rückständige Lohn und mr Glück gwünscht uf dä neu Lebeslauf. Und schier ungern bin i gscheide.

Die drei Fünfliber han i dr Muetter welle gä für ihren Unterhalt. Sie aber het gwehrt: „Bhalt Du sie nume, Melchior! Darffsch doch nit ohni Sackgeld sy. Und do dä chrällelig Geldseckel — da'sch dym Metti selig syne gsi, het 'n übercho vo syr Stieffschwester, der Chlosterfrau z' Namejesis (nominis Jesu). Und wenn ne füre zieh, dä Geldseckel, so denk jedesmol a dy Metti, wie ne bravi, gueti Seel — — o i mueß allimol briegge, wenn i an 'n denke! . . . Denk au a my, a dy armi Muetter, wo Allis für dy tho het, zwänzg Johr lang, und alli Hoffnig uf di gsetzt — denk dra! Und nimm di vor böser Gsellshaft in Acht, vor schlechte Kamerate, vor de Meitschene! So die Meitschi, die sie nümme wie albe, gwüß nit! Viel hoffärtigr, viel lebiger, viel

faltcher, viel schlimmer! Wenn ig do 's Ronis Zwöi gseh nebena, wie 's die trybe mit de Buebe — 's isch ne Schand . . . Also nimm die wohl in Acht — heisch fört? Und bet all Tag, de Morgen und z' Nacht, und heb Gott vor Auge. Und denk a dy schweri Pflicht. Und loh di ordli em Pfarrherr noh, de Borgsetzte und fürnemmere Buure — o i chönt dr ne ganze Tag zuespreche, wurd nie fertig! . . . Und heb Sorg zur Gsundheit, z' Nacht deck di guet, aß di nit verschöltisch — bhüet di Gott, my liebe, liebe Melchior!"

Au mir si d' Auge füecht worde bi ihrem Briegge.

5. Kapitel.

I dr Schuelstube — definitiv.

Im ene wyte Thal nes großes Buuredorf, mit breite Strouhüüfere und mächtige Miststöcken und dicke Buure; ne chlyni boufälligi Chilschen und ne schöne große Pfarrhof, zringsum Baumgärte, Matten und Acher, tupsche — da'sch Mattewyl gsi, mys neu Heimet.

Z'erischt ha mi em Amme vorgstellt, doch dä het chuum dr Zyt gha, für mi recht z'grüesse, denn dr Metzger isch dört gsi und het gmärtet um ene feisse Stier.

Druuf bin i zum Pfarrerr gange. Da'sch gar ne fründligen öltene Herr gsi und het mi grad a Tisch gno zum Mittagesse Und nochedee iich 'r mr cho 's Schuelhuus zeige: nes wytläufigs Gebäu, ordli nebenuß, wo nie nebst de Schuelchinderen und em Lehrer au no dr Schneeschlitte untere brocht het und d' Gmeinchären und d' Brüggelbiegen und d' Füllsprünge und weiß Gott was

für Grümpel. Nebe 'm Schuelzimmer isch nes Chämmerli gsi, ganz voll Spinnhumpelen und Müüschrügel.

Dört chönn i, wenn 's uufpuzt syg, schlose, het dr Pfarrer gseit, heig wenigstes schön warm.

„Und d' Chost näh, wo meinet dr, Herr Pfarrer?“

„Jo, do isch guete Roth thüür, my Liebe! Göiht dr zum Amme, so wird vielleicht dr Stattholter höhn, göiht dr zum Stattholter, so het's dr Friedesrichter ungern, dr Schilchmeier und Schuelschaffner — nit grad wege 'm Rugen und au nit eigetlig wege dr Ehr, wege 'm Schuelmeister — mehr wege dr Schalusie, wüll mr dä oder diese mehr estimieri. Si halt — ich wüll Ech's grad säge — gar stolz und schalu, die Buure hie ume, mit dene mueß me gar Büüßeli Büüß mache und ne 's Hoor streichle, für mit nen im Friede noch z'ho. Ha 's au müesse lehre . . . Jetz bin i z'friede, und i glaube, sie au . . . Also vom Chosthuus zrede: bis dr das gesunde heit, chönnt dr bi mir esse, will d' Babette froge, ob sie 's z'friede syg; denn sie isch au asen oft und wunderlig und will d' Ehr ha — Dir begryfet!“

Dä guet Pfarrherr het mr au ne Bettischeft glich, ne schöni chriesbäumigi, und drfür gsorget, aß mr 's Chämmerli frohnwys ufepuzt worden isch. Und ig ha ne Bueb hei gschickt zue dr Muetter, für mys Bett go z'hole . . . Guet, daß Niemer uneweg gsi isch, won i 's unspackt ha — so armmüethigs Büüig zu dr syne glaggierte Bettlade! . . . Wenn i doch nume ne Tagdecki hätt, han i denkt, wie 's Pfarrherre! d' Babette mueß mr eini chause, will sie drum ersueche!

Die Decki, die het mir dr erst ganz Fünfliber eweg
guo!

Doch vo dr Schuel zrede, da'sch doch d' Hauptsach
gji: dr Pfarrer het mi denen achzg Schuelchindere vor-
gestellt als ihre Lehrer, und nen Achtig und Ghorjam an-
befohlen in ere schöne Red — i hätt 'm mögen ume
Hals falle drfür! Und würklig hei d' Chinder unmerk-
sam zueglost und si mir cho d' Hand gä, eis nom andere
— 's het mi schier glüipft vor Freud.

Und bi mit eme großen Oser a 's Lehre higange
und ha vorläufig gluegt, wie wyt die Klasse vorgruckt
syge. — —

„Jä, do müesst dr ordli unten asoh!“ seit dr Pfarrer.
„Eue Vorgänger — es sell sym Seeleheil nüt schade —
dä het's i de letschte Johre leider nimmern ernst guo
mit syr Pflicht. Ich Burger gji, het d' Gmeinschryberei
verseh und Nebegschäfti gmacht, mehr as 'r het chönne
besorge; und drzue no buuret — dört i selbem Huus
äne, im Egge. Het Schuel gha, prezis frohnwys, d. h.
aß d' Zyt ume gangen isch und 'r dr Lohn het chönne
zieh. Und d' Buure hei fünfi lo grad sy . . . Und i
säg 's ohni Hehl: Niemerem, syt Johre, han i dr Him-
mel so guet gönnt, de Schuelchindere z'lieb, as däm Ma,
em Schuelmeister Uf Euch abr, my Liebe, setze
my's grösste Zuetraue, my ganzi Hoffnig! Kennet dr
das schöne prächtige Lied:

„Der Menschheit Würde ist in eure Hand gegeben —
Bewahret sie! — —“

's isch eigetlig a d' Künstler grichtet, i meinen aber
au a d' Lehrer, a d' Jugederzieher — —“

's Herz isch mir frei wyt worde, bi 's Pfarrers Red! Und i han em d' Hand gä und em versproche, treu z' gedente myner schwere und zueglich schöne Pflcht —

Aber wie weni ideal isch 's mir scho mörnderisch vor cho bim Schuelha! Do si zwe Bueben ine cho, grad währed 'm Bete, über und über voll Schnee, und hei blüetet us Muul und Nase; hei nand prüglet gha uf em Weg und ein het dr ander aflagt. Drum han i Beed müesse strofe. Und Beed hei gar nüt guet tho, dr ganz Tag nit.

Und wül i die hinteri Klasse bsetzt ha, just no ihre Fähigkeit, no dr Rechtschrybig, isch Nomittag nes Buurewyb cho, wie Füllr und Flamme, und seit, ihres Töchterli em Statthalter sy, heb i z' unterisch tho, und nes Tauner, nes Fözelmeitschi oben a! — öb däs öppe dämweg müß goh? Wol, do werden ander Lüt au no nes Wörtli welle drzue säge — — — Und isch furt gschnüzt wie ne Bummechugele. Und 's Meitschi het gheulet und mi selb Tag schier i Verzwyflig brocht mit sym Täubbele.

Ne Bueb, won ig wege sym wüeste böswillige Trybe abgstroft ha, e chly chäch, den Andere zum Exempel het si im Uegoh, unter dr Thür, umfehrt und grüest: „Wart nume, i säg es em Metti!“ — dä han i fryli wieder zrug gholt, mit Aufwand vo alle Ehreste, und 'm ne zwöite Denkzeddel aufgheftet und gseit: „So, jetz isch's si besser derwerth, em Metti z'säge!“

Wer isch aber dä Metti gsi? Niemed anders als der Friedensrichter! Und dä het mi uf dr offne Stroß gstellt und mer 's z' merke gä: fünf Johr syg sy Bueb

icho i d' Schuel gange und heb vom olte Schuelmeister, syneß Wüßes, teiß Chläpfli übercho. Ob 'r ächt jetz, uf einmol, so bößartig worde syg? I sell's numen öppe nit übertrybe — —

's isch ne Stiffig gsi — weiß nit woher — aß dr Schuelmeister all Samstag z' Obe mit de Chindere i d' Chilche göih und dort ne Rosechranz beti und d' Letenei. Für das isch sechs Chrüüziger Lohn uusgsetzt gsi — — — Und i ha's chönne före mit eigenen Ohre, wie ei Nochtbüüri zue dr andere gseit het: „Dä hätet ganz anderisch, 's isch gar nit dr glych Ton — dunkt's di nit au, Babi? Und anstatt „Empfänknuß“, wie's dr Bruuch isch, seit 'r: „Empfängniß“ — 's isch ein ganz ungewohn und me jett's nit dulde, dr Gmeinroth jett si dry legge! Und heßch's au gseh, wien 'r macht bym „O du Lamm Gottes“. Das heißt me jo gar nit a d' Brust klopfet, da 'sch nume so tüpfet mit zwe Fingere — ne wahri Aergernuß!“

Und wenn i dr ganz Tag mi müed gfunstet gha ha mit dene achzg Bueben und Meitschene, für dä Schuelchare i's recht Gleys z' bringe, han i z' Nacht nit emol ordli chönne rueihen und schlofe! Denn do hei d' Müüs tho i my'm Chämmerli ume, turnet und gsprungen und pfiffe und d' Wänd uf klederet und i dr Diehli ume gepoldet wie biesse. Jo sogar i Strausack si's mir cho, unter's Hautküßi; und dört hei sie käfelet und si grodt e ganzi längi Nacht, i ha mi ordli gförchtet und gmeint, sie byße mi no i's Bei trotz aller Mägeri!

Bis i Gift kauft und gleit ha; abr au do si's no viel fürbliebe und zwar grad die muthwilligste, böshafstigste, jo gwüß!

Und de no Deppis — i setts zwar nit säge, 's isch zweni ideal! Abi wül i doch grad am Ufzelle vo mynen agehnde Schuelmeisterfreude bi, so wül i au Das nit verschwyge — wege dr Ghost — — Do cha me mir lang cho brichten und säge: So ne Rämpel, dünn und mager, sett, so dunkt's ein, nit wohl hungrig werde — das si Glaufe! Me isch jung und wachst. Und d' Ghost im Pfarrhuus — mit der isch 's halt däweg gsi: guet, usnehmed guet und syn! Denn dr Pfarrherr isch selber ne große Fynschmöcker gsi und het drzue e Bizeli im Mage glitte — grad 's Gegetheil vom Herr Proferater: dä het e Biz Rindsfleisch chönnen esse, wie ne Fuust, und nes halbs Schwiensrüppeli drzue und als Nohtisch no sechs Bierlig Chalsbrotten; und kei Beschwerde g' üüßeret, as e chly Berzen und große Durst; er het aber au christligs Nsäche güebt gegen alli syni Tischgnosse — — Also guet und syn, drfür aber gruusam weni! Plätteli, nes chlys Chind hätt si chuun dra übereffe. Fryli het mir dä guet Herr die Plättli gsthf aneglängt und gseit: „Näht nume, Schuelmeistr, näht! Müßt nit uf my luege!“ Ig aber ha au nit ellei möge dr Hungrig, dr Gröbel mache und 's letscht Löffeli voll zämme scharre, hätt mi doch gschiniert! — — Zum Zimmis*) hei 's Pfarrers Wy gha und öppis drzue! und me het mi agfrogt, öb i au well mitha? me machs billig, so billig as möglik. Jo, dä Wy und das „öppis drzue“ das hätt i scho möge verhyde, bhüetis jo! Aber i ha aso rechne: Jährlig drühundertzwänzg Franke Lohn — das schryb i oben a uf d' Tafele — jo! De ungefähr drühundert Tag Ghost,

*) Zimmis = Vesperbrod.

per Tag à siebe Baze, macht zweihundert zeh Franke
— — Soll i 's Zimmis no zahle, nume sechs Chrüüzzer
per Tag — macht au scho wieder fünf e vierzig Franke
— zsäme zwöihundert fünf e fünfzig — restiert sechzg
und fünf Franke! Und ha no keini Chleider, keis Buech!
Und sett dr Muetter no Sparniß heibringe, sie erwart:et
gwüß ne groösi Summ — — Nei, nei, adie Zimmis,
wüll liebr leer schlücke, ha kei Wahl!

Abr vo Mittag de Zwölfe bis z' Oben am Achte
isch ne längi Zyt, bsunders wenn me si schier heiser
gichrouen und mit dene siebe Doze Schuelchindere ne
halbe Tag ume gschlage het, denn isch dr Hofebändel,
so eng 'r au gsi isch, eisder wie wyter worde, dr Mäge
het aso ruugge wie ne Frösch und 's isch mr mängisch
schier schwarz worde vor den Auge, gege'm Oben ane
— — Was han i gmacht? — o lachet dir nit, wo
Zimmis Wy heit und „öppis drzue“, au dir nit, wo
z' Mittag Säurüppeli vertilge chönn:et odr au nume Speck
und Suurchrunt bis gnue — lachet nit! — do bin hinter
d' Schuelstischdrucke grothe und ha die Depfel zsäme gfuecht,
won i dene Buebe und Meitschene währed dr Schuel
zum gschmierige Hosen- oder Züppesack ussgno ha als
reglementswidrig, odr au d' Wäihestücki, die Stücki Brod.
Und ha alles Schüüchen überwunde, ha d' Auge zue-
gmacht und öppis anders denkt und herzhast dry biße —
o lachet nit, i bitten ech!

6. Kapitel.

Neu Bekanntschaft.

Da 'sch nes Pflästerli gsi uf d' Wunde, das Schuel-exame!

Dr Pfarrherr het's gseit, dr Pfarrer-Inspekter het's gseit und au dr Vikari vo Häflige, wo dr Prüfig by-gwohnt hei: das syg en große Fortschritt gege früeher, zum Verwundere! — Au dr Amme wär cho, aber 's isch selb Abrelletag just im Per gsi, nes guets Kalenderzeiche zum Göllesüehre; dr Stattholter het Schof bschoore und dr Friedesrichter isch go ne Chueh chaufen i d' Bergen ine. — — Vo all dene Vätere het si keine lo erblicke, us-gnoh dr Läubizimmerma, en ärmeren Ansaß; und dem hei d' Auge glänzt vor Freud, wo sy Bueb so guet het chönne recheme, und het mr d' Hand drückt us Dankbarkeit.

Und Bzt isch' s gsi, aß i d' Schuel e Wyli ha chönne bschlüsse; denn wie d' Früehligssunne so warm zum Fenster ine gschynne het und d' Mugge tanzet und d' Vögel pfiße und d' Fuehrlüüt klöpft hei dußen ume, do hei d' Ghinder lei Sitzleder meh gha uf de Schulbänke, und au ig keis zum lehre: bi müed gsi und abgspannt wie nen Acherguul. Und ha mi ordli heigsehnet no myr Muetter und für chly uszrueihe, drü vier Wücheli.

Drum bin i au zum Schuelchaffner gange und ha hübscheli aghoschet wege m' rückständige Böhuli. Dä Ma het lang nit gwüßt, wöll 'r oder wöll 'r nit, und allerlei Ausflucht gha, er sett es Paar Stiere chaufe und 's schick 'm si ordli schlecht. Bis d' Frau het aso aufbegehre und seit: „Schämst di nit, Christe, dr Schuelmeister dä weg use z'tage! Het die paar Franke öppe wohl müesse ver-

diene, scho a euse Buebe!“ Do het 'r neumis gmurret und dr Chasten uftho und die Fünfbägi und Zeh- und Sechschrüüzerli und Bage füre brösmelet und zämeglese, 's grob schön Silber aber i dr Blotere zruggholte. Und han em 's agseh, wie das ne reut, das elend Hämpfeli Geld! — — Und won i mit 'm Pfarrherr ussrechnet ha, isch 's a Vorschn cho, aß no zwöi falschi Stückli drunter gsi sy. Die het dr Herr glychwohl als voll agnoh und gseit, er well dem Ma scho dr Tex usslegge, us 'm Evangeli.

Dä guet Pfarrherr — — Won i wieder nme cho bi am Maitagobe, isch 's Erste gsi, was i vernoh ha, scho im Feld. uf, vom ene Schuelnochber: 'r sig als Chorherr gwählt worde, nämlig dr Pfarrer, grad gester heb mr Bricht übercho dur ne Städtler Herr und 'm Standesweibel, won 'm syge cho grateliere.

B' gönnen isch 's 'm wohl gsi, dem olte chränklige Herr. Was werden aber die Lüüt, syni Pfarrhinder dzue säge? han i denkt.

Am Sunntig druuf scho han i 's chönne köre a dr Gmein, i myr Schuelstuben inn. Do isch, neben andere Sache, au die Aglegeheit zur Sproch cho. 's isch dr Leiterewagner gsi, wo drvo agfange het, wie si dä Pfarrer um d' Gmein verdient gmacht heb, um d' Jugeb, um die arme Lüüt, um die Chrankne, i alle Stücke, wie nit bold Eine, wyt und breit. Und müglic, aß 'r würd' blybe, wenn 'm Gmein ordli aholte thät — — Do het dr Chnuchelbuur si gsaftigi Tubakpsyse ussgleert, grüüschvoll dur 's Röhrli blost und gseit: „Wer trybt 'n furt? wer heisst 'n goh? Kei Mönch! Isch recht gsi, 's isch wohr.

Het aber wohl chönne bi dem Nümme! Ich dr Erst, wo furtzieht vo do, 's wird 'm halt verleidet sy bi eus — und drum sell 'r i Gottsnamen au goh! D' Händ unter d' Füëß legge — nähä, das thüe mr nit! En Andere schlecket d' Finger drnoh, jedwedere, no so nere guete Pfruend, ne settigi Pfarrei!

„No so nere guete Pfarrei!“ so het 's tönt wie nes Echo vo Bank zue Bank; und d' Buure hei Byfal gnickt: „Sell goh, wenn 's em nit gfallt — chönnen en nit abinde!“

Und won 'r Abschied gno het i dr Predig, syn 'm d' Thränen über d' Backen abeglaufe. Und bi überzüügt gsi, hätt d' Gmein nume lycht nes Wänkli tho und ihre Wunsch ausgesproche, er möchti blybe: im letschte Moment no hätt 'r umkehrt und d' Wahl ausgeschlage! Won 'r 's Wort a d' Juced grichtet het, a syni viele Täufling und Kummunikante, und si ermahnet het, dene Lehre z'gedenke — — und selle Gott vor Auge ha und den Eltere folge und 'm Lehrer und 'm neue Seelsorger, und au ihn nit ganz vergesse, er werd für si bete all Tag, all Stund — do hei d' Wyber, hei d' Meitli aso d' Auge wüsche; d' Mannen abr, die dicke Buure, si ghocket wie d' Holzböck und Wiene gmacht, as gieng sie das Alls gar nüt a!

Mir het 'r Büecher gschenkt ne ganzi Bygi düüttschi Klassiker, für my ne wahre Schatz. Und mr sy väterligi Fründschaft versproche und sy Bystand, so wyt dä öppe mög glänge. Du isch 'r furt und dr Chapeziner yzoge für ne Wyl.

Also han i nes anders Chosthuus müesse sueche
— wo?

's mueß si Alls zuträgen uf dr Welt, 's Guete wie
's Böse und au das mittsdrinn. Grad isch dr Chilch-
meyer au vom Pfarrer cho, wege 'm Abrechne; und dem
han i 's klagt, my Verlegeheit.

„Will mit myr Frau drüber rede — vielleicht —
nu i wüll ech Bricht gä, dä Obe no!“ — Und dä Bricht
het gluutet, i sell nume cho, grad cho z' Nachteffe.

Und wien i die Chilchmehere gseh — no ne jünger
Frau — han i in Gedanke mys eige spezifisch Gwicht
mit i hrem muethmaßlige Gwicht vergliche und gfunde,
es chönnt si allesfalls verhalte, wie 1 zue 2½ oder gar
wie 1 zue 3, so groß und dick isch sie mr vorchö; und
die rothe glitzerige Backe, die drü Chini uf enand obe und
die Arme — herrje die Arme! Orgege dä mager un-
schynuber Ma! Au han i gh gmerkt, wer eigetlig d'
Hosen a het und 's groß Wort füehrt i dem Huus inn.
Het dr Chilchmeyer au duße, mit syne Külle, mit de
Rochbuure und a dr Gmein ordli guräschert rede und
thue chönne — deheim, syr Frau und ihrem Redhuus
gegenüber, isch 'r zerflosse wie Wachs am Füür.

Do, a dem Tisch, het's im Verglych zum Pfarr-
huus gar große Plättli gä, so groß schier wie ne Taufstei
und ghuuftig voll. Und mr het chönne zuegriffe und esse
bis gnue, so lang me het möge. Aber weiß Gott, i ha
ebe afangs gar nit recht möge; denn Alls isch schreckli
ruuch gsi und unen obehi gchochet odr grüüski zur Unzyt.

Denn 's mehrste Mol z' Mittag, wenn i us dr
Schuel hei cho bi und i denkt ha, 's möcht öppe Eßes-

zyt sy, isch my Chilchmeyere gwüß no mit eme Chessel voll Wasser bim Brunne oder mit emen Arfel Schyster bim Huusegge gstande und het brichtet, vielleicht scho nes ganzes Stündli, mit ere Kochbüüri, mit eme Chacheliwyb odr wer öppe verby gangen isch. Denn het sie erschrocke gseit: „Bhüetis, do chunnt scho dr Schuelmeister und will esse! und ha nonit übertho!“ — Dinn hei d' Hühner, Hund und Chaz Schärschi gha, i dr Chuchi, i dr Stube, uf Tisch und Bänk, sogar uf der Füürstett, i Pfannen und Häfen und im Eßgschirr ume; oder het 's chly Chind gschroue wie am ene Messer im Gade hinte und han i d' Ehr gha, dä Brüelbueb go z' gschweige oder gar zrothsamme — — und was sie kochet het, isch nume so uuf und deruo gange, so weni eigelig! Vielmal isch sie druo eweg zue ihrer Muetter gange, grad über d' Gafß übere, öppis go frogen oder go brichte. Und isch dr Buur hei cho mit syne Lüüte, müed und hungrig ab 'm Feld und vo Esse no kei Red — wol, dem hätt i's welle rothe, uufz'begehre! Er het si aber wohl ghüetet, het öppe ne chly brummet oder gsüüfzet und isch still in en Eggen ine ghocket, wie 's em ene richtige braven Chma schön astoht.

Guet het sie fryli au chönne sy, d' Chilchmeyere, gege'm Ma, gege die arme Lüüt und au gege my. Mängs liebs Mol, wenn mr esseini deheim gfi si, het sie hurti nes Eierbräußi gmacht, oder ne Nidlewäihe oder Hungg und Anken us dr Schubladen use zoge zum Gaffee, oder nes Stücki Fleisch präglet zc., und gseit: „Chömet gschwind, Schuelmeister, au cho mitha! Dir esset jo so bluetweni am Tisch — fryli, so me Huuse Volch cha mr

nit so gherrschelig choche, thäten ein jo vo Huus und Hei esse — — Gryfet nume zue, aß dr drühet! Mueß mi jo söcht schäme, als Gui Hostfrau, und muez ech so menggisch ploge mit dem und diesem.“ Und dä Gaffee us 'm Znüünichännli, isch ordli besser gsi as dä z'Morge, us dr Fünfmooßchanne: i ha alliwyl 's nämlig blüenlet Schüsseli gha; bim Frühstück aber, wenn's au gfüllt gsi isch, nämlig 's Taßli, bis a Rand, han i das Sprüchli z'Bode no ganz guet chönne lese, dur die luuteri Brüeihidure: „zum Andenke“. Au em Ma het sie, wenn sie guet z'Paß gsi isch, öppis vo dene guete Sache dänne tho. „Er mueß au so gnue schaffe, dr Hans!“ het si de gseit, „und wär so wyt recht — — Wege dem, syr Freini, han ig 'n au vorzoge. Hätt Mänge chönne ha, zum Byspiel der Roggemüller; aber lueg mr jetz dä a, wien en Uberschanten as 'r isch gege syr Frau! Fahrt hüecht und hott i dr Welt umen uf Gwünn und Gwerb los oder mängisch nume z' unnuetz, und sie cha si deheim mit dene viele Dienstn umeschloh und darf schynts nume nüt dry reden i syz Geschäft! Aber wol, dem wett i's zeige, mit mym schöne Geld! — — Me mueß die Manne halt grad vo Afang a gwenne, wenn sie ein no recht lieb hei! Loht me nen einisch dr Zügel, so isch 's für alli Mol gscheh, mit aller Herrligkeit, i alli Ebigkeit — — I glaube, dir gäbet au no ne gueten Chma, Schuelmeister, syd so ne freine, verständige!“

Dann und wann isch sie au z' Chilche gange, sogar am ene Werchtig, das heißt a Vakanztage, wenn i ha chönne hüete. Aber oje! Do hei d' Chind lang chönne blangen und schreie, und die junge Säu brüelen im Stall,

und d' Hühner gagglen i dr Chuchi, und 's Wasser strudlen i dr Pfanne — — die Chischelüüt, die Messwyber hei halt so viel Neus gwüßt, me het' schier nit chönne von ne cho! Und de het si doch au no chly müesse bi dr Muetter stoh vor ihrem Huus, 's git jo so viel z' brichte, z'rüehmen und z'chloge. — — Ig selber bi mängisch schier tuubetänzig worde vo dem lange Warte, und ha nümme gwüßt, was i mit dem hungerige Brüelbueb sell asoh. Und mängsmol denkt: „Wenn di au öpper gsäch, vo deheim, oder ne Kolleg, mit dem ufläthige Chind uf dr Schooß, Bappen ystriche oder Milch ygüdere!“ Und my's Männergfuehl und my Bruefsstolz hei sie wellen empöre gege dä unwürdig Chindsmagde dienst — — Jsch aber d' Huusfrau wieder hei cho und het si gründli eggüfirt und fründli tho, oder gar nes Güetfeli us 'm Schublädli use zoge, isch au my ganz Born verroche ggi und dr Mueth verlore — —

Vo de Werche z'rede, vo Heuet, Ern und Emdet, wo 's natürlisch Vafanz ggi isch — da bin i mit mr z' Roth gange: sell i hei goh, die Zyt us, oder do blybe? d' Büüreneren aber hei gseit: „Wenn dr nit absolut hei müeßt, jo blybet Dir bi eus! Grad i de Werche chömet dr is schräckli kummod, i weiß albe schier nit, wo mr dr Chopf stoht, jett dinne sy und dußen au, allen Orte. Und dr müeßt's nit vergebe thue, zellet nume druuf!“

Und i bi blibe, ha jo weni z' versuume gha.

Zerscht ha mi au als tüchtigs Mammevolch welle stelle, ha d' Sägeten uf d' Axle gnoch und bi mit de Mähderen uuszuge, i d' Matten use, i aller Früechi. und ha probiert z' mäihe — aber o weh! Bim erste

Streich scho fahrt d' Sägeze mit 'em Spiz i Boden ine, au im zwöite und dritte, d' Mähder lache si schier z' Tod ob mym Thue, dr Buur aber seit: „Wart, Schuelmeister, i will dr das Ding zeige, wie mr d' Sägeze führt! Alls mueß glehrt sy uf dr Welt, au 's Mäihe!“ — Aber das Lehre, bi dr Hitz, bi dem viele, schwere Gras, bi mym zarte Wuchs! 'Z Mittag, won i hei cho bi, hei mr d' Ehneu und d' Arme gschlotteret wie menen arme Sünder im letzte Stündli, ha nit gwüßt, leb i no oder bin i tod, ha vor Müedi und Elend schier nit chönnen esse, bi ablege wie Ein, wo me heitreit ab 'm Schlachtfeld.

Und d' Chilmeyere het großes Beduure gha und gseit: „Ha 's wohl denkt, 's göih ech so! So herti Arbet und gar nüt gwohnet — da 'sch z' viel zuegmuehet! Wett nüt säge, öppe worbe, chehren und reche — —“

Und ig ha gworbet und grechet mit de Meittlene.

Und Nomittag isch d' Büürenen use gange und ig hätt felle hüete und e chly zue de Chinde luege. Zwar het si my Stolz aso bäumele gege die Zuegmuehtig. Ghy aber isch 's mr i Sinn cho! Was witt mache? Dopeniere oder gar wyters go in es anders Chosthuus? Und di verbrüeihe bi ihre und au bim Chilchmeyer, wo jo Gmeinroth isch? Zwar het me si schynnts au scho lustig gmacht über sys Gmeinroth sy: Einisch z' Nacht, vom Schaffe grüüsi müed, het 'r au müesse go sitzen i Roth; und isch halt uf sym Sessel hgschlofe; und won 'n dr Amme stüpf und frogt: „Nu, Chilchmeyer, was seisch du zue dr Sach?“ do heb mi guet Ma d' Augen unsgriben und gseit: „Z ha die Meinig wo dr Friedes-

richter!“ Dr Friedesrichter heb abr selbmol no gar nit gredt gha — — Und i ha wyters denkt: Au das darisch nit ußer Acht loh, das gringe Chostgeld, nume sechs Batze per Tag, i dr Vakanzzyt gar nüt.

Also isch Büürenen use gange und ig ha gaumet.**) Sie het mi glehrt, wien i sell dr Gaffee mache i 's chly Chänneli und früschi Milch erwellen und Alls schön zwarme stellen i 's Chunstrohr ine, bis sie hei chömm — — Aber wo sie hei cho isch — es si 20 Grad Wärmi gsi im Schatte — do isch sie uf 's Huusbänkli abpletscht, 's het frei ghrachet, und het ganz glüeiht im Gsicht, und Schweißtropfe si 's von ere gfallt, so groß wie Trüübelberi, und het schier nümme möge gschnuuse — sie het mi trotz dem Aerger, won i im Stille gfaßt gha ha, nit weni duuret. Und wo sie druuf, um Dthen übercho, i 's offene wyte Tenn gstanden isch, wär sie allweg froh gsi, wenn ere mit 'm Thor Chüeli zuegwäiht hätt, doch han i das hartherzig lo blybe, ha mi doch gschiniert — Und sie het gjommeret: „O ne Buurefrau, die mueß doch viel unssstoh, Verdruß und Müeiht und Hitz, allerlei! — — Hätt i doch dä Metzger Spyswirth gno us em Städtli, wo mr schier d' Bechen abtrappet het es ganzes Johr lang! Odr am End nume ne Schuelmeister ghüürothet mit mym schöne Geld, hätt 's ma lycht besser!“ — Ig aber ha denkt: Ne Schuelmeister, — 's thät mr doch ordli grunse — —

Bis dohy bin i, nebst de Schuelchinde, no weni mit de Kүүten im Dorf bekannt gsi, wül i ebe selten oder nie vo Huus gange bi. Denn die Dorfsnabe hei mer's bis

*) Haus hüten.

dohh gar nit chönne, wege dem fürwitzige und ungschlachte Thue, dem Ausschänzele.

Do isch aber Eine hei cho us dr Fründi, em Amme sy Suhn, wo just 's Exame abgleit gha het als Behdokter, ne heitere flotte Burcht, wo dr Gummang kennt het und d' Maniere. Und einisch, zwüsche Heuet und Ern, chunnt 'r au cho ne Schuelvisite mache, und seit: „Fallt's ech denn nit au uuf, Schuelmeister, dä miserabel Gsang i dr Chilsche, bim Gottesdienst? Wo dr Sigrift und die zwee olte Manne eistimmig pläre und de Heiligen uf lätynisch wüest säge? Me chunnt jo Zäh- und Ohrehwch über nume vom Kose! Bringsinn, i viele Dörfere, het men e düütsche Gsang ygfüehrt, drei- und sogar vierstimmig — ne wahri Freud! Chönntet dir das nit au? Hei jungi hübschi und alerti Meitli, ne ganz Schnuer voll, und Chnaben au, heiteri Burchte, mit hälen und teufe Stimme — — dir chönntet ech nes großes Verdienst erwerbe und Niemerem größeri Freud machen as grad mir!“

Dä Gedanken isch mr au scho obglege, ha nume dr Mueth nit gha, für en z' vollführe. Jetz aber bin i zuem ene Fründ gange, ne Kolleg, go luege, wien er 's agriffe heb.

Und dr Behdokter het Meitli und Chnaben i 's Schuelhuus brocht, ne ganze große Chranz.

Aber das Lehre — was isch e Heuet und en Ern gege das Lehre mit settlige, total ungiebte Rüüte? Han i ne Satz au Stundlang vorgnget und vorglaet, schier heißer, Stimm für Stimm: eis, h, a, gis, fis — ach was hei die vo fis und gis gwüßt? Was es Koff vom

Harfespiele! Ha Alls müessen ydrülle, Ton für Ton, Silbe für Silbe; und han i mit dr Altstimm gsjunge, het gwüß d' Erststimm au mit gmacht, hei gemeint 's gelt ihne oder au umkehrt. — zum häle verzwyfle!

Doch me jett nie an ere Sach verzwyfle. Mit Gwolt cha mr jo ne Geiß hintenume lüpfen, mit Flynß und nit Rohloh Felsen unshöhle, Berge durchsteche und 's Unglaublickste vollführe: A dr Martischilbi hei mr i dr Ehilche die neuu düütschi Meß gsjunge.

Und die Lüüt hei d' Ohre gspigt und si ganz verstuunet und Freud gha, ganz e gwoltigi, d' Ehilmehere isch stolz gsi uf 'das Lob, as hätt sie selber das Aemtli glehrt, und mr nen Giertätsch aufgestellt, selb Mittag, zum Fleisch, so groß schier wie ne Wullhuet.

Wie gseit, all Lüüt hei Freud gha a dem schöne Gsang, usgrüß nes paar olte Wyber und Mannen und dr Pfarrer — —

Jo, dr Pfarrer! Denn sit Josebstag hei me wieder ne neue gha, eigetlig nen olte graue, won i's d' Wahlbehörde anegwählt het; denn i dr Gmein selber hätt 'r spöter chuun es Doze Stimmen übercho, so ne wunderlige Heiligen isch das gsi, nen oltväterische, lüünige — — Dr erst Gruetz, won 'r mr tho het i dr Schuel, isch gsi wege 'm Bete: das göih so lys und lai und dehmüethig zue, aß wenn 's verbote wär; statt sie öppe herzaft lo z' före. Bsunders dr Glaube, dä sell luut, so luut und chräftig as müglig beköunt werde — — Es anders Mol het 'r sy Unzriedeheit g'üßeret über my Religionsunterricht. Der Katifismus werdi viel zweni glehrt, dä sette die Ehind ohni Usnahm uswendig chönne

vo hinte bis vorne, uf 's Tüpfli, das wär viel meh werth as denen Bueben und Meitschene vo de Graubündner Berge, vo dene Seene und Flüsse und gar no vo frönde Ländere zbrichte, oder mit ne z' politisiere — — Bi erst spöter drüber cho, aß 'r unter dem Politisiere d' Schwyzer gschicht verstande het — Ueberhaupt, het 'r gmeint, bruuchte die Chinder, die Buurechinder, nit halb so viel zwüsse. Me heb 's albe, zue olte Zyten au gmacht, besser as jetz, und nit 's Dryßgisch heb chönne lese, vergesse schrybe. Und d' Lüüt syge zfriedenener gsi und wyt frömmmer. „Aber wo chummt's her?“ het 'r gseit. „Mir weiß 's jo scho: vo de Freimaurere, Gottlose goht das uus. Und mir hei jo, wie me seit, dere sogar a dr Regierig, a dr neue liberale! Do mueß mir si über nit meh verwundere!“

Und wo mr 's erste Mol, a selber Chilbi, die Meß uufgfüehrt hei, han i's scho gmerkt a sym gschnauzige Singen und Beten a, aß bim Pfarrherr nit ganz häl Wetter isch. Und nochedee, dr glych Tag no, won ig und dr Sigrift bin 'm z' Obe trunke hei, wie 's Bruuch gsi isch a dene vier höche Täge, het er 's gseit: „Ißch das nen Andacht, wenn me singt wie im ene Kummeeidhuus, he? Ha mehr as einisch im Sinn gha, still z' lese und gar nit furt z' amte. — — Es anders Mol müesst dr Tänz uufspiele, das före d' Lüüt, anstatt z' beten, no viel lieber — —“

Und notiznoh han i 's selber au glaubt, was dr Behdokter styf und fest bhauptet het als gwüßi Wohret: dä Pfarrherr heig me nume dohere gwählt, wül 'r syr Pfarrei schröckli verleidet gsi syg. Dr Amme vo dört,

zueglynch Großroth und ne yflußryche Ma, syg dr Wahl-
behörde nohgsprengt, vo eim Mitglied zum andere und
feis guets Wort gspart und fei Wy, und au d' Regierig
dr Gottswillen agholte, sie jelle doch sy armi Gmein vo
dem Herr erlöse — zue de Mattemylere paß 'r jo scho,
syg lang guet dörthy — —

7. Kapitel.

Mys Herz i Aufruehr.

Mit dem Chilchegsang het mys Schuelmeisterlebe ne
ganz anderi, lebhafteri Wendig gno. Bi besser bekannt
worden unter den erwachjene Lüüte, ordli bleibt. Mänge
Chnab, mängs Meitli, wo voredes glychgültig und sogar
stolz by mr verby gange sy, hei mr jets fründlig zuegnickt
oder nes Gspawort zuegrüest, nes syhs oder au es nit
syhs — so gnau darf mer 's halt nit nä uf 'm Land
— — und das het mr usnehmend wohl tho, mit dr
Zyt ha mi ordli aso meinen und zeige.

's Meist aß ig us myner Bruggzogeheit usetrete bi,
het halt dä jung Behdokter bytreit, my neu Freund.
Z'Obe, no 'm Füllöben, isch 'r mi cho uuffsueche, i 's
Chosthuus oder au i d' Schuelstuben, uf mys Chämmerli;
und het mit mr plauderet, wien 'r si so frönd sühli i
sym eigene Heimet, bi denen ungebildete Lüüte; und vo
sym Studentelebe brichtet uf der Behdokterschuel, vo syne
Kamerate, syne lustigen Abentüür, und so fröhlig drzue
glachet, 's het mi frei agsteckt.

Er het mi au mit heignoh i sy's Huus. Da'sch ne
weltsgrößi finsteri Strouhütte gsi, nes recht bhäbigs

Buurehuus, wo nüt e Gstaad düütet het, as die viele Speckhyten und Hammen i dr Chuchi und die Doze spiegelglatte Chüeh und die vier Roß im Stal, dä mächtig Miststock vor dr Huusthüür. Im Huus selber het 's altväterisch, eifach und rueßig ausgseh. Nume d' Nebestube het nen Ausnahm gmacht, dört het dr Behdokter sy Apeteeg aufgschlage gha und sie so guet as möglich auspuken und möbeliere loh. Dört hei mr zsäme sy Biblioteeg durchnaufet, hei zsäme gmußiziert, er uf dr Flöte, de die het 'r famos blojet, ig uf dr Ghyge, aß d' Büüt vor 'm Huus still gstande sy, Groß und Chly, und nand gmüßt hei und gseit: „Gel, wie schön, wie prächtig!“

Wie schön, wie prächtig — het ächt das nit an em Dokter sy Schwester denkt, d' Ammarei?

Da 'sch nes Meitli gsi wie ne Flueh, groß und starch. Het Backe gha wie nes Chriesi, i jedere nes Grüebli, schneewyßi Zähn und es roths Mündli und schier armsdicki, dunkelbrunni kruuslety Züpf; und Arme so mächtig, chugelirundi, zum Abhyße; und korpelent — wenn sie dur d' Stube glaufen isch, het frei dr Bode ghäret; isch allweg 's döllste Meitli gsi vom ganze Gfang, im ganze Dorf.

Und duße schaffe het sie chönne — dr jünger Brüeder isch e chly ne gfehlte, churzöthige und schwachmüethige gsi, die halbi Zyt chrank im Bett glegen oder ume gmuuderet — duße schaffe het sie chönne, hacken und worben und dröschen und melchen und z' Achertrybe, mit de Rosse fahren und mit de Stiere, wie nes Mannevolch; isch kurz und guet i all Drecken ine gstande, so het sie dr Metti gwennt, isch er jo selber ne Raggerbuur, eine vo

den ersten, gfi und hätt 's doch nit nöthig gha wege'm Vermöge. 's ander Meitli, 's Theresli, isch scho e chly zimpferer gfi und schülicher, het der Muetter ghulfe d' Huushaltig mache, wär gern i 's Chloster gange und wenn 's ne freyi Minute gha het, z' Oben und a Summ-
tig und Fyrtig, het 's nes fromms Buech i d' Hand
gno nud si i sy's Chämmerli hintere versteckt — —
Aber vo der Ammarei z'rede — da 'sch nes haudentisch
lustigs chärsches Meitli gfi, nes Bizeli bruun vo Summen
und Wind, und es Bizeli, wie me seit, grobane, graduje.
Und het gern und viel glachet und Muethwille tryben und
isch 'm Alls guet agstande, s' ganze Thuedium.

Und isch e rychi Buuretochter gfi, dem Amme syni!

D hätt i das numen ehnder bedenkt, selbmol, wo
das Spiel agfange het!

Wes Spiel? I will 's erzelle: Also bin i viel
i dem Huus h- und uss gange, bi Tag und bi Nacht,
wie 's jo uf 'm Land dr Bruuch isch bi guete Gründe,
wo mr ein fei Etigetten uferleit. Dr Metti Amme,
wenn 's nit öppe Gemeinroth gfi isch, het si zytlig d. h.
grad nom Nachtesse zrug zoge, für si usszrueihe vo dem
schwere Schaffe dr ganz läng Tag uus; desglyche d'
Muetter und 's Theresli; und hei eus lo mache bi eusem
Gschwäg und Churzwyl. Do het's es mängisch troffe,
as dr Behdofter abbruefe worden isch zum ene chranke
Ross, zue nere nächtige Chueh, i d' Rööchi und au i d'
Wyti, bi Tag und bi Nacht, zu jeder Stund.

Denn, wenn au ig ufsgstande bi, für mi z' verab-
scheide, het d' Ammarei gseit: „Pressieret doch nit so,
Schuelmeister! Syt is nüt verleidet!“

„Gwüß nit?“

„Gwüß nit!“ Und het mi mit ihre bruunen Auge so schallhaft fründlig agluegt und aglächelet — —

Sie het mi aglächelet i dr Singstund, aß mi frei glüpfet het und d' Note schier hei aso tanze vor mynen Augen und i gnet ha die wunderlichste Sachen, und die hei klinge wie uns eme selige Traum, wie häler Jubel.

Und e Jubel isch gsi i mym Herzen innen und eisder wie größer worde — —

Isch es Solo z' sänge gsi im Muettergotteslied, im Salve Regina: d' Ammarei het 's müesse lehre und 's isch doch schier nit möglic gsi und au nit gar schön use cho, 's Schnyders Rjeli, zum Byspiel, hätt's zeh Mol besser und schöner gmacht — selbmol aber het mi dr Ammarei ihre Gsang dunkt, jede Lunt, as chöm 's vom Himmel.

Es hei drüü Schuelermeitschi Ammarei gheißen, und wenn ig si bi dem Name grüest ha, het's mi dunkt, das kling wie die schönsti Melodei, und hätt keis vo dene chönne strofe, um Alls i dr Welt nit, und het doch eis vo ne rothi Hoor gha und unzähligi Laubflecken und Lüüs und alli Unarte. Ammarei — 's het mi dunkt, dr schönst Engel im Paredis sett Ammarei heiße!

's isch nes eigetligs Fieber gsi, die ersi Jungschuelmeisterliebi, so starch und gwoltig: 's het mi frei gscheniert bim Schuelha, verwirret bim Esse, so daß i mängmol mit dr Gable i d' Suppe, mit 'm Löffel i d' Schnitz gfare bi, aß d' Chilchmeyere lunt het aso lache: „Schuelmeistr, wo denket dr hy? Gwüß syt dr verliebt? Gseit dr, dr werdet jo ganz roth, wie nes Schuelermeitschi,

wo d' Tinten ausgheit het — — Und wege dem Verliebtſy ſchloht au alls Eſſe nüt a, heit halt kei Rueih! Und ig mueß mi drwege ſchäme als Gui Choftfrau — —“

Sie het Recht gha, bi eisder no wie mägerer worden und ſpizer, und 's hätt ein doch ſelle dunke, 's ſett nit chönne möglich ſy.

Sie het Recht gha, i ha kei Rueih meh gfunde, im Wachen und im Traume iſch's mr vorchö, das doller hübsche Meitli!

Bi au viel hoffärtiger worde. Ha ne neu! prächtigi halbwülligi Bchleidig agſchaffet, d' Ell für einedryßg Baze; und 's Hoor aſo ſcheitlen und Pummade dry thue; und bi halbstundwys vor em Spiegeli gſtande und ha gluegt, wie das junge Schnäuzli zuenehm.

„Wie? dir weit 'n Schnauz lo wachſe?“ het dr Pfarrer einiſch gſeit, ganz ſtreng. „Dir, ne Schuelmeiſter?“

Und han 'n verſchrocken abghaue, mit großem Be-
durre. Und d' Ammarei het gſeit, das ſyg au Schad; und druuf hätt i dr Pfarrherr hundert Chlafter i Boden abe möge verwünſchen, ſo het's mi groue!

Und ha aſo raucke, wüll's die andere Chnaben au tho hei und d' Ammarei gſeit het, 's ſtöih mr gar ſtyf ah; ha alls Uebelfy heldemüethig überwunde und gar nit nogloh. Fryli han i die nämligi Siggare zwee drei Obe chönne bruuche, ha azündet und lo löſche und dr Stumpe deheim hübsch dänne tho für nes anders Mol.

Und bi mehr as nöthig bi 's Ammes Huus verby gange, für d' Ammarei z' gſeh, oder i 's Gäßli uſen a

Paß gstanden und hin und her gspaziert, wenn i gwüßt ha, sie chunnt hei ab 'm Feld.

Und ha nümme halb dä Fhß gha i dr Chilchmeheren ihrem Huus- und Chuchidienst, ha dr Zifori vergesse i 's Gassechännli z'thue odr Milch lo überlaufe und dr Bueb nit före brüele und d' Hühner gaggle no'm Legge — ha halt numen ei Gedanke gha, ne völlig närrsche!

Nebes 's Ammes Huus isch 's Wirthshuus gstande; dört hei d' Chnabe feiglet und trunken und gfunge, dr ganz Sunntig Nomittag bis mängisch spot i Oben ine. Bueben und ölteri Mannli und armi Schlucker hei zuegluegt, ig ha keine vo dene welle sy; d' Chnabe hei mi agmacht und au ig ha afo cheigle, trotzdem i die schwere Chugele schier nit ha möge d' dröhle und me drwege glachet het. Aller Anfang isch halt schwer — i ha müesse dr Vehrlohn, das heißt dr größt Theil vo dr Uerti zahle; hätt mr 's aber nit loh agseh, wie grüüssti aß mi das Geld groue het, die magere fuurverdienete Bage; denn nebena, uf ihrem Gartebank, isch gwöhnlig d' Ammarei gseffe bi de Meitlene, bi Gsang und Gugelfuehr, und die hei alben übere gschielet, über e Haag, no dene Chnabe — —

Nes paar Mol han i 's Gerbers Hans atrofte, bis Ammes z' Obesitz — ne große dicke Buurechalli, aber rych, der rychst denck im Dorf. Denn isch mr d' Yfersucht aufgstunge, förchterlig. Und mehr as einisch bin i druff und dra ggi z' froge, ihn selber: „Was thuesch du do?“

Und d' Ammarei selber, won i drüber z' Red gstellt

ha, het mi numen usglachet und gseit: „Guse nooch Better — jelle nr 'm öppe d' Thüre bschlüsse vor dr Nase zue?“

So si het Recht gha, wenn 's mi au gfurt het wege dem dicke grobhölzige Better. Sie het Recht gha: meist het 'r jo nume mit 'm Netti Amme brichtet und mit dr Ammene, über 's Wetter, über 's Buure und über e Behandel und wege de Kasse. Und d' Bei gstreckt und druf los tubacket und graduse gspeut, as gieng en Alls nit a, was mir Anderi zellen und mache. Doch het 'r nie vor mir furtwelle, und das het mi doch albe dutteret und halbertheil g'ärgeret. Und my einzig Trost isch gsi; d' Ammarei het scho mithine gihnet, won i no dört gsi bi, het blanget für i's Bett z' goh — gwüß isch sie jets scho drinn. Bhüt 's Gott, das liebe herzige Kind — — Und i ha Plän gmacht, die guldigste himmligste Plän, und gstudiert die halbi Nacht und traunt die süßigste Traum — wenn nit öppe d' Müüs z' wüest tho hei i mym Stroufack inne — —

Einiich bin i dzue cho, wo dr Behdokter, my guet Fründ, syr Schwester Vorwürf gmacht het: „'s isch e Sünd, Ammarei, dr Chnab so verenare z' ha — ne großi Sünd — —“ Do het 'r mi gwahret und plötzlich gschwige; und isch fründlicher gsi as no nie.

Wer het 'r mit dem Chnab gemeint, wer anders, as — as eben offebar dä Gerberhans? So, 'r het Recht, han i denkt, dä hät i au scho lang abdankt! Möcht dä Östabi nit gseh i dr Stuben inn hocke! —

Und i ha früische Mueth gfasst und mr vorgnoh, jets recht herzaft um das Meitli z' werbe, dr Gerber, dä

chönn furta i das Huus go hocke so lang 'r well, 's werd 'm weni nütze!

8. Kapitel.

Ans Herz i Fähr und Flamme.

Uf Verwendig hi vom Fründ Behdokter isch mir uf Neujohr d' Bsoldig uufbesseret worden um volli dryßg Franke!

Dr Gmeinroth heb das, wie mir dr Chilchmeyer mittheilt het, vo syr eigene Kumpetenz uus gmacht, hätt's dr Gmein nit wohl dörfen unterbreite; die syg halt i dene Stücke gar hinterhändig; und i dem Fall bsunderbar hätt mer ordli z' rischgtere gha: d' Großbuure syge höhn, aß ig d' Taunerchind so guet thüei lehre, wie ihri eigeni, d' Tauner syge häßig, aß ihre Chinder so slyßig müessen i d' Schuel cho, aß sie sie deheim nit besser chönnen usnütze; do heb ne dr olt Schuelmeister viel meh z' Gfalle glebt, heig gwüßt was dr Bruch syg uf 'm Land. Au mein me schier allgemein, i heb jetz scho z' viel Lohn für das ringe Schaffe. Mängge müeß dröschchen oder holzen oder Ryswelle mache, bi Wind und Wetter, und verdienen chuum fünf Bage per Tag. Und ig ne ganzi Franke — für e chly i dr warme Stube ume z' pantöffele, i Schatten und Scherme — ne ganzi Franke! — — Und dr Chilchmeyer het bygsüegt i aller Wohlmeineheit, i sell doch nümme Zigare raucken aß' öpper gseih, me lueg mir uuf und verbönn mer 's gar schröckli und säg: „Jo, dä cha wol herre 's Dorf uuf und ab — wer mueß 'm dä Chruuntstengel im Muul zahlen, aß ebe mir? Jo dä cha wol!“

Wo sie mit dr Büchs ume gange si vo Huus zue Huus, für ne neuu Chilcheglogge, het dr Stattholter gseit: „Nu, usgruckt, Schuelmeister, dir heit e schöne Gholt!“ I ha nes Guldestücki i die Büchs abe gschobe, ha gemeint 's gseihs Niemer. Nochedee abr hei 's mr ordli dr Marsch gmacht, wien ig ne Großhans und Verschwender syg: die mehrste Buure, au die fürnehmste, hebe nit mehr as e Franke gä, und wo sie 's Gäld zellt hebe, syge no faltshi, verrüesti Stückli fürecho, Münz und Silber schier dr dritti Theil — —

Dr Fründ Behdokter het mr fei Rueh gloh: Z' Knollige het dr Gsangverein nes Theaterstück aufgeführt. „Und,“ het der Dokter gemeint, „was d' Knolliger chönne, sette mir 's nit au z' Stand bringe?“

Nes Theaterstück mit Gsang — —

Ganz neu isch mr die Sach nit gsi, ha jo z' Wulishheim hulfe mitmache, mit Glanz! De Mattewyleren aber wird die Sach böhmisch gnue vorchö. Was werde die Buure, was wird dr Pfarrer drzue säge?

My Fründ aber het alli die Bedenke niedergeschlage; für e Gemeinroth well 'r bürge, will dr Metti scho vorume näh und wenn dä zfriede syg, dörfe die Anderen au nit säge. Und dr Pfarrer — dä werd ömel nit wellen ufflüüge wege so menen ehrbare Gspäß!

Und d' Annmarei, wo sie eus vo der Sach het köre brichte, isch uf eimol ganz alärt worde. „D jo,“ het sie gseit, „nes Thirater — i bfinne mi no ganz guet, won i so nes Schuelermeitschi gsi bi, het ne Bande gspielt uf 's Wirths Estrig obe, d' Genevesa. D da 'sch schön gsi, dä Gros, ganz hbändlet mit Guldpapier, und d'

Gröfi mit eine länge schneeweiße pärgalige Rock, und 's Buebli, mit schwarzem Chruselhoor, und, anstatt ere Hirzechueh, hei sie 's Bamerts Geiß uf d' Bühni gschleipft, het d' Wählig au tho! Verstande het me weni, was sie gredt hei, aber 's isch eineweg schön gsi und het nume ne Baze kost, eus Chinder ne halbe. Und z' letscht, wo 's uns gsi isch, hei d' Gröfi und dr Golo — und me het 'n doch grad voredde geköpft gha — hei Frau und Ma nand no prüglet, hinter em Umhang und au duren Umhang use, wüll sie nem fürgholte het, er syg en Süffel und heb ere die halbi Kasse gmuuset, wül sie i dr Wildniß gsi syg; und hätt si dr Grof nit dry gleit, ihre Chnecht oder Suhn oder weiß i was, i glaub es hätt es großes Unglück gä — — Aber gradgloch — schön isch 's gsi!„

Dr Behdokter het überluut afo lachen und seit: „So, däweg spiele mir nit, Ammarei, mir spiele ganz öppis anders und uf en anderi Manier, nit gar so natürlig, gel, Schuelmeister? Vo prügle nochedde — vo dem möcht i nüt wüsse: Also bsinn di, Fründ, was für nes Stück mer wei wähle! Au ig will mi bsinne. Und de gurärschiert a 's Werk!“

Au d' Ammarei het mi so huldseelig agluegt und so ne chindligi Freud zeigt uf dä Gspaß hi — wie hätt i do chönne widerstoh oder zaudere, nume ne Minute?

Also bin i heigangen i mys Schuelchämmerli und ha afo schnausen im Gänterli ume, im Lessing und Göthe, im Schiller und Körner und au im Kokebueh, wo mr dr olt Pfarrherr verehrt het; und all die tragische und lustige Gstalte loh verhsypaziere und die Felde betrachtet,

welen aß mir am besten astöih. Denn daß ig d' Haupt- und Helderollen übernehm und — d' Ammarei die ersi Heldi darstelle müeß — da'ich vo Anfang a my ussmacht Gedanke gfi — — Mina von Barnhelm, Egmunt, Don Karlos, Kabali und Liebi — — I ha luut aso deffemiere us dene Helderolle, und d' Händ drzue verworfen und Positur agnoh und bi 's Chämmerli uuf und ab gröünt ganz begeisteret, bis i cheisterig gfi bi und vor Müedikeit schier hgsunke; und au 's Riecht glöichen isch, 's Lewatölampeli, vor luuter Tröchni. Und ha zue keim Etzheid chönne cho, zue feir Auswahl — ach 's isch Alls so schön gfi, eis wie 's ander, d' Helde so groß, d' Heldine so prächtig! — — Endlige bin i erschöpft uf mys Lager gfunke. Aber im Traum no het si das Sinne furtgspunne, i 's Pfantastische. I bi plöglig dr Don Karlos gfi, dr Behdokter dr Posa, und Künigin — wer anders as my heißglicbt Ammarei? Und zum Amme-König han i herzaft gsproche: „Pöffe das mit myr Stiefmuetter! 's isch jo dy eigeni Tochter, my Schatz — Kennsch sie denn nümme? Was dr do dr Pater Domingo, nämlig dr Pfarrherr, will hblöterlen und agäh, das si luuter Glaufe, Jesuitetück — los nit drunf! — Und drwyle, won i mit 'm Alha-Gerberhans gfochte ha im Huusgang uß und 'n z' Bode gstreckt mit mym länge Stoßdege, isch dr Fründ Posa mit dr Gutsche vorgfahre, vor d' Hintersthür, und mir si hurti hgstiegen, ig und my Herzeskünigin, und uuf und drvo gfahre bi Nacht und Nebel, Flandere zue, d. h. hei zue myr Muetter. Wo 's aber taget het und i recht luegen, isch 's nit öppe d' Ammarei, die holdi, himmlischi, sondern die dicki Chilsch-

meiere gfi und die soht lunt aso lache und seit: „Aber Schuelmeister, was chunnt ech a? Syt dr au no gschyd? — — Und dora bin i verwachet. Und 's isch die höchsti Zyt gfi, für d' Schuelstube z' heize und go z'dischiniere und i d' Meß z' goh, denn 's isch Samstag gfi und Stundgebet. Und au i dr Chilche no, i ha mi drgege möge wehre, wien i ha welle, isch mr die Sach i Sinn cho wege 'm Theater; neuu Zwyfel und Schwierikeite si uufgstiege: dr chly Wirthshuussaal, viel z'chlei für öppis Rechts uufz'führe; dr Estrig viel z' wüest, au gar z'wüest; und sücht keis Lokal, wo paßt, au d' Schuelstube nit! Und d' Dekoration und d' Gulisse — woher die näh, wo uufstelle, aß 's e rechte Gattig macht, i dene niedere Stube? Und 's Publikum wohy mit dem? Und Publikum sett mr doch au ha, scho wege dr Kasse und 'em Byfal — wenn 's mir persönlich au ganz glych wär, mit dr Ammarei alleini z' spiele, z' selbzwöite! — Und wien i so stumen und einisch per Zuesal, dur d' Chilche hintere schiele, drmitts im Rosekranz, da gsehn ig sie chneuen im ene Meitli-bank inne, ganz vora — wie ne Rose so schön, so prächtig azluege! Und 's het mi dunkt, au sie lueg mi a und thüei mit 'm Kopf nicke, ganz zimpher, und lächelse — o 's isch dur my's Herz gfahre wie ne guldige wunnige Sunnesstrahl; und im Vergeß han i im Vorbete statt: „mit Dornen ist gekrönt worden“, gseit: „der dich im Himmel gekrönt hat“, so daß mr dr Sigrift dr Ellbogen i d' Rüppe gestoße het für mi z' vermahren und dr Pfarrherr böß gluegt het, so böß — —

Und z' Obe hei mr wieder funferenzlet, dr Dokter und ig; und si no langem Hin- und Herrede zue dem

Schluß cho: Vom ene gschlossene Theater, im ene Huus inn, cha unter dene Umstände gar kei Red sy, ebenso weni vom ene kunstryche Stuck, us Mangel a Holz — da 'sch em Dokter sy Meinig gsi, und i dem Fal, wie no i mänglichem andere, han i gseh, wie nes gfunde Urtheil as 'r het.

Also nes Stück im Freie, für Groß und Chly, Jung und Alt. Aber was für eis?

Und wieder isch 's dr Gründ gsi, wo dr Nagel demitts uf e Chopf troffe het: „Dr Wilhelm Tell! Isch eifach, national, patriotisch! Das zieht — meinich nit au, Schuelmeister?“

Han 'm müesse Recht gä, wenn i 's au schmerzlig vermißt ha, aß kei Liebeszene drin vorkummt! Sell i de my Ammarei nit verwende dörfe, won i so große Stuck druuf bout gha ha, uf dä Umstand? Doch jo, als Frau Gertrud, ig als Stauffacher — das mueß schön und rührend werde, dört wo 's heißt: stürzt sich in ihre Arme — — Deb sie 's gscheh loht vor allem Bolch? Ha 's jo no nie dörfe probiere, wo mr ellet gsi sy — — Aber i wär lieber dr Tell gsi, dr Volksheld, dr vergötteret! do wett i zeige, was spiele heißt, bym Monolog, allen Orte! — — Do isch mr abr plötzlich i Sinn cho: dr Ruedenz und sy Bertha — o jo, da 'sch ne Rolle wie gmacht für my, für eus Beedi! Wird Tell und Geßler und Walther Fürst und Rösselmann wer well — ig will dr Ueli Ruedenz sy!

Und dennoch han i 's au ygfüdlet. Dr Dokter als Tell — scho d' Postur, 's Redhuus, d' Maniere, Alles het gstimmt, besser nützt nüt! Als Geßler het 'r dr

Wiedeschmied vorgeschlage, und d' Uuffüehrig het 's bewiese, wie ne guete Wurf das gfi isch — — I han 'n lo mache, au bi dr Bfetzig vo den andere Rolle, ha nüt vorbha, as dr Ruedenz und d' Bertha — — Und won i 's em Dokter gseit ha, wege sjr Schwester, het 'r hauthöchligen aso lache: „Gusi Ammarei als Edelsfräuli — hahahaha! Nu, mynetwege wenn sie 's thu' will, ig ha nüt drgege, öpper mueß 's mache, wenn mr die Rollen absolut bybholte wei! — — Uf 'm Roß ryte, das wird sie wol no chönne; wo sie no jünger gfi isch und 'm Metti het müesse z' Achertrybe und helfe chare dührar, do isch sie dr uf 's Roß ufe gumpet und drvo gsprengt wie ne Bueh, frei zum Stuuue! Und dr Metti hett mängisch gfüüfzget: „„Wär 's nume ne Bueh!““ — — Doch vo dr Sach z' rede: Alls netral, wie 's im Buech stoht, alli Szene vo Afang bis zue End, chönne mr unmüglig spiele, das nuhm z' viel Zyt und Aufwand i Mspruch, und 's Bolch thät si langwyle drby — nume 's Wichtigere, Aschauligere drus: dr Melchthal wien 'r z' Acherfahrt — do isch 's Wirths Hostett ganz geeignet drzue — wie 's 'in d' Stieren ewegg nehme — dr Grütlischwur i 's Uerech's Winkel uufgfüehrt, zringsum die höche Bäum, ganz wie gmacht — dr Geßlerhuet, uf dr Chrüüzgaß uufpflanzet, dr Depfelschurz — dä Vorgang i dr hohle Gaß — dört, grad dört loht si mys Bholts Alls gar schön und umständlig mache, bsunders die Buurehochzyt i denen olte Trachte mit Muussig und Gsang — und e hohli Gaß hei mr jo, schöner nügt nüt: dr Stuhubelweg, mit syne huushöche Bördenen uf beede Syte und dem Gstrüüch! — — Und zwüschen ine nes par

chrestigi patriotischi Lieder — denf a die Lieder, Schuel-
meister, öppe drüü, vieri, numen eifachi, -dere wo doll
Lärme mache! Und d' Rolle use schrybe, frei gly! Denn
i se uf Wuchen isch d' Faßnecht! Ig will für d' Kostüm
sorge, nes paar Harnisch us 'm Züüghuus, dr Schnyder
uf d' Stör näh — — Und will helfe, lehren und
ypaue so viel i cha, darffsch uf mi zelle! Numme d' Rolle
brav abchürze, abhaue was z' läng isch — heßch fört?“

Mörnderisch isch Cinen i d' Schuelstube cho, dä i
am wenigsten erwartet ha: my Herr Oberlehrer oder
Seminarldirekter, wie me jetz seit! Ne überuus wüsse-
schaftligen, aber au überuus pflichtyfrige, strenge und
gföchtete Ma. Und jetz mueß 'r mi grad atresse, wien
ig Rollen useschrybe währed dr Schuel, das einzig Mol,
won ig Allotria trybe i dr Pflichtzht! Und 'r het 's
gseh uf 'n erst Blick, geb wien i 's ha welle verberge;
und mr ne Strosfpredig gha — i bi roth worde, wie ne
Schuelerbueb! Druuf het 'r aso d' Schuel inspiziere bis
spot, spot z' Mittag, und isch eisder wie zfriedener worde
und het de Chindere ne Zuespruch gha, wie sie brav selle
folgen ihrem tüchtige Lehrer — o für das Lob, mit dem
'r sücht so grusam gyzig gsi isch — für das Wörtli
hätt 'm mögen ume Hals falle! Und 'r het mr au no
nes paar gueti Wink gä über d' Methodik und mr fründ-
lig d' Hand glängt zum Abschyd und isch wyters gangen
— em en andere Kolleg go rothi Bäckli mache — —
Und hütt no, no länge länge Johre, han i die Lehre no
i früschem Gedächtniß, Wort für Wort.

9. Kapitel.

Ne kofte Waffersprutz.

All Händ voll z'thue! Am Tag Schuelha us Lybschrefte, z' Obe Kummeeedi lehren und wie? 's cha scho öppis, bis jede vo dene Buureburschte nume syni paar Gfäßli auswendig weiß. Und denn säge sie die herrliche Strophe her, ungefähr wie d' Schuelerbueben ihres Christelehrbüechli, ohni Betonung, ohni Gfüehl, ohni Schliff, ohni Ehrast und Saft! Müeßen e, ig und dr Dokter, jedi Silbe vorsäge; und ne d' Händ us de Hosesecke und d' Bei usenand schryße und ne zeige, wie sie die Hölzer hithue und bewege selle; und dr Chopf und d' Miene, die ganzi Positur — Alls, Alls mueß mr ne vormachen uf's Tüpfi, hei gar kei eige Schigg! Und het mr nes hundert und eis Mol vorgmacht, so mache sie 's hundert und zwöite Mol wieder leg — zum häle Verzwyfle! Und chönne sie chuun e Minute gedulde, ohni die Stinkpfyfen im Muul. — O wie si mr myni Schuelchinder wieder lieb worde!

Die Exerzizi hei mr i dr Schuelstuben inne vorgnoh, vom Füllrobe bis teuf, teuf i d' Nacht. Und d' Rüt si cho wundere, Jung und Alt, und hei d' Müller vergeffe zue zthue vor lunter Stunne, Einigi hei an ihre Witze griffe, gueti und schlechti — —

Und die unglehrige Burschte lehre z' finge: s' Grütlilied, s' „Wo Kraft und Mueth in Schweizerseelen flammen“ und 's „Rufft du mein Vaterland“ — o hinter si uf Rom z' laufe ma längwylig und beschwerlig sy, doch isch 's nume nes Chindswerchli drgege, jo gwüß!

Mit nohloh gwünnt! Ausgehnds dr Fasnacht het's

ordli afo klappe, besser aß igs erwartet ha. Die Lüüt hei Alls mit Geduld agnöh und si lo wyßen und brichte, me het dörfse grobane zfriede sy. Zo mänge het sy Rolle mit eme fettigen Yser gä und Auge drzue gmacht und Füüschet oder a 's Schwert gschlage, me hätt si schier chönne förchte vor dene gwoltige Burjschte! — Au dr Gjang het si nothdürftig dörfse la före, d' Fortissimi ömel sie starch gnue ggi, au i's Freie — —

Drum han i's a dr Zyt gfunde, au mit Bertha-Ammarei nen Uebig vorznäh, bi ihre deheim, perseh! Da 'sch am ene Samstag z' Obe ggi. Dr Dokter im Schuelhuus, dr Olt im Bett und nume die olti übelkörgit Muetter no uus, im Ofeneggeli etschlofe. Also mir Beedi sozjäten ellei, die allerchönsti Glegeheit, für ne Prob abzholte.

I ha dr Bertha ihri Partie ordli abfürzt gha. Aber das herzig Meitli het sie gar gschiniert az'foh, het glachet wie nes Marli und syni wyße Zähneli füregloh, die Grüebli i dr Backe — ig selber bi fast närrisch worde vor luutr Entzücke — — Und wo sie endlig afoht, ganz naiv:

„Er folgt mir. Endlich kann ich mich erklären“ —
do bin i mit großem Yser ygfalle:

„Fräulein, jetzt endlich find ich euch allein,
Abgründe schließen ringsumher uns ein — —“

und wo die Strophe cho si:

„Jetzt oder nie — — —“

O waffnet eure güt'gen Blicke nicht

Mit dieser finstern Strenge — Wer bin ich,

Daß ich den kühnen Wunsch zu euch erhebe?

— — — — —

Nichts hab' ich als mein Herz voll Treu und Liebe — "
Do ha mi nimm chönnen überha, bi vor aneren a Bode
kneuet, ha ihri Hand ergriffe und inbrünstig küßt und
wieder küßt — —

Und sie — was meint dr, aß sie gseit het?

„Höret doch uuf, Schuelmeister! I chumme jo erst
vom Schuehsalbe, und gwüß schmöcke d' Händ no vo
dem Feißischmutz!“ Und het afo lache wie nit gschyd —
— Ig aber bi ganz närrisch gsi vor Liebi, ha d' Hand
lo fahren und 's Weittli ume Hals ume gnoh und uf
die runde Backe küßt, uf die rothe Lippe.

„Geuggel!“ het sie gseit und nume no grüßlicher
afo lache — o wie schad, aß si grad d' Muetter het
afo rodent im Chunsteggeli inn und aufgewachet isch!

Für selb Oben isch 's halt nus gsi mit dr Prob.
Ig selber hätt keis Wort meh gwüßt zfüge, bi ganz und
gar us dr Rolle g'falle gsi. Am Himmel, won i hei bi,
si 's schwarzi Wolche ghanget, pechschwarzi Nacht zring-
um, und i de leere Rußbäumen am Weg het's ghuutet,
as chäm die wilbi gspenstigi Jagd — i myn Herz inn
isch 's luuter Früehlig gsi und Morgeroth, und gmußiziert
het's drinn — das si d' Engeli vom Himmel gsi, wo
aufgspielt hei, han i gemeint!

Bi dr nöchste Prob aber het mi my Engel Ammarei
recht erschreckt, vom Mitspieler nit meh welle wüsse —
— Und wär dr Brueder Dokter nit drzwüsche cho und
hätt eren i 's Gwüsse gredt, ganz ernstast und ruuch,
und ere Vorstellige gmacht: „Zuegseit isch zuegseit, und

jetz zruggzstoh, im letschte Moment, das hätt bygotts fei Art!“ und gseit, dr Wybersattel syg scho zuegschaffet und d' Ehleider au, us dr Stadt, und zwar pur Samet und Syde, Silber und Guld — i glaupe, sie hätt fei Wanf tho!

Sie thuet si halt au grüüsst schiniere! han i denkt. Und i ha großes Beduure gha mit dem arme Chind, wie 's dr Dokter so streng gno het mit ihrer Rolle, dem Aufsägen und Betone — — zletscht isch sie böös worde und seit ganz rabiät: „Fetz isch 's guet! Und wenn 's Euch nit guet isch, so steckt e Steck e drzue! Guet Nacht!“ und isch verschwunde.

Sie isch schier no schöner gsi im Born, as bi gueter Luun, dä Trutz, die großen Auge, dä böös Blick, das stolzen Umdrähnen unter dr Thür, 's Thürezueschloß — zum Etzüctwerde! Und im Heigoh han i denkt: O wenn chunnt ächt dä Tag, die glücklicheligi Stund, wo die „Bertha“ zue mr seit, wie 's heißt am End vom „Tell“, i dr Schlußstrophe:

„Wolan!

So reich ich diesem Jüngling meine Rechte,
Die freie Schweizerin dem freien Mann!“

Ach, wenn wird sie das zue mr säge?

Dr Tag druuf het sie wieder fründlig glachet und mr d' Zyt abgnoh vo wytem, won i zum Chrämer gange bi, go ne Zigare chaufe. Ne Zigare chaufe. Vier han i kauft uf eimol, vor luuter Glückseligkeit! Hätt die ganzi liebi schöni Welt mögen umarme mit sammt der Chrämere, dr olte Schnupfdrucke!

„Mit des Gschickes Mächten —“ wer kennt nit das

fatale Sprüchli? Selb Obe no han i 's müessen erfahre; uf my Freud, mys Glück isch ne Dämpfer cho, ne ganz gwoltige, förchterlige — —

Isch Gjangstund gsi, wie all Oben, und ig grüüsst überhüüft mit Arbet aller Art, dr Samstigrosenfranz, 's Programmschrybe für d' Aufführig, ne Brief aufsetze für e Chilchmeier a sy Schwoger Chlosterherr, ne neu G-Saiten aufzieh uf d' Gyge, ne Schnopf anäihe, 's ober Schilechchnöpfli, und ei Sogge vrsteche, dä dünn, austreit — — und die Schnaben und Meitli hei mi überrascht i myr Schuelstuben inn, ha nit emol z' nachtspiße gha. Und d' Gjangheftli no deheim bi 's Chilchmeiers. Und wien ig mi hurti furtmache, für die Hestli goh zhole, chunnt 's dene muethwillige Meitlenen i Sinn, sie welle mr gflingg ne Bosse spiele: öppis i mys Bett ine thue, nen Arfel herti Schyter — — Und dringen i mys Chämmerli ine, nehme die hübschi blüemleti Tagdecki weg — — und unter dr schöne Tagdecki isch mys elend, mager, armüethig Bett zum Vorschyn cho, won ig so sorgsam ha welle verberge! — — I glaub es gern, sie syge selber erschrocke! Nume weni heb e glachet und dorunter Gini — o i ha 's nit chönne glaube, wüll 's hüt nit glaube, aß mr so schräckli falsch si chönn! — — Isch Alls so dünn und still gsi, won i zugg cho bi, ha mi recht verwunderet; nume zwöi drü Meitschi hei heimlig guschelet und gigelet im Ofenegge inn, 's Schnyders Rißeli aber het mi so bedürlich abgluegt, aß wett 's mi trösten und Abbitt thue für dä Schrecke und für e Schmerz, die Schand, won ig empfinde werd bim Schlosegoh, bi dem aufgewüehste Bett!

So, dä Schrecke het mi schier umgischloge. Lang, lang no bin i blybe hocken uf dem herten armüethige Glier und Schyster lo Schyster sy. Bi so elend müed und mucht gfi, wie myn Lebe no nie! Mucht im Mäge — sit Mittag nüt me gnosse gha und drei Stund gfunge und ghoopet us Sybschreffe, drum het 's mr au gruugget im Mäge wie im ene Fröscheth und isch 's mr schier schmarz worde vor den Auge — — Mucht im Herze, so unsäglig mucht und truurig — — „D jek isch 's uus und verby mit dr Ammarei, uus und Amen mit aller Hoffnig!“ so han i gsüßzget; „die Armueeth verzieht sie dr nüm, nei gwüß nit — wie sett sie au, die fürnemi Buuretochter?“ Und i ha dr Chopf lo hange bis schier uf d' Kneue abe, und mi gschämt, bi vom bloße Gedanke bleich und roth worde — am Liebste wär i selbi Nacht no uuf und druus, über all Berge, wo mi kei Mensch meh kennt — — odr grad gestorbe! Denn ohni das Meitli, ohni d' Ammarei, isch mr 's Lebe ne Qual, die ganz i schöni Welt nen ödi Wüesti — — da 'sch mi Gedanke gfi, mys trüebjelig verzwyflet Stunne; und das het gwähret bis schier am Morge, wo dr Sigrift flenkt mit 'm Betzytgloggli.

Doch — wie d' Juge so schnell vergesse, wie gleitig 's Blettli si chehre cha!

Mörderisch, bi dr Gsangprob, wo Alli so fründli unbefange drygluegt hei, as wär nüt passiert, und so gstryf uufpaßt uf all myni Wink und so z'säge keis Aug ab mr tho hei bim dirigieren und brichte; und mr d' Ammarei im Verbygoh i Ellboge flemmt het — 's het mr frei weh tho i der magere Huut, im Herz innen aber

So erstuunlig wohl — ach do isch uf eimol Alles rein vergesse ggi, d' Schand und 's Leid! Ha mer 's sogar gsuecht auszrede, i heig 'n nume traunt, dä mißlig Vorsal — — Ha wieder nüt gseh as die Cini, Herzliebi, mit dem Grüebli im Chinn, de muethwillig fründlichen Auge, wo so ausglasse neckisch thuet und lachet und so luut und bedüütungsvoll „Guet Nacht!“ seit und no zruggschielet unter dr Thür — oder het 's mi nume dunkt? Wär so gern uuf und noch e gange, mit ere hei, für mys über- volle Herz auszschütte! Aber leider si die Schnabe no blybe hocke, für no nes Rüngli z' tubacken und z' brichten und au für d' Rolle no einisch ernstast duure znäh, zum letschte Mol, uf 's Dokters Manig. Er selber, der Dokter, het ne dicki Gutteren olts Chirsinwasser zum Chittel us- zogen, und 's Buurehansjöggeles Steffen isch hei go Brot holen und e Bitz rauhe Speck, schier so groß wie ne Kofschopf — — das hett battet und 's Mägli erquickt, und dr Mißmueth verschüücht und Gurätschi erzüügt und nes liechts Herz gschaffet voll neue Plänen und Hoffnige.

Und myni neue Plän und Hoffnige hei si a ei Um- stand knüpft: Wie wett d' Ammarei mit dr Theater spiele, offen und frei, ne Liebhabrirolle, wenn sie di nit vo Herze gern hätt? Und sie weiß es jo: No'm Theater isch Obedesse für alli Aktiven und au für e Gsang und noch edee Tanz . . . Und do bin ig jo dä, wo das Fräuli usüehrt, perseh, und nebe sie sitze und mit 'm Glas astoße darf und d' Plättli ane ha und mit ere d' Ge- danken austausche, die gheimste, zärtligste, i's Ohr! Und mit ere tanze — zwar chan i's no nit uf's Best, mache, wie me seit, z'allmächtig Gümmp und Sprüng — doch

das thuet nüt a d' Sach, sie wird mi scho ebha und lehre, ha fei Chummer . . . Also mit ere tanzen Arm in Arm, Aug in Aug, Brust a Brust, und darf ihren Othe gspüre, dä himmlisch Chuuch — 's Herz het mr also juuzge, jetz scho, vor Freud: Uebermorn um die Zyt bißch du dr glückligisch Mensch uf 'm ganzen Erdbode — ach, wenn's nume scho übermorn wär!

10. Kapitel.

Ne hosti Dunsche.

Und das „Uebermorn“, dr Fasnechttag, isch cho, ne sunneklare Wintermorge, halt und troch, grad wie gwiinscht!

Ha die ganzi Nacht feis Aug zuetho gha, aß mr nit närrischi Traum vorgschwebt sy, alls vo myr Herzliebste: Bold isch sie ne Nunne gsi, bold ne Grofetochter, bold e Prinzessi; und Riese hei sie bewachet im feste höche Schloß, oder häßligi Zwerge, sogar Dracke mit füürige Rache; und e Dörnhaag het sie um das Schloß ume zoge, zeh Ell höch und zeh Ell dick; und ig bi uf mym Strythengst und im Schlachtharnisch druuf los gsprengt, für sie z' befreie, und mys schrecklig Schwert zogen und d' Lanzen hgleit und dr Schild vorgha und d' Sporen hgsetzt — — Und dr Haag durhauen und Alls tödt, was mr i Weg cho isch, Drachen und Zwergen und Chrotten, ohni Gnad; bis uf Eine, ne große Rief'; und dä het merkwürdigerwys em Gerberhans gliche wie ne Tropf Wasser; und ne glychligi silberbschlagani Stinkpysen im Muul gha und i d' Händ gpeut und gseit:

„Chum nume, du Weberbüchli“ — — Worum dr Gerberhans? Was het dä mit mir? Und won i wieder hyschlofe bi — 's glyche, nämliche Spiel, dr nämlich Stryt und Kampf mit Menjchen und Unghüüre. Und d' Ammarei, wie ne Engel so schön, rüest mr zue, vo wytem: „Chumm nimm mi! Chumm nimm mi!“

Und ömel drü Mol, selb Morge, han i my Edelmann-tierig agleit und sie drü Mol wieder zum Schnyder-Riseli übere treit — dr Olt het gar straub Gsüchti gha im Arm — für sie enger lo z' mache; und bi mr eisdere wie fürnemer und gstadlicher vorchö, i dem Ritterchleid, und ha die Stund chuun mögen erwarte, z' Mittag am Eis.

Z' Mittag am halbi Eis scho, do bin i, gfolgt vo Bueben und Meitschene, 's Dorf abgewandelt mitts dur d' Hauptgaß; z'erst zum Ehrämer go ne Sigare z'haufe, ne „Wewelung“; und du i 's Ammes Huus, mys Fräuli go abzhole. Uf 'm Weg han i vernoh, wie das nes Ghr syg durhar: der Pfarrer Kößelmann thüe no nes Schof fertig bescheere, dr Walther Fürst Fuetter rüste für 's Beh, der Melchthal syg erst mit ere Radig Holz hei cho us 'm Wald — sie werde bold cho, wie abgreddt, i's Wirtshuus.

Doch, was han i dene Schwyzerhelde nohgfrogt? Ha gnue my Bertha-Ammarei azluege gha, i ihrem länge prächtige Sammetchleid und de Schnabelschuehnen und em vergülde Hybgürtel und dr wyße breite Halschruusen und de länge dicke Hoorzöpfen und em Hüetli druff, mit dene Falfesedere — zum Abete schön! Nume d' Händ wei abselut nit i die schmale Händschli ine, scho si nes paar

Zingernöthli aufgsprengt, und sie boorzet no eisder druuf los und wird ganz häßig drby, will gar nüt meh drvo wüsse, geb wie de Brüeder Tell häckt und grestet.

So schön isch sie gli, 's het mi dunkt, i möcht voran eren a Bode chneue — — Und sogar ihri Muetter, die eifältigi olti Frau, het einisch über anderisch gseit; „Aber nei! Aber nei!“ und d' Hände obe 'm Chopf zsäme gschlage — —

Einen aber isch do gessen uf em Ofesiz, hert und empfindungslos, wie nes Stücker Holz: dr Gerberhans; und het glychmüethig zuetubacket und mit 'm Aetti Anme vo de Holzloose brichtet und vo de Rossen, und schier feis Aug gha für d' „Bertha“, no weniger für my, und nume mitthine so verstohle, verschmitzt glächelet! Doch, wo sett so bim ene ungebildete Buurechalli 's esthetische Gfüehl hercho?

Also si mr, mir drii Theaterlüüt, i's Wirthshuus übere zoge. Dört, vor em Huus, isch scho 's ganz Dorf versammlet gsi, Groß und Chly, und no en Huuffe Fröndi, us den umliegende Gmeine, und hei schier d' Augen ausgluegt vor Gwunder. I dr Gaststube inn die anderen Aktive — das het es Halloh gä und es gegesytig Aluegen und Stuune; und Wigeryße — — Einzig dr Gefler het no gfehlt; grad thüen 'm ne Geiß gizzle, het 'r lo melde, wenn nume dr Behdokter gschwind wett cho, 's heb ordli Abstand — — Also isch dr Tell i syr vollständige Theatertracht dörthy g'ht, zum Gefler. Jederma het's begryflig gfunden, und Alls isch schynt's guet gangen, und das Spiel het chönnen agoh.

„Vorwärts,“ han i kummidiert, „ufe! Dir wüßet jets All, wo dr hiföret — marsch!“

Dußen, i's Wirths Schopf, si d' Roß scho parat gstande, für e Gefler, für e Harras und für eus Zwoi — die schönste muethigste Gülü im ganze Dorf, die hei gsharret und grüchelet, 's isch e Freud gsi z' luege. Ha dr „Bertha“ galanterwys welle bhülflig sy, doch die isch dobe gsi, uf 's Dokters Bruun, wie ne Bliß, aß Alls tättschelet het vor Vergnüege und sie selber glachet het überlunt und si völli hgrichtet uf dem Frauesattel, as wär sie vo jungem uuf drby ume gsi. Jetz, wenn ig au dobe wär uf mym Guul — isch 's nit grad em Gerber sy Choli, dä wild, flüurig? Er stoht kei Sekunde still, trämpelet hin und her, schießt hinten und füre, dr Chnecht man 'n schier nit ebha. „Heb brav!“ han i gseit und trete muethig i Bügel, aber fatalerwys mit 'm leze, das heißt mit 'm rechte Bei — Alli lache, Alls luegt und wartet numen uf my, denn 's Landebergs Bände mit sammt 'm Tell sy scho furt. Do uf einol gspüren i ne schwere Hand im Acken, en anderi, wien 'n hfigi, zunterisch am Rücken, wien es Chind wird i uufgklüpft und i Sattel ghobe — do hocken i wie nit gschyd und luegen um no dem Riej, wo mi däweg gschlungge het — wer isch's? Dr Gerberhans! Und 'r blinzlet so schlau und tubacket so starch und git 'm Roß, sy m Roß, mit der flache Hand ne gwoltige Prättsch uf e Rücken und seit: „Hü Choli! Dä Rüter mahsch öppe jouft!“ O wie das nes Glächer gä het und ig mi gschämt ha und zornig worde bi — i hätt dä ungschlacht Kerli chönne durbohre mit mym länge Schwert — wenn

nume dr Choli gwartet hätt! Dä het aber nit gwartet, isch eisder mit mir zingsum, im Hof ume trämpelet, gäb wien ig am Baum griffe ha, und han 'n gar nit chönne begüetige; bis dr Chnecht cho isch und 'n uf e Weg gfüehrt het, uf d' Straß. D' „Bertha“ isch scho wyt voruus, jeh thuet sie mir warten, 's isch dr Born gfi über das ungsänig Roß und zueglych dr Gedanke, dene Rüüte und mym Fräuli z' zeige, aß ig mi nit förcht — guet, i giben 'm Choli chrestig d' Spore, dä schloht hinten uf, my dunkts bis a Himmel use, i fallen aber au abe wie vom Himmel abe — — und do liggen ig arme Ritter drlängisweg nebe 's Wirths Mist, zum Theil im Schnee — zum Theil i dr bruune Gülle, dr Choli uf und drvo! Und wer hundertstimmig glachet het, da 'sch 's Volk gfi; und wer am muethwilligsten, am lüütiste lachet, da'sch d' „Bertha“ gfi uf 'm Roß, my Ammarei

Oh! han i denkt, wenn numen Eine chäm und mys arm Herz grad thät durchbohre, aß 's nit müesst überlebe die Schmach, dä Schmerz!

Im glyche Moment aber gspüren i scho nes Doze Händ, wo mi uufslüpfe und sogar d' Ammarei, wo erst no so übermüethig spottthast glachet het, fahrt mir mit dr warme linde Hand über d' Stirnen abe und frogt: „Heit dr ech öppe gwirjet, Schuelmeister?“ Und zeigt großes Beduure.

Nei, i ha mi nit gwirjet gha, nit drwerth! Nume mys schön himmelblau Mänteli, das isch verriße gfi und het usggeh, wien e Mistladen, o weh! Und die länigi, prächtigi Pfauesfedere uf 'm Huet, wo mi acht Baze kost

Het extra, die iſch demittsabenander knickt, lampet er-
bärmig — ach mir iſch, i ſelbem Moment, jo das Alls
ganz glichgültig gſi: d' Animarei het glachet, herzlos
glachet, bi mym truurige Fal! — — Het ſie de würl-
lig? Me ſett's nimm meine! Denn grad druuf, won i
ſo herzbetrüebt do gſtande bi, het ſie wieder ſo lieblich
uf mi abe gluegt und mi gſuecht z'tröſten, und die Wort
ſie ſüß gſi wie Hungg — — Au d' Chilchmeiere, my
Choftfrau, iſch cho, und het mir a ihrem Naſelumpezoſſe
z'ſchmöcke gäh und großes aufrichtigs Beduure zeigt und
mi hulſen apuge hinten und vorne, vo Schnee und Uroth.
Und i ha mi raſch wieder ebchymt. Und me het mir nes
anders Roß zuegfuehrt, aber das Mol nes frömmers,
's Wirths olti Fühlmähre. Nume mys ſchöne Män-
teli — das chöſtlig Mänteli han i leider müeße zrug-
loh, und iſch doch dr Byſe zoge ſo dünn und halt dur
mys dünne bouelige Ritterchleid dure!

's iſch die gröſti Zyt gſi, daß i wieder i Aktivitet
trete bi.

I 's Wirths Hoſtet hei 's Melchthals ſcho z' Acher
gſahre — im ſchuechteuſe Schnee — der Ueberfall, der
Dhſeraub — Alls het ſi ganz nach Noten abgwigglet,
nume hätte ſie bold z' natürlig aſo ſpiele, d. h. nander
bi der Häckete d' Chöpf hgſchlage. Bim Augenuusſteche
ſi ſogar d' Zueſchauer ganz wild worde, hei grueſe:
„Thüet doch die Hallunggen au grad zweg näh! Hauet
ne d' Grinden ab!“ — — Dr Schwur im Rüttli, dä
iſch prächtig gſi, ha Manne gſeh im Bolch, hei ebeſals
d' Schwörſinger uufgha frei höch, ſo patriotiſch het ſie
das agmuethet, die Rede, dä Gſang — — Dr Depfel-

schutz — da 'sch ne Tell gsi, dr Dokter, zum Bewundere!
 Und nit minder dr Gefler, hert wie Hsen und Stachel.
 Alli hei si bi dem Alt ganz famos usebisse, g'ärgert het
 mi halbertheil nume my Bertha, wegen ihrem programm-
 widrige luute Pachen und Brichte mit Dem und mit
 Diesem, linggs und rechts bi dem ernsten Alt, und aß
 sie unufhörlich öppis gschlecket und gmöffelet het, Leckerli,
 Ruß und dürri Zwetfchge! Aber z' grechtem höhn hätt i
 doch nit chönne werde, sie isch so schön az'luege gsi. Und
 het mir selber ne prächtige Channebire glängt, us ihrem
 eigene Sack — 's isch mr fryli nit ganz guet agstande
 i selbem Moment, gradglych han i dry bisse, ha nit an-
 derisch chönne — — Und dä Hochzytszug, Geflers Tod
 i dr hohle Gaf — wie het do 's Bolch gjublet über das
 wohlverdienten End, als wär 's dr Tyrann selber gsi,
 lybhaft — — Und dr Schlußchor, dä Männerchor uf 'm
 Bendihübeli — au der Gefler het mithulfe und syni Spieß-
 gjelle, und fei Mensch het si dra gstoße — das het klunge,
 so chrestig und kühn, und agschlagen im Chilchbann änen,
 a dene Hüüsere zringsum, 's Herz im Lyb het eim gla-
 chet vor Freud, hebt vor Heldemueth!

Ich selber ha bi dem guete Verlauf my Ufal schier
 rein vergesse gha und mit mir au dä ganz Huuffe Volk,
 ömel für dä Augenblick. Mit eigenen Ohre han i 's
 fört, wie Chly und Groß, Ma und Wyb zsäme gseit hei:
 „Gel, wie das schön gsi isch, die Kummeeidi, dä Gjang —
 o prächtig! So öppis wär doch bim Utschuelmeister
 nie müglik gsi, hätt's nit zweg brocht, bewahr! Und
 wenn 's dr Pfarrherr au nit gern gseh het — ömel apparti
 Sündhäfts han i nüt gseh und du denk au nit?“ — —

O da 'sch Balsam gji uf my Wunde, uf das Abegheie! I ha mi ganz ghobe gfüehlt und bi stolz hergritte nebe mym eroberte „Brunegg-Fräuli“, 's Dorf ab, mitts im Bolch. Und dr Fründ Tell isch neben ine glause und het mir warm d' Hand drückt und gseit: „Ganz famos — nit wohr, Schuelmeister? Bisch jek nit zfride?“

Uf dr Chrüüzgaß het si d' Harisdörfer Tanzmußig postiert gha für is abzhole; mir z' Roß hei vora müesse, d' Theaterlüüt, dr Gsang, 's Bolch — da 'sch ne Zug gji, schier ohni End, wie Mattewyl no keine gseh gha het. Und luuter no, as d' Mußig und 's Gsang, hei d' Bueben und Meitschi g'johlet und g'juuzget neben ine, sogar ölteri Mannli hei d' Hüet gschwunge vor Freud und 's Tubacke vergesse für dä Moment — was doch öppis heiße will!

Nume der Gerberhans han i niene gseh, nei mit keim Aug. Doch was kümmeret mi dä Burscht? I'sch jo das Meitschi a myner Syte ganz Glück und Freud, strahlet wie d' Morgefunne und thuet so unsglasse neckisch und lustig und fisset so übermüethig mit dr Rytpeutsche a mym Schlepper ume, für ne wild zmache, aß mir bold Angst wurd — ach, dä isch frein wie nes Schoof und thuet nüt drab, gottlob! — — Und bym Absthyge vor 'm Wirthshuus gumpet mir das herzig Meitschi frei i d' Arme, aß ig schier umrenne vo dem süesse mächtigen Aputsch — Stolz und zärtlich zueglych han ig sie a Arm gnoh und i d' Wirthsstube bleitet — do am mittlere Tisch hocket breit und gstabelig dr Gerberhans und trinkt mit 'm Stadtmetzger Wychauf. O du Trochjoggi! han

i denkt. Bin en arme Schuelmeister, aber mit dr tuusche thät i nit! Gesh denn au gar feis Temperament? Chönnsch ein am End no ordli duure — so ganz ohni Freud!

Und wien i ne Butelli Rothe bstelle, vom Zeh-
batige, frogt dr Wirth: „Weit dr nit lieber überuse go,
i Saal? Dr Tisch isch deckt!“

„Wol!“ han i gseit, „isch mr scho recht, mir passe
nit dohh, chönnte schiniere!“ — Aber o jere, dä dick
Gerberhans het dä Trumpp nit gmerkt, het drglyche tho,
er för's nit, und die Hüüfli Neuthaler nochzellt, won
'm dr Metzger anegleit het; und nit aufgluegt.

Das Esse — sit selbesmol i dr Stadt, als jungs
Chnäbli, bin i a feim eigetligen Esse meh gsi. Aber
dä is isch nüt gsi gege das Ordinäri! Denn dört isch
nume dr Vikari, do aber nes Meitschi nebe mr gesse,
's schönste, fürnemsten im ganze Dorf; und das het au
gar nüt zimpfer tho, het agstoße und Gfundheit gmacht
und uf alli Gspasswort g'antwortet linggs und rechts,
und so fröhlig und schalkhaft glachet und vor Uebermueth
nit gwüßt was 's will afo, het mr Bize Fleisch uf e
Teller ane gleit und Soosse dra gschüttet, für zwee drei
Ma z'gnue, und Salz und Pfeffer dra gheit und mi
gheissen essen, aß ig au drüeih; und mi gneckt uf alli
Wys — Als het numen uf sy glost, ab ihre glachet,
dr halb Tisch; nume 's Schnyders Kiseli nit — worum
's Schnyders Kiseli nit? — Und i ha vo dene guete
Sache schier nüt abe brocht vor lunter Glückseligkeit, ha
gnue gha mys Meitschi azluege, synen übermuethige Plau-

dereie und Gspäße zlose, bi völlig aufgelöst gsi und i höheren Sphäre gschwumme — — — —

Do föh sie afo d' Gyge stimmen im Tanzsaal äne. My Ammarei cha d' Züefli scho nümme still ha, trämpelet unter'm Tisch und luegt so urüehig no dr Thür hi — ma 's de gar nit gwarte, wien ig au? I nime d'Händschli füre, won ig extra kauft ha für die Glegeheit und zieh sie a. Me spielt e Walzer, dr schönst herrligisch Walzer, i jucke freudig uuf und — schieße mit 'm Hinterhopf a öppis Dicks, Fests a — wer stoht do hinter anis? Dr Gerberhans — — Was will dä do? Ig selber thuen 'n frage, ganz etrüftet: „Was guets, Mano?“

Dä seit aber ganz troch: „Blyb Du nume rüehig, Schuelmeister, will nüt mit dir — nume chly mit mym Meitschi go tanze —“

„Mit Cuem Meitschi —?“

„Fryli jo, wenn 's erlaubich!“

„Ig erlaube 's aber nit!“ han i gschraue. „Will wüsse, mit welem Recht —“

„Do frogst dä Büttel no: mit welem Recht — isch das nit glächerig, Ammarei? Hahahaha!“ — Er fasset sie bi dr Hand, und — o was mueß i gseh? — sie stoht willig uuf, und won ig mi ganz wüethig i Weg ine stelle, schiebt mi das groß dick Kameel eifach uf d' Syten, af i i Egge ine zwirblen, und seit: „Thue doch nit so dumm! Hesch jo dr ganz Tag chönne mit ere dr Hanswurft mache und ha nüt drwider gha — hahahaha!“ Was sie, d' Ammarei, zue mr gseit het — i ha 's vor Täubi nit kört, ha nume gseh, wie die Zwöi Arm in Arm und majestetisch zur Thür uns göih — —

„Wo isch dr Tell? Wo isch dr Dokter?“ han i gschraue, „i will Aufklärig ha, uf dr Stell!“ Ha zitteret am ganze Lyb vor Born, vor Bueth. Aber Alls isch use go tanze, und Niemet meh am Tisch, as dr „Frieszhard“, und dä het bereits nen Aff gha und am Tischegge gschlooffe; und 's Schnyders Kiseli, für dr Tisch und d' Garderobe z'hüete — — Und das Kiseli seit: „Dr Dokter isch furt, plözlig furt, het müesse go helfe „füle“*), uf Vätthusen use — isch ungern gnue gange! — Und wege der Ammarei — o scho lang, scho mängisch han ech 's welle säge — im Vertraute — und ha nit dörfe, ha mi gschiniert: das Meitschi, die rychi Buuretochter, trybt nume Gspass mit Euch —“

„'s cha nit sy! I cha 's und will 's nit glaube!“

„Ach Gott, wie wett 's nit chönne sy? Isch jo im ganze Dorf bekannt: dr Gerberhans isch sy Schatz, isch sogar mit 'm versproche — dr rychst Buuresuhn wyt und breit! — — Aber leid isch 's grodglich vo dr Ammarei, Anderi so z' löfle, so z' nare! Und wie dir mi duuret heit, vori, i cha 's nit säge — —“

Und das arm Meitschi het würklig nes Thränli gha i den Auge. Aber i ha fettig's chuun g'achtet, ha nume eis Gfühl gha: My unermessligi Siebi, dä schrecklich Affrunt! Und aß d' Ammarei falsch und untreu syg und dä grob Bursch chönn estimieren und liebe — „'s cha nit sy, i glaube 's nit!“ han i wieder gseit, „mueß mi selber überzüüge!“

Bin use gestürmt. Und ha mi chönnen überzüüge zum Ueberdruß — —

*) fehlen.

Do nebe 'm Tanzsaal zue, im ene gheizte Nebetzimmerli sitze nom Tanz dr Hans und d' Ammerei am Tischli und e mächtige Türggebund vorane und e Gläsche Butschierte und essen und trinken und mache Gspäß, uf ihri groblächtig Art, und zelle vom hütige Tag vo — vo — mym Abegheie — und lache, eis grüüsliger as 's ander — —

Und das han i chönne gseh und köre mit eigenen Augen und Ohre, dur e Thürespolt dure, d. h. sie isch handsbreit offe gsi — — Hätt me mr mhs Todesurtel verchündt wege Mord und Raub und Hiiüfverbrönne, uf dr offene Straß, 's hätt mi nit ärger chönne betrüebe, vernichte! Und e Raserei isch über mi cho, ne tollt Lustigfeit, i bi i Saal füre g'ht, ha ei Gläschen um die anderi befohle, bi mit ein Weitschi um 's ander go tanze, meist abr mit 'm Schnyderliseli, ha tanzet wie närrisch und gumpet und gjuuzget und gsungen, aß si Alls verwundet het; nume 's Lijeli nit, das het frei Angst übercho und afo abwehren und zletscht afo briegge wie nes Chind. — Und wo die stolzi Ammarei einisch chunnt und seit: „Syt dr no höhn, Schuelmeister? Wei mr nit au eine zjame?“ do han i aber d' Hand abwehred uusgütreckt und zornig dekleiniert:

„In gährend Drachengift hast Du

Die Milch der frommen Denkart mir verwandelt,

Zum Ungeheuren hast du mich gewöhnt —“

und ha spöttisch gsunge: „Ich hab — ich hab schon einen andern Schatz, geh du nur immer zu!“

„Er isch us 'm Hüüsli, my Seel us 'm Hüüsli!“ han i kören sägen, i weiß nit vo wem.

Und würklig, i bin ganz us 'm Hüüsli cho — —
Und de Morge, wo dr erst Sunnestrahl dur d' Fenster
schynt und ig i dr Gaststuben unten am Tischegge hocke,
hgnückt und ohni Sinne, do chunnt d' Frau Wirthenen
und weckt mi, weckt mi mit aller Gwolt und seit: 's isch
ne Frau do, Schuelmeister, und will mit ech rede — ne
fröndi "

Und wien i d' Augen musryben und uufsuege —
wer isch 's, wo voramer stoht? D' Tantegotte, mys
Muetters Schwester — oder ihre Geist? Mei, sie selber,
i armüethigem Chleid und leidem Aussächen und großer
Gast, und seit — was sie seit, lang han i 's nit recht
chönne begryfe — dä schwer Chopf, die schwachen Auge,
das müede Ghirn — Endlige han i 's doch begriffe:
d' Muetter, my Muetter syg chrank, 'n ungsünneten
Ahal — —

D' Muetter chrank — —

Lebt denn my Muetter noh? Stoht 's Hüüsli no
deheime? — — Sit Langem, Langem han i nimm a
mys Heimet denkt, nit emol a d' Muetter, ha Beedi ver-
geffe gha — Als wege my närrische Liebi, der sinnlose
Liebi zue dr schnöde liechtfertige Buuretochter! Ha all
my freyi Zyt vertänderlet wegen ihre; im Wachen und
Traume nume a sie denkt, die Treulosi; und drob my
eigeni Muetter vergeffe, my treni gueti Muetter, wo Als
tho het für mi, Als glitten, Als uufg'opferet; und ere
nit e mol gschribe, fei churzi Zylete meh sit länge, länge
Wuchen — Als wege dem unsglasne Meitli; 's Bete
fogar vergeffe, jo 's Bete — — Und mys Geldli ver-
schleuderet, mys suurverdiente Geldli, für Gstaad zmache,

im Wirthshuus z'hocke, Sigare z'raucke, Raretheien
az'schaffen, Alls für ihre z'gfallen, die mi so elend
g'narret het! Und ha my armi Muetter deheim lo webe,
lo darben, i ihren olte, müehselige Tage!

Und won i d' Frau Wirthi no myr Uerti froge, vo
dem ganze Gspäß, sit gester Obe — — und i zahlt gha
ha, die uvernünftigi Summ — do han i no paar Baze
fürgha, blöfeli gnue, für dr Gotte nes Süppli z' zahlen
und es Glas Wy. Und fast Alls nochgezoge gha, bim
Schaffner! — —

D' Gotte müed und ängstlig, ig selber in ere Gmüeths-
und Nyhsverfassig, die si mit nüt verglyche, nit beschrybe
loht — so si mr zsäme hei zue g'wandlet, dä wyt wüest
Weg, drei Stund Berg uuf und ab, i dr strenge Chölts!
Mir aber isch der Schweiß zue alle Poren uus drunge.

— — — —

*

*

*

D' Muetter isch gly wieder z'weg gsi, gottlob!

Ig aber nit!

Es hitzigs Fieber het mi ergriffe und mr lebes-
gährlig zuegsetzt. Und ha mi derwyle mit schwarze
Riesen und schlimme Hexen umegschlagen, und die Riese
hei all s' Unsäcke gha vom Gerberhans, und die Hexe
hei glachet grad wie die Gini, Grundfalschi —

Und won i wieder zue mr selber cho bi und d' Augen
aufmache, do isch 's Erste gsi, won i erblickt ha: my
liebi gueti Muetter, bleich und abzehrt, 's Aug voll Thum-
mer und Weh. Jetz aber soht dä Blick aso lüüchte vor
Freud, sie ergryft mi bi dr schmale magere Hand und

seit: „Kennsch mi jetz, Melchior? O Gottlobedank! Wie han i Angst gha, die Zyt uus — nit z'beschrybe — —“ Und 's Augewasser lauft ere die bleiche grunzelige Backen ab; und sie leit mr 's Chüssi zweg und längt mr nes Chacheli Bindethee und strycht mr Wiehwasser a und faltet d'Händ und seit: „Wei zum Liebegott bete, bi dym glücklichen Erwache!“ und sie betet mr 's vor, das Chindemorgebet, wie sie 's tho het vor zwänzg Johre. Und das het mi so seltsam agnuethet, so wunderbar tröstet — — Und sie het mr nes halbs Tellerli voll Suppebrüehi glängt, und isch mr mit dr Hand übr die chalti Stirne, übr die mageri Backe abe gfahre — o wo isch die Hand, so lind und zärtlig, wie d' Muetterhand?

Und mörnderisch de Morge, wo my ordli chrestiger gfühl ha, seit sie: „Jetz, Melchior, muech mr dy Bycht ablegge — wotsch? Alls säge, was dys Herz quält het und no quält, alls Unguets und Schadhafts, wo über di cho isch — säg mr das Alls, Melchior, mir, dyr sorgsame Muetter! Wei luege, was z'helfen isch — — Und i han ere bychtet, Alls, vo Anfang bis zue End — — und bygfüegt: „Jetz chummt 's mir selber vor, wie ne dumme wüeste Traum. Mit 'm Fieber isch au all die Eifältigkeit verfloge, wie Schuppe fällt 's mr vo den Augen — und hüt chan i währli nit begryfe, wien i so nes Wohlgfalle ha chönne fassen a dem ungebildete, groblächtige, liechtfertigen und herzlose Meitschi! Hüt chummt mr Alls i Sinn, was i selbi Zyt, i mym Dusel inn, rein überseh ha: die grobe Wort, wo sie ihren Eltere gä het, die Dummheit, das eifältige, vorlauten, unzimpfere Thue, die Schlechthastigkeit und Unuussligkeit i alle Dinge — churz,

und guet, wien ig mi i das schön hohl Lärveli eintisch so fterblig ha chönne vernare! O Muetter i schäme mi nume dra z'denken a die eifältigi, chrüüzdummi Gschicht! Uf Mattemwyl gohn i mym Lebe nimm, thät mi z' häfti schiniere.“ —

„O du dumms Chind!“ seit d' Muetter, „z' schäme z' schäme — für was? Aß di von emen übermüethige gmüßeloje Buuredotsch zum Beste hesch lo ha? Da'sch scho Tuusige passiert vor dir! Und d' Mattemwyl si gar nit so ungschickti Lüüt! Si scho do gsi, jüngerer und ölteri Burschte, und hei dr nohgfrogt, no dr Gfundheit — eis nöjen e Dokter; und Grüeß hinterloh — ach, i dem Elend han i die Näme rein vergeße! Und au nes Meitli het im Verbygoh a d' Thüre ghoschet, nes grüüslig ordligs, zimpfers, schüüchs, a dr Gattig a ne Näihere; und dr Gotte nes Pfund Zucker glängt und gueti Bessrig gmüünscht und isch verschwunde wie nes Reh.“

Da'sch 's Schnyders Rißeli gsi! han i denkt — —

Und e Sunnestrahl isch ine drunge, selb Moment, zum Fensterli h, ne warme Früehligs-sunnestrah, und dä het glüüchtet a mi äne, aß wett 'r „Gottwilche“ säge, ne Grüeß bringe us wyter Ferni. Aß i grad a das Rißeli ha müesse denke — — a die große frommen Auge, a dä theilnehmend, truurig Blick, a die schwarze Löökli uf dr wyße Stirne, a die schmale syne Bäckli, a die schlanggi gflinggi Gestalt, a das stille, sittsame, keusche Wese, wo si so geduldig füegt i die tägliche Sorgen, i's Waters Luun; und hei anderer Erholung kennt, as, vo ihrer herrlichen Erststimm nes fröhligs Lied — aß mr bi dem Sunnestrahl grad 's Rißeli, dä Aeschebrödel, i Sinn cho isch?

Vo dusse her für i nes Kopf stampfen, und ine chunnt — mi Fründ Behdokter! Und wien 'r mi gseht uufrecht sitzen im Bett, streckt 'r mr fröhlig d' Hand etgegen und seit: „Jez isch wieder Alles guet!“ Und er nimmt zwo Fläsche Wy unter 'm Kaput füre: „Do trink vo dem, Chnab, da 'sch besser as 'm Dokter sy bitteri Rustig! Und heb Ernst, aß gly wieder zweg bisch — mir blange scho lang, die ganzi Schuel, dr Gsang, d' Chnaben und Meitli all im ganze Dorf! Gester isch Gemeinversammlig gsi und ohni viel Gred isch bschlosse worde, me well dr d' Bsoldig e be mache d. h. uufbessere — — Ha nämlig e chlyni List bruucht und gseit, d' Härtsdörfer hätte di gern — und grad glogen isch 's nit! — — Und settsch ne Zorn ha über euji — Familie — loh 's vergesse sy! Mir het dä Vorfal schier mehr Verdruß gmacht as dir, und a Vorwürfe han i's nit lo fehle, darffsch mer 's glaube! Gester isch d' Hochzyt gsi — — Und sie — weisch wol wer i meine — het mr uuftritt, vor 'm z' Chilchegoh noh, i sell di um Verzeihung bete, sie heb 's nit so böös gmeint, sig Alles im dummen Uebermueth gscheh — —“

— — — — —

Sell i no wyters erzelle?

Sell i erzelle dä fründlig Empfang z' Mattewyl, my neuu freieri und festeri Thätigkeit i dr Schuel, im gfanglige, gsellschaftlige Lebe? Wien i notisnoh nööcheri Bekantschaft mit dem Schnyderliseli gmacht ha, vo Tag zue Tag ihri gueten Eigefchaste mehr ha lehre schätze? Wien i, wo ihre Vater gstorben isch, us 'm Schnyderliseli ne glückligi Frau Lehreri gmacht ha und i ihres

Hüüsli zoge bi, i ihres eige Hüüsli? Und wien i zur
selbe Stund mi liebi olti Muetter zue mr gnoh ha und
wie mr ghuufet hei, mir drü Vüütli zfüme, i Fried und
Eintracht, i gueten und böse Tage? Bi is unverhofft
nes bessers, mys jekig Gstell übercho ha — sell i das
no erzelle?

's cha sy — spöter denn!



THE
LIBRARY OF THE
MUSEUM OF NATURAL HISTORY
AND
ZOOLOGY
OF THE
CITY OF BOSTON
1871

1871



